

**PATRIS F. CAROLI  
LANTERII  
GENUENSIS ...  
CELEBERRIMA  
DISPUTATIO, IN...**

---

Carlo Lanteri, Philip Gruther, Pietro  
Marini





8.41.415





8. H. L. 4. 15

# PATRIS F. CAROLI LANTERII GENVENSIS

ORD. MIN. REG. OBSERV. PROVINCIÆ TERRÆ

Laboris, Sac. Theol. Lectoris Iubilati, & Ex-Ministri:

totius Ordinis iam Diffinitoris Generalis, ac in

Romana Curia Commissarij Generalis,

Et ad præsens Discreti perpetui;

Nec non Sancti Officij Romæ Qualificatoris.



## CELEBERRIMA DISPUTATIO,

*In qua subtilissimi Doctoris Scoti perspicuè mens aperitur, &  
exactè ad illius aures exprimitur sensus,*

De modo, quo causa secunda ab Efficiente primo  
in operando dependet.

REVERENDISSIMO PATRI

## F. FRANCISCO MARIAE

RHINI A' POLITIO

TOTIVS ORD. MIN. MINISTRO GENERALI.



*Comptrolleur  
Agosto 1675  
Filius Guis  
cm.*



ROMÆ, TYPIS MICHAELIS HERC. M.DC.LXXII.

SUPERIORVM PERMISSV.

THE  
AMERICAN  
DISCOVERY

THE  
AMERICAN  
DISCOVERY

THE  
AMERICAN  
DISCOVERY

REVERENDISSIMO PATRI

**F. FRANCISCO MARIAE  
RHINIA' POLITIO**

**TOTIVS ORDINIS MINORVM  
GENERALI DIGNISSIMQ,**

In Vrbe Solyma nuper Præsidi alterius Salomonis  
adinstar; de Syon tandem reduci, Seraphico  
Coetui omnium calculo ad Urbis Or-  
bisque applausum ritè rectèque.

**PRAEFECTO,**

**QVI**

A tuæ inaugurationis exordio totam Seraphicam Familiam  
doctrina illustrasti, disciplina exornasti, suavis-  
simo coadunasti regimine

**CVIVS**



Magna micat cunctis prudentia, siuè in Patrum medio,  
siuè in Magnatum coetu, siuè in Principum Consilijs.

**CVI**

Italia Patriam, cui Solyma folium, cui Regna reueren-  
tiam, cui totius Seraphidum Ordo in gemino Orbe  
filiale iugiter præstat obsequium.

2 2

**QVEM**

# QVEM

Non popularis auræ arbitrium, non ardens ambitio, non insana cupido ; sed sola ad tantos virtus euexit honores .

# A QVO

Nos Francisciades veluti ab alio flumine exeunte de medio Paradisi tantis donis irrigamur , & gratijs abundamus magis ; maturescimus vberius , conuiui-  
mus foelicius.



V M primùm in celeberrimis totius terrarum Orbis Academijs ea , in qua modus exquiritur , quo à supremo Efficiente in propriorum effectuum productione creatum dependeat Agens , agitari disputatio cœpit ; & si tunc , REVERENDIS-  
SIME PRAESVL, nonnemo è no-

strorum Scotistarum numero fuerit , qui reuocaret in dubium , quidnam in re hac existimàrit , & in varijs suorum scriptorum locis vt propriam aperiret ibi sententiam , Scotus ipse protulerit : His verò temporibus non defuere quidam Pseudo-Scotistæ , qui vel vt ex immoderata gloriæ laudisq; cupidine , nouis inuentis atq; figmentis apud imperitos nominis celebritatem aucuparentur , vel quia potius tanquàm vilissimæ noctuæ in profundissimam Scoti doctrinam velut in fulgentissimum Solis iubar mentis aciem intendere nequeunt ; sic in  
meri-

meridiana luce cæcutière , vt apertissimum Scoti sensum de modo , quo in suis operationibus ab Ente primo inferiores causæ dependeant , funditus euertere , vel saltem extorquere tentarint . Hinc igitur animaduertens ego quòd maius plerumque à domesticis insidiatoribus ; quàm ab hostibus extraneis detrimentum immineat ; nolui deinceps certissimam ac firmissimam Doctoris nostri sententiam in ancipiti opinionum freto distactam , & aliorum vitio naufragantem , & penè ad falsitatis scopulum indignissimè adhærescentem intueri . Quamobrem decreui quidquid ad Scoti mentem hac in re dici posset , summa diligentia in vnum veluti corpus coactum præsentì Disputatione concludere ; quo tandem desinant audaculi Sectatores ad peruersos , & districtissimos sensus sui Magistri detorquere sententiam . Cæterum tunc mihi videbor quasi nauigium ad tranquillissimum Portum , post diurnæ tempestatis labores ac pericula , foeliciter appulisse ; si post longas atque exactas inquisitiones , subtilissimam Scoti doctrinam in ipsius veritatis sinu blandissimè quiescentem ostendero . Quod vt quàm commodissimè efficere , nullam mihi certiorè rationem offerri posse putavi , quàm si ad Tuæ Reuerendissimæ Paternitatis ; veluti clarissimæ Cynosuræ aspectum mei nauigij cursum pro consequenda veritate dirigerem , atque ad Tui fauoris benignissimam auram confidentissimè mearum omnium rationum vela laxaré . Ita enim spero futurum , vt tanti Ducis fauentissima protectione directus , neque horribiles inuidorum atque obrectatorum Scyllas Charybdesque ; neque passim obuios offensionum & querelarum scopulos , neque tamen periculosa multorum ignorantie Syrtes magnoperè metuendas agnoscam . Adde ,

quòd Tuæ Benignitatis tutela erga meos qualescunque labores atque conatus, illud non vulgare commodum consequetur; quòd veritas hæc ex ipsissimo veritatis fonte, & germanissima Scoti mente collecta, cùm Tuæ auctoritatis doctissimo calculo apparuerit approbata, omnium Scoti amantium pectoribus altius infidebit. Tibi namque supremus ipse rerum Opifex, miraculi instar aliquid edere gestiens, omnes Maiorum Tuorum (ne dicam Scotistarum) concessit virtutes; ut quas in singulis admiramur singlas, in Te suspiceremus vniuersas. Accipe itaque doctissime Mœcenas, serena (qua soles.) fronte literarium hocce munusculum meum Tibi de industria paratum, Tuo sagaci expositum iudicio, Tuis virtutibus ac magnis debitum meritis: quod in lucem bono publico protractum, Dignitati Tuæ præ alijs, in grati animi symbolum, nunc submissè offero, dedicoquè, daturus aliquando ( si Numen fauceat, & tempus sinat ) maiora, Tuoque digniora nomine. Vale Scraphici cœtus eximium decus & emolumentum, neque pristino illo ( quo cœpisti ) semper fauore, & in posterum prosequi perge.

**Vestræ Reuerendiss. Paternitatis obsequentissimus seruus;**

**Filius deditissimus.**

**F. Carolus à Genua.**

*Vt*



**V***T. Liber, cui titulus est, Tractatus in secundum Sententiarum; & celeberrima Disputatio, in qua subtilissimi Doctoris Scoti perspicue mens aperitur, & exacte ad illius aures exprimitur sensus de modo, quo causa secunda ab Efficiente primo in operando dependet: ab Adm. Reu. P. Carolo Lanterio Ianuensi compositus, necnon à Patribus Dominico ab Argentio, & Cherubino de Iaci Lectoribus Generalibus perlectus & approbatus, Typis mandari possit; his nostris facultatem opportunam concedimus, quantum ad nos spectat. Dat. Romæ ex Araceli die 30. Martij 1669.*

*Fr. Euangelista Parzagus Commissarius Generalis.*

---

#### APPROBATIO OPERIS.

**D***E mandato Reuerendiss. P. Fr. Euangeliste Parzagi Ordinis Minorum Regularis Obseru. S. Francisci in hac Cis-montana Familia Commissarij Generalis, Librum hunc, cui titulus est; Tractatus in secundum Sententiarum; & celeberrima Disputatio, in qua Subtilissimi Doctoris Scoti perspicue mens aperitur, & exacte ad illius aures exprimitur sensus de modo, quo causa secunda ab Efficiente primo in operando dependet: ab Adm. R. P. Carolo Lanterio Ianuensi Lectore Iubilato, ter Ex-Ministro Prouinciali Prouincie Terræ Laboris, iam Diffinitore Generali, & Ex-Commissario Curie elaboratum, & mira eruditione compositum, iuxta Scoticæ doctrine præcepta, accuratissime vidimus, & omnia animi studio perlegimus: Et sicut nihil in eo reperimus, quod solidam doctrinam Subtilissimi Doctoris non redolet; ita nihil*  
*quod*

quod Fidei Catholicae sit dissonum, vel Christianis moribus de-  
uium, notauimus. Quare illum publica luce dignum iudica-  
mus ad maiorem Dei gloriam, S. Ecclesiae ornamentum, Reli-  
gionis Seraphicae utilitatē, & Scoticae doctrinae recommendatini.  
Dat. in Cōuentu S. Mariae Nouae Neap. die 20. Ianuar. 1669.

F. Dominicus ab Argentio S. Theol. Lector Generalis.

F. Cherubinus de Iaci S. Theol. Lector Generalis.

---

**V**T ea, qua excepi, Reuerendiss. P. F. Hiacinti Libelli, Sacri  
Palat. Apost. Magistri iussu, promptitudine exequeret, ac-  
curatè perpendi celeberrimum Theologicum Tractatum, De  
modo, quo Causa secunda à primo Efficiente dependet, ab  
Adm. Reu. P. F. Carolo à Genua Ord. Min. Regul. Obseru. Pro-  
uinciae Terrae Laboris, Sac. Theol. Lectore Iubilato, & Ex-Mi-  
nistro; totius Ordinis iam Diffinitore Generali, ac in Romana  
Curia Ex-Cōmissario Generali, et ad præsēs Discreto perpetuo;  
nec non S. Officij Romae Qualificatore, amabili stylo, elegantiq;  
claritate, iuxta subtilis mentem Doctoris, eruditissimè conscri-  
ptum. Nilquē in eo, quod Orthodoxae Fidei, sacrisq; dogma-  
tibus aduersetur, comperi; immò totus, quantus est, Subtilis do-  
ctrinam sapit, adeò ut in Iubilati Auctoris ingenio, Scotus ipse  
adhuc viuere videatur. Quare, ut luce dignissimum reor; si  
modò his, ad quos pertinet, placuerit. Romae, ipso SS. Apo-  
stolorum Petri, & Pauli peruigilio, Anni 1671.

Carolus Guadagnius S. Th. D. & S. Felicis  
Nolani in Pincis Praepositus.

Impri-

INDEX



**Imprimatur, si videbitur Reuerendiss. Patri Magistro Sacri  
Ap. Pal.**

*L. de Ang. Archiep. Urb. Vicefg.*

XXXXXXXXXXXXXXXXXXXXXXXXXXXX

**Imprimatur:  
Fr. Hiacyntus Libellus Magister Sac. Ap. Pal.**

**INDEX**

# INDEX

## PROPOSITIONVM DISPUTATIONIS

De modo,quo causa secunda à primo Efficiente  
in operando dependet.

- Proposit. I. **P**roponuntur opiniones Doctorum. pag. 3.
- Proposit. II. **A**dducuntur testimonia, quibus probatur Scotum insinuasse primum modum explicandi agentis creati à primo Efficiente in operando pendentia. 10
- Proposit. III. Ostenditur euidenter Scotum fuisse penitus alienum ab opinione Durandi, & explicantur testimonia in oppositum adducta. 17
- Proposit. IV. Proponuntur nonnulla testimonia ex doctrina Scoti desumpta, quæ præcedentis Propositionis veritatem ~~enervare~~ videntur. 25
- Proposit. V. Ostenditur multipliciter Scotum sustinuisse de mente Philosophi supremum Efficiens mediaturum per inclusionem alterius causæ, tum etiam per exclusionem propriæ virtutis in sublunarium productionem influere. 33
- Proposit. VI. Ist hæc eadem Scotica veritas demonstratur ulterius. 43
- Proposit. VII. Efficacius id ipsum ostenditur demum. 53
- Proposit. VIII. Explicantur testimonia Proposit. 4. in oppositum adducta. 58
- Proposit. IX. Explicantur alia testimonia in eadem Propositione 4. relata. 67
- Proposit. X. Ex prædictis nonnulla Corolaria deducuntur. 73
- Propo-

**Proposit. XI.** *Ostenditur Scotum insinuasse secundum explicandi modum.* 81

**Proposit. XII.** *Demonstratur Scotum nè somniasse quidem secundum explicandi modum.* 89

**Proposit. XIII.** *Prosequitur idem intentum.* 97

**Proposit. XIV.** *Expenditur, qualem indeterminationem habeat creata voluntas.* 105

**Diffic. I.** *Vtrum libertas voluntatis consistat in indifferentia ad contradictoria, aut in negatione determinationis ad alteram partem, positis omnibus requisitis in voluntate ipsa, necessarijs ad eius operationem?* 105

**Proposit. XV.** *Arguitur pro affirmatiua.* 118

**Diffic. II.** *Vtrum libertas essentialis voluntati, ut voluntas est, sit constituenda in immunitate à coactione, & in facultate determinatiua sui ipsius, non tamen in altero istorum praecise?* 123

**Proposit. XVI.** *In oppositum arguitur.* 127

**Diffic. III.** *Vtrum libero arbitrio creato puri viatoris, siue hominis, siue Angeli est necessaria indeterminatio ad contradictoria.* 131

**Propos. XVII.** *In qua concluditur indeterminationem esse necessariam libero arbitrio viatori.* 133

**Propos. XVIII.** *Probatur idem ex Scoto.* 136

**Propos. XIX.** *In oppositum arguitur ex Scoto, & responderetur.* 142

**Propos. XX.** *Intellectiua, & volitiua potentia non determinantur uniformiter.* 149

**Propos. XXI.** *Docens nonnulla Documenta ad abundantio rem intelligentiam determinationis voluntatis create à Deo.* 157

Docu-

<i>Documentum V. Respondetur difficultatibus.</i>	213
<i>Documentum VI. Soluens unam difficultatem.</i>	219
<i>Difficultas alia.</i>	221
<i>Propos. XXII. Ostenditur à quo, &amp; qualiter determinetur animata potentia.</i>	234
<i>Propos. XXIII. Species suum receptivum inclinat ratione longè diuersa, quam potentiam propriam determinet habitus.</i>	243
<i>Propos. XXIV. Difficultas proponitur, qua ratione videlicet posset habitus determinare potentiam, cum hæc sit causa superior illo.</i>	255
<i>Propos. XXV. In qua contra præcedentis Propositionis veritatem adducuntur nonnulla dubia, &amp; solvuntur.</i>	269
<i>Propos. XXVI. Notantur nonnulla.</i>	286
<i>Propos. XXVII. Deus ab æterno aliqua decreuit sic præcisè in se, quod non sub omni particulari circumstantia.</i>	325
<i>Consensus Scoti in hac conclusione.</i>	326
<i>Probatur decretum Dei respectu rerum in se.</i>	328
<i>Arguitur contra decretum in se.</i>	330
<i>Propos. XXVIII. Aliquod decretum potest terminari ad rem futuram, seu possibilem tantum ex suppositione.</i>	335
<i>Probatur conclusio affirmatiua, &amp; conditionale decretum.</i>	336
<i>Arguitur contra decretum conditionatum.</i>	338
<i>Propos. XXIX. Datur decretum indifferens.</i>	342
<i>Propos. XXX. Deus ab æterno antecederet ad præscientiam operationis arbitrij determinauit omnes actus peccaminosos quantum ad positiuam entitatem illorum, &amp; in tempore præuia motione verè efficienter, seu phisicè præmouet illud ad exercitium actuum substratorum peccatis.</i>	346

# DISPUTATIO VNICA DE MODO,

Quo causa secunda à primo effi-  
ciente in operando dependet.

*An de mente Scoti causa secunda ità subordinetur supreme,  
ut simpliciter necessario petat præueniri ab ea  
in actionibus suis.*

**P**Remissis nonnul-  
lis documentis,  
solutionem dabi-  
mus Disputatio-  
ni, beneficio aliquarú Pro-  
positionum.

## DOCUMENTVM I.

**D**Amnandus est error  
quorundam Mauro-  
rum, qui teste D.Thoma 3.  
contra Gentes cap. 69. sunt  
opinati creaturas nil penitus  
operari, sed Deum solú mo-

liri omnia ad præsentia crea-  
turarum. Refellitur error  
iste primò auctoritate Scrip-  
turę Genesis 1. *Germinet ter-  
ra herbam virentem.* Lucę 21.  
*Videte ficulneam, & omnes  
arbores, dùm fructus ex se pro-  
ducunt.* Facit ad rem nostrā  
illud D. Augustini 7. de Ci-  
uitate Dei cap. 30. *Sic Deus,  
quas condidit creaturas, admi-  
nistrat; ut eas suos motus age-  
re sinat.* Refellitur etiam ra-  
tione: namq; si creatura non  
agit; ergo nec homo: sed  
A                      absur-



absurdum consequens ; sic enim eripitur homini libertas, quæ est ad agendum, & tollitur bonitas & malitia humanorum actuum, legum vis infringitur, atque adeo humana societas euertitur. Mitto Philosophorum auctoritates, apud quos nihil frequentius, quam simile producere sibi simile, Solem & hominem producere hominem; nec dicas hanc operandi virtutem esse superfluum in creaturis, eo quod Deus per se sit sufficiens ad effectus quoslibet sine creaturarum concursu producendos: nam contra est; sed non potest dici superfluum per quod Dei bonitas, virtus & sapientia in primis elucet: at istæ Diuinæ perfectiones in hoc maximè elucescunt, quod creaturis largiatur vim operandi; elucet bonitas diffusionem seu communicationem perfectionis: elucet vir-

tus, nam dare effectui non solum esse; sed etiam vim productiuam, maioris virtutis est argumentum, quàm ei dare esse simpliciter: elucet sapientia; hanc enim creaturis virtutem concedendo facit, ut naturales effectus modo maximè connaturali. Adde, quod aliàs Deus non tot effecisset ac tam diuersas naturas, & organorum varietates, si nullis eis concederet usum.

#### *DOCUMENTVM. II*

**C**ertum est creaturas aliquas à solo Deo immediate produci. Tales sunt Angeli, materia prima, & Anima rationalis. Addo, quod non minùs certum est, creaturas scilicet à Deo productas, ab ipso etiam dependere in suo esse facto, seu conseruari; adeo ut creaturæ cuiuslibet cōseruatio sit eius quasi



quasi perpetua productio, vt  
i vel momēto cessaret Deus,  
repentē ruerent in nihilum.  
Accedat ratio: Perfectio  
simpliciter simplex, idest nō  
inuoluens imperfectionem,  
in Deo agnoscenda est; cūm  
sit ens infinitum in omni ge-  
nere perfectionis; sed dato,  
quòd nihil permanere possit  
in esse acquisito absq; influ-  
xu continuo Dei conseruan-  
tis, hoc arguit perfectionem  
simpliciter simplicem; igitur  
hoc Deo tribuendum est. Sit  
altera ratio: Quælibet crea-  
tura ita perfectē pendet à  
Deo, quàm vlla res creata  
pendeat ab altera; sed quæ-  
dam res creatę pendent ab  
alijs, non modò vt fiant, sed  
etiam vt conseruentur: sic  
enim lumen pendet à Sole;  
ergo etiam quælibet creatu-  
ra pendet à Deo in suo con-  
seruari.

*DOCUMENTVM III.*

Cūm certum sit quasli-  
bet creaturas à Deo  
tanquàm à prima causa, &  
suum esse, & suas simul ope-  
randi virtutes mutari; du-  
bium non manet, quin om-  
nes creaturæ saltem media-  
tē à Deo pendeant in opera-  
ri. Hoc vnum proponitur  
accuratē discutiendum; an  
creaturę à Deo pendeant  
etiam immediatē in operan-  
do. Veritatem hanc, vt aper-  
tam habeamus; restat, quòd  
ad Propositiones descendā-  
mus à prima incipiendo,

*PROPOSITIO I.*

*Proponuntur opiniones  
Doctorum.*

D Vrandus in 2. sent.  
dist. 1. quæst. 5. cūm  
nonnullis alijs non minoris  
notæ, partem amplexatus

A 2 est

est negatiuam. Contendit ergo Durandus subordinationem causæ secundæ ad primam posse adæquatè cōcipi per hoc, quod causa secunda proprium accipiat esse, & conseruetur in illo à causa primaria: quod fit, vt quantumcunquè se ipso solo inferius agens proprium producat effectum, adhuc tamen in illius productione à prima causa perueniri & dependere concludit; cum semper operari dicatur in primi efficiētis virtute, quā accepit ab eo, & in qua continuè conseruatur ab ipso.

Alij verò, hac Durandi reiecta sententia, autumant causæ secundæ à primo efficiente in operando pendentia essentialiter, & adæquatè compleri per illud; vt supposita virtute, quam accepit à Deo, & in qua conseruatur ab ipso, simpliciter necessario agens inferius exi-

gat insuper in actionibus suis simultaneum agētis supremi concursus: ea tamen lege sibi præstandum, vt nunquam determinatus, sed semper indifferens offeratur tribuaturquè causæ secundæ; quæ postmodum ex vi sui particularioris influxus determinare, ac modificare debeat influētiam illam indifferenter sibi exhibitam. Quod fit, vt non secunda primam, sed magis econtrà prima secundam in effectuum productionibus expectare dicatur, & vt ista causalis; ideò Deus operatur, quia causa secunda incipit operari, & opposita falsa.

Hæc iam explicata subordinatio causæ secundæ nunquam probari potuit, nonnullis ex veteribus, recentioribusq; Philosophis, qui contendunt econtrà vt semper determinatus, & nunquam agenti creato simultaneus &

cooperans influxus exhibeatur à Deo ; vndè manifestè deducunt , quòd ad perfectũ adæquatumq; conceptum , & explicationẽ subordinationis ac obedientiæ , quam in operando præstat efficienti supremo inferius agens : exigitur insuper , vt nunquàm istud ex vi determinati concursus exhibitĩ , in operationem prorumpere possit in ordine suo , illo nõ prorumpente prius in ordine suo . Semper igitur ad aures istorum causa secunda in actionibus suis superioris agentis expectat influxum , ea tamen lege ; vt nec antecederet , nec comitanter ad operationem , vel per inhaerentiam recipiat aliquid , vel per terminationem sentiat efficax Diuinæ voluntatis intimatum imperium . Quò fit , vt quantumcunq; in hac opinione causa secunda ad operandum applicari dicatur à

prima ; hanc tamen applicationem non sortitur de nouo inferius agens dependenter à primo per intrinsecam denominationem , vt ità dicam , quasi verò tribuatur sibi à Deo per impulsum , vel receptum , aut terminatum solummodò , vt dictum est : sed tantum per denominationem extrinsecam ad operandum promoueri , & applicari concipitur ; ex eo videlicet quòd causa secunda præhabens in esse quieto virtutem , & facultatem operandi ex vi eiusdem propriæ virtutis intrinsecæ , seipsam ad operandum excitat , & applicat in ordine suo in illo eodem tunc , in quo primum efficiens eandem eius initiat operationem in ordine suo ; vt hac ratione causa secunda quasi tanquàm annexa , & alligata efficienti supremo secundum primam entitatẽ ac virtutem operandi , quam habet ,

habet, ita dicatur sequi motum illius ex vi prædictæ connexionis cum ipso, ut nec antecedenter ad operationem, aliquem eius recipiat influxum, vel extrinsecam terminet, sentiatque intimationem imperij Diuini: sed ex mox prorumpente in actum in ordine suo causa primaria, quasi occasionem potius applicandi seipsum, & exeundi in actum in ordine suo, desumere videatur inferius agens, quam verè & realiter excitetur, & applicetur ab ipsa.

Hoc tamen non obstante ex eo, quod simpliciter necessariò in operationibus suis expectat primam causam prorumpentem in actum in ordine suo semper ista casualis, agens creatum operatur, quia Deus operatur veritatem, & opposita falsitatem includit,

Modum hunc explicandi

subordinationem; quæ præscripta est operanti causæ secundæ, ut insufficienter exprimentem illam respuit communior Philosophorum opinio; siquidem asserunt ipsi, quod quantumcunque dicatur agens creatum accepisse facultatem operandi, in eadem conseruari à Deo, simpliciter necessariò exigere in operationibus suis simultaneum primæ causæ concursum, & consimili necessitate perpetuò expectare primi efficientis executione decreti, quod ab æterno fecit, de operando cum causa pro tali differetia temporis; ut ipso exequente decretum, & exeunte in actum in ordine suo, subito in prorsus eodem indiuisibili signo se ipsum determinet, exeatque in actum in ordine suo inferius agens, adhuc non haberi adequatum, essentialemque conceptum rigorosæ subor-

bordinationis, quàm per cō-  
parationem ad Deum cogi-  
mur saluare in operante cau-  
sa secunda, nisi anteceden-  
ter ad operationem concipia-  
tur insuper excitari, & appli-  
cari ad operandum per phi-  
sicum, & præuium quen-  
dam influxum receptum, vel  
terminatum ad actum pri-  
mum agentis creati.

Sed animaduertendum  
est, quòd assertores eius sen-  
tentiae, licet conueniant in  
substantia istius anteuerten-  
tis influxus in causam; non  
omnes tamen vniformiter  
explicant modum ipsius,  
idest non omnes conueniunt  
in explicando quo sensu, &  
quo modo ad operandum  
prouocetur, & applicetur per  
ipsum causa secunda. Iacef-  
situr & applicatur, inquiunt  
alii per aliquid de nouo à  
Deo productum & impressū  
actui primo causae secundae;  
ita vt isthac præmotio, &

ad operandum applicatio sē-  
per fiat per productionem  
inherentis formae; quae se-  
cundum diuersos Auctores  
vel fluens est, vel permanens  
qualitas, vel actio quaedam  
virtuosa, quam non satis e-  
lucidant. Excitatur, & im-  
pellitur; asserunt alij per ex-  
trinsecum efficax propositū  
ac imperium Diuinæ volū-  
tatis, ita videlicet vt nihil  
prorsus producat per ipsū  
in causa secunda præmotā  
& applicata ad operandum.  
Consuevit hæc præmotio, &  
applicatio aptè vocari dela-  
tio, præsentatio, vel intima-  
tio efficacis imperij volun-  
tatis Diuinæ; vt tunc vide-  
licet causa secunda concipia-  
tur prouocari & applicari  
ad operandum, quādo Deus  
efficaciter ipsi intimādo im-  
perium, quo principatur su-  
per omnes sibi subditas cau-  
sas inferius agēs verè & rea-  
liter terminans illud, sentit  
effi-

efficacitatem eiusdem imperij iuxta illud D. Hieronymi lib. I. Comment. in cap. 8. Math. ubi explicant illud : *Tunc surgens imperavit ventis et mari &c.* Ex hoc loco intelligimus ; quòd omnes creaturæ sentiunt Creatorē, quas enim increpauit , & quibus imperavit , sentiunt imperantem . Et hoc pacto nonnulli ex Thomistis effingunt Sacramenta nouæ legis eleuari à Deo , vt phisicè inhærentis gratiæ productionem attingere valeāt. Fit igitur huiusmodi excitatio , & applicatio ad operandum , non per aliquid inhærenter productum in causa secunda ; sed per solam extrinsecā efficacem intimationē imperij Diuini , quod seipsa terminat , & in seipsa intrinsecè sētit causa secunda , vt clariùs infra patebit .

Cæterum isthæc intima-

tio imperij Diuini , & ipsius terminatio à causa secunda , vel ità præuenit ipsam in operationibus suis , vt simul prioritate à quo , & in quo semper anteuertat eam , vel vt tantum prioritate à quo ; quod idem est , ac si diccremus ordinem hunc intercedentem inter secundam causam terminantem intimati imperij Diuini efficacitatem & seipsam , vt prorumpente in actum secundum , vel esse positium , aut negatiuum ordinem naturæ ; ità videlicet vt si terminatio impulsus Diuini præcedat secundā causam , vt exeuntem in actum verè , & de facto tunc dari debebit aliquod signum naturæ , in quo sit hæc terminatio , & non simul concurrat pro tunc agentis creati proruptio in actum secundum ; sed sit in immediatè sequenti signo naturæ , vel si naturaliter negatiuè tantum præ-

præ-

præcedat inferius agens vt erumpens in productionem effectus, licet tunc omninò simul concurrerent in causa secunda impulsus Diuini terminatio, & exitus eius in productionem effectus: nihilominus tamen quantum est ex se, propria natura illarum si possent, vel deberent poni cum ordine in rerum natura, sèper terminatio productionem necessariò præcederet. De ordine naturæ positiuo & priuatiuo loquitur Scot. in 2. dist. 1. quæst. 3. sub lit. H. & in 3. dist. 3. quæst. vnic. sub lit. G. Nec implicat, quòd hæc duo simul concurrant; quia nec etiam implicat apud Scotum, vt vnum & idem ens etiã formaliter indistinctum possit simul esse mouens, & motû vt extentiùs ad aures illius declarabimus infra.

Ex his omnibus præmissis patet iam qualis possit es-

se, & sit propositæ controuersie status: quoniam dum quærimus, an de mente Scoti causa secunda ita subordinetur primæ, vt simpliciter necessariò petat præueniri ab ea in actionibus suis? Idem est ac si queramus, nùm ad hoc vt de mente Scoti adequatè concipiatur, & sufficienter explicetur agentis creati ad primum efficiens in operando pendentia; cogamur ad aures eius asserere causam secundam ita præueniri à prima in actionibus suis, vt accipiat ab ea operandi virtutem solummodò, in qua tamen continuè conseruetur ab ipsa. Vel necessariò exigat etiam simultaneum in productionem effectus influxum, qui aut exhibeatur ad operandum indifferēs, determinandus & modificandus; tamen ab agente creato, aut ita determinatè præstetur, vt causa secunda expe-

B

ctare

ctare cogatur vltius primæ causæ determinationem, vt ipsa determinatè, seù potius exequēte decretum exeundi in actum in ordine suo, mox agens inferius etiam erumpat in actum; nullum tamen recipiendo influxum, vel terminando intimationem imperij Diuini. Vel tandem exigat insuper excitari, & applicari ad operandum, aut per aliquid inhærenter productum in ipsa causa secunda, quodcunque sit illud aut tantum per extrinsecam Diuinæ voluntatis intimationē imperij naturaliter, priusquam operetur, terminati ad virtutem illius; & hoc vel positiua, vel negatiua prioritate, vt latius omnia explicuimus suprā.

Ratio dubitandi est, quia cū Scotus in sua doctrina, vt fusè declarabimus infrā, omnes prædictos modos explicandi agentis creati à pri-

mo efficiente in operando pendentiam insinuare & exprimere videatur; non est igitur satis certum, quem ex illis ad aures eius debeamus amplecti.

## PROPOSIT. II.

*Adducuntur testimonia, quibus probatur Scotum insinuasse primum modum explicandi agentis creati à primo efficiente in operando pendentia.*

**S**I dixero subtilissimum Doctorem non leuiter indicasse primum explicandi modum, & ferè subscripsisse Durandi sententiæ, durum nimis fortassè prima fronte videbitur profitentibus Scoti doctrinam; eò vel maximè cū indubitatum sit illis, quòd quantumuis fuerit ipse, & vt Philosophus, ac vt Theologus no-  
uarum



uarum opinionum singularis, subtilisq; inuentor & Auctor: quia tamen ex incredibili cautione, qua sēper processit in omnibus, eo speciatissimo priuilegio gaudeat; vt à recto Catholicæ fidei tramite nè latum quidē vnguē discesserit vnquā, & omnes orthodoxi, ac sapientiores vniuersi doctrinā eius inoffenso pede semper decurrerint; procul dubio nunc pias eorum aures offendet proferre saltem Scotum Durandi probabiliter adhæsisse sententiæ. Sed quæso desinant ægrè ferre pronuntiū huiusmodi, nam cū præ omnibus ego sanissimā Scoti doctrinam ardentissimè prosequar; meum igitur erit itā ex eius purissimo grano pro viribus euellere infelix hoc Durandi sententiæ lolum, vt nequeat ipse gloriari erroris sui Theologorū Principem habere Patronū.

Non leuiter ergo prima facie Scotus insinuat primū explicādi modum, quo causa secunda à primo efficiente in operando dependet: ipse siquidem in 2. lib. sent. dist. 37. §. *Idò meritò &c.* vt explicet quo sensu creata voluntas sit causa peccati, & simul Deum Opt. Max. non esse peccaminosæ deformitatis Auctorem inquit, & examinat ibi, quanta sit in proprii actus productione creatę voluntatis actiuitas, & difficultate proposita; *Vtrum videlicet voluntas creata sit totalis causa & immediata sui velle, ita quod Deus respectu illius non habeat aliquam efficientiam immediatam: sed tantum mediatam &c.* Affirmantem partem ostendere nititur quinque rationibus, totidemquē auctoritatibus, quas omninò insolitas dimittit; vndè non obscure colligitur non sic abiectè de

hac opinione sensisse, vt probabilitatem omnem ab ea secludere voluerit.

Confirmatur hoc ipsum, nam postquam Scotus subiunxit & deduxit ibidē, quod *Si hæc via esset vera, posset secundum eam faciliter assignari quo modo Deus non sit causa peccati: loquendo enim siue de materiali, siue de formali in peccato, totum esset causatum à voluntate sicut à totali causa; & ita nullo modo à Deo nisi mediatè, quia Deus produxit voluntatem talem, quæ posset sic & sic velle &c. Vt illam magis explicaret & stabiliret, contra ipsam omnium in hac materia validissimas duas adducit instantias, alteram ex causa meriti, alteram verò ex essentiali ordine causarum desumptas; & soluit vtramque ostendens manifestè optimè in hac sententia posse saluari, & esse Deū cuiuscunq; meriti causam &*

*voluntatem creatam essentialiter à Deo in operando pendere. Audiamus quæso illum prius instantem, & deindè respondentem: Sed contra (inquit) istam viam obijcitur, quia ista via non saluaret Deum esse causam meriti, cum meritum sit ita liberum sicut peccatum. Et similiter non saluaret ordinem essentialem causarum, quia secundum primam propositionem de causis: omnis causa primaria &c. Sed secundum istam viam causa primaria non influeret in effectum, nisi quia produxit causam istam. Ad primum istorum potest dici, quod Deus aliquo modo est causa meriti, quomodo non est causa peccati; quia immediate causat in anima gratiam vel charitatem, quæ per modum nature inclinatur ad merendum, & quandocunquè forma actiua per modum nature est ab aliquo agente, etiam actio for-*  
ma

me illius ab eo . Et ex hoc etiā pateret quomodo effectus aliarum causarum aliter essent à Deo, quam effectus voluntatis; quia istæ causæ determinatè acceperunt inclinationem à Deo, & necessitatē ad tales effectus, non sic voluntas . Ad secundum diceretur , quia licet sit aliquando ordo causarum principalium , & minùs principalium , quarum neutra mouet aliam; sicut se habent obiectum , & potentia cognitiua respectu actus cognoscendi ex dist. 3. primi libri . Aliquando autem sit ordo, ita quòd principale mouet minùs principale , vel ad actum secundum vel primum ; ita tamen quòd istæ duæ causæ sint partiales, & integrent per se vnā causam totalem , sicut manus & baculus respectu motus pile, vel sicut Sol & Pater respectu filij . Tamen in causis totalibus respectu suorum effectuum immediatorum potest etiā esse ordo

essentialis ; ita quòd causa secunda sit causa totalis immediata respectu sui effectus , sicut causa prima respectu sui effectus : & tamen essentialiter sit secunda , quia secundum suam causationem, sicut secundum suum esse, essentialiter dependet à prima; non tamen ita quòd ista dependentia sit immediata effectus sui ad ipsam , & ad causā priorem . Et cum dicit illa propositio, quòd causa prima plus causat ; verum est, quia causat secundam &c. Ex quibus verbis illud est præcipuè notandum, quòd in responsione ad secundam instantiam omninò saluare cõtendit, & ostendere nititur eam, quam essentialiter data hypothese & in essendo, & in operando ad primū efficiens subordinationem includeret tunc creata voluntas ; explicatquē illam ibidem apto exemplo essentialis ordinis , quem plures ordinatæ matè-

riæ

riæ in alio genere causandi seruaent in producendo cōpositum viuens, maximè vita intellectuāli, sustinendo verissimam eius opinionem de pluralitate substantialium formarum in eodem composito viuente: Illud inquam est præcipuè notandū, quoniā nouerat ipse, quòd sola prædictæ subordinationis exclusio funditus potuisset euellere Durandi sententiam.

Confirmat euidenter hoc ipsum pronunciatum domesticus Scotista Tataretus noster in expositione præfatæ quæstionis, quam Scotus de totali & immediata creatæ voluntatis actiuitate proponit in præcitato loco 2. lib. sent. apertè nāq; in hæc verba prorumpit ibidem. *Conclusio probabilis Scoti est, quia est problematicus in ista materia, & potest sustineri; quòd voluntas creatæ est totalis causa sue volitionis sic, quòd Deus*

*non attingat eā &c.* Et quòd Scotus problematicè, vel potius probabiliter hanc opinionem sustinuerit, euidentissimè colligitur etiam ex 3. lib. sent. dist. 17. quæst. unica sub lit. E. vbi respondens argumento contra dualitatē voluntatum Christi Domini proposito & desumpto ex ratione dominij, quod super actibus suis debet habere creata, inquit: *Tunc ultra ad argumentum secundum duplicem opinionem in 2. lib. tactam; si voluntas sit tota causa & immediata sui actus, dico quòd non sequitur motum Trinitatis causantis cum voluntate actum voluntatis: sed Trinitas tantum ponit voluntatem in esse, & finit ipsam mouere in actibus suis, ita quòd non comparatur ad operationem voluntatis, nisi in quantum operabatur ad esse primum voluntatis & secundum illam opinionem minor rationis*

*nis est falsa, quòd voluntas in operatione sequatur motum alterius agentis circa operationem suam; licet enim sequatur motum alterius in esse, non tamen in operari, immediate dico. Si autem teneatur, quòd voluntas immediate causet operationem suam, & nihilominus etiam Deus causat immediate cum voluntate, sicut immediate causat esse voluntatis: tunc dico, quòd voluntas in Christo ita liberè elicit, & dominatur actui sui, sicut voluntas mea suo &c. Ex hoc testimonio manifestè deducitur, quòd sicut Scotus putauit posse sufficenter explodi rationem, quam contra dualitatem Christi Domini voluntatum primò principaliter obiecerat; optimèquè saluari creatæ voluntatis dominium & libertatem, si sustinebimus ipsam se sola volitiones suas efficienter attingere, sic non*

posse in dubium reuocari probabilem hanc iudicasse sententiam.

Sed quòd opinioni Durandi subscripserit, & approbauerit ipsam, euidenter demonstrat demum subsequens testimoniū ex 2. lib. Report. dist. 37. quæst. 1. desumptum vbi vt satisfaceret propositæ difficultati de pendentia, quam habeat à Deo materialis actus peccati, determinato prius in principio corporis quæstionis, actum deformitati substractum necessario Auctore agnoscere Deum; & immediate post mota difficultate: *Quomodo est à Deo velut à causa vt immediate agente, vel quia immediate est à voluntate, que immediate est à Deo; & sic mediate est iste actus à Deo &c.* Statim respondēdo subiungit: *Dico, quòd utrumquè potest sustineri &c.* Et productis ibidem, & expeditis ratio-

rationibus pro vtraquē parte, iterum ratificans id, quod superius dixerat, dicit: Dico igitur non determinando unam opinionem nec aliā, quod posset poni, quod istae voluntates essent immediate actiuae respectu eiusdem volitionis, sicut ponentes potentiam esse actiuam possunt ponere potentiam, & obiectum immediate agere, ut Patrem & Matrem in productione prolis. Et parū inferius ait: *Alia opinio similiter potest sustineri, si causa una causat aliam totaliter, & illa in suo ordine sit totalis causa alicuius tertij, prima causa non est immediata respectu tertij; sicut patet de pluralitate formarum: prima forma substantialis aduenit materiae primae, ita quod ipsa est immediata causa materialis illius compositi; sed ipsa non est immediata causa materialis illius compositi perfectionis, quia immediate perficitur ab intel-*

*lectiua corpus organicū. Non videtur mihi probabilius quā quod qualibet forma substantialis immediate perficiat materiam primam. Et si argueretur, prima causa plus influit in effectum, quā secunda; igitur magis causat. Dico, quod magis causare non est immediate causare, sed qui causat causam effectus; & per consequens est nobilior quā causa secunda. Et breuiter resoluēs ea, quae diffusē superius dixerat, immediate post in haec verba prorumpit: *Teneo, igitur, quod volitio est à duabus causis essentialiter ordinatis, siue ordinentur essentialiter primo modo, vel secundo modo &c. Quid quæso limpidius, vel quibus poterat clarioribus verbis suam in hoc aperire sententiam.**

PROPOSIT. III:

*Ostenditur euidenter Scotum  
fuisse penitus alienum ab  
opinione Durandi, & expli-  
cantur testimonia in opposi-  
tum adducta.*

**E**T si primo intuitu vi-  
deatur, vt dictum est,  
Scotum nostrū in opinionē  
incidisse Durandi, quemad-  
modum ex illius doctrina  
testimonia non leuiter indi-  
cant: his tamen non obstan-  
tibus, si Doctoris subtilis  
subtilius mētē scrutabimur,  
& illud quod ipse verē sentit  
de primo modo explicandi  
subordinationem, qua causa  
secūda in actionibus efficiē-  
ti supremo necessariō subdi-  
tur; ad erroneam compara-  
bimus Durandi sententiam,  
statim nobis elucescere la-  
tum intercedere diffidium  
inter opinionem vtriusquē  
Doctoris. Igitur Scoti nostri

sententiā ab errore Durandi  
longē diuersam subitō com-  
prehendet is, qui animadu-  
terit Durandum determina-  
tē sustinuisse negatiuam par-  
tem illius controuersia, de  
immediato primi efficientis  
influxu in operationem agē-  
tis creati; Scotus verō utrā-  
quē defendit. Durandus itā  
proteruē negantē amplecti-  
tur, vt affirmantem partem  
derideat, & omninō falsam  
& impossibilem censeat illā:  
At Scotus econtrā quoniam  
in 2. lib. Report. dist. 37.  
quæst. 1. propositis rationi-  
bus pro negatiua parte, sta-  
tim subiungit hæc verba:  
*Tamen alia via videtur con-  
cludi per rationes fortiores,  
quia nisi Deus esset immediata  
causa volitionis, sequeretur  
quod Deus non esset præscius  
futurorum, nec etiam omni-  
potens &c.* Quas rationes ex  
præscientia, & omnipotentia  
Dei desumptas proponit etiā

C

in

in 2 lib. sent. 37. quæst. 5. sub lit. P.

De industria duxi omit-  
tendum hîc id, quod etiam  
posset adduci, Scotum vide-  
licet asseruisse insuper pri-  
mum efficiens principalius,  
quàm causa secunda in pro-  
prium eius effectum influe-  
re, vt patet ex primo sent.  
dist. 39. sub lit. Z. & in eodẽ  
primo dist. 17. qu. 2. sub lit.  
Qq. & in eod. primo dist. 3.  
quæst. 8. sub lit. B. & alibi se-  
pè; quia non est hîc propriè  
controuersia de modo im-  
mediati concursus: An vi-  
delicet Deus immediatè cõ-  
currens cum causa secunda  
ad operationem illius prin-  
cipaliùs, quàm ipsa causa se-  
cunda in proprium eius in-  
fluat actum; sed est tantum  
difficultas de substantia im-  
mediatæ influentiæ effectum  
interioris agentis. Nùm sci-  
licet mediatè Deus attingat  
operationem agentis creati,

tamen si hoc etiam expen-  
deretur exactiùs, absq; dubio  
ostenderet quoquo modo  
Scotum nõ subscripsisse er-  
roneæ Durandi sententiæ.

Sed inquires, licèt ex di-  
ctis ad summum colligi pos-  
sit, Scotum non sustinuisse  
Durandi sententiam eo pa-  
cto, quo ipse per omnimo-  
dam explosionem opinionis  
oppositæ sustinuit eam; indè  
tamen minimè potest infer-  
ri, quin errori Durandi pro-  
babiliter saltem adhæserit.

Fateor sanè, nec potest  
reuerà negari probabiliter  
Scotum adhæsisse Durando  
quantum ad opinionis sub-  
stantiam, sed ratione longè  
diuersa eius defendit, pro-  
bavitquè sententiam. Ra-  
tione, inquam, longè diuer-  
sa quàm ipse Durandus, sen-  
tentiam eius sustinuit Sco-  
tus; quando quidem id non  
obscurè deducatur ex ijs,  
quæ de omnipotentia Dei  
dispu-



disputauit, & statuit ipse in primo dist. 42. quæst. vnica per totum: sed fusiùs in tota 7. quæst. Quodl. Breuiter ergo, si placet, audiamus quid de omnipotentia in vtroquè loco decernat; quoniã luce limpidiùs indè patebit, quòd quantũmuis probabiliter sustineri posse censuerit primum efficiens mediata tãtũm influere in operationes creatorum agentiu: illinc tamen nequibit inferri, nec olfecisse, nec somniasse erroneam Durãdi sententiam.

Scotus igitur in præcitatís locis, hanc mouet de Diuina omnipotentia quæstionem: Vtrũ videlicet naturaliter possit demonstratiuè probari Deum esse omnipotentem? Quam controuersiam vt suis numeris absolueret præmissa priùs distinctione de omnipotetia philosophicè sumpta, quæ quod

cunquè possibile indifferenter, vel mediata, vel immediata respiciat; & theologicè concepta, quæ ad eadem possibilia immediatam importat habitudinem: hæc ad propositum nostrum attinentia vtrobiquè concludit, vt clarè cuicunquè patebit ex textus intuitu. Primò igitur in 7. Quodl. præsertim quinque sub lit. C. infra examinandas ab ipso, proponit conclusiones; quarum *Prima est ista: Deum esse omnipotentem, vtroq; modo accipiendo omnipotentiam, est verum demonstrabile in se demonstratione propter quid. Secunda conclusio: istud verum esse demonstrabile viatori, stante simpliciter statu viæ. Tertia conclusio: istud verum non potest demonstrari viatori ex notis sibi naturaliter & de lege comuni. De demonstratione; quia, sunt due conclusiones: Prima est ista; Deum esse omnipotentem*

tem omnipotentia respiciente immediate quodcunq; possibile, licet sit verum: non tamen est nobis demonstrabile demonstratione, quia. Secunda conclusio: Deum esse omnipotentem omnipotentia immediate vel mediate, quodcunque possibile respiciente, potest demonstrari à viatore demonstratione; quia. Sic ergo sunt quinque conclusiones, ex quibus integratur solutio questionis &c. Et id ipsum repetit, licet non ita distinctè in primo dist. 42. sub lit. B. & in eadem quæst. Quodl. sub lit. N. vbi etiam immediate subiungit exempla manifesta & efficacissimas rationes, quibus ostenditur optimè posse saluari. Causas secundas etiam quatenus operantes, essentialiter subordinari agèti supremo; quantumvis secludatur ab ipso immediata facultas attingendi productionem actus secundi causæ secundæ.

Ex his asserit tertio omnipotentiam theologicam ex creditis tantum innotescere nobis, sicut apertè fatetur in præcitato loco primi lib. vbi in ratione pro veritate præsertim parum suprà lit. A. euidenter inquit, quod *Articulus fidei est in simbolo Apostolorum, Credo in Deum Patrem omnipotentem &c.*

En igitur quàm manifestè clarescat, aliàs Scotum, & alia diuersissima via incessisse Durandum in hac opinione tuenda: Scotus siquidem, vt ex doctrina liquet, & verbis illius theologicè in primis ex creditis sustinet ipse eam esse primi efficientis omnipotentiam, vt omninò immediate & principalius, quàm causæ secundæ omnium entium productionem efficienter attingat; quia tamen vidit, deinde vt fusè & subtilissimè probat in 7. q. Quodl. theologicam omni-

omnipotentiam non posse ex natura euidenter ostendi, & non obstāte Philosophorum sententia de mediato influxu agentis supremi, adhuc optimè posset defendi secundas causas etiam actualiter operantes, essentialiter subdi eidem agenti supremo, philosophicè tantum probabiliter sustinuit; hinc non esse Deum eo sensu omnipotentem, vt immediatè omnium entium productionem efficienter contingat.

At econtrā Durādus nūquam asseruit, nec remotissimè indicauit ex creditis aliquantisper saltem innoscere nobis immediatum in quælibet entia Diuinum influxum, quin potius mordicus acriterquè oppositam de immediato concursu sententiam vt penitus impossibilē, & contradictoria complicātem sustinuit; quò factum

est, vt ipse non tantum vt Philosophus, sed etiam vt Theologus omninò negauerit immediatum primi efficientis in creatorum agentium actionem influxum.

Scotus autem vt Theologus assertiuè sustinuit, vt in 7.q. Quolib. sub lit. M. inquit euidenter: *De certo tenendum est secundum communem sententiam Theologorum, Deum sic esse omnipotentem; quòd sine quocunque alio agente possit causare quodlibet causabile &c.* Et vt Philosophus insuper ( quod est valdè notandum ) probabiliter defendit immediatum Dei concursum cum causis secundis: quod non obscure colligitur ex illis verbis, quibus multotiès repetit in 7 q. Quodl. & in primo dist. 42. theologicam omnipotentiā non posse demonstrari euidenter ratione naturali; ergo si non euidenter, probabili-

ter



ter saltem quibit ostendi .  
 Quod etiā colligitur ex eo,  
 quod inquit, viatorem pos-  
 se naturaliter demonstrare,  
 non determinatè, sed indif-  
 ferenter, seu sub disiunctio-  
 ne Deum vel esse mediatè  
 vel immediatè omnipoten-  
 tem, vt apertè fatetur in pri-  
 mo dist. 42. sub lit. A. dùm  
 ait : *Quòd omnipotens aut po-  
 test dici agens, quod potest in  
 omne possibile mediate, vel im-  
 mediatè; & hoc modo est po-  
 tentia actiua primi efficientis  
 omnipotentia, pro vt extendit  
 se ad omnem effectum in ra-  
 tione causæ proximæ vel re-  
 motæ: & si naturaliter possit  
 concludi esse aliquod primum  
 efficiens, sicut ostensum est su-  
 præ dist. 2. naturaliter etiam  
 potest concludi, illud esse om-  
 nipotens hoc modo loquendo  
 &c. Et in 6. Quodl. sub lit.  
 T. inquit apertè: Quòd de-  
 monstrabile est viatori demon-  
 stratione quia, Deum esse om-*

*nipotentem mediatè vel im-  
 mediatè; hoc est, quòd possit  
 causare quodcunq; causabile  
 vel immediatè, vel per aliquod  
 medium, quod subsit causali-  
 tati eius &c. Per hoc igitur  
 quod ex naturalibus suis po-  
 test viator habere per de-  
 monstrationem conceptum  
 indifferentem ad mediatum,  
 & immediatum Diuinū in-  
 fluxum in actionem causæ  
 secundæ; manifestè sequitur  
 indè, quòd probabiliter de-  
 fendere valeat vtrumq; in-  
 differentiæ membrum.*

Colligitur etiam ex eo,  
 quod habet in 7. q. Quodl.  
 parum suprà sub lit. O. vbi  
 dicit : *Sed licet hæc conclusio  
 non sit demonstrabilis, quia:  
 tamen cùm vera sit, oppositum  
 demonstrari non potest; ideo  
 ad rationes adductas pro opi-  
 nione Philosophorum respon-  
 dendum est &c. Patet ergo,  
 quòd cùm propter veritatē  
 opinionis de potentia theo-*

logica



logica non possit eius oppositum demonstrari: restat, ut probabiliter dumtaxat alterum oppositum possit ostēdi, sicut patet ex philosophicarum rationum solutione, quam immediatē subdit ibidem; ergo oppositam sententiā de omnipotentia theologia probabiliter etiam ex naturalibus suis poterit suadere viator. Istæ duæ consequentiæ patent euidenter .

Colligitur tandem euidentissimē ex primo dist. 42. subtil. C. ubi hæc habet formalia verba: *Et ex hoc apparet, quod ipsa propositio, quid quid potest causa effectiua prima cum causa secunda, potest per se immediate, non est nota ex terminis, neq; ratione naturali; sed est tantum credita, quia si ipsa omnipotentia (ex qua dependet) esset nota ratione naturali, facile esset probare ipsis Philosophis multas veritates & propositiones,*

*quas ipsi negant; & facile esset eis probare saltem probabilitatem multorum, quæ credimus, quæ ipsi negant. Omnipotentia tamen hoc modo sumpta, licet non sufficienter demonstraretur, probabiliter tamen potest probari, sicut verum, & necessarium; & probabilius quàm quedam alia credita, quia nō est inconueniens, quedam credita esse euidentiora, quàm alia &c. Quid clarius poterat vnquàm nobis Scotus proferre?*

Igitur cæcutientibus etiā hinc elucescere debet Scotū nostrum non sic pestem abhorruisse, sicut erroneam Durandi respuisse sententiā: sed illud dumtaxat de mediato Dei concursu cū causis secundis probabile censuit, quod purus Philosophus ex naturalibus probabiliter tantum valeret ostendere. Et hoc, & non aliud colligitur ex eius testimoniis

niji

nijis in oppositum adductis, quòd licèt sufficienter hoc ipsum explicet illa; & sic euidenter ostendat, nè tantillum quidem Scoti doctrinam erroris alicubi redolere Durandi, vt esset omnino supersedendum ab alijs: in gratiam tamen Scotticæ veritatis illud vnum superaddere volui, quod ipse in 2. dist. 37. §. Ideò meritò &c. non solum non approbat, sed penitus reprobatur, respuitquè Durandi sententiam, quod euidenter infertur ex eo; quia propositis ibi rationibus & auctoritatibus, quæ probare videtur Deum non seipso immediatè influere in actiones creatorum agentium, statim subdit sub lit. N. *Si hæc via esset vera, posset secundum eam faciliter assignari, quomodò Deus non sit causa peccati &c.* Quasi dicere voluerit, si hæc via posset sustineri, vtiquè faci-

lis esset ad explicandum, morale peccati malitiam nulla ratione in Deum, vt in eius Auctorem, posse refundi: sed dùm inquit inferius sub lit. O. *Contra istam opinionem arguitur dupliciter: Primò, quia ex ipsa sequitur, quòd Deus non sit naturaliter præsciens futurorum: secundò quòd non sit omnipotens &c.* Idem est ac si dixisset: sed quia hæc via nec ipsam veritatis umbram includit, necessariò igitur aliundè petenda est explicatio, cur sit Deus causa peccati; quemadmodum Scotus ipse paulò inferius sub lit. P. manifestè fatetur his verbis: *Propter igitur istas duas rationes de omnipotentia & omniscientia Dei, non tenendo istam viam, restat inquirere; qualiter peccatum possit esse à voluntate creata, quò ad primam quæstionem, & quomodò non à Deo, quò ad quæstionem quartam*

*tam &c.* Et sanè rationes istæ, quarum altera ex omnipotentia, altera verò ex omni scientia desumitur, ita clarè demonstrant in Scoti doctrina penes ea, quæ ipse de Diuina futurorum contingentium notitia decernit in 4. q. Prolog. sub lit. S. & inde in primo dist. 39. q. vnica per totum; in eodem primo dist. 39. sub lit. M. in 4. dist. 46. q. 1. sub lit. F. in 14. q. Quodl. sub lit. T. & alibi sæpè: vt si reuerà idèmet Scotus opinionem Durandi quomodocùnquè sustinendam assumere vellet, esset penitus tunc impossibile sibi prædictarum rationum vim efficaciamquè vitare. Concludamus igitur, quòd quantùmuis Scotus in præfatis testimonijs, ex eius doctrina in oppositum adductis, more philosophico probabiliter tantùm defenderit agētis primi in actiones cau-

sæ secundæ mediatum influxum: ex illis tamen nè sophisticè quidem poterit vnquam deduci, quòd error Durandi subscripserit, vt meridiana luce limpidius mentem eius superius explicuimus.

#### PROPOSIT. IV.

*Proponuntur nonnulla testimonia ex doctrina Scoti desumpta, quæ præcedentis Propositionis veritatē enuare videntur.*

**Q**uantùmuis abundè satis in præcedenti Propositione ostendimus ex ijs, quæ in primo dist. 42. & in 7. q. Quodl. de omnipotentia Diuina Scotus asseruit, ipsum non adhæsisse Durando in ea sententia, quam de mediato Dei concursu cum causis secundis sustinuit; nihilominus tamen

D si at-

si attentius inspexerimus quid utrobique de mente Philosophorum concludere contenderit, omni dubio procul deprehendemus magis oppositum, quam propositum ex prædictis locis debuisse deduci. Siquidem dictum est Scotum ibi decreuisse ad aures Philosophorum, quod ipsi omnino negauerint primi efficientis in operantes sibi subditas causas immediatum influxum, etiã citra omne præiudicium essentialis ordinis & pendetie, qua in operando subiunguntur agenti supremo: Et hinc deduximus Scoti sententiam de concursu Diuino cum causis secundis non coincidisse cum opinione Durandi, ut fusiùs in præcedenti Propositione diximus: at in locis citatis non solum non negant, immò manifestè Scotus fatetur Philosophos concessisse, quod primum

efficientis se ipso immediatè influat in operationes agentis creati; igitur indè magis oppositum, quam propositum inferre debuimus. Subsumpta minor statim patebit, si aduerterimus ea, quæ Scotus in 7.q. Quodl. sub lit. L. sub explicatione immediationis proponit; quo sensu videlicet intelligendum sit, Deum esse immediatè omnipotentem, ad hoc ut postmodum appareat indè: An naturaliter demonstrari possit à posteriori, Deum non esse penes explicatum immediationis intellectum immediatè omnipotentem; quoniam ex hoc loco patebit Scotum nostrum eo sensu dumtaxat ad mentem Philosophorum negasse immediatam Dei omnipotentiam, ut solummodò voluerit ab ipso secludere immediationem causæ, non autem immediationem virtutis & actionis: id est licet decre-



decreuerit ibi de mente Philosophorum, negasse quòd Deus in nouiter producendis ab ipso sic adminiculo indigeat causæ secundæ vt simpliciter necessariò in tēporalium productione illius consortium admittere debeat; & per consequens mediatè dicatur influere, ea tamen ratione mediatè concurrat vt medietate, idest concurrente secum causa secunda producat quodlibet cum nouitate causabile: non igitur ità mediatè, quasi verò Deus non se ipso & per se propria virtute, propriaque efficientia; sed per aliud & media causa, sicut Durandus asseruit, in creatorum agentium actiones influeret, sic namquè, in citato loco concludit his verbis: *Est ergo difficultas de immediatione, vt excludit solummodò causam efficientem mediam, & intelligo effectiuam generaliter, siue*

*illa causa media in causanda attingat effectum præuium, vel dispositionem ad illam &c.* Vbi præcipuè notanda est illa dictio exclusiua, *solummodò*, qua indicat euidenter se in eo sensu ad mentem Philosophorum, exagitaturum motam quæstionem de immediatione causalitatis agentis supremi, vt solum in dubium reuocare contendat: An videlicet possit naturaliter demonstrari & sustineri de mente Philosophorum, Deum sic immediatè posse producere temporalia; vt solitariè se ipso efficere valeat illa: an verò econtra in nouiter causabilium effectione sic ineuitabiliter egeat adminiculo & consortio causæ secundæ, vt omninò nequeat aliquid de nouo producere independententer ab eius concursu.

Et paulò post difficultati respondens, ibidem inquit:

D 2 Cir-

*Circa hoc Philosophi videntur sentire non solum, quod non sit demonstrabile, Deum esse omnipotentem immediatè; sed etiam quod hoc sit impossibile. Et videtur fundamentum eorum in ista propositione stare, principium necessariū, & omninò perfectum ad nihil immediatè contingenter se habet &c. Undè liquidò patet, quod quàmuis concludat, & velit ibi Scotus de mente Philosophorum Deum agere mediatè per exigentiam influxus causæ secundæ; nulla tamen ratione decernit vltteriùs, sic agere mediatè, vt simultaneum cum agente creato concursum voluerit ab ipso secludere.*

*Immodò oppositum colligitur euidenter ex verbis illius, quoniam in 7. precitata quæst. Quodl. non leuiter indicat hoc, & præsertim in vltima ratione, quam adducit pro Philosophis parum*

*supra lit. M. vbi sic inquit: Vltimò videtur istas probationes posse confirmari, & ex intentione Philosophi 8. Phis. vbi videtur velle, quod quidquid Deus potest immediatè causare, & hoc totaliter necessariò causat; quia non videtur posse poni contingentia ad causandum, & non causandum nisi propter mutabilitatem in agente, & hoc quando effectus totaliter & præcisè dependent ab agente. Nunc autem si Deus posset immediatè in quodlibet causabile, quodlibet dependeret totaliter & præcisè ab eo; & per consequens necessariò quodlibet causaret: & tunc sequitur multiplex incòueniens, scilicet quod cause secundæ priuarentur actionibus suis, quod tangit prima ratio; & quod Deus immediatè causaret omnem motum, quod tangit secunda ratio: & quod Deus immediatè causaret omnem effectum materialē; quod*

*tan-*

*tangit tertiâ ratio &c.* Ex quibus verbis si præsertim expendantur ea, in quibus dicit, quòd si Deus sic immediate causaret omnia, vt totaliter & præcisè produceret illa; cùm necessariò insuper cuncta causaret manifestè, tunc sequerentur tria enumerata inconuenientia, quæ suprà deduxerat: vnde liquido patet Scotum supponere de mente Philosophorum Deum posse immediate im-mediatione suppositi, & im-mediatione virtutis efficienter influere in productionem omnium entium; sed non ità immediate, vt totaliter & præcisè per exclusionē cooperantis causæ secundæ temporalia producere valeat.

Colligitur etiam hoc ex primo dist. 42. quæst. vnica sub lit. A. vbi explicans quo sensu Deus sit theologicè omnipotens, & immediate cuncta producere possit, in-

quit: *Alio modo accipitur omnipotens propriè theologicè, pro vt omnipotens dicitur, qui potest in omnem effectum immediate & in quodcunq; possibile, hoc est in quodcunq; quod non est ex se necessarium, nec includit in se contradictionē; ità inquam immediate, quòd sine omni cooperatione cuiuscunque alterius causæ agentis &c.* Igitur sicut omnipotentia theologica ea est, quæ in entium productione nō admittit cooperationem cuiusvis agentis creati; ità similiter ecotrā omnipotētia philosophica erit illa, quæ supposita in omnipotente im-mediatione suppositi, & virtutis in efficiendo temporalia simpliciter necessariò admittit consortium cooperantis causæ secundæ.

Quod euidenter colligitur ex ijs, quæ paulò inferiùs inquit sub lit. B. vbi postquam explicauit, & conclusit, quòd  
quan-

quantumvis causalitas inferioris agentis eminenter continetur in causa suprema; & quod non prætereà potest inde deduci, primum efficiens posse se solo per exclusionem influentis causæ secundæ producere quæcunque creata; cum penitus abhorreat hoc essentialis superiorum & inferiorum agentium ordo, hæc subiungit formalia verba: *Et hoc maxime ponerent Philosophi, quia non potuerunt causam secundam necessario concurrentem propter aliquam perfectionem addendam effectui; sed quasi magis propter imperfectionem addendam, quia causalitas primæ causæ immediate perfecta est, ideo posuerunt eam non posse immediate esse causam alicuius imperfecti effectus: & ideo oportet causam agentem aliam concurrere imperfectionem, ut illa prima non produceret secundum ultimum potentie suæ;*

*sed cum illa causa agente secunda effectum diminutum, & imperfectum produceret &c.* Ex quo testimonio illud est præcipue notandum, quod cum inquit, Philosophos posuisse causam secundam concurrentem cum prima ad temporalium effectum non propter perfectionem, sed propter imperfectionem addendam effectui; necessarium est, ut ad productionem eorundemmet causabiliū posuerint etiam efficientem cum secunda primariam: causa namque concurrens, quatenus talis, formaliter implicat in suo conceptu cooperantem suam alteram causam, ut manifestè nobis elucescit ex ipsa voce & significatione, concursus.

Notanda sunt etiam ultima verba, in quibus dicens: *Sed cum illa causa agente secunda effectum diminutum, & imperfectum produceret;*

*hoc*

*hoc est non ita perfectum effectum produceret mediāte causa secunda imperfecta, sicut si immediatē produceret non mediantibus causis secundis &c.* Disertē fatetur, quod ideō causa secunda agit ad productionem effectus cum illa, idest simul cum causa suprema ad hoc; vt per eius concursum contemperetur & minuatur efficacitas eius, & vis illius infiniti vigoris; quem vtriquē ad destructionem potius quā ad constructionem temporalium entium exerceret primum efficiens, si se solo produceret illa. Probatur demūm noluisse Scotū cum hoc, quod ad mentem Philosophorum negauerit causæ supremæ in temporalium productione im-mediationem causæ simul sibi adimere im-mediationē virtutis & actionis; quoniā in 4. dist. 43. quæst. 2. sub lit. M. proposito dubio quid se-

serit Aristoteles de inceptio-ne animæ intellectuæ: an videlicet immediatē produ-catur à Deo, an autem ab aliquo alio; & propositis hinc indē rationibus dubi-tandi, dubio tandē ita res-ponderet: *Potest dici, quod po-tuit eam immediatē accipere esse, & nouum esse à Deo, quia quod accipiat esse, satis sequi-tur ex principijs eius; cum non ponat eam perpetuò præcessisse sine corpore, nec prius in alio corpore, & non est probabile, secundum rationem, à quo pos-sit recipere totale esse, nullo præsupposito, nisi à Deo &c.* Et id ipsum asserit in eadem quæst. sub lit. H. & in eadem dist. q. 3. sub lit. Q. & in 2. dist. 17. quæst. 1. sub lit. B. & in 7. q. Quodl. sub lit. R. & euidentius in vltima quæst. Quodl. sub lit. Q. vbi non tantū animæ intellectuæ productionem: sed etiam fortuitos nonnullos effectus putat

putat reuocandos ad immediatum Diuinum influxum; nec inquit, hanc si defenderimus opinionem de mente Philosophi, contradicemus ijs, quæ dicit ipse in 8. Phis. text. com. 79. quòd infinita potentia videlicet non pòtest immediatè mouere corpus in tempore. Audiamus quæso Scoti nostri formalia verba, ait igitur ibi: Dicendum ergo, quòd non contradicit sibi in libello de bona fortuna, & 8. Phis. secundū quod aliqui volunt sibi imponere; quia si secundum primā viam sufficiat omnem effectum fortuitum reducere in Cælū, hoc non ponit aliquam nouitatem vel mutabilitatē in Deo, quia non causat Deus effectus fortuitos de nouo, nisi mediante Cælo, & hoc non est contra eum. Dato etiam secundum aliam viam, quòd oporteat aliquos effectus fortuitos novos reducere immediatè in Deum,

adhuc non contradicit sibi ipsi; quia certum fuit Aristotelem secundum sua principia posuisse animam intellectuam esse à Deo immediatè, & ad hoc attingere potest ratio naturalis, cum sit immortalis: & ita aliquid nouum potest immediatè esse à Deo, & tamen non contradicit sibi secundū sua principia &c. Ecco quā liquiddò patet sustinuisse Scotum de mente Philosophi, multorum tēporalium effectiōnem rationalis animæ, & fortuitorum effectuum, videlicet immediatissimè ab influxu pendere Diuino; nō benè igitur hinc in præcedēti Propositione à labe Durandi liberauimus illum.



PRO-

PROPOSIT. V.

*Ostenditur multipliciter Scotum sustinuisse de mente Philosophi supremum efficiens mediatur, cum per inclusionem alterius cause, cum etiam per exclusionem propriæ virtutis in sublu-  
narium productionem influere.*

**F**Ateor quidem testimonia in oppositum Scoticæ iustificationis, & immunitatis à sententia Durandi in præcedenti Propositione relata, magnum posse pusillanimis facessere negotium; primo siquidem intuitu omninò enervare videntur ea, quæ cap. 3. ex Philosophorū sententia de primi efficientis in operantes causas influxu pro nostro Scoto decrevimus: ijs tamen non obstantibus firma, stabilisque ma-

net veritas illa, quam ex eius doctrina deduximus ibi, & nunc in præsentī Propositione fusiùs demonstrabimus, & in subsequentibus etiam ex testimoniorum explicatione solidiùs confirmabimus eam; vnde illud in primis cuilibet ob oculos habendum censemus, quòd quantumvis vltro concedamus (quando quidem non est, qui possit hoc reuocare in dubium) Scotū in primo dist. 42. & in 7. q. Quodl. movisse difficultatem de supremi efficientis influxu ea præcipua ratione, vt de mente Philosophi cõtenderit ostendere, ita primam causam quæ in eius sententia est principium necessariò productivum & omninò perfectum, in temporalium productione mediam exigere causam; vt nullatenus immediatè, idest se sola totaliter sine interuentu mediæ cau-

E      se

ſ; vel attingentis terminum aut disponentis ad illū, ſicut dicit Scotus in 7. q. Quodl. ſub litera L. & ſub lit. R. in q. ult. ſub lit. Q. & colligitur ex 4. diſt. 43. q. 2. ſub lit. N. nouiter cauſabilium attingere valeat. Hinc tamen nimis ineptè inferretur vltèriùs, Scotum noluiſſe de mente Philoſophorum excludere à primo efficiente immediationem virtutis & attingentiæ reſpectu productionis nouiter cauſabilium: vndè quæſo, & qualis eſt cōſequentiæ locus.

Vtramquè igitur immediationem de mente Philoſophorū negat Scotus cauſæ ſupremæ, & illam videlicet, quæ mediæ cauſæ, vel attingentis terminum vel disponentis ad illum; & eam, quæ virtutis & influxus exclusionem importat, ea tamen lege, vt quemadmodum euidenter apparet ex

ipſo contextu & ex citatis testimonijs, noſter Scotus de mente Philoſophorum prioris principalius, quàm poſterioris immediationis exclusionem à primo efficiente in temporalium productione cōtenderit: prioris enim immediationis exclusio magis vrgebat de mente Philoſophorum; quando quidem ea prior immediatio cauſæ (ſicut illam vocat Scotus) nulla ratione cohærere poterat cum hoc philoſophico principio; quòd prima cauſa videlicet eſt principiū neceſſariò producēs, & omninò perfectum.

Sed inquires, igitur pluſquam ineptè probatū eſt in 3. Prob. Scotum non adheſiſſe Durando ex ijs testimonijs, in quibus Scotus de mēte Philoſophorum exclusionem prioris immediationis: quæ namquè excogitari poterit illatio ineptior ea,  
in



in qua diceretur, Deus in temporaliū effectiōne simpliciter necessariò primam immediationem ; ergo similiter secundam excludit, optimè tamen valeret econtrà. Deus in temporalium effectiōne nō concurrat immediatè immediatione virtutis & attingentiæ ; ergo Deus in temporalium productione non concurrat immediatè immediatione causæ, per exclusionem videlicet dispositiui, vel principalis agentis : posterior enim immediationis exclusio ità infert posteriorem immediationis exclusionem, sicut inferius suum infert superius ; & ideò optima est secundi Enthymematis illatio, in priori verò committitur fallacia consequentis, vt patet.

Ad hanc obiectionem facilis est responsio : nam & si vt dictum est, principaliter & explicitè Scotus imme-

diationem importatam mediæ causæ, vel principalis, aut disponētis exclusionem de mente Philosophorum demonstrare cōtenderit, implicitè & concomitanter etiā simul cum exclusione immediationis prædictæ, aliam insuper virtutis immediationem in nouiter causabilium effectiōne à prima causa secludere voluit ; quod Sole limpidiùs patet ex rationibus, quas in 7. quæst. Quodl. sub litera L. ad probandum primam immediationem ex auctoritate Philosophorum desumptas adducit : illæ namquè rationes si benè considerentur, & expendantur, deprehenduntur demonstrantes vtriusq; simul immediationis exclusionem ; breuiter ergo, si placet, singillatim ponderemus ipsas.

Prima, quæ desumitur ex eo, vt inquit Scotus ibidem:

E 2 *Quia*

*Quia si posset omnem effectum immediate causare sine causa secunda, sic posset facere; quod nulla causa secunda haberet actionem propriam &c. Evidenter demonstrat exclusionem utriusque immediationis, & euidencia istius rationis colligitur ex Scoto in primo dist. 8. q. 5. sub lit. T. & in eodem primo dist. 42. sub lit. B. ubi proponens hanc eandem rationem, sic ait: Præterea si Philosophi posuerunt Deum esse necessario agentem, sicut videntur multi eorum sensisse, & posuisse; si cum hoc ponerent, quod esset omnipotens secundum istum intellectum secundum, haberent negare omnem aliam causalitatem cuiuscunque cause secundæ, quod est maximum inconueniens eis: nam causa necessario causans in quocunque instanti comparetur ad effectum, necessario in eodem instanti causat & agit; ergo (cū prius*

*comparetur causa superior ad effectum, inferior & tunc per se necessario est omnipotens) in illo instanti producit effectum totum, ergo in secundo instanti, in quo comparatur causa secunda ad eundem effectum, nihil intelligitur tunc causandum, & ita agens secundum, vel causa secunda nihil potest causare &c. Ex quibus verbis illud ad nostrum propositum aduertendum occurrit, quod Scotus necessario de mente Philosophorum colligere debet ex illo ipsorum principio, quod si Deus videlicet sit perfectissimum agens, & necessario producat quæcunque producit, primam causam immediate utraq; immediatione producere cuncta sublunaria; aliter qua ratione, data hypothesi, concipi posset secundas causas proprijs tunc priuari facultatibus operandi. Igitur cū Scotus*  
in

in ea ratione de mente Philosophorum intendat oppositum conclusionis, quam in eadem ratione deduxit, sequitur tunc euidenter, quòd sicut in conclusione inferebatur vtriusq; immediationis positio in efficiente supremo; ità correspondenter in eiusdem conclusionis opposito implicabitur vtriusq; immediationis ab eodem agente seclusio.

Demonstrat id ipsum ratio secunda, quæ desumitur ex eo, quod Aristoteles habet in 8. Phis. tex. com. 79. vbi concludit potentiam infinitam non posse immediatè mouere corpus in tempore; aliter aliqua finita virtus augmentata posset mouere in equali tempore, quod proportionaliter minueretur ad accretionem mouētis finitę virtutis. Decernit igitur Scotus de mente Aristotelis infinitam potentiā non

posse se sola mouere Cœlū in tempore, seū diuisibili motu; ergo infinita potentia motrix excludit in successiuo motu Cœlorū priorem immediationem, quia propter deductum inconueniens necessariò exigit mediam causam ad Cœlū successiuè mouendum, ergo simpliciter necessariò debet insuper excludere respectu motus eiusdem immediationem virtutis & attingentię. Patet euidenter hac vltima consequentia, quia nisi infinita potentia motrix simul excluderet posteriorem hanc immediationem; ità vt finita, & infinita potentia vniformiter immediatè immediatione virtutis attingerent motum Cœli, successiuè mouendi tunc absq; vlla facta accretione in virtute potentię finitę, eadem finita potentia in equali, immò in eodem tēpore, vt dicit Scotus

tus

tus in 7.q. Quodl. sub lit. II. Cœlum successiue moueret, aliter non esset intelligibile, qua ratione finita potentia influxu concordi simul cum infinita potentia successiuum Cœli motum attingere posset.

In isto eodem tex. 79. & in tex. 78. concludit idem Aristoteles, mouens infiniti vigoris non posse immediate mouere Cœlum, quoniã tunc ex infinitate virtutis moueret illud in instanti, quod implicat in motu circulari, vt etiam declarat Scotus vbi suprã q. 7. Quodl. sub lit. L. Siquidem ibi post prædictã rationem, qua probauerat non posse Deum immediate mouere Cœlum in tempore, statim proponens dubium: An saltem posset hoc in instanti, difficultati respondens hæc verba subiungit: *Si dicatur, quod potest rem motus causare, sed*

*sine successione, quia per mutationem subitam ad illud, ad quod finitum mouens moueret in tempore: Contra hoc non soluit, quia Deus non potest immediate causare motum circularem Cœli; quia nõ in tempore, vt conceditur, nec in instanti, quia in illo instanti totum Cœlum esset in eodem loco, & quælibet pars sui in eodem loco, in quo prius, ergo in illo instanti Cœlum non mutatur &c.* Hinc manifestè colligitur Scotum voluisse de mente Philosophi primũ motorem non solum non posse mouere Cœlum immediate per exclusionem alterius causę mouentis: sed nec etiam immediate per inclusionem virtutis, & attinentiæ, aliter semper id ipsũ ex instantaneo Cœli motu deductum, sequeretur absurdum; quandoquidem ex vi concursus inferioris agentis nulla ratione posset ita cohereri

beri & attemperari primi motoris influxus , quin ex vi necessitudinis & infinitatis illius , indiuisibiliter etiā cœlestes impelleret orbes .

Immò verò ex eadē propositione vel primum efficiēs omninò præueniret virtutem subordinati mouentis , vt superius explicuimus de mente Doctoris ; vel si nō præueniret , ità tunc violenter raperet illud ad motum globi cœlestis , vt ad indiuisibilem impulsus determinaret & constringeret ipsum , quod esset impossibile , non solùm per hoc , quia implicat quamlibet sphæram in instanti moueri : sed etiam ex eo , quòd cùm de mente Philosophi nequeat finita virtus mouere Cœlum in æquali tempore , quo moueret illud , quantò minùs vt colligitur ex Scotto in 7. q. Quòd. sub lit. II. nequibit hoc ipsum in mē-

fura indiuisibili . Hanc eandem rationem ducentem ad aliud impossibile de mente Philosophi tangit Scotus in primo dist. 8. q. 5. sub lit V. vbi sic ipse discurrit : *Per idem mediū ex necessitate causandi , & ultimata causatione sequitur , quòd mouebit in tempore ; aut saltem mutabit Cœlum in non tempore , ità quòd Cœlum nō propriè mouebitur . Nec valet illa responsio tacta supra q. præallegata de infinitate , quia ista virtus infinita habet omnē perfectionem causæ efficientis in se , quam ipsa habet cum causā secunda proxima ; & ideo sequitur , quòd immediatè potest causare omnem illum effectum in Cælo per se , quem potest causare cum intelligentia , ergò & causat , si necessariò agit , quidquid potest : & ultra , si causat illud immediatè ; ergo mutat & in non tempore , quia potentia infinita agens secundum ultimū poten-*

potentia suæ non potest agere in tempore: Si autem aliquis motus Cæli potest in non tempore ab isto mouente, igitur est, & si hoc; ergò nulla est generatio & corruptio in inferioribus, quæ sunt contra Philosophos, igitur illa, ex quibus sequuntur ista, sunt falsa secundum Philosophos &c. Quid clariùs?

Tertia etiam ratio desumpta ex Aristotelis, & Commentatoris auctoritate, sic euidenter nostrum demonstrat intentum, ut etiam cæcutiētibus innotescere debeat. Scotus igitur dicit ibidem, quòd: Tertiò hoc videtur ostendi de quocurq; effectu materiali, quia per transmutationem materie, ut videtur, habet produci: videtur enim Aristoteles 7. Metaphys. text. com. 28. contra Platonem probare, quòd separatum à materia non possit immediatè transmutare materiam. Et Com-

mentator ibidem com. 28. & 31. impossibile est, quòd formæ separate transmutent materiã: nihil enim transmutat materiam, nisi quod est in materia &c. Quibus clarioribus verbis poterāt Philosophus, & Cōmentator immediationē vtramq; in téporalium productione à primo efficiente secludere. Nec obstat, si dicatur, quòd Scotus in eadem q. respondēdo pro Theologis ad istas Philosophorum rationes, dicat sub litera Q. Commentatorem ibi non olfecisse mentem Philosophi; quoniam inquit: Sed meliùs videtur, quòd quando litera Aristotelis potest habere sanum intellectum, & litera Commentatoris sanum intellectum habere non potest; quòd dicatur Auerroem non habere intentionem, & saluetur eius intentio, quod hic etiam videtur posse fieri: nam de hoc ad præsens breuiter transeundo dici

*dici potest, quòd Aristoteles ibi arguit contra Platonem, probando, quòd idæ non sunt necessarie ad generationem, quia sufficit hoc aliquid ad generandum hoc aliquid: sed nec idæ possunt generare hoc aliquid, quia si generans non est hoc aliquid, nec genitum erit hoc aliquid &c. Nihilominus tamen liquet saltem ex verbis Auerrois, eam fuisse Philosophi mentem, atque propositum, ut omninò in nouiter causabiliũ effectione vtramque immediationem primo efficienti negare voluerit, sicut ipsemet Scotus disertis verbis fateatur paulò inferiùs dicens: Ad tertium, absolute concedendum est tam Aristotelem, quàm Auerroem; Deum posse immediate mouere corpus, negasse: & in hoc habet Theologus vtrumque negare. Posuerunt tamen, Deum mouere Cælum mediatè, scilicet mediante in-*

*telligentia, quæ est propria motrix Cæli &c.*

Quarta ratio demùm, desumpta ex necessitate & infinitudine virtutis agētis supremi, cùm sit aliarum confirmatiua, & ferè coincidat cum prima, nostrum etiam demonstrat intentum; dicit etenim Scotus: *Vltimò videtur, istas probationes posse confirmari, & ex intentione Philosophi 8. Phis. tex. com. 79. ubi videtur velle, quòd quidquid Deus potest immediate causare, & hoc totaliter necessario causat; quia non videtur posse poni contingentia ad causandum, & non causandum nisi propter aliquam mutabilitatem in agente, & hoc quando effectus totaliter, & præcisè dependet ab agente. Nunc autem si Deus posset immediate in quodlibet causabile, quodlibet dependeret totaliter & præcisè ab eo; & per consequens necessario quodli-*

F bet

*bet causaret: & tunc sequitur multiplex inconueniens, scilicet quòd causa secunde priuarentur actionibus suis, quòd tangit prima ratio; & quòd Deus immediatè causaret omnem motum, quod tangit secunda ratio, & quòd Deus immediatè causaret omnem effectum materiale, quod tangit tertia ratio &c.* In isto discursu illud præsertim aduertat, quod cum Scotus supponat de mente Philosophi primum efficiens nõ solum esse necessarium agens & infiniti vigoris: sed etiam eam habere plenitudinem virtutis in operando vt totaliter, & præcisè contineat productionem effectus; non poterit igitur assignari ratio sufficiens, cur his in ipso concurrentibus conditionibus, non produxerit ab æterno se solo cunctos effectus: dū per hoc, quòd suis actiuitatibus priuaret agentia crea-

ta, necessariò immediatè vtraquè immediatione posset omnes attingere. Vel si cum hoc producat illos in tempore, cur igitur nouitas in operando illius immutabilitati non præiudicabit.

Sed inquires, quid igitur dicendum tūc de noua productione animæ intellectiue; nonnè nouitas productionis illius, quam his non obstantibus de mente Philosophi sustinet Scot. in 7. q. Quodl. sub lit. R. in vlt. q. Quodl. sub lit. Q. in 2. dist. 17. q. 1. sub lit. B. & in 4. dist. 43. q. 2. sub lit. M. eidem Diuinæ stabilitati similem irrogabit iniuriam.

Respondemus, quòd in ea Propositione, vbi explicabimus Scoti testimonia in oppositum adducta, ex doctrina Scotica ampliabimus, & magis vrgebimus hanc eandem instantiam; & ostendemus euidenter nouam rationem-



rionalis anime productionē, nullum de mēte Philosophi præiudiciū inferre stabilitati causę supremę. En igitur quàm verum sit, Scotum voluisse simul excludere à primo efficiente in nouiter causabiliū productione principaliter immediationē, quę virtutis eius exclusionē importat.

## PROPOSIT. VI.

*Isthæ eadem Scotica veritas demonstratur vterius.*

**E** Videnter propositum colligitur insuper ex eadem q, 7. Quodl. sub lit. M. vbi posita cōclusionē, quod: *Tenenendum est secundum cōmunem sententiam Theologorum Deum sic esse omnipotentem, quod sine quocunque alio agente possit causare quodlibet causabile;* & pro Theologis illa probata ex eo, quia virtus acti-

ua cuiuscunque causę secundæ eminentius est in prima causa, & in primo agente, quàm in ipsa causa secunda: habens autem eminentius virtutem actiuam, videtur posse in effectum absque illo, quod diminutè habet virtutem illam. Non enim ad productionem effectus requiritur imperfectio virtutis actiuę; quia nulla imperfectio est ratio agendi, sed est magis impedimentum actionis. Sic in gratiam Philosophorum assumptam rationem explodit, dū inquit: *Ista ratio, licet videatur probabilis, non tamen esset Philosopho demonstratio, negaret enim istā propositionem: Quidquid in se eminenter, vel virtualiter habet virtutem actiuam causę proximę, ipsum potest immediate effectū illius causę causare;* diceret enim, quod eminentiori modo habens talem virtutem potest quidem in suo ordine in effectum talis virtu-

*tis, sed ordo suus est, quòd sit causa superior, & remotior.* In quibus verbis illud advertendum est primò, quòd Scotus asseruit de mète Philosophorum ipsos gratis concessuros actiuitatem cuiuscunque causæ secundæ eminentius contineri in causa suprema, quàm in quolibet agente creato; & per consequens posse primū efficiens in ordine suo in effectum cuiuslibet causæ secundæ: sed hinc non concessuros ulterius, quòd seipso immediatè nec immedatione per exclusionē alterius causæ, nec immedatione per inclusionem propriæ virtutis, & attingentiæ in productionem nouiter causabilium influere valeat. Primum patet, secundum probatur euidenter per vltima verba, quibus Scotus sic inquit: *Sed ordo suus est, quòd sit causa superior & remotior*; idest illud

habet peculiare primum efficiens in ordine suo, vt simul sit causa superior, atquè remotior. Sit (inquam) superior, vt indè colligitur quasuis alias causas essentialiter ab ipsa, & in essendo & in operando pendere: sed sit etiam causa remotior; vt hinc insinuetur primum efficiens non immediatè, sed remotè tantum cuncta temporalia producere, quod confirmat in 4. dist. 43. q. 2. sub lit. M. *Ad aliud valde dubiū est, quid ipse senserit de inceptione anime intellectiue: Si enim non ponit Deum aliquid immediatè de nouo agere; sed tantummodò motu sempiterno mouere Cælum, & hoc vt agens remotum.* Hanc etiam explicationem nō leuiter indicant ea, quæ ad exactam eiusdem ordinis euidentiā fatis acutè subiungit ibidem 7. quæst. Quodl. videlicet inquit: *Vbi enim est ordo essen-*  
sen-

*sentialis, ibi non potest aliquid esse proximum imperfectissimo, nisi ipsum sit aliquantulum imperfectum; quia si perfectum esset proximum imperfectissimo, esset æquè immediatum cuilibet alij à se, & tunc ista non haberent ordinem essentialem, sicut non esset ordo essentialis in speciebus numerorum, si qualibet æquè immediate produceret ab unitate. Ex quo patet, quòd istam propositionem negaret Philosophus, perfectior causa immediatius causat, intelligendo per immediatius exclusionem causae propinquae actiuae; immò diceret, quòd sicut perfectior est causa superior, ita per plures causas medias causat: nec istae causae mediae requiruntur, ut addatur perfectio causalitatis, quae tota perfectissime est in sola prima; sed magis requiruntur, ut habeatur ordinata perfectio descendens ad ultimum imperfectum, ordinata autem perfe-*

*ctio non habetur sine diminutione perfectionis, & cum imperfectione annexa. Cum igitur ex vi essentialis ordinis velit Scotus de mente Philosophi, quòd perfectissimum ens non potest esse sic proximum & immediatum imperfectissimo enti: quasi verò immediate per exclusionem alterius agentis originem videlicet trahere possit istud ab alio (de hac namque virtutis & originis immediatione loquitur ibi subtilissimus Doctor, ut patet) necessum est etiam, ut actiuitatis immediationem simul excludat ab ipso; quoniam hac non exclusa, quantumvis secludatur altera prior, semper supremum efficiens redoleret, saperetque minorum entium imperfectionem, siquidem etiam tunc imperfectio entis vilissimi refunderetur in ens perfectissimum, à quo immedia-*  
*tè*

tè penderet in esse. Qua ratione (quæso) posset vitari talis imperfectionis refusio imperfectissimum agens ex solo causæ secundæ concursu cum illo, cum non est, qui sic desipiat; ut concedat vilescere Deum, si se solo vilissimum producat effectum, & concedere nolit ulterius ipsum vilescere, si cōcurrente secum causa secunda immediatè immediatione virtutis vile attingat effectum.

Diceret ergo Philosophus, sicut etiam asserit Scotus in ultimis verbis testimonij citati, quòd ad hoc ut ordinate fiat distributio & communicatio perfectionis entis supremi ità descendere debet usquè ad ultimū imperfectū, ut necessariò oporteat fieri cum diminutione perfectionis, & cum imperfectione annexa; idest sic ordinate diffluere, & pertinge-

re debet usquè ad ultimum imperfectum, ut cum debita proportionē & correspondentia perfectissimus à perfectissima, perfectus à perfecta & imperfectissimus effectus à sola imperfectissima causa immediatè utraq; immediatione ponatur in esse: ità ut talis sic ordo productionis & productorum, quòd si vilis effectus à correspondenti causa proximè & immediatè producat in esse: sic idem effectus remotè & mediatè producat etiam ab agente superiori iuxta illum ordinem aureæ catenæ, quam Avicennas confixit, & quam Scotus de mente Philosophorum indicat in quarto dist. 12. q. 2. sub lit. F. dum inquit: *Nec mireris talem ordinem diuersum assignari ad primum secundum diuersas perfectiones; quia qualibet perfectio potest esse principium unius hierar-*

rar-

*rachie naturalis vel secundum Philosophos vnius cathene aureae: & ita secundum diuersas perfectiones simpliciter in primo participatas ordinatè à diuersis possunt attendi diuersae cathenae aureae.*

Sed hìc posset fieri difficultas non paruipendenda, qua ratione videlicet explicare poterit de mente Philosophi distributio, & emanatio perfectionis entis supremi cum diminutione & imperfectione descendens vsque ad vltimū imperfectum; ita vt in vniuerso assignari possit perfectorum & imperfectorum agentium, & correspondens eis causabilium series & ordo cum ea, quae immediate produxit primum efficiens, qualia sunt omnia sempiterna, vt colligitur ex Scoto in 7. q. Quodl. sub lit. II. sint entia perfectissima, & ex necessitate ineuitabilitatis & immutabilitatis agen-

tia, quemadmodum causa suprema; cur igitur non etiam ipsis imperfectissimus correspondebit effectus, & huic alteri producenti non similis insuper ex eodem capite respondebit effectus, & ita deinceps vsquè ad vltimum.

Cæterum, quia difficultas proposita aliarum obscuriorum difficultatum prolixam discussionem exigeret; nūm videlicet de mente Philosophi intelligentiæ pendeant à prima in genere causæ finalis dumtaxat: An simul etiam in genere causæ efficientis, & dato quòd agnoscant eam in vtroquè genere causæ; vtrum tunc sint entia formaliter infinita, & simpliciter necessaria? Et an demum seipsis immediate, an mediante globorum cœlestium motu cum vniuniformitate in toto & difformitate in partibus mobilis in productionem sub-

sublunarium influant. Libenter igitur & consultò cum istis ipsâ in præsentia dilucidandam omittimus, eo vel maximè; quia huiusmodi difficultatum explicatio nimis indirectè ad nostrum institutum attineret. Curiosi tamen consulant interim Scot. in 7. q. Quodl. sub lit. E E. & deinceps. Et in primo dist. 8. q. 5. per totum; quoniam ex his citatis locis horum omnium dubiorum notitiam adipiscuntur exactam.

Evidentiùs colligitur insuper principale propositum ex 7. q. Quodl. sub lit. N. ubi volens Scotus ostendere nò posse demonstrari demonstratione, quia Deum esse omnipotentem omnipotentia Theologica. Primò inquit, nullum vnquam ex Philosophis ad istius veri notitiam deuenisse; quia causalitatis ordo non con-

cludit euidenter ex naturalibus Deum esse theologice omnipotentem, idest potest optimè saluari ex naturalibus essentialis ordo causarum: quantumuis asseramus primam causam in sublunarium productione inferiorum agentium egere virtute; deindè probat intentum in genere causæ materialis, formalis, efficientis respectu cognitionis, & postremò finalis; & hæc sunt formalia verba: *Hoc etiam manifestius est in alijs generibus causarum; si enim secundū aliquos esset ordo essentialis in materijs, puta quòd prima materia animæ intellectiue propinqua sit corpus organicū, & sic ulterius usq; ad materiā simpliciter primam, cum sit propria materia respectu formæ primæ substantialis, non oportet quòd materia simpliciter prima possit esse materia immediata respectu cuiuscunque*

quæ formæ, cuius potest esse alia materia secunda. Hoc etiã patet in formis, non enim oportet quòd prima forma possit esse immediata forma cuiuscũq; in-  
formabilis, cuius potest esse im-  
mediate alia forma secunda; & hoc siuè prima forma & secunda accipiantur ordine ge-  
nerationis, siuè perfectionis. Ista, quæ dicta sunt de causa materiali, & formali, habent maiorem euidentiã, si vera sit opinio de pluralitate forma-  
rum; de quo modò non est, quæstio: sed ad propositum suf-  
ficit, quòd si in causis materia-  
libus & formalibus esset ordo non oportet quòd primum esset causa immediata cuiuscunque causabilis; ergo modò ubi talis ordo est, puta in causis efficien-  
tibus, non oportet quòd prima possit esse causa immediata cuiuslibet. Hoc etiam patet in causis efficientibus respectu co-  
gnitionis, nam principia ponũ-  
tur cause respectu cognitionis,

cõclusionis, ut habetur 2. Phis. tex. com. 86. & inde, ac in pri-  
mo posteriori; licet primũ prin-  
cipiũ habeat veritatẽ euiden-  
tissimã, & etiam contineat  
eminenter & virtualiter veri-  
tates omnium posteriorum: non  
tamen oportet, quòd possit esse  
immediate causa cognoscendi  
quodcunque posterius; immò  
oportet per media ordinatè pro-  
cedere ad hoc, ut acquiratur  
cognitio conclusionis remotæ.  
Hoc tandem patet in ordine  
causarum finalium, accipiendo  
enim ultimum in aliqua coor-  
dinatione finium, non oportet  
quòd illud possit esse causa fi-  
nalis immediate respectu cu-  
iuscunque; quia aliquod remo-  
tum non ordinatur ad ipsum,  
nisi mediante fine propinquiori  
sicut organa exteriora ordinata  
ad potionem vel incisionem,  
non ordinantur ad sanitatem  
nisi mediantibus istis finibus  
proprijs.

Et licet hac inductione

G prin-

principaliter Scotus probare cōtēdat, quòd primū efficiēs ad temporalium produciōnem mediātē per inclusiōnē inferioris agentis; concomitanter tamen ostendit vltērius, quòd etiā mediātē per exclusiōnem propriē virtutis & actionis concurrat & influat. Et quātūmuis non ostenderetur vtrumquē per rationem ex materialium & formarum ordine, quem seruant in constitutione viuētis compositi; quoniam in istis duobus causarum generibus posset dicere Aduersarius, quòd ex paritate ordinis materierum & formarū non potest aliud ostendi, nisi prioris immediationis exclusio, quia licet prima materia non se sola recipiat secundam formam substantialem: sed immediatum receptiuum illius sit id, quod cōstituitur ex nuda materia & forma priorī, vt dicit Sco-

tus in 2. lib. Report. dist. 37. q. 1. §. *Alia opinio &c.* *Prima forma substantialis aduenit materiæ primæ, ita quòd ipsa est immediata causa materialis illius compositi perfectioris; quia immediatē perficitur ab intellectuina corpus organicum. Hoc videtur mihi probabilius, quàm quòd quelibet forma substantialis immediatē perficiat materiam primam.* Adhuc tamen prima materia immediatē seipsa concurreret ad posterioris formæ receptionem, aliter materia prima non esset essentialis, & intrinseca pars illius cōstituti; & id ipsum correspondenter dicendum est de formis substantialibus, similem in informando seruantibus legem & ordinem. Quātūmuis (inquam) non ostenderetur vtriusquē immediationis exclusio in hisce duobus causarum generibus, si daretur in illis materialium & for-



& formarum substantialium ordo in constituendum cōpositum idem humanum; illam tamen euidentissimè conuincunt aliæ duæ rationes, quarum altera ex ordine mediorum ordinatè concurrentium ad productionē scientificæ notitiæ, & altera ex ordine finalium causarum desumitur.

Alicuius igitur conclusionis notitia demonstrata in scientia subalternata pendet essentialiter & adæquatè ex primo & particulari medio contento intra latitudinem eiusdem scientiæ, & pendet etiam ex euidentia vniuersalioris principij, quod ex terminis suis innotescit in subalternante scientia; vt exemp. grat. notitia conclusionis in perspectiua pendet ex principio confusè noto in ipsa, & pendet ex principio distinctè noto in Geometria subalternante

sibi perspicuam: sed ea lege ab utroquè dependet, vt totaliter & immediatè à principio confusè noto in perspectiua, & mediatè tùm per inclusionem alterius principij, tùm per exclusionem propriæ virtutis & euidentie pendeat in esse à principio distinctè noto in Geometria. Sed quòd mediatè primo modo pendeat ab vniuersaliori & remotiori principio patet, quia supponimus nūc euidenter perspectiuum ex proprijs principijs dumtaxat demonstrare quandoquè, & quòd mediatè secundo modo ab eodem principio ponatur in esse: probatur; quia quando perspectiuus demonstrat, non est sibi necessarium, quòd propter illius demonstrationis certitudinem & euidentiam, actualiter tunc simul applicet scientiæ subalternantis principia: quasi verò eandem conclu-

sionem simul deducere debeat ex subalternatæ, & sciētiæ subalternantis principio, vt patet. Scientifico tamen subordinato est simpliciter necessaria, vt quemadmodum asserit Scotus in 3. dist. 24. q. vnic. sub lit. H. & I. si rigorosè demonstratiuam velit habere notitiam, optimè sciat conclusionem suam resolvere in principium, quod ex proprijs terminis euidenter clarescit in subalternante scientia; quandoquidem subalternantis conclusiones sunt subalternatæ scientiæ principia.

Patet igitur de mēte Scoti, Philosophorum sententiā explicantis; quòd sicut etiam salua essentiali subordinatione, remotius medium, vniuersaliusquè principium virtualiter continens euidētiā proximioris principij demonstratiuæ notitiæ, mediātè vtraquè mediatione

prædicta in eius scientificam notitiam influit; ità correspondenter causa suprema mediante per exclusionem vtriusquè immediationis ad sublunarium productionem concurrit, integro perseuerante adhuc essentiali productorum & producentium ordine: quia quemadmodum proximioris principij & conclusionis euidētia, vltimò; sed ordinatè per intermedia principia resoluitur in euidētiā supremi principij, cuius euidētiæ ordinatè & cum diminutione distribuitur, & descendit vsq; ad vltimum euidens, quod est vltima conclusio demonstrabilis de aliquo subiecto: ità proportionabiliter infimæ causæ operandi facultas vltimatè per agentia intermedia subordinata resoluitur in virtutem & efficaciam agentis supremi, cuius actiuitas cum diminutione distribuitur.

buta descendit per ordinatā communicationem vsq; ad vltimum imperfectum .

Sed hīc monitos velim prudentes Lectores prædictā mediorum subordinationem non solum reperiri in scientia subalternante , & subalternata simul : sed in qualibet singillatim, vt patet discurrenti, quia de vno & eodem numero subiecto possunt demonstrari multę passionēs ea lege, vt prior passio sit ratio demonstrandi posteriorē ; vt insinuare videtur Scotus in 3. dist. 14. q. 2. sub lit. G. §. *Sed contra* &c. & idem Scotus in 9. q. Quodl. ex medio communi & proprio, demonstrat sub lit. A. & B. quod repugnat Angelo informare materiam . Nos tamen attulimus exemplum subordinationis mediorum in subalternata simul, & subalternante scientia; quoniam cui-

dentiū explicabat propositum .

## PROPOSIT. VII.

*Efficaciū id ipsum ostenditur demū .*

**E** Videntissimè tandem hoc ipsum elucescit ex 7. q. Quodl. sub lit. II. vbi cōtendens probare Scotus de mente Philosophorum, intelligētias orbium motrices non esse entia à se : sed verè productas à causa suprema, sic ibi discurrit : *Præterea ex eodem 8. Phis. tex. com. 78. & indè arguitur sic : Philosophus vult ibi, quod mouens infinite potentiæ moueat Cælum motu infinito, & non immediatè, vt dictum est ; ergo mediatè scilicet mediante intelligentia . Et hanc esse eius intentionem scilicet mouens finitum mouere Cælum immediatè, & mouens infinitum mediatè dicit Com-*  
men-

mentator 12. *Metaphys. com.*  
 41. Sunt igitur respectu Cæli  
 duo mouentia ordinata. Tunc  
 arguo sic: Quandocunq; sunt  
 plura agentia essentialiter or-  
 dinata, aut secundum accipit  
 esse à primo; exemplum de Cæ-  
 lo, & igne, secundum licet nō  
 accipiat esse à primo, tamen ac-  
 cipit aliquam influentiam. Ex-  
 emplum; baculus motum ac-  
 cipit à manu, ut possit ulterius  
 mouere pilam: aut tertio mo-  
 do ambo attingunt eundem ef-  
 fectum immediatè, sed ordine  
 quodam, primum scilicet prin-  
 cipalius, & secundum minus  
 principaliter; tamen ipsū eun-  
 dem effectum attingit. Exem-  
 plum de Patre, & Matre res-  
 pectu generationis prolis secū-  
 dum opinionem ponentem Ma-  
 trem esse actiuam. Quæro ergo  
 quo istorum trium modorum se  
 habent ista duo agentia in mo-  
 uendo Cælum? Non tertio mo-  
 do, quia statim sequitur, quòd  
 in equali tempore, immò in

eodem tempore moueat virtus  
 finita & infinita; quia utraq;  
 attingit motum immediatè tã-  
 quàm proprium effectum. Si  
 detur secundum, cū nihil  
 secūdum Aristotelem recipiat  
 ab intelligentia, aliud ab eius  
 essentia habetur propositum. Si  
 detur primum, patet quòd hoc  
 est propositum; patet ergo quòd  
 Aristoteles sic intellexit ista  
 agentia esse ordinata, quòd se-  
 cundum esset à primo; & tunc  
 primum mouet mediatè, &  
 dat esse & virtutem proximo  
 mouenti: & quia perpetuò dat  
 illud esse & virtutem, idè est  
 causa perpetuitatis in motu; fi-  
 nitas autem virtutis, quæ non  
 est aliud à natura Angeli, est  
 causa successionis motus, quia  
 illi virtuti potest esse aliqua  
 resistentia in mobili, quæ non  
 potest esse virtuti infinita.

Quibus (quæso) poterat  
 euidentioribus verbis nostrā  
 stabilire sententiam? En quā  
 manifestè concedat de men-

te

te Philosophi productā intelligentiam non alia ratione subordinari efficienti supremo in motione globi cœlestis, quā per hoc, quòd ab illo ea lege recipit esse & virtutem mouendi sphæram cœlestem ; vt nullatenùs simul cum ipsa in Cœli motum influere valeat , nisi velimus asserere de mēte Philosophi, quòd non solùm in æquali , sed etiam in eodem tēpore finita & infinita virtus impellant , moueantquè Cœlum .

Hoc ipsum sub eisdem ferè verbis confirmat in 12. lib. Metaph. in exposit. text. 42. vbi proposito dubio: *Vtrum primum Cœlum moueatur immediatè à primo principio ?* Respondet : *Dicendum quòd secūdum veritatem primum mobile habet duo mouentia ; vnum separatum , quod est Deus mouens in ratione amati, & desiderati: aliud con-*

*iunctum , quod est secunda intelligentia immediata post Deū , à qua immediatè mouetur in ratione amantis ; & mediatè prima , quæ est Deus , ipsum primum Cœlum mouet . Et hæc est sententia expressè Auicennæ 9. Metaph. cap. 4. Sed de intentione Aristotelis dicit vnus Expositor , quòd sententia sua est ; quòd primum Cœlū mouetur immediatè à primo principio , quod est Deus : sed hoc non videtur ; vt euidenter ostendit ibidem ex intentione Philosophi per hoc , quòd primum mouens mouet dūtaxat in ratione amati , ergo metaphoricè , ergo non efficienter ; quemadmodum in ratione amātis mouet proprium Cœlum intelligentia secunda . Et tandem subiungit , quòd : *Hæc videtur expressa sententia Aristotelis 8. Phis. tex. com. 78. & inde quòd potentia infinita nō potest immediatè mouere cor-**

*pus*

pus in tempore; quia si sic aliqua potentia finita posset mouere in aequali tempore, eo quòd augmentata virtute motiua minuitur tempus, in quo mouet: Secundū hoc ergo dicitur, quòd Deus non potest immediate causare motum propriè dictum, qui cū sit successiuus necessario est in tempore; posuit ergo duo mouentia ordinata, quia primum mouet mediatè, quia dat virtutem secundā: & quia dat perpetuò illam virtutem, ideo est causa perpetuitatis in motu.

Possit hoc vltimò confirmari ex eodem Scoto in 2. dist. 3. q. 10. sub lit. G. vbi postquàm superiùs decreuerat graua & leuia intrinsecā habere virtutem, & principium mouendi seipsa, tale dubium contra determinata proponit: Si obijcies quomodo Philosophus, si concedit, graue sic moueri effectiue à se, licet non per cognitionem; nec

etiam quòd naturalitas eius sit ab eo in quantum habet principium actiuum: quomodo (inquam) habebit principale propositum suum, quòd ista necessario mouentur ab alio; quod ipse intendit principaliter probare. Et statim respondens sic ait: Dico quòd satis habet hoc ex distinctione potètiæ: ista enim non reducunt se ipsa de potentia secunda ad actum secundum, nisi priùs reducta fuerit de potentia ad actum primum. Et paucis interiectis subiūgit: Sequitur ergo, quòd omne graue & leue, licet moueat se effectiue de potentia secunda ad actum secundum; tamen mobile est, vel mouetur ab aliquo alio extrinsecò à potentia prima ad actum primū. Non enim oportet, quòd si omne quod mouetur, ab alio mouetur, quòd in omni motu moueatur ab alio; & sufficit Philosopho primum, quia per hoc deuenietur ad aliquod aliud

*aliud ab omnibus istis, quòd nec in uno motu, nec in quocunq; poterit moueri ab alio, sed est omninò mouens immobile.*

Ex quibus verbis non obscure colligitur Scotum voluisse de mente Philosophi, illum dari essentialem ordinem in motis & mouentibus, vt licèt motum inferius moueatur à superiore mouente de potentia prima ad actum primum; non tamen mouetur à potentia secunda ad actum secundum, idest licèt. motum inferius sic moueatur à superiori mouente de potentia prima ad actum primum, vt in essendo tantum immediate pendeat ab illo, non tamen mouetur à potentia secunda ad actum secundum: quasi verò sicut inferius agens quantum ad esse immediate pendet à superiori mouente; ità similiter quātum ad operari immediate pendeat ab

illius influxu: quoniam cū inferius agens habeat intrinsecam facultatem, & sufficientem virtutē producendi proprium actum; non est ergo cur indigeat ad illius effectiōem extrinseco, nec totaliter, nec partialiter immediate producente principio necessario: tamen exigit illud, vt entitatem, & simul operandi virtutem ab eo recipiat; & hac ratione dumtaxat pendeat etiam à supremo mouente penitus immobili omne, quod immediate pendet ab ipso. Vulgatum igitur philosophicum illud axioma; *omne quod mouetur, ab alio mouetur*, iuxta Scoticam expositionem eo sensu de mente Philosophi exprimit nobis essentialem motorum & mouentium ordinem, vt infimi mobilis nō mouentis vlteriùs à suo proximè superiori mouente, & sic ordinate ascēdendo deinceps

H ceps

ceps vsquè ad primum mouens immobile immediatè in essendo solummodò subordinationem, pendentiam què designat. Inferius autem alio pacto & fusiùs explicabitur istud idem philosophicum axioma, & de mente Scoti nonnulla scitu digna dicemus; interim concludamus tandem, quòd firma stabilisque manet veritas illa, quam Propos. 3. vt Scotum à labe Durandi ostenderemus immunem, de mente Philosophorum ex eius doctrina deduximus ibi.

## PROPOSIT. VIII.

*Explicantur testimonia*

*Propos. 4. in oppositum adducta.*

**V**T prædicta Scotica veritas magis ac magis elucescat, & profundius suas configat radices, bre-

uiter nunc expendenda & explicanda sunt ea testimonia, quæ Proposit. 5. 6. 7. ex Scoti doctrina in oppositum retulimus; & licèt ex superiùs dictis satis superquè patet, illa nil nobis obesse, & clarescat insuper quid respondendum esset ab ea: nihilominùs tamè ad omnem dubitatiunculam, scrupulùquè tollendum singillatim percurremus ipsa, & singulis singulas, propriasquè solutiones adhibebimus.

Ad primum igitur testimonium respondemus negando exclusiuam illam dictionem, *solummodò*, indicare nobis, quòd Scotus eo sensu de mente Philosophorum motam quæstionem de im-mediatione causalitatis agentis supremi exagitare cõtenderit, vt solum in dubium reuocare voluerit influxus Diuini im-mediationem, quæ causæ secundæ inclusionem im-



importat ; siquidem vt ex intuitu literæ patet per illam dictionem , Scotus intendit excludere , vel contradistinguere causam mediam , quæ vel efficienter dispositiuè , vel efficienter principaliter influat in productionem effectus ab eo, quod licet esset medium ad productionem eiusdem effectus : nullatenus tamen nec dispositiuè, nec principaliter in illum influeret , sicut est effectus ille qui licet simpliciter necessario prærequiratur ad productionem alterius effectus ; nihilominus tamen nulla ratione efficienter influit in ipsum . Euidèntissimè colligitur hoc ex ipsa litera Scoti distinguentis ibidè, quod : *Mediatio causæ respectu effectus potest intelligi dupliciter , vel scilicet quod causat per causam mediam , vel quia causat mediante aliquo effectus ; non enim omnis effectus*

*medius ad alium effectum est semper causa illius effectus , ita potest intelligi immediatio causæ actiuæ , vel excludendo causam actiuam mediam , vel excludendo effectum medium priorem illo effectui .* Et hac præmissa distinctione de duplici mediatione , & immediatione volens hinc exprimere nobis , in quo sensu exagitur sit propositam quæstionem , subiungit ; quod haud debet in dubium reuocari Deum ea ratione mediatè producere nonnullos effectus vt simpliciter necessario ad illorum productionem requiratur alterius effectus positio : nam si quæstionis sensus esset de vtraque ; immediatione simul , vt inquit Scotus ibidem , idest indistinctè de immediatione causæ , & de immediatione effectus necessario prærequisiti ; nulla ratione tamen concurrentis efficienter . Dico

(subiungit) quòd non solum Philosophi, sed etiam Theologi negarent Deum esse omnipotentem immediate; quia non conceditur Deum posse causare relationem, nisi prius vel duratione, vel natura causando fundamentum, & ita non potest in quemcunque effectum immediate, & sic quòd nullo effectù quasi medio prius natura causato. Et respuens Scotus, & excludens prædictum sensum quæstionis subnectit: Est ergo difficultas immediatione ut excludit solummodò causam efficientem mediam; & intelligo effectiuam generaliter, siue illa causa media in causando attingat effectum principalem, siue tantum aliquem effectum præuium, vel disponentem ad illum.

Ex quibus verbis patet nunc euidenter per illam dictionem, solummodò, nil aliud voluisse Scotum excludere nisi priorem quæstio-

nis sensum de medio, quomodocunque prærequisito; & per illam simul restringere quæstionem ad exigitum medium, quod habet rationem causæ vel dispositiue, vel principaliter influentis in productionem sublunaris effectus, ut patet. Igitur malè deductum est ex illa particula, solummodò, quòd per eam voluerit Scotus sic restringere quæstionem ad sensum de immediatione causæ, ut simul intenderit excludere eum sensum de immediatione virtutis & attingentiæ: quasi verò supposuerit Deum simul cum causa secunda cōcurrere ad productionem effectus, & immediationem priorē dumtaxat, in dubium reuocandum censuerit.

Præterea ex isto antecedente Scotus in 7. q. Quodl. intendit reuocare in dubium priorem immediationem, etiam si esset absolutè & sim-

simpliciter vera, quod negamus; non posset tamen inde deduci nisi isthæc tantum consequentia, ergo non intendit reuocare in dubium posteriorem immediationem. Sed tunc distinguendum est consequens: Non intendit reuocare in dubium posteriorem immediationem, quasi verò supponat Deum immediatè immediatione virtutis attingere; saltem cum causa secunda productionem effectus, & sic falsa est consequentia. Non intendit reuocare in dubium posteriorem immediationem primò & principaliter, & tunc sic vera est consequentia; quia reuerà (vt diximus suprà, & ex ipso textu colligitur) Scotus non in ea quæst. principaliter cōtrouertere intendit de mente Philosophorum priorem immediationem: sed hinc non est, cur non concomitantex saltem reuocaret in

dubium posteriorem etiam immediationem, vt suprà ex Scoti doctrina deduximus. Et per hoc fit insuper satis ad illud, quod subiungitur ibi ex responsione ad propositum dubium de mēte Philosophorum; nā & si ad aures illorum priorem principaliter posterioris etiam immediationis exclusionem Scotus contendit ibidem.

Ad aliud dicendum, quòd ex ipso magis oppositū, quā propositum colligitur, sicut suprà Proposit. 5. hoc ipsum testimonium expēdentes ostendimus, quo sit, vt omnino sit falsum, quòd Scotus supponat ibi de mente Philosophorum Deum immediatè immediatione virtutis in sublunarium productionem influere: minimè tamen sic immediatè, quasi verò totaliter & præcisè se solo cunctos effectus producere valeat; & quòd hoc secundum dum-

dumtaxat in dubium reuocare contenderit, & priorem immediationem de industria quasi dimittat intactam tantquam eam, de qua nulla poterat esse dubitatio, & difficultas de mente Philosophorum: Evidentius (inquam) falsitatis conuincitur hoc, tum ex superius dictis, tum etiam quia Scotus non solum non supponit ibi primum efficiens immediatè immediatione virtutis posse cum causa secunda concurrere; sed ex hac eadem immediatione, quæ falsò posset cōcedi, euidenter deduceret ipse, sicut virtualiter saltem intulit ibi, & nos suprà formaliter ex ipso Scoto deduximus, illa eadem tria inconuenientia, quæ ex vtraque immediatione, si concederetur agēti supremo, in causabilitium omnium productione deduxit ibidem: nō enim minùs implicaret posterior tantum,

quàm vtraque immediatio simul in causa suprema, si ponatur quòd sit infiniti vigoris & necessariò producens; quoniam tunc nulla ratione attemperari & cohiberi posset per concursum agentis creati tantæ virtutis influxus, & per consequens vel præueniret causalitates cuiuslibet causæ secundæ, vel ad instantaneum operandi, mouendi; modum determinaret semper, & raperet illas, vt suprà probauimus.

Ad illud ex primo dist. 42. desumptum diximus, quòd quantumuis omnipotentia theologica sit illa, quæ coagentis causæ consortium abijcit; opposita tamen omnipotentia philosophica non erit ea, quæ cooperantem causam includit: sed illa tantum esse debet, quæ de mente Philosophorum compassibilis est agēti supremo; at non compatitur ipsam, nisi eo

si eo pacto, quò fusè suprà declarauimus ex nostro Doctore, & ipsemet explicat vltèriùs conceptis verbis in 7. q. Quodl. sub lit. Aa. vbi respondens ad consequentiam principalis argumenti, sic ait: *De consequentia autem, licèt infinita potentia actiua sit verè omnipotentia; non tamen sequitur si ratione naturali potest concludi hoc habere infinitam potentiam, ergo & omnipotentiam, quia non est notum ratione naturali infinitam potentiam esse omnipotentiam, & hoc totum intelligendo de omnipotentia immediata respectu cuiuscunq; possibilis. Cum probatur, quòd infinita potentia sit omnipotentia, quia infinita potentia non potest excedi, nec intelligi excedi, quæcunq; autem potentia, quæ non est omnipotentia potest intelligi excedi. Responderet Philosophus, quòd potentia suprema non est omnipotentia, sicut in-*

*telligimus omnipotentiam; & tamen est infinita potentia. Nò ergo potest intelligi excedi secundum intentionem, quia sic infinita est; sed licèt possit intelligi excedi aliquo modo secundum extensionem, quia nò est omnipotentia, non tamen propriè hoc intelligi potest, quia non sine contradictione: quia diceret Philosophus, quòd omnipotentiam immediatam respectu cuiuslibet in aliquo eodè esse includeret contradictionè, quia destrueret ordinem essentialem causarum. Verum est ergo, quòd suprema potentia actiua, siuè potentia infinita est omnipotentia: sed non est notum per rationem naturalem, quòd suprema potentia possibilis etiam intensiue infinita sit omnipotentia propriè dicta, quæ scilicet potest in quodcunq; possibile immediate.*

Hoc eodem pacto respondent, sed breuiùs, ad istud idem argumentum secundò prin-

principaliter propositum in primo dist. 42. inquires: *Ad secundum dico; quòd infinita potentia Dei, & si possit concludi de Deo naturali ratione, non tamen omnipotentia secundum quod propriè sumitur. Et cum dicis, quòd infinita potentia nulla potest maior cogitari: verum est intensiue; tamen nō videtur contradictio, quòd sit, vel cogitetur maior potentia ad plura se extendens. Vel dicitur, quòd & si non sit contradictio, omnipotentiam cogitari, quæ ut sic aliquo modo excedat infinitam potentiam non intellectam, ut omnipotentia; non tamen est naturaliter notum, potentiam sic intellectam esse omnipotentiam.*

In quibus testimonijs illud præsertim aduertite quæso, quòd infinita potentia de mente Philosophorum, sicut Scotus exponit, excogitari maior (ille tamen conceptus implicaret de mente A-

ristotelis propter essentiæ ordinem causarum) & licet non intensiue, benè verò extensiue; quia per immediatam extensionem ad plura videlicet. Omnipotentia igitur, quam in primo efficiēte admisere Philosophi, non includebat non immediatam extensionem ad omnia; id est non poterat immediatè immeditatione virtutis cunctos effectus attingere, aliter corruisset essentialis ordo causarum: ergo philosophica omnipotentia nō est alia, nisi illa, quæ mediam causam includit, & immeditationem virtutis simul excludit.

Sed inquires, vndè colligis tu philosophicam omnipotentiam in eo excedi à theologicæ, ut hæc in temporales; illa verò nullatenus eisdem effectus immediatè immeditatione virtutis influere possit, & valeat? Nonnè potius talis excessus penes illud tantum

tum posset attendi, ut dicamus philosophicam simpliciter necessariò, minimè verò theologicam omnipotètiã ulterius agentis amplecti cõsortium.

Ad hoc respondemus, sicut pluriès suprà respondi-  
mus, & fusè probauimus nõ magis implicare, quòd causa infinita virtutem inuoluens, & simul ineuitabiliter operans possit se sola, quàm cū altera coagète causa immediatè immediatione virtutis sublunares effectus attingere; non est igitur cur nunc in dubiũ adducatur, philosophicam omnipotentiam illã esse dumtaxat, quæ respectu temporalis effectus penitùs abijcit immediationem virtutis, & attingentiæ: & in hoc propriè de mente Philosophorum omnipotentia theologicæ suprà philosophicam consisteret excessus. Quod indè posset suaderi vl-

teriùs, nam de mente Philosophorum, ut subtilissimè demonstrat Scotus in 7. q. Quodl. sub lit. Ff. sub Gg. & deinceps omnipotentia philosophica ad multa extenditur immediatè vtraq; immediatione: extenditur enim ut sic ad entia sempiterna, igitur opposito modo comparari debet ad temporales effectus; igitur duplici correspondenti ~~mediatione~~ comparatur ad istos.

Illud autem de concursu nullius ponderis est; nam vox & significatio cõcursus tantam patiuntur latitudinem, ut cõmuniter ad omne id, à quo futurus effectus aliqua ratione dependet semper extendi consueuerit: & propterea si sit aliquid, quod vel in ratione formalis principij, vel necessariæ conditionis, vel causæ sine qua non, vel sub quauis alia imaginabili ratione immediatè,

I vel

vel mediatè exigita ad effectus productionem attineat, illud tale ad eiusdem effectus positionem concurrere consultò dicitur. Et hinc est, quòd etiam causa moraliter influens, sicut est consilians atquè suadens; quantumvis realiter & efficienter non attingat effectum physicè ponendum in esse ab eo, in quem suasio dirigitur, adhuc rationabiliter concurrere dicitur ad eundem effectum: cùm ergo de mente Philosophorum entia sempiterna ità pendeant à causa suprema, vt esse, & operandi virtutem, & vtriusq; conservationē ab ipsa recipiant, & ab entibus sēpiternis ordinatè postmodum sublunares causæ similiter existentiam, & producendi facultatem accipiant, & sic deinceps vsq; ad ultimam causā; cur igitur primo efficienti, quod est omnium entium

fons & origo respectu temporalium effectuum mediati concursus nomen, & rem denegabimus? Quatumvis igitur explicitè Scotus de mente Philosophorum assereret primariam causam ad sublunares effectus concurrere; interpretandus est de mediato & remoto, non autem de proximo & simultaneo concursu, sicut etiam exponendum est illud, quod in 4. dist. 48. q. 1. sub lit C. intendens probare contra D. Thomam posse dari visionem essentię Diuinæ sine vlla delectatione sequente de necessario primi efficientis coagere causis secundis ad aures Philosophorū Scotus asserit, inquitens: *Nec istud negaret Philosophus, nisi quia poneret coniunctionem causarum in vniuerso simpliciter necessariam; ità quòd secundum eum simpliciter necessariū est causæ primæ coagere*  
*secun-*



*secundis, secundū quod potest eis coagere.* Ex quibus verbis si ponderetur etiā illa modificatio, *secundū quod potest eis coagere*, euidenter colligitur prædicta expositio: nam nè quis apprehendisset ex superioribus verbis se loqui de immediata & simultanea, sed de mediata & remota dumtaxat primi efficientis coefficientia cum causis secundis quasi corrigens seipsum, statim subneçit modificantē & distrahētē illam dictionem, *Secundum quod potest eis coagere*; vt indē quilibet inferret apertē, quòd ipse fuerit abusus eo coefficientiē nomine.

Per hoc etiam respondetur ad aliud, in quo fit ponderatio illius dictionis, *Cum*, quæ simultatem Diuini cōcursus cum causa secunda designare videtur. Immò in eodem etiam testimonio & millies in 7. q. inquit Scotus,

primum efficiens producere temporales effectus media causa secunda; & tamen huiusmodi ratio mediationis euidenter econtrā videtur excludere concursus simultatem, ex prædicta dictione prætensam.

## PROPOSIT. IX.

*Explicantur alia testimonia in eadem Propositione 4. relata.*

**I**llud verò testimonium de animę rationalis inceptione, licet breuiter & facili negotio posset absolui, vt in fine solutio videbitur; nihilominus tamen ad vberiorē veritatis euentiā hæc, quæ subsequuntur, præmittenda putauimus. Notandum est igitur, quòd anima rationalis etiam de mente Philosophi non potest produci, nisi immediatē à Deo, sicut testa-

tur Scotus pluribus in locis  
suprà citatis: sed ea lege vir-  
tualiter continetur in Deo,  
vt nunquàm illam produce-  
re valeat, nisi facta priùs à  
causis inferioribus organi-  
zatione corporis; quemad-  
modùm nō obscurè colligi-  
tur ex Scoto in 7. q. Quodl.  
sub lit. R. & in 4. dist. 43. q.  
2. sub lit. N. sed conceptis  
verbis asserit hoc in vltim.  
q. Quodl. sub lit. R. vbi sic  
ait: *Ità secundū Aristotelē hoc*  
*corpore organizato, Deus neces-*  
*sitate immutabilitatis causat*  
*hanc animam, priùs non;*  
*quia materia non erat dispo-*  
*sita.*

Ceterùm quia corpus or-  
ganicum de nouo ponitur in  
esse, hinc fit, vt etiam ani-  
ma rationalis, quæ in gratiā  
organici corporis produci-  
tur nouiter etiam in esse po-  
natur à Deo: ità tamen vt no-  
uitas illius nulla ratione re-  
fundatur in Deum; sicut in-

quit Scotus, præsertim in  
præcitatis locis vlt. quæst.  
Quodl. sub lit. Q. & quæst.  
2. dist. 43. 4. sub lit. N. vbi  
proposito dubio quomodò  
agens omninò immutabile  
possit producere nouum ef-  
fectum, inquit: *Respondeo*  
*nullo modo, nisi propter noui-*  
*tatem passi receptiui; quòd enim*  
*effectus totaliter & præcisè de-*  
*pendens à causa actiua, esset*  
*nouus, reduceretur secundum*  
*Aristotelem in aliquam varia-*  
*tionem ipsius causa efficientis.*  
*Sed quòd effectus ab agente &*  
*passo receptiuo sit nouus, potest*  
*reduci in nouitatem ipsius pasa-*  
*si, siue nouitate agentis: & it-*  
*diceretur hic, quòd Deus ne-*  
*cessitate naturali transmutat*  
*corpus organicum ad anima-*  
*tionem, quā citò corpus est sus-*  
*ceptiuum istius animationis;*  
*& à causis naturalibus sit ali-*  
*quando de nouo istud suscepti-*  
*uum, & tunc noua est muta-*  
*tio ad animationem ab ipso*  
*Deo:*

**Deo.** Rationalis igitur anima si spectetur, quatenus virtualiter continetur dumtaxat in Deo necessario producente, debuisse ab æterno produci; & de facto Deus produxisset illam ut sic velut ab æterno produxisset intelligentias, nisi produceretur ex occasione novæ productionis corporis organici. Quo fit ut per comparationem ad Deum necessario producentem, & se solo virtualiter continentem intellectricem animam, omnino accidat eidem animæ, quod noviter producat a Deo: & hinc sequitur ulterius rationalis animæ productionem non posse rigorosè, sed per accidens tantum connumerari inter temporales & novos effectus, quod evidenter probatur ex eo; quia si fuisset ab æterno productum in esse corpus organicum (quod tamen implicaret de mente

Philosophi, cum sit effectus contingenter producibilis, & per consequens non nisi à causa secunda in tempore) tunc etiam rationalis anima adequatè, & virtualiter contenta in Deo necessario producente fuisset ab æterno creata.

At verò ipsa corporis organizatio exēpli gratia, tum per hoc quod est effectus contingenter producibilis; tum quia virtualiter continetur in causa secunda dumtaxat, quæ nō potest nisi noviter agere, nulla ratione posset igitur ab æterno produci. Et hinc fit, ut latum intercedat diffidium inter novam productionem animæ, & novam productionem organici corporis: nam organici corporis novitas, cum omnino contingenter ponatur in esse, tum quia in tempore, tum quia à causis impedibilibus, etiam post integre

tegrè positâ in esse præparationem, dispositionemquè materiæ, aliter non posset saluari de mente Philosophorum illa contingentia, quam ipsi admittunt in sub-lunaribus; & quam deridet Scotus in 2. dist. 1. q. 3. sub lit. E. dum inquit: *Ad illud, quod additur de Philosophis, potest dici quòd multas contradictiones latentes concesserunt; sicut negauerunt communiter esse aliquod primum contingenter causans: sed dixerunt primam causam esse necessario causantem, & tamen dixerunt contingentiam esse in entibus & aliqua contingit fieri; sed contradictionem includit aliquid contingenter fieri in entibus, & primam causam necessario causare, sicut deductum est dist. 8. primi, & dist. 2. & 39 eiusdem, & aliquantulum in quæst. precedente.* Nouitas (inquam) organici corporis est nouitas simpli-

citer, quādò quidem omnē necessitatem & immutabilitatis, ac ineuitabilitatis excludit: At verò productæ rationalis animæ nouitas, est nouitas tantum secundum quid; quia licet excludat necessitatem immutabilitatis, cum non verè immutabiliter producat à Deo, ex eo quòd eius productio occasionaliter pendet ab organici corporis productione, quæ per hoc quod ponitur in esse à causis secundis omninò impeditilibus, mutabiliter ergo ab illis efficitur: nullatenus tamē ineuitabilitatis necessitatem excludit, facta namq; & completa corporis organizatione ineuitabiliter Deus tunc animam rationalem inducit in illud, & hoc idè ineuitabiliter; quia cum sit causa suprema, & per consequens non impeditibilis in impendibiliter, ergo ( vt ita dicam ) producit illā in cor-

pus

pus organicum . Intelligentiarum autem productio, cū ex nullius receptiui ad vtrūlibet possibilis occasione ponatur in esse, sicut hinc ab æterno fieri debuit ; itā similiter vtraq; ineuitabilitatis, & immutabilitatis necessitatem inuoluit .

≡ Hæc doctrina plusquàm euidenter colligitur ex Scotto in 7. q. Quodl. sub lit. R. vbi decernit: *Quòd non est de intentione Aristotelis, quòd Deus absolutè necessariò causet quidquid immediatè causat, hoc est sine causa media agente, sicut dicitur inferiùs de anima intellectiua in q. de bona fortuna; sed secundum ipsum Deus necessariò agit quidquid potest agere immediate, hoc est sine omni medio, siuè agente ad ipsum, siuè ad aliquod præuiū disponens ad illud: & sine omni medio causato siuè præuiò ad illud; illud ergo quod sine omni medio causato præuiò siuè*

*causante præuiò potest agere, hoc necessariò agit. Et ratio huius est apud eum, quia ex quo istud à solo Deo immediatè omninò dependet ipsius nouitas in essendo, siuè contingētia non reduceretur secundum ipsum ultimātè, nisi in aliquā nouitatem in Deo: Et sic intēdit ipse arguere 8. Phis. quia illa nouitas motus in vniuersali siuè omninò primi motus, siuè etiam omninò primi causati quodcunq; illud esset, esset immediatè à Deo sine omni causa media agente vel disponente, & sine omni causato medio. De illo autem, quod potest Deus immediatè causare sine scilicet causa media agente, attingente illud non diceret Aristoteles, quòd Deus necessariò simpliciter illud causaret; sed tantummodò necessitate ineuitabilitatis, & hoc posito illo primo, vel præuiò quod requiritur. Quid clarius?*

Ex his prælibatis patet iā quid

quid breuiter respōdere debeamus: nam quantumuis concedamus animam rationalem à primo efficiente de nouo produci; indè tamen sequitur, quòd concurrente secum causa secunda possit alios effectus cum nouitate producere, cuius ratio est: quòd Deus nō continet virtualiter proximè temporales effectus, sicut continet intellectricem animam; quantumuis igitur hanc, minimè tamen potest illos quomodo-libet de nouo producere.

Per idem patet ad vltimū de fortuitis, quæ probabiliter penes Scoti sententiam possunt de mente Philosophorum reuocari ad immediatum primi efficientis influxum: non enim aliud colligit Scotus, quòd causa suprema se sola fortuitos effectus de nouo producere valeat, quam ex nouitate receptiui dispositi, vt ibidem

sub lit. P. & Q. & præsertim sub lit. R. cōcludit, & inquit: *Ità secundum Aristotelem hoc corpore organizato, Deus necessitate immutabilitatis causat hanc animam, & prius non; quia materia non erat disposita: sicut nec Sol causat alium & alium radium in aere, & in aqua, nisi propter diuersitatem recipientium. Sic in proposito Deus influit uniformiter in quodlibet in quantum potest secundum Aristotelem, & quia iste est dispositus, ille non; ideo Deus impellit istum ad tale propositum, ad quod consequitur commodum: illum autem non impellit, quia non inuenit in eo dispositionem illam, quā diximus prius.* En igitur quā apertè fateatur Scotus, productionem fortuiti humani propositi similem esse rationalis animæ productioni; ità vt quemadmodum Deus ex occasione noui corporis organici se solo intellectricem ani-

animam inducit in illud : sic etiam ex occasione nouæ istius, vel illius hominis dispositionis præcedentis statim se solo ad tale, vel tale propositum nouiter impellat vtrumquæ; quo fit, vt sicut ad sui nouam animationē corpus organicum, ità similiter homo ad huiusmodi sui nouum impulsus merè passiuè concurrat : & sicut nouitas animationis adæquatè in corpus organicum, ità correspondēter nouitas impulsus Diuini totaliter in sic dispositū refunditur hominem; & sicut tandem ad vniformitatem: sic etiam econtrà, vt in citatis locis asserit Scotus ad recipientium causarum diuersitatem, vel vniiformes, vel diuersos Deus de nouo producit effectus; illos tantum videlicet, qui solum virtualiter continentur in ipso, de quorum numero sunt animatio corpo-

ris, & hominis impulsio ad fortunatum effectum.

## PROPOSIT. X.

*Ex prædictis nonnulla corollaria deducuntur.*

**E**X doctrina, quam de mēte Philosophorum de concursu primi efficiētis superiùs ex Scoto retulimus, manifestè colligitur primò nostrum Tataretum nō habuisse germanam Scoti sententiam in eo, quod dixi ipsum problematicè sustinuisse Durandi opinionem: nam cum abundè satis ostenderimus suprà Scotum in hoc incessisse semita lōgè diuersa ab ea, qua Durandus incessit, dūm ille Philosophorum mentem dumtaxat, iste verò theologicam veritatem inspexit; qua igitur ratione problematicus ille dicetur, qui circa idem, & sub eadem

K ratio-

ratione affirmantem & negantem partem indifferenter non sustinet, cum & Topicis problema sit affirmatio, & negatio de eodem subiecto, & sub eadem formali ratione spectato? Quo sensu Scotus sustinet in 2. dist. 1. q. 3. Mundum potuisse & non potuisse ab eterno produci: quo fit, ut si theologicè & non philosophicè sustinuiſſet Scotus Durandi sententiam, verè tunc problematicus fuisset in ea. Cæterum quia philosophicè tantum opinionè Durandi defendit, & ex alio capite theologicè respuit illam; non est igitur cur dicatur à Tatareto Scotum nostrum problematicè & indifferenter adhæsisse Durando.

Colligitur secundò, nè remotè quidem olfecisse Philosophi mentem illos, qui putant ipsum voluisse, quòd causa suprema immediatè immediatione virtutis pri-

mum impellat, moueatquè Cælum. Et egregiè decipiuntur ulterius, qui contendunt ex naturalibus evidenter posse demonstrari contra Philosophos primam causam immediatè immediatione virtutis, & attingentiæ in omnium entium productionem influere. Qua ratione quæso, Philosophos conuincere prætendunt in hoc? ea forsàn, quam ex conseruatione præsertim Franciscus de Mayronis in primo dist. 43. q. 7. & in primo tō. Metaphysicæ disput. 22. sect. 1. num. 8. desumit, magnificatquè Suarez: illam sanè deriderent Philosophi, dicerentq; primum efficiens ea ratione conseruare sublunares effectus, quia ut in fieri pendent ab ipso: sed mediatè tantum per vtriusq; mediationis inclusionem dependent ut sic ab agente supremo; ergo etiam ut sic conserua-



seruabuntur ab eo .

Sed instat contra Suarez, igitur interdum nulla ratione, nè mediata quidem, temporalis effectus in conseruari pendebit à Deo : nam si calor ab igne productus à Deo solum pendet mediantē igne producente ; igitur cessante ignis actione, iam nullo modo pendebit ab eo.

Ad hanc instantiam respondemus ; sed non eo pacto quo respondet ipse de mente Durandi, quod effectus causæ secundæ quandiu fit, vel conseruatur ab ea, tandiu mediata tantum fit, & conseruatur à Deo : cessante verò actione causæ secundæ, tunc solus Deus immediate conseruat effectum, quantumuis à sola causa secundā fuerit immediate productus ; nō ita (inquam) hanc explo- demus instantiam, quoniam optimè responsionem infringunt rationes, quas contra

subiungit ibidem : sed respo- debimus eo facili negotio, sicut ad illam responderent Philosophi dicentes, quod in vniuersū omnes effectus producti, vel sunt æterni, vel temporales . Aeterni à solo Deo conseruantur, sicut à solo Deo producuntur in esse : temporales verò, si sint immateriales, quales sunt animæ intellectuæ ; immediate producuntur, & conseruātur à Deo . Sed si sint materiales, vel substantiales, vel accidentales : substantiales effectus quantum ad partem materiales immediate conseruantur à Deo, sicut à solo Deo producta est materia prima ; quantum autem ad partem formalem immediate conseruantur à sola materia prima cessante actione producentis principij : prima namq; materia fouet, conseruatquē formas, quas habet, & id ipsum correspon-

K 2 den-

denter dicatur de formis accidentalibus & subiectis earum; formæ siquidem accidentales, cessante causalitate producentis principij, totaliter tunc à proprijs subiectis conseruantur in esse: quòd etiam in spiritualibus accidentalibus locum habebit; materialia verò subiecta, quo ad vtramq; partem conseruantur vt suprà.

Patet igitur, quòd calor productus ab igne, cessante ignis actione, totaliter conseruaretur à recipiēte subiecto; quod quia saltem quantū ad materiale partē immediatè conseruatur a Deo, vt dictum est; euidenter sequitur, quòd receptus calor in illo mediatè tantum conseruetur à Deo. En igitur quàm facili negotio prædictam instantiā exploderent, deriderentquè Philosophi. Melius igitur Scotus inquit, & subtilissimè probat, præ-

cipue in 7. q. Quodl. quòd nec demonstratione propter quid, nec demonstratione quia, potest homo viator ex puris naturalibus theologicam demonstrare potentiā.

Sed dicet quis Scotū non sibi satis constare, quoniam in eadem 7. q. Quodl. sub lit. L. inquit: *Circa hoc Philosophi videntur sentire non solū, quòd nō sit demonstrabile Deū esse omnipotentem immediate; sed etiam quòd hoc sit impossibile.* Et tamen his non obstantibus in primo dist. 42. quæst. vnic. sub lit. C. dicit; quòd *Omnipotentia tamen hoc modo sumpta, licet non sufficienter demonstretur: probabiliter tamen potest probari sicut verum & necessarium, et probabilius quàm quedam alia credita; quia non est inconueniens quedam credita esse euidentia, quàm alia.* Qua ratione quæso, possunt hæc sibi inuicè cohærere, quòd Philosopho-

losophi videlicet omninò impossibilè putauerint omnipotentiam theologicam; & quòd ex alio capite probabiliter ostendi posse censerint? Illud enim, quod est omninò impossibile, est etiam omninò falsum; & per consequens omnem putabilitatis umbram excludit.

Ad hoc facilis est responsio, quia cùm Scotus ex diuersa ratione neget primùm, concedatq; secundum, non sequitur ergo, quòd sibi contradicat; primum namquè inficiatur supposito Philosophorum fundamento de primæ causæ necessitate, & omnimoda perfectione in operando, vt ipsemet in iam præcitato loco subiungit, dicens: *Et videtur fundamentum eorum in ista propositione stare. Principium necessarium & omninò perfectum ad nihil immediatè contingenter se habet.* Afferit verò secundum

iuxta veram Philosophiam, & etiam ad hominem còtra Philosophos: vera enim Philosophia docet Deum non necessariò, sed contingenter efficere quidquid ad extrà producit. Ad hominem etiam, quia Philosophus primo Periherm. cap. ult. sustinet contingentem futurorù euentum, vt Scotus in primo dist. 39. sub lit. C. §. *Quantum ad primum &c.* adducēs ipsum in testem, sic ait: *Vnde Philosophus arguens contra necessitatem futurorum nō deducit ad aliquid impossibilius hypothesis; sed ad aliquid impossibile nobis manifestius, scilicet quòd non oportet nec consiliari, nec negotiari.* Et vt confirmet hoc ipsum, immediatè ex Auicenna hæc verba facitè subiungit: *Et ideò negantes talia manifesta indigent pœna, vel sensu; quia Auicen. primo Metaph. c. ult. negantes primum principium sunt*

sunt verberandi, vel exponendi igni, quousque concedant, quod non est idem comburi, & non comburi; vel vapulare, vel non vapulare: & ita etiā isti, qui negant aliquod ens contingens exponendi sunt tormentis, quousque concedant, quod possibile est eos non torqueri.

Sed in hoc manifestè sibi contradixere Philosophi, ut inquit Scotus in 2. distinc. 1. quæst. 3. sub lit. E. Quod multas contradictiones latentes cōcesserunt, sicut negauerunt cōmuniter esse aliquod primum principium contingenter causans; sed dixerunt primam causam esse necessario causantem, & tamen dixerunt contingentiam esse in entibus, & aliqua contingenter fieri: sed contradictionē includit aliquid contingenter fieri in entibus, & primam causam necessario causare. Et ratio est, ut inquit Scotus in primo dist. 8.

quæst. 5. sub lit. R. vbi ex intento arguens contra Philosophos hanc rationem secundo principaliter vrget: Secundo arguo sic. Aliquid fit contingenter in entibus, ergo prima causa contingenter causat: Antecedens concedunt Philosophi, consequentiam probō sic. Si prima causa necessario se habet ad causam proximam, sit illa A, B. igitur necessario mouetur à prima causa: B. autem eodem modo, quo mouetur à prima causa, mouet proximam sibi; igitur B. necessario causat mouendo C. & C. mouendo D. & sic in omnibus causis procedendo nihil contingenter erit, si prima causa necessario causat. Ista ratio pertractata est dist. 2. quæst. 1. de infinitate Dei, probando Deum esse formaliter infinitum; & ideo non oportet hic ampliùs immorari. Et in eodem primo dist. 39. sub lit. B. §. Contra istam &c. Secundum veritatem igitur, & de

& de mente Philosophorum admissa in primo efficiente ea contingentia in operando, quam ex concessis ab ipsis non sine contradictione denegant illi, & contra quam non habent solidum fundamentum; quia ut dicit Scotus in 4. dist. 48. q. 2. sub lit. B. *Nullus Philosophus ponit necessitatem agendi extrà competerē substantijs separatis, quasi illa producta perficerent aliquo modo ipsas substantias producentes; sed quia ex plenitudine perfectionis illarum substantiarum est, quòd necessario se diffundat ad alias.* Igitur ex plenitudine perfectionis in operando colligunt ipsi necessitatem operandi, sed vel perfectionis plenitudo includit necessitatem operandi, & tunc petunt principiū; vel illam excludit, & tunc non probant evidenter intètum. Admissa (inquam) in primo efficiente contingen-

tia in operando, optimè posset indè probabiliter defendi, Deum immediatè immeditatione virtutis in omnes effectus influere. Sed posita in primo efficiēte omnimoda perfectione, & necessitate in operando, nè probabiliter quidem poterit tunc sustineri, Deum esse theologice omnipotentem.

Sed hic duo possent in dubium reuocari. Primum est; an saltē separatus intellectus ex naturalibus suis theologiam Dei omnipotentiam evidenter ostendere valeat? Cæterum quia hæc proposita dubia prolixam discussionem & examen exigent, & ad institutum propriè non pertinent; ideo breuiter dissoluemus vtrumquè.

Ad primum respondemus affirmatiuè, & ratio est; quia separatus intellectus ex naturalibus suis distinctè cognoscit essentiam causæ secundum-

cundæ, ergo vt sic cognoscit primam eius operandi virtutem; ergo vt sic cognoscit, quanta sit in ipsa, & hinc quanta in ordine ad effectû, ergo vt sic cognoscit illius defectum & diminutionem in operando, ergo vt sic cognoscit eam Diuini concursus exigentiam, quam simpliciter necessariò ad producendum effectû inuoluit; ergo vt sic cognoscit Deû immediatè immediatione virtutis omnes effectus attingere, ergo vt sic tandè agnoscit theologicam omnipotentiam Dei. Omnia patent.

Ad secundû verò respondemus negatiuè (semper tamen saluo meliori iudicio) & ratio est, quia omnes auctoritates ex sacra Scriptura desumptę, in quibus insinuatur Diuinus influxus in productionem omnium entium; sicut præcipuè sunt illæ Genesim primo: *In princi-*

*pio creauit Deus Cælû & terram.* Ioannis primo: *Omnia per ipsum facta sunt, & sine ipso factum est nihil.* Ioann. 7. *Pater meus vsq; modò operatur &c.* Apocalyp. 4. *Tu enim creasti omnia, & propter voluntatem tuam, & erant, & creata sunt &c.* Et cetera in genus ita proteruè possēt exponi de mediato concursu, vt proteruus non posset necessariò & euidenter ex illis conuinci.

Nec id necessariò demonstrat Babylonicus ignis, nam diceret Aduersarius; nō ideò ignem illum non combussisse pueros, quia miraculosè propriū subtraxerit Deus, & negauerit igni concursû: sed ex eo, quòd pueros illos impassibiles reddidit ijs impassibilitatû generibus, quibus in 4. sentent. in materia de dotibus, corpora gloriosa impassibilia reddi concludunt omnes Theologi; vno excep-

excepto Scoto nostro, qui in eodem 4. dist. 49. quæst. 13. sub lit. D. sic inquit : *Dico ergo, quod causa impassibilitatis est voluntas Diuina, non coagens causa secunda corruptiua, & per hoc est istud impassibile non potentia remota, sed propinqua; non à causa intrinseca, sed extrinseca impedire, sicut dictum est de impeccabilitate supra dist. ista, quæst. de securitate. Exemplum huius de igne in camino, qui non egit ad consumptionem trium puerorum; non quidem per aliquam impassibilitatem intrinsecam pueris, nec ex carentia potentie passiuæ, nec ex contrario intrinseco impediante: sed quia Deus ex voluntate sua non cooperabatur ad illam actionem. Si diceret igitur Aduersarius corpus nostrum non esse negatione concursus causæ supremæ, non coagentis corruptiuæ causæ secundæ, vt asserit Scotus: sed*

*omninò impassibile reddi ex ijs capitibus, quæ Doctor hîc ad mentem aliorum epilogando recenset, & fusè superiùs impugnat; & obijcit; vndè tunc ex Babylonico igne ad confessionem immediati Diuini concursus cum causa secunda posset euidenter conuinci proteruus.*

## PROPOSIT. XI.

*Ostenditur Scotum insinuasse secundum explicandi modum.*

**E** Vulsimus ( nisi nostra nos fallat opinio ) ex Scoticæ doctrinæ purissimo grano infelix Durandi sententiæ loliū, & abundè fatis ostēdimus subtilissimū Doctorem Scotum non simpliciter & absolutè: sed probabiliter & de mente Philosophorum, dumtaxat sustinuis-

L      se

se primum explicandi modum, quo causa secunda à primo efficiente in operando depēdet. Nunc igitur operę pretium est, vt videamus; an insinuauerit, vel amplexus fuerit etiam secundum modum explicandi eiusdem causę secundę subordinationem eandē: quę vt in prima Propositione diximus in eo consistit, & aliud superaddit priori, vt supposita operandi virtute, quam accepit à Deo, vt in qua conseruatur ab ipso simpliciter necessariò agens inferiùs exigat insuper in actionibus suis simultaneum agentis supremi concursum; ea tamen lege sibi præstandum, vt nunquàm determinatus, sed semper indifferens offeratur, tribuaturq; causę secundę: quę postmodum ex vi sui particularis influxus indifferenter influentiam Dei determinare, & modificare pos-

sit, ac debeat.

Ad quam difficultatem respondendum videtur, quòd sic: nam Scotus in primo dist. 3. quęst. 7. sub lit. B b. volēs declarare quo sēsu determinetur intellectus creati facultas, qua indifferenter, & indeterminatè respicit actus & obiecta diuersa, in secunda responsione hæc habet formalia verba. *Vel aliter posset dici, quòd sicut causa superior determinatur ad agendum concurrente aliqua particulari causa inferiori, sicut Sol ad generandum hominem concurrente homine agente, & bouem concurrente boue; non autem per aliquam formam ita intellectus, qui est causa superior & causa illimitata, determinatur ad hoc obiectum concurrente causa particulari determinata, puta ad agendum circa hoc obiectum concurrente hac specie.* In quibus verbis illud expendas, si placet, quòd



quòd vt probet Scotus indifferentem operandi virtutem intellectus creati determinari ad huius notitiæ productionem à specie determinatissimè concurrente, sumit quasi paritatem à causa superiori, vt sic; ita videlicet quòd sicut causa superior, quatenùs talis determinatur ad agendum à concurrente particulari causa inferiori, sic etiam intellectiua potentia, cùm sic causa superior, & illimitata determinatur ad hoc obiectum ex huius speciei particulari concursu. Vndè colligitur euidenter, quòd omnis causa, quæ quatenùs illimitata & superior, indifferentem & indeterminatam habet operandi virtutem; eget ad particularis effectus productionem inferiori determinatissima causa, superioris indifferentiam determinare, quæ debeat: igitur etiam vniuersalissimus su-

premi efficientis influxus similem determinationem patietur à causis secundis. Nec aliquid officit, quòd Scotus inquit ibidem, speciem nec effectiue, nec formaliter vt rationem agendi determinare indifferentem influxum intellectrices potentiae; nam sufficit, quòd sic determinet eam vt nunquam nisi per inferiorem, & determinatam concurrentis speciei virtutem prorùpere possit in determinatum effectum: quòd postea sic, vel sic determinet eam, nil obstat intento; sic etiam parum curabimus, quo modo determinet ipsa; si constabit nobis ex Scoto, & ex præcedenti discursu supremam causam nunquam exire in actum, nisi vt determinatam ab agente creato.

Sed inquires nullum posse deduci solidum argumentum ex testimonio prædicto, quia quantumuis aliquæ superio-

res causæ creatæ exigant determinari à determinatis agentibus ; sicut est Sol, intellectus, & cætera huius generis: hinc tamen non licet inferre, ergo etiam causa suprema determinari debet ab agente creato, quādo quidem illimitatio virtutis in quavis causa secunda non absoluitur ab omni imperfectione, sicut absoluitur illimitatio virtutis in agente supremo; creatum siquidem agens quantumvis illimitatā habeat facultatem operandi, nunquā tamen potest se solo sine actiui, vel passiui conprincipij determinato cō cursu in particularem effectū influere; quemadmodū posset econtrā causa suprema, vt patet: licet igitur illud, minime tamen indiget ista determinari ad operandum à subdita causa.

Hæc instātia facilè soluitur ex eo, quòd licet ex natu-

ra rei primum efficiens non egeat determinari ab agente inferiori, sicut indiget superiori causa creata; aliter Deus posset se solo, nè per creatio, nè quidē producere tūc particularem effectum: nihilo minus indiget ita determinari, quia sic ipse decreuit; vt in differentem videlicet causis secundis, & maximè libris suum semper præberet influxum.

Quod non obscurè colligitur ex Scoto in secūdo dist. 37. sub lit. T. vbi intendens declarare quomodò Deus non sit auctor moralis malitię peccati, sic inquit: *Quòd quando due causæ partiales concurrunt ad effectum communē ambarum, potest esse defectus in productione effectus ex defectu vnius causæ cōcurrentis præcisè, & non alterius. Exemplum, ad velle secūdum opinionem terciā dist. 25. huius concurrat intellectus & voluntas.*

luntas libera, potest igitur esse defectus in actu isto ex defectu voluntatis; licet non præcedat defectus in cognitione. Ità igitur si ad velle voluntatis creatæ concurrunt due voluntates, scilicet voluntas creatæ & Diuina, potest esse defectus in ipso velle ex defectu alterius causæ; & hoc quia ista causa posset rectitudinem dare actui, quam tenetur dare, & tamen non dat: alia autem licet non teneatur eam dare, tamen quantum est ex se, daret; si voluntas creatæ cooperaretur. Vniuersaliter enim quidquid Deus dat antecedenter, daret illud consequenter quantum ex se, nisi esset impedimentum: Et paucis interiectis concludit. Est igitur defectus in effectu duarum causarum nõ propter defectum causæ superioris, sed inferioris: non quia causa superior causet rectitudinem in effectu, & inferior obliquitatem, sed quia causa superior,

quantum est de se causaret, si causa inferior secundum suam causalitatem causaret; & ideo rectitudinem non causari, & propter hoc quia causa secunda, quantum ad se pertinet, non causat. Ex quibus vltimis verbis liquido patet Deum Opt. Max. sic indifferenter exhibere concursum voluntati creatæ propter rectitudinem actus eliciendi; vt si creatæ voluntas decreuerit in illam influere, in eandem etiã confluet Diuina voluntas: quò fit, vt quemadmodum patet ex textus intuitu, ista causalis causa superior ideo operatur; quia inferior operatur; vera sit, & opposita falsa de mēte Doctoris. Expectat igitur Diuina voluntas creatæ voluntatis decretum de influendo in rectitudinem actus; & sic illud expectat, quòd licet quantum est ex se, semper sit ad influendum parata: nunquam tamen

tamen prorumpit in actum voluntate creata non prorumpente prius in illum, & hoc est formaliter agendi creato indifferentem exhibere concursus; nam ex illa Diuinæ voluntatis præparatione ad influendum in actum cum proposito de nūquā actualiter influendo, nisi influat in illum creata voluntas, debet dumtaxat attendi indifferens exhibitio Diuini concursus, vt patet.

Poterit hoc confirmari ex 3. dist. 17. quæst. vnic. sub lit. E. vbi Scotus sustinens, quod immediatus Diuinus influxus in volitionem creatæ voluntatis propriam eius libertatem non aufert, sic asserit ibi: *Tunc dico, quod voluntas in Christo ita libere elicit, & dominatur actui suo, sicut voluntas mea suo; quia Deus non operatur ad operationem illam nisi voluntate libere agente & determinate se ad*

*operandum, & tunc Deus operatur cum ea.* In quibus verbis etiam aperte fatetur tunc, & non prius cooperari Deū voluntati creatæ; quod eadem voluntas ad operandum determinabit, mouebitque seipsam.

Vltimò confirmabit hoc idem illud, quod Scotus ad probandum charitatem immediate subiectari in voluntate creata, assumit in 2. dist. 26. quæst. vnic. sub litera A. *Præterea secundò: Quando aliqua forma est indeterminata secundum virtutem actiuam ad plura, illud quod præcisè respicit vnā actionem determinatam, non perficit eam in quantum est indeterminata; sed in quantum est potentia determinata respectu illius actionis. Exemplum, si anima est indeterminata ad plures actus conuenientes sibi secundū plures potentias, sapientia vel quicumque habitus intellectualis*

non

*non perficit animam in quantum indeterminata; sed precise in quantum intellectus . Et ratio propositionis est ista , quia si perficeret eam in quantum indeterminata secundum virtutem actiuam; ergo æquè posset eam perficere in ordine ad quemcunq; actū suum &c. Ex hac ratione , in qua Scotus admittit essentiā animæ rationalis habere indifferentē , & indeterminatā operandi virtutem; determinatam tamen ad particulares effectus per determinatos specialesq; potentiarum eius influxus , colligitur euidenter cuiuslibet superioris causæ concursus sic esse indeterminatū , & indifferentem , vt per inferioris agentis particularem influxū ad indiuiduas actiones contrahi prorsus exposcat : non enim ex alio capite ( vt patet ) nisi ex superioritate , quam ad potentias habet , potuisset deducere Sco-*

*tus essentiā animæ rationalis actiuitatem indifferentem inuoluere .*

Concedit etiam Scotus in præcitato loco sub litera C. quòd potētia rationalis animæ sint intrinseca ipsius instrumenta , & hinc cōcludit : *Quòd illo modo accipiendo instrumentum , forma determinans actionem debet poni in instrumento , non autem in principali agēte , vt distinguitur ab instrumēto ; nec debet poni , nisi forma recipiens actionem .* Ex quibus verbis patet , quòd per hoc voluntas humana , quatenus intrinsecum rationalis animæ instrumentum , formā determinantē , actionem immediatē recipere debet , charitatis habitum videlicet ; potentiæ igitur , quæ determinātes recipiunt formas , contrahunt , atq; determinant principalis agentis indifferentem influxum . Et hoc forsan insinuat , indicat-  
quē

què Scotus in 1. quæst. Prologi sub lit. R. & repetit in primo dist. 3. q. 4. parum sub lit. P. vbi talem ex Henrico adducit propositionē, quod videlicet: *Agens utens instrumento non potest habere actionem excedentem actionem instrumenti*. Quæ propositio manifestè designat principalis causæ virtutem ità limitari, & commensurari instrumentalis agentis influxui, vt in illud solummodò possit ad quod ab assumpto instrumento contrahitur. Et licèt propositio prædicta sit ex Henrico desumpta, illam tamen non impugnat Scotus; sed ad hominem ex ea demonstrare contendit dumtaxat aduersus Henricum, quod illa admissa non apparet tunc qua ratione possit assumi vt instrumentū à luce increata ad veritatis sinceræ notitiam intellectus agentis facultas & lumen,

quod de se limitatur ad solā cognitionem ex sensibilibus habitam, vt patet intuenti literam eius.

Hanc etiam essentiae rationalis animæ à suis potentijs determinationem nō leuiter indicat Scot. in 2. dist. 16. quæst. vnic. sub lit. H. & deinceps in 4. dist. 1. quæst. 1. sub lit. X. in probatione tertiæ propositionis. Sed euidentius in 2. Quodl. sub lit. P. vbi proponens dubiū: *Quare non potest essentia sola, vt distinguitur contra voluntatem & intellectum, esse principium communicandi se*. Respondet quod: *Essentia merè intellectualis non est principium alicuius productionis; nisi vt coincidit cū memoria, & voluntate*. En igitur quomodò etiā indifferens essentiae Diuinæ concursus determinatur per potentiarum eius particularem influxum.

PRO-



PROPOSIT. XII.

*Demonstratur Scotum nè som-  
niasse quidem secundum  
explicandi modum .*

**N**Vlla quidem ratione debuerat in dubium reuocari; an Scotus insinauerit, vel remotissimè indicauerit saltem secundum modum explicandi subordinationem, qua in operando à primo efficiente dependet causa secunda : quoniam vt ex mille testimonijs eius demonstrabimus infra, cum aperte phisicam determinationem sustineat ipse, non est igitur; cur somniare saltè potuerit illum. Nihilominus tamen nè fortè ex adductis testimonijs scrupulorū mens hæsitandi desumeret occasionem, vel indè (vt mentito pallio) auctoritate tanti Doctoris indutus, hunc eun-

dem explicandi modum aliquis inferre contenderet; cōsultò igitur ipsum in controuersiam adducendum, ac fauentia testimonia referenda censuimus, vt ex ipsorum facillima solutione oblatantium ora claudantur .

Ad obiectorum igitur euidentiā & dissolutionem scito, quòd non potest determinari id, quod nulla ratione indeterminatum est; sicut liquidò patet ex testimonijs ipsis: nec indeterminatum potest aliter determinari, quàm eius propria indeterminatio exigat; quando quidem sicut indeterminationi simpliciter correspondet determinatio vt sic, ità similiter huic & tali indeterminationi, hæc & talis respondet, opponiturquè determinatio; vt appareat ergo quo sensu quodlibet indeterminatum à suo correspondenti determinatiuo determinari dica-

M tur,

tur, videndum est prius quod duplex, & qualis sit cuiuslibet indeterminatio.

En igitur indeterminatum multiplex est; aliud videlicet methaphisicè, aliud verò phisicè. Methaphisicè indeterminatum illud est; quod habet rationem entis superioris, & contrahibilis quomodocunque siue per differentias, siue per modos intrinsecos. Et ut multa paucis constringamus illud est indeterminatum ut sic, quod aliqua ratione est alteri communicabile cum aliquali dependentia; ut excipiamus ab hac indeterminatione Diuinam essentiam, & quidquid formaliter reperitur in ipsa: quemadmodum fusiè probat Scotus in 1. dist. 8. quæst. 3. sub lit. F. & deinceps in eodem 1. dist. 26. quæst. vnic. sub lit. Y. & Z. in 3. dist. 2. quæst. 1. parum super lit. E. & alibi sæpè; quo fit, ut

illa quæ superioritatis communicatam, vel quamuis contrahibilitatem, vel omnem cum dependentia communicabilitatem excludit, non habeant vnde methaphisicè determinari possint, & valeant.

Sed inquires, contrà. Per te omne illud, quod cum aliqua dependentia est communicabile, potest methaphisicè determinari; ergo in entibus creatis non dabitur aliquod ens, quod sit omninò indeterminabile: sed consequens est falsum; ergo antecedens. Falsitas consequentis patet, quia sicut in ètibus creatis admittitur ens, quod sit omninò incommunicabile; sic insuper admitti debet in illis ens, quod sit omninò indeterminabile. Consequètia probatur, quia omnis entitas positiua creata est aliter cõmunicabilis Diuino supposito saltem, ut asserit Scotus



tus in 3. dist. 1. quæst. 1. sub lit. H. vbi sic inquit: *Ad quartum concedo, quòd si dependere repugnaret alicui creature, repugnaret ei necessariò per aliquod positium: sed nulli potest repugnare, quia omnis entitas creata nõ solùm dependet ad increatum vt ad causã; etiam potest dependere hac speciali dependentia.* Hoc ipsum clariùs repetit in 19. quæst. Quodl. sub lit. T.

Prolixam, & ad nostrum institutum penitùs impertinentem proposita difficultas discussionẽ exigeret; & ideò nè videamur immiscere sacra prophanis, breuissimè dissoluimus; & expleuimus illam. Dicimus ergo quòd cùm Scotus in præcitatis locis & quæstionibus contendat creatam personalitatem non includere formaliter entitatem positiuam, indè factum est, vt arguens quasi per rationem ad impossibile

ducentẽ cõcludere voluerit; quòd personalitas creata nõ possit esse formaliter entitas positua; quãdo quidem euidẽter tunc sequeretur illam esse communicabilem, cùm positua sit & simul contradictoriè incommunicabilis ex eo, quòd esset vltimus terminus completæ substantiæ. Falsum est ergo de mète Scoti creatam subsistentiam sic esse communicabilem alteri, vt ad vnionem hypostaticam assumi possit, & valeat.

Sed etiam dato; quòd communicari posset hoc sensu, adhuc negaremus ipsam determinari metaphisicè, rigorosè loquendo; quia ad rigorosã determinationem vt sic exigitur, vt determinabile metaphisicum pendeat ad suum determinatiuũ sub ratione terminabilis, & actuabilis simul, & correspondenter determinans ipsũ,

M 2 & qua-

& quatenus cōtrahens actus,  
 & quatenus finiens terminus  
 comparetur ad illud sicut nō  
 obscure colligitur ex citatis  
 locis 1. dist. 8. quæst. 3. sub lit.  
 F. & deinceps dist. 26. quæst.  
 vnic. sub lit. Y. & Z. & 3.  
 dist. 1. quæst. 2. sub lit. E. Nec  
 istud tantum sufficeret nisi  
 realis insuper intercederet  
 identitas inter vtrumquē si-  
 cut statim declarabimus: phi-  
 sicè vcrò indeterminatum il-  
 lud est, quod per aliquem a-  
 ctum substantialem vel acci-  
 dentalem realiter ab ipso di-  
 stinctum perfici potest; quo  
 fit, vt omne illud quod ha-  
 bet rationem materiæ vel  
 subiecti perfectibilis ab actu  
 realiter distincto, sit phisicè  
 indeterminatum. De indu-  
 stria dicitur ab actu realiter  
 distincto, quia penes hoc  
 propriè phisicè indetermi-  
 natum à metaphisicè inde-  
 terminato sciungitur; siquidē  
 phisicus actus perfectibile

suum sic actuando determi-  
 nat, vt ex vi realis distin-  
 ctionis per informationem  
 adueniat illi: econtrà verò  
 metaphisicus actus cum ex  
 Scoto semper realiter identi-  
 ficetur suo determinabili;  
 quauis igitur informatione  
 præcisa determinat, & actuat  
 illud.

Hinc colligitur primò, si-  
 cut inquit Scotus in 1. dist. 8.  
 quæst. 5. sub lit. Y. *Quòd ni-  
 hil aliud à Deo est immutabile,  
 loquendo de mutatione, que  
 est versio; quia nihil aliud est  
 formaliter necessarium, quodli-  
 bet etiam aliud est mutabile  
 subiectiue nisi propter imperfe-  
 ctionem negatiuam, puta vlti-  
 mum accidens, quod nullius  
 perfectionis est capax propter  
 sui imperfectionem; vt puta,  
 si sit aliqua relatio, non est mu-  
 tabilis subiectiue, quia non  
 potest esse subiectum alicuius:  
 hoc est, quia est imperfectū ne-  
 gatiue; id est nō capax alicuius*  
 per-

*perfectionis.*

Colligitur secundò, quòd assumpta natura nec sit propriè indeterminata phisicè, cùm eius dependètia terminatur à Diuino supposito realiter & essentialiter ab ipsa distincto; nec propriè phisicè indeterminata, cùm Diuina substantia non informat, nec actuet ipsam. Ipsiùs ergo determinatio ità præscindit à phisica & metaphisica indeterminatione, sicut præscindit vnio vtriusq; extremi ab vnione accidentali, & essentiali ac substantiali; etiam si compositionem cum imperfectione non respuat, vt docet Scotus in 3. dist. 7. quæst. 1. sub lit. D.

Est insuper aliud indeterminatum phisicè, non ea tamen ratione, qua per phisicum actum perfectibile determinatur, sed ea qua per formam receptam idem per-

fectibile determinatur vltèriùs ad operandi principium iuxta illa, quæ Scotus decernit in 1. dist. 3. quæst. 7. sub lit. Bb. & expressiùs repetit in eodè 1. dist. 7. quæst. vnic. sub lit. E. dicens, quòd: *Indeterminatio est duplex. Quædam est potètiæ passiuæ, vt indeterminatio materiæ; & quædam potètiæ actiuæ, illimitatæ ad plures effectus. Exemplum, sicut Sol est indeterminatus ad producendum multa animalia, non quòd aliquam formam recipiat, vt agat: sed quia habet virtutem productiuam illimitatam. Quod autem est indeterminatum indeterminatione materiæ, oportet quòd recipiat aliquam formam ad hoc, vt agat; quia non est in actu sufficiente ad agendum. Illud igitur quod est indeterminatum indeterminatione potètiæ passiuæ determinatur ad operandum per formam receptam in ipso quomo-*

modòcunquè, vel naturaliter, vel violenter, vel neutraliter respiciat ipsa.

Fatetur etiam Scotus in his eisdem locis aliud genus entis determinati, quod est tale propter virtutis illimitationem ad plures & diuersos effectus; sed inquit in priori loco citato, & in posteriori confirmat, quòd hoc *Secundo modo indeterminatū nulla forma alia à se determinatur: sed ex se determinatur ad producendum quemcunquè effectum, ad quem ex se est indeterminatum.* Et huius rationem assignat in 1. dist. 7. quæst. vnica sub lit. F. dùm inquit: quòd Si tale actiuum esset de se determinatum ad vnum effectum, posset de se sufficienter producere illum: sed si esset indeterminatum ad hoc, & ad illud ex tali illimitatione nulla tollitur perfectio causalitatis eius respectu talis effectus, sed tantum causalitas

additur respectu alterius; igitur ita potest producere istud & illud, sicut si esset tantum istius, & ita non requiritur aliquod determinans.

Sed contra hoc est idem Scotus in 1. dist. 2. q. 7. sub lit. X. vbi vult, quòd quantumvis intellectus sit secundum virtutem illuminatus ad multas, diuersasq; notitias (vt etiam asserit ipse in præcitato loco 1. dist. 3. q. 7. sub lit. Bb.) Potentia tamen rationalis, quæ ex se est ad oppositum, non potest ex se exire in actum: tunc enim simul exiret in opposita, quia simul esset oppositorum, & ex hoc concludit Philosophus 9. Metaphis. tex. com. 10. quòd præter illam potentiam rationalem, oportet ponere aliam potentiam rationalem determinatiuam, per quam determinetur, & illa determinata potest exire in actum; & ex hoc sequitur, quòd intellectus si est oppositorum, sic est oppo-

oppositorum per modum naturæ, quòd quantum est de se, necessario est oppositorum, nec potest se determinare ad alterũ illorum; sed requirit alterum determinans, quod liberè potest exire in alterum oppositorum; hoc est appetitus secundum eundem vel prophæresis. Et euidentius hoc idem repetit in 2. dist. 25. q. vnica in responsione ad vltimũ principale, vbi hæc habet formalia verba. *Ad aliud de potentia contradictionis, quod est in potentia contradictionis ad aliquam non se determinat ad vnum illorum, dico quòd aliqua est forma in potentia contradictionis, ut scientia, quæ est contrariorum, & ista non potest se determinare; quia est diminuta & imperfecta quantum ad hoc, & respicit utrumquè contrariorum. Vnde Aristoteles vult, quòd si ex se sine alio determinante procederet ad actum, simul producere contra-*

*ria. Alia est forma in potentia indeterminata perfecta tamen, & non diminuta obiecto sibi presentato, cuiusmodi est voluntas, & ista potest se determinare, & etiam alia: vnde Aristoteles 9. Met. tex. com. 3. & 10. quia dixerat, quòd scientia est contrariorum, & tamen ad nullum illorum potest se determinare: Determinatiuũ, hoc autem dico appetitum vel prophæresim. Potentia igitur rationalis perfecta, cuiusmodi est voluntas; quàmuis sit contradictorium, poterit determinare se obiecto presente ad vnum illorum.*

Ex quibus testimonijs illud præsertim notare debemus, quòd Scotus asserit, intellectum non solum determinari à voluntate; sed sic insuper esse indeterminatũ, vt necessariò determinationem expostulet, si debeat in actum erumpere: & hinc est, quòd vocat intellectiua potentiam

ten-

tentiam diminutam, & imperfectam in operando; econtrà tamen volitiuam potentiam perfectā appellat. Cur igitur in præcitis locis asseruit indeterminatum in-determinatione potētīæ acti- uæ, propter illuminationem virtutis, nullam ad operan- dum determinationem ex- poscere.

Hæc instantia facilè solu- itur, & simul ex eius solu- tione videbitur, qua ratione requiratur; & quo sensu deter- minatione excludat, inde- terminatum propter virtutis illimitationem ad plures ef- fectus. Scotus igitur non negat simpliciter in præcitis locis, indeterminatum vt sic determinationem exige- re; sed tantùm negat ipsum determinari per superadditā formam, quo sensu deter- minatur id, quod est inde- terminatū in-determinatione. potentiæ passiuæ. Ibi namq;

ad inuicem cōparat Scotus vtrumq; indeterminatum, & cōcludit determinari diffor- miter: alterum per formam receptam videlicet; alterum verò per solam obiecti præ- sentiam, vt Doctor ipse fa- tetur in 1. dist. 3. q. 7. sub lit. Bb. dum inquit: *Ita in propo- sito indeterminatio intellectus non est indeterminatio poten- tialitatis passiuæ in ordine cau- salitatis; sed est indetermina- tio actualitatis, quasi illimita- ta, & ideo non determinatur per formam, quæ sibi sit ratio determinatè agendi: sed tan- tummodò per præsentiam obie- cti; circa quod determinatum nata est esse determinata intel- lectio.* Hoc ipsum asserit etiā de natura Diuina in cod. 1. dist. 7. q. vnic. sub lit. F. di- cens: *Ad propositum, essentia Diuina non est principium in- determinatum, in-determina- tione materiæ; igitur sine deter- minatione alterius quasi prin- cipij*

*cipij actiui erit simpliciter determinatum determinatione, quæ requiritur ad agendum, ita quod non requiritur aliquid aliud.* Excludit igitur Scotus ab indeterminato indeterminatione actiue potestatis determinatiuum, quod sit sibi formale principium agendi; cum habeat se ipsa in esse quieto perfectam operandi virtutem. Admittit tamen in ipso determinatiuum extrinsecum, ut intellectu obiecti presentiam; in Sole verò approximati receptiui dispositione, & sic in ceteris eiusdem furfuris indeterminatis dicendum, ut insuper colligitur ex 1. dist. 2. qu. 7. sub lit. X. ubi proponit exemplum de Sole, & ex ult. quæst. Quodl. sub lit. Q. & R. & alibi sæpè.

## PROPOSIT. XIII.

*Prosequitur idem intentum.*

**A**dmittit etiam in intellectu præter obiecti presentiam, aliud determinatiuum, voluntatem videlicet, ut patet maxime in 2. dist. 25. qu. vnic. in responsione ad ultim. & in 16. quæst. Quodl. sub lit. S. Iste tamen determinationis modus & assertio non contradicit ijs testimonijs, in quibus negavit Scotus intellectum indeterminatum indeterminatione illimitate virtutis ad plures effectus, determinationem exigere; quando quidem ut dictum est, ibi contendit excludere ab indeterminato ut sic indifferentiam illimitationis ad plures effectus, non autem indifferentiam influxus: quasi verò illimitati agentis influxus sit ita inde-

N ter-

terminatus respectu particularium effectuum, ut indigeat aliquo indeterminatio-  
 uo, quod ad huius & illius effectus indiuidui productionem contrahat, & limitet indifferentem communēque virtutem ipsius; nam ut inquit Scotus in 1. dist. 7. qu. vnic. sub lit. F. *Si tale actuum esset de se determinatum ad unum effectum, posset de se sufficienter producere illum: sed si est indeterminatum ad hoc, & ad illud ex tali illimitatione, nulla tollitur perfectio causalitatis eius respectu talis effectus, sed tantum causalitas additur respectu alterius; igitur ita potest producere istud & illud, sicut si esset tantum istius, & ita non requiritur aliquod indeterminans.* Et superaddit in 4. dist. 50. qu. 3. sub lit. A. quod: *Quando causa est illimitata ex perfectione sua ad plures effectus in se, ex se est determinatissima deter-*

*minatione excludente contradictionem, vel indifferentiam ad contradiCTORIA ad quodcunq; illorum plurium. Probo, quia si esset tantum illius, esset determinata ad illud; sed quod extendit se etiam ad aliud causandum nihil diminuit de virtute sua respectu illius, nec impedit determinationem sui respectu illius.*

Intellectus igitur ( his non obstantibus ) cum sit illimitatus ad plures, & diuersos effectus, & naturaliter agat; non habet per hoc, vnde seipso possit exire in determinatam notitiam hanc, nisi ex nutu & imperio voluntatis: voluntas siquidem principatur omnibus nostris potentijs dominio despotico, ut tenet Scotus pluribus in locis, sed maxime in 2. distinct. 42. in omnibus illis questionibus, in quibus prefertim ostendere nititur; quod cogitatio, verbum, & opus mora-



moralem malitiam includere valeāt per hoc, quòd subduntur nostræ volūtatis imperio, quòd ad libitum suum intellectum auertit ab hoc, & ad illud conuertit obiectum, & quo cuncta corporis membra mouet, impellitquè localiter: quemadmodum etiam in 3. dist. 36. qu. vnic. sub lit. G. de intellectu præsertim determinat Scotus, ibi namq; subtiliter (vt solet) explicat, qua ratione priuatiuè & positiuè voluntas intellectus excæcat.

Pluribus ergo, & diuersis obiectis præsentibus intellectiue potentiæ, statim ipsa ex naturali & illimitata virtute, quam habet, cæco impetu ferretur in omnia: sed si præueniat eam voluntatis imperium, tunc in illius dūtaxat obiecti notitiā influet, ad quod eam inclinabit, impelletquè voluntas; iuxta illud Anselmi de peccat. orig.

c.4. vbi extendens, quòd voluntas sit imperatrix in toto Regno animæ, inquit: *Dedisti nobis Dominum, cui non obedire non possumus.* Non aliam igitur determinationē ab imperio voluntatis expectat intellectiua potentia, nisi illam, quæ illimitationis indifferentiam excludit ab ea: & hinc est, quod Scotus in loco præcitato 2. intellectus actiuitatem, per cōparationem ad voluntatis virtutem esse diminutam, & imperfectam; quia vt fusiùs declarabimus infrà, voluntas ex innata libertate diuersis sibi præsentibus obiectis, potest reliquis reiectis ad hoc tantum mouere & applicare se ipsam, quòd nulla ratione contingere potest in intellectu naturaliter agente.

Sol etiam indeterminatus vt sic, sicut exemplificat Scotus ibidem, determinatur ad particularem effectū ad par-

ticularis receptiui concursû; quemadmodum & intellectus determinatur ad particularem notitiam ad particularis obiecti præsentiam : ea tamen intercedente differentia inter vtrumq; vt Sol nō habeat determinatiuum superius , ad cuius nutum correspondentem ad intellectum , concurrente multitudine dispositarum materiarum, sic tollatur illimitationis eius indifferentia; vt hāc potius, quā illam substantialem formam inducat . Intellectus igitur duplex habet determinatiuum, alterum in ratione superioris agentis, & hoc imperfectionem importat in ipso ; quia subordinationem & dependentiam , alterum verò in ratione concurrentis, & concomitantis causæ, obiectum videlicet sicut dispositum passum , & hoc nullam imperfectionem inuoluit in eo, quoniam nec

subordinationem , nec propriè diminutionem virtutis : licet enim intellectus non possit se solo notitiam gignere , sed necessariò exigit ad illam obiecti concursum, id tamen non euenit ex eo , quòd intellectus astituit ita possit augeri, vt independēter ab obiecto notitiam eius aucta facultas producere valeat : quoniam etiam si in infinitum cresceret virtus illius, nunquā se solo posset in notitiæ productionem e-rumpere ; illa igitur exigentia cōcausæ, quæ potius pro-uenit ex effectu producendi naturā, quā ex diminutione virtutis agentis alterius , nullam imperfectionem importat in ipso : aliter etiam Deus eandē inuolueret imperfectionem; siquidem etiā ipse nequit sine causarum concursu illos effectus producere, qui ab eisdem causis essentialiter pendet . Ex his opti-

optimè deducere possumus, quòd omnis illa causa, quæ necessariò in effectus productione sub quouis prætextu, & in quocunq; genere, concausam admittit; hoc explicato sensu determinatur à causa, quam exigit.

Hoc eodem genere determinationis omnis causa superior, virtualiter continens plures effectus, determinatur item ad hunc, vel illum particularem effectum: sed non ea ratione tantùm, quæ vel à passo vel obiecto præsentè terminatiuè ( vt ità dicam ) determinatur vt sic Sol, & intellectiua potentia; per hoc namq; quòd Solis & intellectus influxus ad tale passum, & ad tale terminatur obiectum, fit vt ille in hunc particularem effectum, & iste in hanc specialem erumpat notitiam: sed determinatur insuper illo altero sensu, vt ex concursu particula-

ris, & inferioris agentis, causæ superioris actiuitas indeterminata indeterminatione illimitationis determinetur ad particularem effectum non causaliter; per motum & impulsum videlicet; neq; formaliter tanquàm per formalem rationem agendi, sed per hoc, quod ab hoc inferioris & indeterminatæ causæ concurrente virtute habet, vndè indeterminatum prorumpat effectum: causa siquidem naturalis, & illimitata ad plures effectus, quantumuis determinatissima sit ad singulos illorum, quos virtualiter continet, adhuc non habet ex se vndè magis in hunc, quàm in illum effectum possit exire, nisi à particulari causa concurrente secum; quia quantum est ex parte ipsius in omnes simul erumperet, si adessent alia requisita, vt patet in intellectu & Sole, ex quibus ille

ille tot simul notitias, quot habet obiecta, & iste tot simul producit effectus, quot habet præsentiā disposita passa: sicut igitur intellectus actiuitas ab obiecto terminatiuè, vel vt à termino determinatur ad hanc eius specialem notitiam, ita similiter à coagente specie principiatiuè, vel vt est in via ad notitiæ productionem, determinatur ad eandem numero notitiam; eo tamen sensu, vt si per possibile vel impossibile illimitationis indeterminatio intellectuæ potentia non determinaretur, ac limitaretur terminatiuè ad indiuiduam notitiam à specificante obiecto: sufficienter adhuc & quatenus productiua, & potius vt actualiter efficiens ipsam determinaretur; vt tenderet in illam, ac eius obiectum, à specie coagente cum ea. Et vt paucis multa constringa-

mus, intellectuua potentia ad plures illimitata notitias, terminatiuè limitatur ad hanc; occasionaliter verò determinatur, vt sic à specie concurrente.

Hanc terminatiuam, & occasionalem determinationem intēdit exprimere Scotus vbi suprā dist. 3. 1. q. 7. sub lit. Bb. Terminatiuam dum ait: *Sicut Sol presente passo generat quodlibet generabile, ex quo ipsum natum est generari; ita in proposito indeterminatio intellectus, non est indeterminatio potentialitatis passiuæ in ordine causalitatis: sed est indeterminatio actualitatis, quasi illimitata, & ideo non determinatur per formam, quæ sit sibi ratio determinatè agendi; sed tantummodo per presentiam obiecti, circa quod determinatum nata est esse determinata intellectio.* En quomodo ex specificante passi & obiecti præsentia gene-

generabilis effectus in Sole ,  
& notitiæ producibilis in in-  
tellectu terminatiuam deter-  
minationem deducit : occa-  
sionalem verò , dum ibidem  
ad propositam difficultatem  
aliā responsionem subne-  
ctens sic inquit : *Vel aliter*  
*posset dici, quòd sicut causa su-*  
*perior determinatur ad agendū*  
*concurrente aliqua particulari*  
*causa inferiori, sicut Sol ad ge-*  
*nerandum hominem concurrē-*  
*te homine agente , & bouem*  
*concurrente boue ; non autem*  
*per aliquam formam in se rece-*  
*ptā, ita intellectus qui est causa*  
*superior , & causa illimi-*  
*tata determinatur ad hoc ob-*  
*iectum, concurrente causa par-*  
*ticulari determinata : puta*  
*ad agendum circa hoc obie-*  
*ctum concurrente hac specie ;*  
*non enim istud determinans*  
*determinat effectiue causam*  
*indeterminatam superiorem ,*  
*nequē formaliter, sicut ratio a-*  
*gendi : sed sic determinat, hoc*

*est virtus actiua superior inde-*  
*terminata potest indeterminatū*  
*effectum, tali virtute inferiori*  
*determinata concurrente .*

Ex quibus verbis illud est  
omniñò notandum , quòd  
Scotus velit superiorem ab  
inferiori causa determinari ;  
sed non per formam rece-  
ptam ab ea nec effectiue, ne-  
quē formaliter vt per ratio-  
nem agendi , sed solū ea  
ratione : quia *virtus actiua*  
*superior indeterminata potest*  
*indeterminatum effectum , ta-*  
*li virtute inferiori determina-*  
*ta concurrente .* Quod cū  
idem, sit ac si dixisset expres-  
sè ; quia superior & indeter-  
minata virtus intellectuæ  
potentiæ ad hanc determi-  
nanda notitiā , non deter-  
minatur ab inferiori causa ,  
nec per formam receptam,  
nec effectiue, nequē forma-  
liter vt per rationem agendi :  
restat igitur vt à sufficienti  
partium enumeratione oc-  
casio-

casionaliter, vt ità dicam, determinetur ab ea; quoniam quasi ex occasione determinatæ causæ prorumpentis in ordine suo in particularem effectum, ad quem limitatur dumtaxat ex intrinsecis suis, intellectus habens etiam ipse respectu eiusdem effectus limitatam virtutem, in illum tantum, & non in alium per illam erumpere potest in ordine suo, nisi forsan aliundè tunc simul occasionetur ad alterius notitiæ productionem.

Et hinc fit latam esse differentiam inter determinationem illud, quo vt à superiori; & aliud, quo vt à cō-causa ad hanc notitiā determinatur intellectiua potētia: si quidem illud voluntas videlicet ità determinet eam ad huius obiecti notitiam, vt nulla ratione perseverante mouentis voluntatis imperio, aliam tunc notitiam

gignere possit; quantumuis alia sint sibi obiecta præsentia & pluribus informata sit obiectorum idolis. Istud verò in tantum determinat ipsam ad hunc particularem effectum, in quantum aliàs species non mouet in ordine suo, & aliud non concurrat obiectum: alia namque specie simul mouente, & alio simul occurrēte obiecto, statim in aliam prorumperet notitiam, vt colligitur ex Scoto maximè in 2. dist. 42. quæst. 1. sub lit. G. Sed tunc non auferretur ab intellectu per hanc, vel illam con-causam illimitationis indeterminatio; quemadmodum autem semper ex imperio voluntatis perfectè tolleretur ab eo. Et quòd dictum est de potentia intellectiua multò magis verificatur in Sole, vbi magis apparet; quòd cùm hoc disposito passo alia multa cōcurrere possunt

sunt: & hoc homine ad alterius hominis productionem agente cum Sole, simul tunc poterit asinus in alterius productionem influere.

#### PROPOSIT. XIV.

*Expenditur, qualē indeterminationem habeat creata voluntas.*

**P**lacet tamen examinare primò, vtrum libertas voluntatis consistat in indifferentia.

#### DIFFICULTAS I.

*Vtrum libertas voluntatis consistat in indifferentia ad contradictoria, aut in negatione determinationis ad alteram partem, positis omnibus requisitis in voluntate ipsa, necessarijs ad eius operationem?*

**M**ouetur hæc questio sic, propter va-

rietatem modernorū diuersimodè loquentium de libertate voluntatis, & propter verba Scoti in primo dist. 39 vbi docens ad quæ se extendat libertas voluntatis, vt voluntas est, ait: *Quantum ad primum dico, quod voluntas, in quantum est actus primus, libera est, ad oppositos actus; libera etiam est mediantibus illis actibus oppositis ad opposita obiecta, in quæ tendit; & ulterius ad oppositos effectus, quos producit. Prima libertas habet necessariò aliquā imperfectionem annexam, quia potentialitatem passuam voluntatis & mutabilitatem: tertia libertas non est prima, quia & si per impossibile nihil efficeret extrà; adhuc in quantum voluntas posset liberè tendere in obiecta. Media autem ratio libertatis ipsa est sine imperfectione, immò necessaria ad perfectionem; quia omnis potentia perfecta potest tendere in omne*  
O illud

*illud, quod est natum esse obiectum totalis potentie. Et aliquantò inferiùs loquens de voluntate Diuina, eiusquè libertate iuxta supradictam distinctionè immediatè, ait: Quantum ad primū dico, quòd voluntas Diuina non est indifferens ad diuersos actus nolendi, & volèdi, qua hoc in voluntate mea non erat sine imperfectione voluntatis. Et inferiùs aliquantulū: Ipsa etiam voluntas Diuina libera est ad oppositos effectus, sed hec non est prima libertas, sicut nec in nobis. Et quæst. 16. Quodlibeti; cū dixisset voluntatem aliquandò necessariò agere, non tamen naturaliter, contra se ipsum arguèdo ait: Vnde est, quòd voluntas licèt necessariò agat; non tamen naturaliter agit, cū non possit natura esse magis determinata ad agendum, quàm quòd sit necessitate ad agere? In responsione verò sic inquit:*

*Quòd ideò non agit naturaliter, quia ipsa nō determinatur ab aliquo agente superiori; sed ipsamet (ait) est tale actiuum, quòd seipsā determinat in agendo, quòd si ipsa volūtas aliquid velit necessariò, puta A. nō tamen illud velle causatur à causante voluntatē (subaudi immediatè) sed posito actu primo, quo voluntas est volūtas, si ipsa sibi relinqueretur, & si posset contingenter habere, vel non habere hoc velle; tamen se ipsā determinaret ad hoc velle. Hæc Scot. vbi exactè pro sua sententia ostendit, in quibus consistit libertas voluntatis. Pro clariori notitia supramotè quæstionis aliqua sunt prænotāda, deindè conclusio negatiua probabitur vera; tertio affirmatiua suis rationibus adductis, & solutis ostendetur falsa, & erit finis huius primæ Difficultatis.*

*Quò ad primum fallimur loquendo de libertate volū-  
tatis*



tatis, nisi secernamus voluntatem, ut abstrahit à creata & increata, & à libero etiam arbitrio: nam liberum arbitrium, vel arbitraria libertas sunt conditiones voluntatis, inter quas non est discrimen; si enuncientur primo modo, scilicet nominando arbitrium substantiue, & libertatem adiectiue: aut si secundo modo, nominando libertatem substantiue & arbitrium adiectiue, in Logica significatum formale concreti non distinguitur à significato formali abstracti; differunt tamen inter se sic, quod arbitrium est conditio voluntatis respicientis iudicium intellectus arbitrantis hoc esse melius illo; & ostendentis, quid sit eligendum à voluntate, quidue respondendum? Sed libertas est conditio voluntatis absolute sumptæ. Ulterius, arbitrium dicit perfectionem supplementem imper-

fectionem, quia includit deceptibilitatem: sed libertas est perfectio simpliciter; hinc non satis recte à quibusdam ponitur in Deo libertas arbitrij, de qua difficultate aliàs. Et arbitrium immediatè significat actum intellectus, vel aliquid ipsius; libertas non significat actum, nec modum actus: sed voluntatem & modum eius, ut facultas est, siue ut est virtus quædam in anima, vel in essentia rationali ad volendum. Ex hoc prænotabili sequitur aliud non aspernendum, scilicet.

Quod cum nominemus liberum arbitrium, nominamus perfectionem imperfecti coniunctam; nimirum libertatem vertibilitati adiunctam, vel dominium flexibilitati copulatum. Et hæc imperfectio est alia (ut constat) ab illa, quam connotat arbitrium: hinc sacrum Concilium Tridentinum sess. 6.

O 2 quod-

quod determinat contra Lutherum, totum est de libero arbitrio; nam per peccatum non amisit voluntatem, nec libertatē voluntatis, sed amisit vigorem liberi arbitrij per cecitatem mentis, & per amissionē gratiæ amplectendo facilius mala: immò per libertatem suæ voluntatis homo antequàm gratiam Dei sit adeptus, liberè se disponit ad gratiam, liberè assentiendo adiutorijs oblati sibi à Deo tangente eius cor, illuminante eius mentem, ac excitante illum ad gratiam iustificationis. Vide ibidem cap. 5.

Ex hoc sequitur tertio, quòd voluntas non dicitur libera à quadam spontaneitate (vt ita dicam) quia hæc solùm passiuitatem dicit, vndè & secundum Philosophum spontè genita dicuntur, quæ ex putri oriuntur; vel sine semine. Et Columel-

la lib. 9. cap. 4. *Est enim fatiua* (inquit) *& altera sua spontis, itemque semper virens primus.* Spõtale dicitur, quod fit sine labore, & sine vi; & si velimus exactè videre quid sit spontaneum ac liberum, inueniemus quòd spõtaneū mediat inter liberum & naturale, quia principium actuum rei spontaneæ non se ipsum determinat: sed quia sine vi ex bona dispositione in materia facillimè suū effectum sortitur absq; reluctancia, ideò cum libero conuenit; magis tamen accedit spontaneum ad naturale, quàm ad liberum. Lutherus constituit liberum arbitrium seruum, quia solam spontaneitatem in ipso nitebatur ponere; tanquàm si esset potētia passiuæ tantum: sed contra ipsum decreuit Concilium Tridentinū sess. 6. can. 4. hoc modo: *Si quis dixerit liberum hominis arbitrium*

*trium à Deo motum, & excitatū nihil cooperari à Deo &c.* Et paulò inferiùs sequitur: *Sed veluti inanime quoddam nihil omninò agere, merèque passivè se habere &c.* Nec Scotus (vt falsò quidam existimant) posuit liberum arbitrium dici tale à sola spontaneitate; sed dicitur liberum, quia spontè patitur, & liberè se ex ipso determinat, & in hoc maximè consistit sua libertas.

Quartò prænotādū, quòd libertas solet accipi à dominio volūtatis super actu suo; sed oportet advertere dominium esse quid genericū ad dominium dispoticum, & ad dominium politicum; & hoc secundum est verum dominium, quàmvis Dominus dominio dispotico possit pro suo libito, aut etiam pro sua libidine benè & malè vti re sibi subiecta: & filiusfamilias, qui succedit in hæredi-

tate, quam Iuristæ vocant fideicommissam nec vendere, nec alienare possit; non ideò negandus est esse Dominus illius, & posset probari quòd sit Dominus, quia defunctus non est Dominus: alij & si habeant aliquid iuris in ea hæreditate, nō sūt Domini; ergo ipse solus est Dominus illius hæreditatis. Ità accidit aliquando voluntatem necessariò actum, cuius non habet dominium dispoticum, sed habet politicum &c.

Quintò prænotandum: quòd indifferentia hìc à Scolasticis vsurpatur, & non in propria significatione sumitur: nam propriè indifferens vocatur, quòd nec bonum est, nec malum vt paupertas, inquit Seneca epist. 83. & Suetonius in Domitia no, de eius nece loquens ait: *Occisum illū Populus indifferenter, miles gravissimè tulit.*

*Si*

*Si voluntas diceretur libera, quia est indifferens ad cōtradi-  
ctoria, solum esset libera quan-  
do nihil ageret; quòd quàm sit  
absurdum, cuiuslibet sit iudi-  
cium &c.* Scotus tenet li-  
bertatem esse ad eò intrinse-  
cam voluntatì, quòd etiam  
quando operatur circa illam  
operationem, liberè se ha-  
bet; qui secus sentiunt, non  
adimunt libertatem à vo-  
luntate gratis.

Sextò pręnotandũ, quòd  
à determinatione nō est ali-  
qua necceffitas, sed applica-  
tio ad aliquid definitè; vt quā  
do indicitur hora lectionis,  
illa quæ erat vaga, definitur  
vt stet pro certa, & signata  
hora: hæc tamen tria solent  
vt plurimũ accipi pro eo-  
dem; nempè indifferentia,  
indeterminatio, ac illimita-  
tio. Intellectus est illimitatus  
ad plura simul, sicut & sen-  
sus; in legendo namquè o-  
culus simul & semel videt, ac

discernit album & nigrum,  
idem potest & intellectus, vt  
puta iudicando de verita-  
te vnius extremi contradi-  
ctionis, simul iudicat de fal-  
sitate alterius extremi: sed nō  
est indeterminatus, voluntas  
volens simplici volitione sa-  
nitatem, & media quibus  
eam consequatur, est deter-  
minata respectu vtriusque,  
& illimitata simul; potest  
tamen esse indifferens, vt po-  
tè intellectus ostendat æquè  
benè posse haberi sanitatem  
per flebotomiam, sicut per  
potionem amaram, relin-  
quendo illi optionem. Indif-  
ferens est ante electionē, sed  
sēper & ante & post electio-  
nem libera est; siuè vnum,  
siuè alterũ eligat, benè eligit,  
& liberè eligens indifferētia  
cessat non cessante libertate.  
Quæ omnia sunt animaduer-  
tenda pro notitia conclusio-  
nis, respectu cōtradiCTORIORũ  
potius est potestas, quàm in-  
diffe-

differentia, & libertas se extendit ad contradictoria magis, quàm indifferentia; vt voluntas magis dicatur esse libera ad velle concurrere, quàm indifferens: nam ad non currendū magis videtur inclinata, quia sine labore currere non potest; ideò non æquè indifferēs est & ad cursū, & ad quietem.

Septimò prænotandum, quòd dominium respicit bonum per se, malum verò per accidens; vt si quis dicitur Dominus sui ipsius, quia potest interficere se. Hoc est impropriè dictum, permutatio in dominio rationalis est, alienatio & translatio dominij est priuatio & malum; ideò posse peccare non est per se libertas, sed seruitus aut miseria, quæ non est intrinseca libertati, vt quid essentialis eius, sicut generaliter nulla imperfectio est essentialis alicui, tamen

si aliqua sit intima rei, non tamen est illi essentialis. Hinc Deus etiam si non possit peccare nec errare, nec decipere, nec destruere se; non propterea non est liber, immò nulla libertate caret, quàmuis hæc sibi simplici volitione velle nequeat.

Octauò prænotādū, quòd libertas est adeò necessaria voluntati; vt sine libertate voluntas esse nequeat: Vnde Anselmus de libero arbitrio cap. I I. id astruens asserit, *nec posse peccatorem se priuare ipsa*. Duo ibi considerat in voluntate, rectitudinem & libertatem; rectitudine se per se ipsum peccator priuat: libertate verò nec per seipsū, nec per alterum priuari potest. Si peccator non se priuare potest, cum tamen eius liberum arbitrium per peccatum sit attenuatum viribus, atquè inclinatum; quædam alia voluntas poterit sine li-

ne libertate dare? His prænotatis pono hanc cōclusionem, quam censeo esse verissimam.

Libertas voluntatis non consistit in indifferentia ad contradictoria, nec in negatione determinationis ad alterā partē, positis in ea omnibus requisitis necessariò ad eius operationem; quam sic probò.

Voluntas Dei determinata ad saluandum Petrum, & non indifferens ad saluandum ipsum, aut ad perdendum liberè vult saluare Petrum; ergo libertas non consistit in indifferentia, nequè in negatione determinationis.

Præterea in essentialiter ordinatis circulus est impossibilis, nec vnquàm inclusū essentialiter includit essentialiter suum includens, sed hæc est formalis consequentia: Ista potentia actiua est in-

differens actiue, & indeteminata actiue; ergo est libera. Igitur indifferentia includit essentialiter libertatē, & similiter indeterminationē; ergo libertas non includet essentialiter indifferentiam, neq; indeterminationem: vel dicendum est, quòd idem respectu eiusdem est superius, & inferius, & minus commune &c.

Præterea perfectio simpliciter consistit in entitate affirmatiua potius, quàm in negationibus; indifferentia & indeterminatio dicunt negationem: libertas verò dicit perfectionem simpliciter, vel perfectionē conditionis simpliciter; ergo &c.

Præterea & est confirmatio primæ rationis; D. Basilii Homelia, quòd Deus non sit Auctor malorum: *Solutam* (inquit) *ab omni necessitate & voluntaria, ac in sua potestate sitam. vitā à Conditorē*

tore adeptam anima per hoc ad imaginem Dei creata est; sed vita Dei non est indifferens ad esse & ad non esse, nec eius voluntas est indeterminata ad volendum vitam, aut non volendum vel ad volendum oppositum suæ vitæ: immò hoc ultimum est impossibile; ergo vita nostra si est ad imaginem illius, non est soluta à necessitate, quia indifferens vel indeterminata: nequè voluntaria est, quia indifferens vel indeterminata: sed quia absolutum est ab omni coactione, violentia, & inevitabilitate; & ex se ipsa determinatiua est sui ipsius &c.

Præterea gratia est perfectio naturæ: libertas verò est connaturalis voluntati, sed gratia voluntas creata fit inuertibilis; ergo determinatio non impedit, nec adimit libertatem. Et confirmatur hæc ratio, quia perfectio debet confirmari suo perfecti-

bili, gratia tollit indifferentiam, & apponitur indeterminationi; ergo relinquit voluntatem in perfectione suæ libertatis, ergo libertas non includit indifferentiam, neq; indeterminationē &c.

Præterea Augustinus in Enchyridio cap. 14. Sic enim oportebat prius fieri hominem (ait) ut & benè posset velle et malè; nec gratis vel frustra si benè, nec impunè si malè. Postea verò sic erit, ut malè velle non possit, nec ideo libero carebit arbitrio; multò quippè liberius erit arbitrium, quod omninò non poterit seruire peccato: nequè culpanda est voluntas, aut voluntas non est, aut libera dicenda non est; qua beati sic esse volumus, ut esse miseri non solum nolimus, sed nequaquam prorsus velle possimus: sicut enim anima nostra nunc habet nolle infælicitatem; ita tunc nolle iniquitatem semper habitura est &c. Ex his verbis

P non

non patet, quòd gratia potest quidem tollere indifferentiam ac indeterminatorem à voluntate, non autem libertatem; quia etiam secundum omnes Theologos Catholicos gratia non sanat liberum arbitrium, sanatum non adiuuat, sanando & adiuuando non applicat ad bonum, & si applicat non determinat, aut saltem non condeterminat: si voluntas se determinat ad bonum, & gratia Dei eam condeterminat, & tamen non adimitur eius libertas; ergo ipsa libertas est perfectio in voluntate prior & perfectior indifferentia, dato quòd indifferentia esset perfectio. Nec accipio hìc voluntatem & gratiam pro instanti, vel puncto, quo elicitur actus, sed ante optionem & exercitium.

Præterea Anselmus de libero arbitrio cap. 1. qui sic

habet: *Quòd decet & expedit, ut hoc amittere nequeat, liberior est quàm ille, qui sic habet hoc ipsum, ut possit perdere; liberior igitur est voluntas, quæ à rectitudine declinare nequit.* Hæc Anselmus: ex quibus verbis confirmatur superior ratio.

Præterea perfectio addita perfectioni sibi composibili non adimit quidquam de illa, addita verò perfectioni vel conditioni impossibili adimit, vel tollit illam: sed sic est, quòd respectu voluntatis aliqua perfectio, vel conditio perfectionis non adimit libertatem ipsius, adimit tamen indifferentiam; ergo libertas non consistit in indifferentia. Probatur minor, accipio voluntatem antequàm eligat ex duobus bonis maius bonum, & volo quòd ostendantur ipsa bona duabus voluntatibus; nempe viri periti ex vna parte,

ex



ex alia ostendantur eadem bona voluntati amentis vel phrenetici, aut pueri, vel etiā viri, sed heberioris intellectus. Certum est, quòd bonitates illas minus apprehēdet mens istorum, quā mens viri periti: sed maior apprehensio est perfectio, vel saltem conditio, qua mediante voluntas indifferens se determinat, & applicat ad maius bonum; ergo maior apprehensio adimit indifferentiam illam, libertatē verò non adimit, immò perficit vel adiuuat, patet: Quis enim diceret sapientem virū eligere maius bonum minùs liberè, què m amētem, phreneticum, puerum, vel virum hebetioris iudicij? Stulta libertas nonnè potius est seruitus, quàm libertas.

Præterea hæc sententia est priscorum, & maximorū Scholasticorum; ergo vera. Antecedens probatur, est

D. Bonaventuræ in 2. dist. 14. q. 1. part. 1. ubi quæsiuit: An dari potuerit homini libero arbitrium inflexibile? In corpore quæstionis concludit negatiuè, & probat; quia non potest dari inflexibile propter coarctationem, neq; propter determinationem. Et probando quòd non propter determinationem, inquit: *Si autem inflexibile esset ad malum propter determinationem, quia sic potens esset per propriam naturā in bonum; ut non posset deficere in malo, sicut est de libero arbitrio Diuino, quod ad sola bona determinatum est, iam tale liberum arbitrium careret vanitate per naturam &c.* Vides Bonauēturam fateri voluntatem Dei liberam, & tamen determinatam ad bonum? Idem fatetur & D. Thomas 3. parte quæst. 18. art. 4. ad tertium, cum enim quæsiisset; vtrum in Christo

P 2 fuerit

fuert liberum arbitrium ? Resoluit affirmatiuè, gratia disputationis tamen, ait arguendo : *Liberum arbitrium se habet ad utrumq; voluntas Christi fuit determinata ad bonum: ergo.* Respondet D. Thomas sic: dicendū, quòd *voluntas Christi, licet sit determinata ad bonum, non tamen est determinata ad hoc, vel ad illud bonum; & ideo pertinet ad Christum eligere per liberum arbitrium confirmatum in bono, sicut ad Beatos.* Vides liberum arbitriū cum determinatione stare ? vides illam solam indifferētiā ac indeterminationem ad plura, de qua superius dixit Scotus sufficere ad libertatem: vbi Caietanus nec verbum dicit &c. Eandem sententiam tenuit Alexāder Alensis parte 2. quæst. 72. memb. 2. ac art. 3. vbi cū quæsiisset; an liberum arbitrium dicatur sic, quia indif-

ferenter sit boni & mali, an quia magis est boni, quā mali, an quia mali magis, quā boni ? Respondet per ista verba: *Liberum arbitrium tripliciter consideratur, uno modo secundum quod non cogitur; & hoc modo dicitur liberum; quia indifferenter est boni, & mali: alio modo dicitur liberum secundum naturam, qua assimilatur Deo, & secundum hoc est boni principaliter: tertio modo consideratur quantum ad effectum naturæ, quem habet ex eo quòd creatura &c.* Eiusdem sentētiæ fuit Diuus Bernardus, nam in tractatu suo de libero arbitrio ait: *Diabolus libere corrūit in malum, & persistit suo voluntario motu, non alieno impulsu &c.* Item quòd *Diabolus non potest bonum, nō est ex aliena oppressione; sed ex voluntaria obstinatione, & obstinata voluntate &c.* Et super Cātica Serm. 81. Porro (inquit)

(inquit) *vbi voluntas & libertas; quod tamen dico de naturali non de spirituali, qua libertate (ut dicit Apostolus) Christus nos liberauit. Iterum in eodem tractatu de gratia, & libero arbitrio: Enimvero aliud (ait) est volutarius consensus aliud naturalis appetitus, consensus voluntarius nos discernit (subaudiatur à brutis) est enim habitus animi liber sui, siquidem non cogitur, non extorquetur; est quippe voluntatis, non necessitatis. Vbi ergo consensus, ibi voluntas; & vbi voluntas, ibi libertas: en libertas, si supra indifferentiam & indeterminatorem ponenda sit. Iodocus etiam Cliftoueus D. Ioannis Damasceni Commentator, Parisiensis Magister in Commentario ad 22. cap. lib. 2 de fide orthodoxa Damasceni sic habet: Neque rationi libertatis in Deo obstat naturalis indefectibilitas in*

*malum, nam vertibilitas ad libertatis rationem non exigitur, neque in summi primaque locum habere debet; sed potius defectio est & lapsus à perfectione absolute & primarie libertatis imperfectionem arguens, & à bono descitiam: proinde Angelica libertas & humana; que sunt ut Diuine libertatis imagines quandiu vertibilitatem illam & mutabilitatem in deterius habeat, minus perfecta sunt illius archetype libertatis vestigia; cum vero sublata fuerit à voluntate illa vertibilitas in deterius indulta gratia Diuina, quemadmodum nunc est in Angelis, & post assumptionem ad gloriam erit animabus humanis: tunc sanè perfectior erit libertas & sue veritati, atque exemplari; scilicet Diuine libertati similior. Video vulgum modernorum aspernari hanc auctoritatem, ut potè Doctoris Parisiensis, quasi præter His-*

Hispanias non sit doctrina : sed audiat D. Bernard. quid ante Iodocum dixerit iuxta hanc doctrinam in illo tractatu de gratia, & libero arbitrio.

*Si poterit homo aliquando (inquit) aut omnino nihil velle, aut velle aliquid & non voluntate, poterit & carere libertate voluntas &c.* Ac si diceret, primum est impossibile, secundum impossibile, tertium supra impossibile. Item ibidem alias: *Potest quidem mutari voluntas, sed non nisi in aliam voluntatem, ut nunquam amittat libertatem.*

Iterum adhuc: *Manet ergo libertas voluntatis, ibi etiam fit captivitas mentis, tam plena quidem in malis, quam in bonis, sed in bonis ordinatior; tam integra quoque pro suo modo in creatura, quam in Creatore; sed in illo potentior.* Ab hac sententia non discedit D. Ioannes Damascenus libro de duabus Christi volu-

tatibus, dicens: *Cumque natura Divina & peccare non possit, & sit libera voluntas; non tamen mutabilis est, sed immutabilis: quod si natura Divina eiusmodi voluntate est praedita, ut nec peccatum, nec mutatio in eam cadere possit, cum interim sit libera &c.* Cum his sentire malo, quam cum modernis, qui rationes & auctoritates parvi faciunt, commune solummodo quendam plausum usu receptum sequentes. Hunc videamus pro tertio, quid in oppositum adfertur, & obiectis respondeamus.

## PROPOSIT. XV.

*Arguitur pro affirmativa.*

**D** Amascenus lib. 2. de fide orthodoxa c. 22. *Creatura rationalis vertibilis est secundum electionem; ex eo enim libera est, quod eligere potest*

*test, vel recusare.* Notanda est ea causalis, *ex eo, & illa, enim;* ergo dempta indifferentia, & indeterminatione, non est libera &c.

Respōdeo primò ; Damascenum loqui de voluntate , non vt est voluntas abstrahendo à voluntate creata, & increata vt patet : Conclusio. verò nostra loquitur & intelligitur de voluntate in se, nō de voluntate creaturæ rationalis, vt loquitur Damascenus ; & vtiquè concederem voluntatem creatam esse liberam, quia indifferentem . Melius tamen secundò respondeo , quòd ex sententia Damasceni voluntas priùs est libera, quàm indifferens , vt visum est : ex indifferētia tamen agnoscitur eius libertas ; itaque notæ illę causales non denotant effectum per suam causam ; sed inferunt causam per suum effectum : indifferentia enim actiua est,

tanquàm effectus solius libertatis .

Preterea D. Bernardus de gratia, & libero arbitrio : *Porro voluntas* (inquit) *est motus rationalis , & sensui præsidens & appetitui.* Habet sane quòcūquē se voluit semper rationem comitem , & quodammodò pedisequam : est verò ratio data voluntati, vt instruat illā , non destruat ; destrueret autem , si necessitatem ei vllam imponeret, quominus liberè pro arbitrio se se volueret : si (inquā) horum quodlibet prohibēte ratione voluntas non posset, volūtas non esset . Vbi quippe necessitas iam, non volūtas ; ergo sublata indifferentia voluntas non esset libera . Probo consequentiā : sublata indifferētia , voluntas pro arbitrio suo non volueret se se ; ergo sublata indifferētia non esset voluntas , ergo nec libera &c.

Ref-

Respondco ibidem, paulò inferiùs; dicit D. Bernardus, quòd voluntas libera non esset: *Si necessitate* (ait) *absquè consensu propriæ voluntatis*; vbi constat de mente ipsius, quòd consensus voluntatis sufficit ad libertatem, & non requiritur indifferentia. Quin etiam secùdum ipsum dicitur libera volùtas, & quòcunque libuerit se voluens, quia consentit: quis nesciat modò consensum cadere sæpè in re determinata, minimèq; indifferenti? Nihil habetur còtra nostram conclusionem ex his verbis de mente D. Bernardi, potissimè stantibus supradictis &c.

Præterea Damascenus tractatu de duabus Christi voluntatibus: *Voluntas* (inquit) *est mentis imperatricis liber motus*. Sed quomodò dicenda esset mens imperatrix, si iam esset ad vnum determinata, & non indifferens?

Certè si serua non est dicenda, nequè imperatrix.

Respondco, est imperatrix per se; & determinata per accidens, hoc est accidit voluntati, vt sit determinata ad vnum & non indifferens: nam si esset indifferens & indeterminata ad extrema contradictionis, ex sua perfectione se determinaret ad hanc eandem partem, ad quam nunc est determinata; id autem quod competit ei per se, non est auferendum ab ea, si copuletur cum aliquo per accidens. Vt si aliquis ex sua voluntate absquè grauitate mouente posset se mouere ad descensum; dato quòd vellet se præcipitare, & assumeret pondus supra se: is non diceretur non liberè se præcipitare, immò liberrimè; quia ex se solùm posset ferri deorsum, & accidit illi motui assumptio ponderis &c.

Præterea liberum arbitriũ  
secun-

secundum communem sententiam est in Deo, & in nobis stante hoc præsupposito concedendo, arguo sic: Iudicium rationis est. æquè illuminatum sicut & arbitrium voluntatis, quare ergo non datur iudicium liberum rationis, sicut datur arbitrium liberum voluntatis? Non est hic alia differentia inter utriusquè illimitationem, nisi quòd illimitatio iudicij est ad omnia, sed non indifferenter ad cōtradictoria: nam si apprehendit veritatē vnus partis, iudicat alteram partem determinatè esse falsā; non ità voluntas, sed sic eligit vnum extremum cōtradictionis, quod æquè benè potest eligere & alterū, idè dicitur libera: & quid est hæc facultas eligēdi contradictoria, nisi indifferentia quædam.

Respondeo cum Alexandro Alensi parte 2. qu. 72.

memb. 2. artic. 3. §. 4. quòd Iudex & arbiter in hoc differunt, quòd Iudex tenetur iudicare secundum leges, aliterq; iudicando, iniustè iudicat: sed arbiter est Iudex electus à partibus, ad cuius sententiam stare constituuntur; si ergo arbiter definiat contra ius, non tamen iniustitiam facit, & si iudicat secundum leges non ex hoc amittit rationem arbitris. Ad argumentum ergo dico, quòd non datur iudicium liberum rationis, quia iudicium rationis sēper respectu cuiuscunq; obiecti est determinatum ad vnum: sed arbitrium aliquandò est determinatū, aliquandò indeterminatum; aliquandò indifferens, aliquandò non: idè si contingat ipsum sequi vnam partem determinatè, non definit esse liberum, immò determinatio sibi accidit & negatio indifferentiæ simili-

Q. ter

ter sibi accidit &c. negatio  
 ve rò indifferentiæ, & inde-  
 te rminatio non accidunt iu-  
 dicio rationis; nam si oppo-  
 natur hæc propositio intel-  
 lectui, paries est albus statim  
 iudicabit ipsam esse veram :  
 si ponatur à parte rei id, quod  
 significatur per propositio-  
 nem, sin minùs iudicat ipsã  
 esse falsam, nec potest esse  
 sibi neutra; nempè scita, vel  
 ignota.

Præterea omnis actus li-  
 ber est laudabilis, vel illau-  
 dabilis : sed actus, qui non  
 est à voluntate indifferenter  
 se habente, vel indetermi-  
 nata non est laudabilis, neq;  
 illaudabilis; ergo non est li-  
 ber, ergo libertas requirit  
 indifferentiam; & indeter-  
 minationem.

Respondeo, negatur mi-  
 nor concessa maiori, & da-  
 tur instantia : nam Deus di-  
 citur laudabilis, quia bonus,  
 & tamen non est indifferens

ad bonitatem & ad opposi-  
 tum. Item si homo homi-  
 nem innocentem damnaret  
 ad ignem, iniuste damnaret,  
 & esset illaudabilis : Deus  
 autem etiam si D. Petrum  
 in ignem æternum truderet,  
 nõ esset illaudabilis, sed lau-  
 dabilis; ergo actus non di-  
 citur laudabilis aut illauda-  
 bilis, quia indifferens, & sic  
 patet &c.

Præterea libertas volun-  
 tatis nunc communiter ex-  
 primitur per indifferentiam,  
 & communis schola Theo-  
 logorum tenet eam consilte-  
 re in indifferentia; ergo sal-  
 tem nunc hoc negarem, te-  
 merarium est.

Respondeo, nego maio-  
 rem seu antecedens, vt me-  
 lius loquar, quò ad utramq;  
 partem; exprimitur quidem  
 sic libertas voluntatis create  
 pro statu viæ, & de ipsa di-  
 putant contra hæreticos præ-  
 fertim contra Lutheranos;  
 sed



sed volútas vt sic accepta est volútas cum imperfectione , qua euacuari potest. Conclusio nostra loquitur de voluntate præscindédo à statu vię , & ab imperfectionibus; idèò consequentia non includit contra nos nequè temeritatē, nequè falsitatem &c. Hinc ipse Franciscus Suarez in primo Opusc. cap. 1. distinguit libertatem Diuinam à creata; quòd illa maneat cum summa determinatione, hæc non. Item dicit D. Thomam & nonnullos ex Patribus patrocinari sententię affirmanti, omnem actum perfectè voluntarium dici liberum, tametsi minimè esset indifferens : sed quia hæreticis est familiare loqui de voluntate nostra secundum rationem huius status ; idèò hac difficultate dimissa tanquàm sufficienter explicata, ad alias difficultates progrediamur.

## *D I F F I C U L T A S I I.*

*Vtrum libertas essentialis voluntati, vt voluntas est, sit constituenda in immunitatē à coactione, & in facultate determinatiua sui ipsius , non tamen in altero istorum præcisè?*

**T**eneo partem affirmatiuam huius quæstionis, vt probabo, dimissis omnibus præambulis; quia præcedentia sufficiunt. Probo igitur cōclusionem affirmatiuam primò auctoritatibus.

Damascenus 3. de fide orthodoxa cap. 14. *Enimuerò ( ait ) cū voluntatem dicimus non eam coactam , ac necessitate constrictam dicimus , sed liberam : Nam si rationis particeps est, utriquē & libera; nequē enim solum Diuina, & increata natura nihil coactum habet , sed nè intellectualis*

*Q 2 qui-*

quidem , ac creata &c.

Iodocus etiam ille Cliſto-ueus Doct̃or Pariſienſis, Damasceni Commentator verſatiſſimus in officina theologia eiusdem Damasceni Commentario ad 22.c.lib.2 de fide orthodoxa inquit: *In Diuina quq; voluntate ſumma libertas, quia quidquid agit non alterius impulſu, aut adactione; ſed ſpontē in ſua, atq; beneplacito ſuo bonitatis agit, ſummamquē habet in cunctis operibus ſuis complacentiam.*

Irenæus lib. 4. aduerſus hæreſes cap.71. *Aliud autem (inquit) quod ait: Quotiēs volui congregare filios tuos &c. veterem legem libertatis hominis manifeſtauit; quia liberum eum fecit Deus ab initio habentem ſuam poteſtatem, ſicut & ſuam animam ad utendum ſcientia Dei voluntariē & non coactam à Deo &c.* Subaudi coactione phifica &c.

Genesis etiam 4. dicitur :

*Sub te erit appetitus tuus, & tu dominaberis illius .* Sed quomodò appetitui dominatur; an non ex ſe natura ſibi conuenientia naturaliter appetit? Quis cohibere poteſt naturales inclinationes nè inclinet, & paſſiones nè patiamur; cohibentur tamen quando voluntas non com- placet, & liberè conſentien- do paſſionibus illatis à cau- ſis naturalibus liberè pati- mur; & qui audit blaſphe- mantē, ſi deteſtatur, & nollet eum audire, & diſſentit il- lius blaſphemia, dicitur do- minari ſuo appetitui, licet non poſſit prohibere aures nè audiant.

Auguſtinus 5. de Ciuita- te Dei cap. 10. *Neceſſe eſt enim (ait) ut homo quidquid vult, libero velit arbitrio; & tamen non propterea liberum arbitrium ponitur ſub neceſſi- tate tollente libertatem, nam illa neceſſitas, de qua dicimus: neceſſe*

*neceſſe eſſe hominē liberē velle non ſolūm non facit, ut opera liberi arbitrij non ſint libera ; ſed cogit, ut ſit libera &c.* Hic patet, quòd Diuus Auguſtinus duas neceſſitates conſiderat, quarum vna pugnat cum libertate , & hæc eſt neceſſitas violentiæ, ſeu coactionis citra controuerſiam alia non repugnat cum libertate ; ſed eſt ei compoſſibilis &c. ergo in illius immunitate conſiſtit .

Bernardus ſerm. 8. in Cātica: *Ita anima ( inquit ) miro quodam modo , ac malè libera neceſſitate, & ancilla tenetur , & libera ; ancilla propter neceſſitatem , libera propter voluntatem : & quod magis mirum, magisque miſerum eſt eò rea, quò libera , eoque ancilla, quò rea ; ac per hoc eò ancilla, quò libera .* Idem de gratia & libero arbitrio . Ex hac ergo tantūm libertate , qua liberum eſt voluntati ſeipſa :

iudicare vel bonam ſi bono, vel malam ſi malo conſenſerit ; quippè quæ in neutro niſi certè volendo conſentire ſe ſentit liberum arbitriū credimus nominari .

Ambroſius in cap. 4. Lucæ ad illa verba : *Mitte te deorſum . Nam qui relictis ( ait ) cæleſtibus eligit terrena, volūtarium quoddam præcipitium vitæ labētis incurrit &c.* Concurrit hoc dictum cum ſimilitudine Scoti de præcipitante ſe, qui liberè dicitur descendere , quādiū manet eius libera acceptatio præcipitij ; tametſi motus ille ſit naturalis. Et Damascenus lib. 2. de fide orthodoxa cap. 25. *Relinquitur igitur hominem ( inquit ) ipſum agentem & facientem principium eſſe priorum operum, & poſtate, arbitrioque liberū &c.*

Vnum eſt neceſſariò probandum , ſine quo inſufficienter eſſet probata cōcluſio ,

sio; videlicet, quòd non cōsistat libertas in sola immunitate à coactione. Pro hac particula fauet Constitutio Pij.V. à Gregorio XIII. innouata, quam citat Bellarminus lib.3.de gratia & libero arbitrio cap.5.in suis controuerſijs tom.4.vbi damnatur hæc propositio, sola violentia repugnat libertati hominis. Requiritur ergo vltra negationem violentiæ, quod voluntas sit determinatiua sui ipsius &c. Probatur secūdo tota conclusio ratione, quò ad vtramquè partem &c.

Voluntas est potentia nō passiua tantum, sed etiam actiua. Hanc propositionem facile probarem, si opus esset, sed cū Catholico ipsam suppono: sed potentia passiuua in pluribus immunis est à coactione, quæ tamen non est libera; ergo libertas non cōsistit in sola immunitate à

coactione, ergo in actiuitate immuni à coactione consistit, & cum hoc in aliqua alia facultate, quam non est assignare, nisi assignetur virtus, vel facultas determinandi semet ipsam ex semet ipsa &c.

Bruta multa agunt non inuitè, nec coactè; quæ tamen liberè non agunt; ergo voluntas vltra negationem coactionis aliquid aliud includit: probatur consequentia. In quo enim voluntas superaret appetitum sensitiuum brutorum, quot autem efficiunt bruta non coactè, planum est; si quis animaduertat simias imitantes humanos actus, & feras ex industria (vt ità dicam) feris insidiantes, in quorum obseruatione vix sapientes non hallucinātur, non existimando actus earum procedere à deliberatione: immò sententia multorum est huiusmodi  
ani-

animalia operari ex deliberatione, sed non vndequaque plena; & ex modernis non desunt, qui propterea teneant imperfectè esse libera.

Præterea omnis potentia actiua aut est naturalis, aut violenta, vel libera; prima ex sua forma est determinata ad vnum, secunda est determinata ad vnum (sed non ex se) verum à mouente, tertia distinguitur à prima: ergo erit ex semetipsa determinatiua sui dēpta coactione, & naturalitate; ergo in his duobus stat ratio suæ libertatis &c.

Præterea si sola immunitas à coactione sufficeret ad libertatem voluntatis, Aristoteles & alij Philosophi gratis reprehenderentur à Theologis in eo; quòd dixerunt primam causam agere ad extrà necessariò, dicerent enim illam necessitatē non

violare libertatem voluntatis.

Præterea quæstiones inter Manichæos, & Lutheranos; atque Catholicos esset de solo nomine: cum per Lutherum non habeatur, quòd Deus quidpiam inuitè faciat ad extrà; dicerent ergo, quòd faceret etiam liberè. Item liberum, meritò diceretur esse liberum tantum titulotenus.

## PROPOSIT. XVI.

*In oppositum arguitur.*

**S**piritus Sanctus producit liberè secundum Scotū in primo dist. 10. q. vnica, sed voluntas ibi non est libera nisi per immunitatem coactionis; ergo hæc sola sufficit ad libertatem.

Respondeo, negatur minor; vbi què enim Scotus loquēdo diffinitiuè de libertate

tate, vult eam consistere in facultate se determinandi, & consequenter in productione Spiritus Sancti est sui determinatiua: verum est tamen, quòd propter summam necessitatem in essendo personæ Diuinæ productæ non possunt non produci, sed hæc necessitas per accidens coniungitur illi summæ libertati; nam si per se illi coniungeretur, nullibi reperiretur necessitas absquè cōsortio libertatis, nec libertas sine cōsortio necessitatis. Est ergo voluntas Dei in productione Spiritus S. libera plena libertate, quia non coacta; & quia ex se determinata ad producendum: & si argumētum hoc concluderet, concluderet etiam, quòd Pater generat Filium; quia non coactus, immò complacenter &c.

Omne volūtarium est liberum, saltem in via Scoti:

sed aliquod est voluntarium quod solum nō est coactum; ergo probatur minor. Voluntas in volenda beatitudine, & in fugienda miseria determinatissima est, sic vt non possit in oppositum: quis enim diceret voluntatem refugere à beatitudine, & amplecti summam saltem miseriam; patet hoc etiā ex auctoritate Augustini in Enchyrid. 14. sic enim beati esse volumus, vt miseri esse non solum nolumus, sed nequaquam velle possimus.

Respondeo vt suprà, negando minorē: ad probationem dico, quòd idèò voluntas volendo beatitudinem & fugièdo summam miseriam libera est, quia ex sua essentiali perfectione se determinat ad illa quidquid hìc dicant alij; nimirum quòd naturaliter velit vltimum finem, & naturaliter fugiat summam miseriam. Aliqui etiam di-

stir.

stingunt volūtarium à libero allegantes Aristotelem 3. Ethic. cap. 4. & 5. dicētes volūtarium esse quidquid prouenit à voluntate, quomodo-  
cunque proueniat; liberum autem id solū, quod sequitur electionem: quorum sententiam non impugno, si loquuntur de libertate cum imperfectione; si autem loquantur de libertate ut libertas est, de voluntate ut voluntas est, inter voluntarium ac liberum non distinguo.

Præterea in eo præcisè stat libertas, quo dempto cæteris manentibus, ipsa non manet; & quo posito, ipsa ponitur: sed dempta immunitate coactionis non stat libertas, eaque posita ponitur; ergo in ipsa huiusmodi immunitate &c.

Respondeo, maior est vera in causis præcisīs tantū, ut causa risibilitatis in nobis non est rationalitas præcisa

ratione animalis; nec ratio animalis præcisa rationalitate, nec in eclipfi interpositio terræ inter Solem & Lunam est præcisa causa defectus luminis, sed cum ipsa interpositione etiam perspicuitas astri: hinc aliud corpus opacum, vel non perspicuum saltem, non eclipfaretur in proposito sola immunitas à coactione nō est præcisa ratio libertatis.

Præterea, & est contra responsionem: Si daretur, quod voluntas se determinaret, & cum hoc cogeretur, voluntas non esset libera, ergo libera est præcisè, quia non est coacta, ergo sola immunitas à coactione &c. Quod casus positus sit possibilis, probatur à simili: graue secundum suam naturam in via Scoti mouet se ipsum deorsum, si tamen deferatur ab alio deorsum; non negatur, quod motus ille sit sibi

R natu-

naturalis : negaretur tamen, si frante sua grauitate eleuaretur ; ergo & voluntas coacta non vellet liberè ex hoc solo, quòd careret sua immunitate .

Respondeo, casus positus est impossibilis: quòd enim determinat se phisicè etiam ex consequenti est immune à coactione, ad prolationem dico ; quòd similitudo hìc non tenet, quia lapis determinatur ad motum deorsù à suamet forma, ità videlicet quòd recipiendo talem formam recipit principium determinatissimum ad mouèdum se præcisè deorsum: at natura rationalis cùm recipit voluntatē, recipit principium non determinatum, sed determinatiuum sui ipsius ; quantùm differant ista duo, nimirum esse determinatum, & esse determinatiuum, manifestum est &c. Ideò lapis fursù versus mo-

uetur præter naturam suam, quia mouetur præter modū sibi à natura præfixum : at volūtas si se determinat cogi non potest, quàmuis etiā ex sua sibi necessaria perfectione in aliquid necessariò tenderet; sufficit enim, quòd se ipsum determinet.

Præterea sola volūtas dicitur cogi, & solùm in voluntaria dicuntur coactè fieri ; ergo in sola negatione coactionis videtur esse constituta libertas .

Respondeo, negatur consequentia concessio antecedente, quia vbi ad effectum necessariò concurrunt plures causæ, per defectum vnius earum tantùm impeditur ille effectus . Sic est in proposito .

Sic dicatur, ad quid ergo ponuntur vt duo distincta, immunitas à coactione, & vis determinatiua sui ipsius? nonnè id quod est sui determinina-



minatium, est etiam immune à coactione, non est concessum hoc superius in responsione ad quartum?

Respondeo, distinguuntur eo modo, quo prius ac posterius: si enim prius stare potest sine posteriori, sed non è conuerso; & tamen sunt distincta, ita immune potest dari aliquid à coactione, quod non erit sui determinatium, & tale non erit liberum, ut graue descendens: sed è conuerso non potest dari quidquam sui determinatium, & coactioni subiectum.

### D I F F I C. I I I.

*Utrum libero arbitrio creato puri viatoris, siue hominis, siue Angeli est necessaria indeterminatio ad contradictoria.*

**P**Artem affirmatiuam teneo tamquam veritatem

de fide tenendam, quam ad aures Scoti sic esse tenendam suo loco probabo; & de mente eiusdem oppositum rejiciam.

Sed primum vnum animaduertendum declarabo, secundò conclusionem affirmatiuam probabo, tertio eandem probabo per principia Scoti, quarto oppositam partem rationibus eiusdem Scoti rejiciam, quinto & vltimò argumenta in oppositum adferam singulis singillatim respondendo, nec inutiliter eadem repetam.

Quò ad primum animaduertendum, quòd non dixi; an indeterminatio sit essentialis libero arbitrio, sed an sit necessaria: multa enim sunt necessaria, quæ non sunt de essentia rei, talis est indeterminatio respectu liberi arbitrij creati. Contrahitur enim libertas, & restringitur eius conceptus, dum confi-

deratur in homine, vel in Angelo; multòquè magis contrahitur, & restringitur eius conceptus, dum proponitur considerata in istis conformiter ad statum viæ, vbi multa contingunt, quæ non contingunt in statu patriæ: & ideò liberum arbitrium hìc aliter se habet, quàm se habeat, vel sit se habiturum in patria; cùm tamen eius essentia minimè varianda sit per varietatem statuum, sicut essentia hominis sani & infirmi non variatur substantialiter per varietatem egritudinis & sanitatis: sicut ergo homini infirmo ratione status infirmi, & ipsiusmet infirmitatis multa necessariò contingunt; ità libero arbitrio creato viatoris multa cōtingunt necessariò, quæ non contingerent ipsi vt liberum arbitrium est, vel saltem vt sanatum est à Deo.

Duplici autem infirmita-

te laborat liberum arbitriū; altera est naturalis, & altera culpabilis: prima consequitur naturam finitam vt finita est, secunda consequitur naturam vt vitiatam est in primo Parente; indeterminatio est infirmitas, vel saltem includit infirmitatem consequentem naturam, nā ideò creatura est indeterminata ad eligendum bonum, vel sibi malū; quia creatura est, & perfectionis finitæ. Deus autē quia est natura increata & perfectionis infinitæ, nihil nisi bonum; immò quidquid vult, bonum est, ac in tantū est bonum (loquendo de volitis ad extrā) in quantum ab eius perfectissima voluntate volitum est: propensio verò illa ad malum, quam experimur in nobis, est infirmitas consequens naturam peccato originali vitiatam; homo enim consideratus in puris naturalibus antequàm iustitiam

tiam intelligeretur accepisse, vel si iustitia originalis ponatur distincta à gratia sanctificante, in tali (inquam) statu per liberi arbitrij vires magis inclinabatur ad virtutes, quàm ad vitia: & magis se determinasset ad bona, quàm ad mala; ità senserunt Magister in 2. sent. dist. 28. & D. Bonaventura ibidem, ac S. Thom. prima secundæ quæst. 109. art. 2. & 6. necnon Durandus eadem dist. quæst. 2. & alij plures; hinc Concilium Tridentinū sess. 6. cap. 5. vocat liberum arbitrium in hoc statu attenuatum, & viribus inclinatum.

PROPOSIT. XVII.

*In qua concluditur indeterminationem esse necessariam libero arbitrio viatoris.*

**N**Vnc cōclusionem pono, & semel pro sem-

per me declaro locuturum in præsentī Propositione de libero arbitrio viatoris puri, excludēdo humanitatē Christi; quia ille homo etiā quando erat nobiscum passibilis, non fuit purus viator. Excludo etiam B. Virginem Mariam, ac insignes quosdam Sanctos in gratia confirmatos ante mortem, & quod assumpsero in probationibus cæteris paribus indifferenter valiturum protestor pro libero arbitrio hominis, sicut & Angeli, antequàm confirmarentur in gratia, durante spatio viæ: *Posuit enim Deus* (inquit Irenæus lib. 4. cap. 71.) *in homine potestatem electionis, sicut & in Angelis.* Ex qua auctoritate simul argumentor sic: potestas electionis est ad contradictoria; ergo libero arbitrio creato necessaria est: probatur consequentia; necessariò convenit homini, quòd à Deo datum

tum est homini (nō quidem necessitate simpliciter, sed necessitate ex suppositione, ac necessitate illa, de qua Philosophus: omne quod est quando est, necesse est esse) sed viator, dūm est viator, & habet voluntatem, ac respectu multorū ignorat; quid sit melius, quid peius: quid bonum, quidū malum; ergo necessariō eius voluntas est indeterminata.

Præterea si voluntas ex ratione status viæ non esset indeterminata, Deus frustra dedisset consilia, & Apostolus stultè dixisset de virginibus: *Præceptum Domini non habeo, consilium autem &c.* Et rursū de viduis, nē iterū nubant, ineptè dixisset: *Beatior tamen erit, si sic permanferit secundum meū consilium &c.* Consequentiam probauit Philosophus in lib. Periherm. cap. de futuris cōtingentibus: *Si omnia de ne-*

*cessitate conueniunt, ad quid negotiari? Idem sequitur hīc; si liberum arbitrium viatoris est determinatum ad vnum, consilia ad quid dantur, exhortationes ad quid deseruiunt?*

Si liberum arbitrium nō esset indeterminatum; rationes Celsi, contra quem arguit Origenes lib. 2. optimè concluderent: concludebant autem, quōd Deus eō necessitatis adduxisset suos Discipulos, vt facerent contra ius & pietatem; vt Petrum, quōd negaret Christum: Iudam, quōd proderet; ceteros, quōd relicto eo fugissent, & quōd concluderent probo. Quæ Deus prædixit, necesse est impleri: Deus prædixit Petrum negaturum Christum; ergo necessariō Petrus ipsum negaturus fuisset: Si autem ponatur Petrum indeterminatum fuisse ad negandum, & ad confitendum

Chri-

Christum ; argumentū Celsi non concluderet , quia diceretur Celso, quòd Deus prędixit eo modo , quo pręsciuit Petrum negaturum , & non Petrum ideò negaturū , quia hoc Deus prędixisset . Nec valet dicere , quòd ex parte Dei erat contingentia , quia Deus non prędixit necessariò , sed contingenter ; ideò Petrum non necessariò fuisse negaturum , quia & si hoc verum sit, tamen Celsus persisteret in sua propositione, nimirum quæ Deus prędixit, necesse est impleri .

Pręterea quod competit omni , & semper est illi necessarium, indifferētia & indeterminatio competit omni viatori , vt viator est , ac semper dum est viator ; ergo si non esset homo indifferens , & indeterminatus ex ratione necessaria status vię , frustra dictum esset : *Deus creauit hominem , & reliquit*

*eum in manu cōsiliū sui.* Adiecit mandata & pręcepta sua, aiens : *Si volueris mandata seruare, conseruabunt te, & in perpetuum fidem placitam facere ; apposuit tibi aquam & ignem, ad quod volueris porrigere manum tuam .* Ante hominem vita & mors , bonum & malum ; quod placuerit ei, dabitur illi : ad quid enim apponeretur ignis & aqua, si ad alterum istorum determinatus esset ? Quid clarius , lege illa Numerorū lib. 1. 30. *Si vouerit (subaudi vxor) & iuramento se constrinxerit, vt per ieiunium vel ceterarum rerum abstinentiam affligat animam suam, in arbitrio Viri erit ; siue faciat , siue non faciat.* Et ad Corinthios, quid significat illud : *Nā qui statuit in corde suo, firmus non habens necessitatem, potestatem autem habens suę voluntatis &c.* Quid est ista potestas voluntatis ? Cū dicitur vo-  
luntas,

luntas, non dicitur libertas; quid vltra dicit illa potestas? certè nihil, nisi facultatem ad vtrumlibet.

## PROPOSIT. XVIII.

*Probatur idem ex Scoto.*

**S**cotus in primo dist. 39. ad solutionem quinque quæstionum art. 1. circa medium, sic dicit de voluntate nostra: *Quantum ad primum dico, quod voluntas in quantum est actus primus, libera est ad oppositos actus; libera est etiam mediantibus illis ad opposita obiecta, in quæ tendit; & vltèriùs ad oppositos effectus, quos producit.* Præterea libertas habet necessariò aliquam imperfectionem annexam, quia potentialitatem passiuam voluntatis, & mutabilitatem &c. Scotus per ista duo, scilicet potentialitatem, & mutabilitatem,

intendit indifferentiam, & indeterminationem; quod patet vbi inferiùs applicando ad voluntatem Diuinam, & explicando discrimen huius, & illius voluntatis dicit: *Quantum ad primum dico, quod voluntas Diuina non est indifferens ad diuersos actus nolendi, & volendi, &c.* Tunc ergo sic voluntas viatoris, quatenùs viator est, reduplicando non potest esse libera secundum rationem illius triplicis libertatis: sed prima libertas eius necessariò includit indifferentiam, ergo voluntas viatoris (vt viator) includit necessariò indifferentiam, ex præsuppositis verbis concluditur in prima figura.

Præterea de ratione viatoris (vt viator est) est, quod possit mereri: sed de lege communi nullus potest mereri, nisi cuius voluntas est indifferens, & indeterminata;

ta;

ta; ergo viatori, ut est viator, necessaria est voluntas indifferens, ac indifferentia voluntatis. Aduerte, quod in minori dixi de lege communi; quia Christus dispensatiue meruit, ac B. Virgo, multique Sanctorum ex speciali priuilegio meruerunt, quamuis eorum voluntas esset in gratia confirmata. Illa minor probatur secundum sententiam Scoti ex 2. sent. dist. 5. quaest. vnic. ubi probat, quod Angelus meruit beatitudinem, priusquam illam obtinuerit (dimissa via) tanquam euidenti ad id probandum ait: *Ideo aliter declaro secundum, quia voluntas non simul vult mutabiliter & immutabiliter siue fixe, ita quod tunc in quantum elicit actum, possit velle oppositum; quando autem premiatur, vult immutabiliter, hoc est in quantum consideratur ut ita eliciens actum, & per consequens ut*

*prior naturaliter ipso actu comparatur ad illam: sed quando meretur, non sic immutabiliter vult; sed ut eliciens actum contingenter videtur elicere. Hec Scotus ibi.*

Præterea nisi voluntas viatoris esset indeterminata, nihil eueniret contingenter, nec oporteret consiliari de rebus humanis; ergo voluntas est indeterminata. Consequentia ista probatur per Scotum in 2. dist. 25. *Aliquid (inquit) euenit in rebus contingenter, & voco contingenter euenire, euitabiliter euenire; aliter si omnia si incuitabiliter euenirent, non oporteret consiliari, neque negotiari ut dicit Aristoteles primo Perier. quæro ergo illud, quod contingenter euenit, unde vel à qua causa eueniat, non à causa determinata: quia pro isto instanti, pro quo est sic determinata, effectus non potest euenire contingenter; ergo à*

S causa

*causa determinata ad alterum oppositorum*. Et post multa concludit, quòd nihil est determinans ipsam voluntatem indeterminatam: primò nisi ipsamet volùtas, quæ ex semetipsa determinat se, inimò nequè intellectus potest determinare voluntatem, vt probat ibi; ergo de mente Scoti indeterminatio est necessaria voluntati viatoris,

Præterea de ratione volùtatis viatoris (vt viator est) sine speciali dispensatione, est posse peccare: sed voluntas non potest peccare, nisi vt indifferens ad extrema contradictionis, & vt indeterminata ad alterum illorù; ergo de ratione voluntatis huiusmodi est indifferentia. Maior est manifesta, minor probatur de mente Scoti in 3. dist. 18. quæst. vnic. ad primum argumentum principale, vbi sic argumentatus

erat: *Christus non potuit peccare; ergo nec mereri*. Probatur consequentia; voluntas coniuncta perfectè fini ultimo non meretur, aliter (inquit) Beati mererentur, vel si sic eadem ratione possent peccare. In responsione Scotus negat consequentiam, & dicit ad probationem sic: *Nam licet perfecta coniunctio fini perfectè quietas secundum omnem modum ipsum coniunctum, scilicet secundum affectionem iustitiæ, & secundum affectionem commodi &c. Prohibeat sic mereri sicut & peccare, quia tamen affectio iustitiæ potest separari ab affectione commodi: per affectionem iustitiæ potuit hominè coniungi ultimo fini, vt peccare non posset; potuit tamè pati, quia potuit accidere aliquid contra affectionem commodi, & illud potuit Christus ordinate velle, & acceptare, & ita mereri &c.* Sequitur



quitur ergo in bona forma, quòd voluntas viatoris potest peccare, quia non est cōiuncta perfectè ultimo fini: sed quod non est sic cōiunctum, est indifferens; ergo voluntas non potest peccare, nisi quatenus est indifferens.

Præterea si voluntas viatoris posset esse libera, & cū hoc determinata ad vnum, maximè esset determinata ad volendam beatitudinem: sed hoc est falsum; ergò probò falsitatem illati per Scotum in 4. dist. 49. quæst. 10. *Intellectus viatoris non est determinatus ad semper considerandum de beatitudine; ergo nec voluntas, & probatur ibi hæc consequentia: causa superior, si de necessitate agit, eadem necessitate mouet causas inferiores ad agendum actiones sue actioni necessarias; cū ergo ad actum voluntatis requiratur apprehensio intelle-*

*ctus, sequitur quòd si voluntas velit necessario beatitudinem, quòd determinabit intellectum ad semper considerandum de beatitudine, quod est falsum.* Hæc ibi Scotus, & inferiùs respondèdo ad quādam obiectionem, quòd voluntas necessario nolit miseriam; ergo necessario volet beatitudinem: dicit, quòd neutrum necessario respicit, sed posita miseria per intellectum præsentē voluntate, si voluntas erga miseriam habeat actum, ille erit nolitio, & similiter præsentē beatitudine (si exerceat actum aliquem) necessario erit actus volitionis; quia talis est natura istorum obiectorum, quòd naturaliter miseria est nolibilis, ac beatitudo volibilis. Vbi aduertenda sunt verba Scoti: *Dico ergo (inquit) quòd voluntas sic determinatur ad volendum beatitudinem, & ad nolendum miseria;*

riam; quòd si eliciat aliquem actum circa ista objecta necessario, & determinatum elicit actum volendi respectu beatitudinis, & nolendi respectu miserie: non tamen absolute determinatur ad unum actum eliciendum, vel alium. En quomodo Scotus attribuit indifferentiam voluntati hìc.

Præterea diuersorum statuum humanorum, diuersus est status voluntatis: sed homo secundum statum patriæ sic debet esse beatus, vt suam beatitudinem amittere non possit; ergo & sic voluntas eius debet esse recta, vt peccare non possit: sed secundum statum viæ sic homo est scilicet, vt tamen possit fieri miser; ergo & secundum voluntatem sic debet esse bonus, vt tamen possit fieri malus: & si malus est, sic eum esse oportet; vt tamen possit fieri bonus. Tunc prosyllogizando qui sic est

bonus, vt possit fieri malus, habet voluntatem indifferentem & indeterminatam; ergo proportio illa statuum ac voluntatum probatur per Scotum quæst. 16. Quodlib. vbi considerat statum patriæ & viæ: & ad statum patriæ dicit pertinere talem libertatem, quæ secum aliquam necessitatem patitur; non tamen in statu viæ datur libertas in consortio necessitatis, & pro hac differentia statuum adducit D. Augustinum in Enchyrid. Verba Scoti sunt hæc: *De secundo articulo principali dico, quòd cum necessitate ad volendum stat libertas in voluntate; hoc probatur primò per auctoritates, prima est Augustini.* Inquit autem Augustinus, vt ibi citatur à Scoto: Sic enim oportebat prius fieri hominem (nempe in statu viæ) vt & bene posset velle & malè, nec gratis, vel frustrà si benè; nec impu-

impunè, si malè. Postea verò (nempè in statu patriæ) si erit, vt malè velle non possit, non idèo libero carebit arbitrio; multò quippè liberius erit arbitrium, quòd omninò non poterit seruire peccato.

Præterea libertas viæ est infirmior, & minor libertate patriæ: sed ibi est determinata libertas, ad volendum solummodò bona; ergo hic in via erit, & est indifferens ac indeterminata ad volendū bonum & malum. Minor probatur cum maiori simul à Scoto ibidem per secundā auctoritatem sumptam ab Anselmo de libero arbitrio cap. 1. qui sic habet: *Quòd decet, & expedit; vt hoc amittere nequeat, liberior est quàm ille, qui sic habet hoc ipsum vt possit perdere &c.*

Ex his omnibus locis, quæ pro nunc sufficiant, illud tantum concludere volui;

quòd Scotus de libertate voluntatis adeò catholicè locutus sit, vt melius loqui nemo præsumat: Si enim contra Lutheranos sic defenditur libertas, vt omnis ab ea necessitas excludatur, non dissentit Scotus; disputat Lutherus de libero arbitrio viatoris, ipsumquè seruum facit: disputat & Scotus de libero arbitrio viatoris, ipsūquè eximit à seruitute per hoc, quod facit ipsum indeterminatum, & si in hac indeterminatione cōsistat dominium voluntatis secundū eos. Per Scotum voluntas viatoris astringitur esse Domina suorum actuum, & non ponitur libertas quædam de solo titulo: desinant ergo calumniatores carpere Scotū, eiusquè doctrinam; vel discant, vt intelligant: vel si discere nolint propter difficultatem, ad minùs non negligant.

PRO-

## PROPOSIT. XIX.

*In oppositum arguitur ex  
Scoto, & respondetur.*

**V**oluntas in Christo fuit  
eiusdem rationis cum  
nostra per Scotum in tertio  
dist. 17. quæst. vnic. in res-  
pensione ad primum princi-  
pale: *Sed in Christo non fuit  
indifferens, immo determina-  
tissima; ergo nobis non est neces-  
saria indifferentia, vel si nobis  
necessaria, quare non Christo?*  
Respondeo, Scotus ibi tã-  
tùm probat; quòd voluntas  
Christi, & nostra sunt eiuf-  
dem rationis, quò ad domi-  
nium super actus suos: sed  
non quò ad indifferentiam.  
Vel si etiam quò ad indiffe-  
rentiam, non tamen in om-  
nibus: fuit enim voluntas  
Christi indifferens ad velle  
sedere & stare, sed nò ad vel-  
le sanctificare Sabbathum, &

non sanctificare; & sic fuit  
eiusdem rationis cum nostra  
in essentialibus, non autem  
in materialibus. Et nè fru-  
strà proferatur loca ex Scoto,  
meminisse velim, Lector, ver-  
borum ipsius Scoti in 3. dist.  
33. quæst. vnic. vbi quæsiuit;  
an virtutes morales sint in  
voluntate tanquàm in subie-  
cto? Respondetquè affirma-  
tiuè, in corpore tamen quæ-  
stionis recitat vnam opinio-  
nem, quæ de mente Philo-  
sophi dicit ipsũ tenere partẽ  
negantem; adducit etiam ra-  
tiones inter quas hæc est vna:  
*Voluntas cum sit libera, potest  
sufficienter se determinare; igitur  
non indiget alio determi-  
nante, ut habitu aliquo.* Ad  
quod argumentum respon-  
dèdo dicit Scotus, quòd illæ  
rationes concludunt oppo-  
situm; cum quia voluntas est  
rectificabilis respectu pro-  
priae operationis, & non est  
de se recta; tùm quia est in-  
deter-

determinata, & determinabilis non minùs,quàm intellectus, à quo non negatur habitus &c. Desinat igitur opponēs adducere loca Scoti cōtra hanc determinatam & cōclusā propositionē, dum constat de eius sententia.

## PROPOSIT. XX.

*In qua ex aliorum officina arguuntur & solvuntur argumenta.*

**A** Liter arguitur sic Exodi cap. 11. *Aegyptij à Deo impulsī dederunt pretiosa Hebræis, quæ nunquàm spontè dedissent; ergo eorum libertas non erat indeterminata.*

Respondeo, voluntas loquitur rationem non cogentem, sed ostendentem: ratio verò non est conscia omnium contingentium futurorum, in supradicto casu Deus in-

fudit Aegyptijs spiritum benevolentiae erga Hebræos, ut præstarent eis pretiosa, & non manifestavit fugam Hebræorum; & ità coegit non quidem determinando eorū voluntatem ex se tantum, sed non reuelādo fugam, quam si præsciuisent, non accommodassent eis pretiosa.

Præterea Genesis 43. dixit filijs suis euntibus secundo in Aegyptum: *Det vobis Deus inuenire misericordiam coram Viro &c.* Quomodo hoc diceretur, nisi Deus determinaret voluntates hominum?

Respondeo, voluntas indeterminata potest flecti in vnam determinatam partem precibus humanis, non quidem phisicè, sed moraliter: multò magis potest flecti per Diuinam gratiam, Deo infundente benignitatem, & hoc postulabat Iacob; non ut Deus determinaret phisicè

cè voluntatem Ioseph, destruendo omnem libertatem.

Præterea vt Saul præliaretur contra Ammonitas dicitur 1. Reg. 11. quòd *Irruit super eū spiritus Domini* &c. Irruere significat quandam vim, & ibi vim in animo Saulis; ergo determinata fuit eius voluntas ab irruente illa vi Diuina, ergo sine indeterminatione libera est voluntas.

Respondeo, irruere ibi significat vim spiritus Dei; id est zelum vehementem, quo incitatus fuit moraliter, non phisicè ad prælium contra Ammonitas.

Præterea 2. Reg. 17. habetur; quòd Deus effecit, nè Absalon sequeretur consiliū Architophel: efficere, est determinare phisicè &c.

Respondeo ad hoc, & ad similia, quòd quando Deus vititur causis secundis, dici-

tur efficere, & habet se vt causa phisica; determinat tamen accommodādo se modo cooperandi voluntatis liberę: futurum enim erat (vt euētus probauit) quòd Chusai rationibus persuaderet Absalon, nè sequeretur consiliū Architophelis, ac pessima eius consilia refutaret, per quam confutationē Absalon moueretur ad dissentiendum Architopheli; ideò sacra Scriptura sic loquitur: *effecit*, quia non immediatè per inspirationem; sed mediante ratione, & sermone hominis Deus flexit voluntatem Absalonis indeterminationem ante actum elicitem.

Præterea Isaie 26. *Omnia opera nostra in nobis operatus es, Domine.* Item Math. 10. *Vnus passer non cadit in terrā sine Patre vestro.* Item Romanorum 11. *Quoniam ex ipso, & in ipso, & per ipsum sunt omnia.* Item 1. Corinth. 12.

*Omnia*

*Omnia in omnibus operatur &c.* Item Ephes. 1. *Qui operatur omnia secundum consilium voluntatis suæ &c.* Ex his habetur, quod non se determinet viator; sed à Deo determinetur.

Respondeo his auctoritatibus nihil aliud cōcluditur, nisi quod Deus nobiscum cooperatur: sed eius cooperatio non est phisica determinatio; sicut ad expeditionem militarem Senatus & Consilium cooperatur, non tamen phisicè, sed deliberādo, ordinando, consiliū præbendo &c. suadendo igitur & reuelando futura contingentia, quæ naturaliter scire non possumus: dicitur Deus operari in nobis, & secundū consilium voluntatis suæ, quia bonorum omnium est Auctor, sed nō talis effector; quinimodò semper Deus in omni determinatione nostræ voluntatis, determinat cum

cōnaturali modo creatæ voluntatis, qui modus est operari liberè.

Præterea Jerem. 10. *Scio Domine, quia non est hominis via eius, nec viri ut dirigat gressus eius.* Et Prouerb. 16. *Cor hominis cogitat viam suā: & Dominus dirigit gressus eius;* ergo contranitur determinationi voluntatis.

Respondeo, aliud est deliberatio voluntatis, & aliud executio voluntatis; libertas est in deliberatione, non in executione: sæpè accidit hominem proponere, & Deum disponere oppositū, vt constat de Balaam, qui proposito maledicendi accesserat; in executione verò benedixit. Præfata loca intelliguntur in hoc sensu, quod executio sequatur Dei voluntatē, quod patet ibidem Prouerb. 16. ubi dicitur: *Homini est præparare cor, Domini autem gubernare linguam &c.* Idē di-

T cen-

cendum est de similibus.

Præterea 1. Regum. 2. de filijs Heli Sacerdotis dicitur: *Non audierunt vocem Patris sui, quia voluit Dominus occidere eos.* Locus iste expressissimus est.

Respondeo, est Regula quædam ad intelligendâ facram Scriptutam; quòd aliquandò fieri, vel dari aliquid dicitur, quando illud innotescit, & quia per inobedientiam filiorum innotescit mors: ideò dicitur eos non audisse vocem Patris, quia voluit eos occidere, ac si diceretur, sua inobedientia innotuit, quòd Deus voluit eos occidere; nec est inconueniens, quòd per inobedientiam sit manifestata eorum occisio, quia Deus propter peccata prauisæ damnat ad pœnas. Secundò est alia regula, quòd coniunctio causalis (cuiusmodi est hæc) quandoq; significat causâ à priori, quan-

doq; autem à posteriori; loco citato significat causa à priori: *Voluit occidere, quia non audierunt vocem Patris sui.* Simile est illud: *Dimissa sunt ei peccata multa, quoniam dilexit multum;* non enim ob dilectionem remissa sunt ei peccata, sed quia remissa sūt ei peccata, ideò dilexit multum: & quia peccatrix illa contrita obtinuit veniam, ideò venit ad Christum, lachrymis rigauit pedes eius, vnguento unxit &c. Aliquândo etiam significat idem, quod certè vt ibi: *Benè dixisti, quia virum non habeo;* quia id est certè virum non habeo. Ità hîc non audierunt, quia &c. id est certè Dominus voluit occidere eos, non quia eorum voluntatem determinauerit ad spernendam vocem Patris; sed quia ipsi se sic determinauerant &c. Præterea Prouerbior. 21. *Cor Regis in manu Domini, quòcunque voluerit*



*luerit, inclinabit illud;* non est locus in tota Scriptura aprior isto ad probandum intentum .

Respondeo , cor Regis comparatur ibi multitudini aquarum, huiusmodi namq; impetus coerceri nō potest, nisi à magna vis; sic etiā quod placet Regi , impediri non potest quò ad executionem, nisi à virtute Diuina: electio tamen voluntatis à Deo minimè impediatur . Vel aliter per hanc auctoritatem non probatur, nisi quòd Deus possit mutare voluntatē hominum quorumcūq; etiam si sint Reges & cerebrosi; at nō cōcluditur, quòd eorum voluntates determinet, & faciat eligere, quod sibi placuerit . Vel tertio non est sermo ibi de determinatione phisica, sed morali, quòd insinuat per verbum illud (*inclinabit*) vt quemadmodum agricola dispositis aqueductis nec nō

canalibus , facit vt aqua per se ipsam fluat quacūquē in partem voluerit ; itā Deus proponendo cordi Regum bona eligibilia, & infundendo eis spiritum intelligentiæ inclinat eorum voluntates, vt se determinent ad præiusta sibi à Deo .

Præterea Augustin. 6. de Genesi ad literam Cap. 15. *Conditoris voluntas , rerum necessitas* : sed hæc voluntas Conditoris præcedit voluntatem viatoris ; ergo voluntas viatoris subest necessitati rerum à Deo volitarum , ergo non est indeterminata &c. Item ibid. cap. 17. Hoc autem necessario futurū est , quod Deus voluit ; & ea ferè futura sunt, quæ illæ præsciuit &c.

Respondeo , Diuus Augustinus loquitur de necessitate consequentiæ nō consequentis, cū dicitur voluntas Conditoris præcedit &c.

T 2 Dico

Dico, quòd præcedit & coexistit voluntati etiam viatoris, quia respectu Dei nihil est præteritū; sed omnia sunt præsentia in illo suo nunc eternitatis, & sicut semper ad extrà agit contingenter, ità cooperando voluntati viatoris relinquit ipsum se determinante &c.

Præterea idem de gratia, & libero arbitrio c. 10. *Scriptura* (inquit) *si diligenter inspiciamus, ostendit non solum bonas hominum voluntates, quas ipse facit ex malis; & à se factas, in actus bonos, & vitam dirigit æternam: verum etiam illa, quæ conseruant sæculi creaturam ità esse in Dei potestate; ut eas, quo voluerit, & quando voluerit, faciat inclinari &c.*

Respondeo ut suprà, quòd duo asserit Augustinus; alterum est, quòd Deus est Dominus nostræ voluntatis: nō tamen sic eius dominatur, ut

nolit eam se determinare; alterum, quòd inclinatur sollicitationibus, & arrhis quibusdam, vel suasionibus conferendo dona, & solatia spiritus.

Præterea idem in Enchirid. cap. 30. *Libero arbitrio malè utens homo, se perdidit & ipsum*: sed non potest se determinare, quod non est liberum.

Respondeo, homo peccando perdidit liberum arbitriū, non quò ad substantiam, sed quò ad fauorabilia consequentia illam substantiam: nec modò habemus liberum arbitrium eo modo, quo habebatur in Paradiso: nunc enim velit, nolit, subest miserie; tunc autem si voluisset ab omni miseria immunis fuisset. Et hæc sufficiant pro præsentī Difficultate.

PRO-

PROPOSIT. XXI.

*Intellectiua, & volitiua potentia non determinantur uniformiter.*

**D**icimus, quòd intellectiua, & volitiua potentia non determinantur uniformiter, nec ex obiectorum presentia, nec à superiori agente. Primum euidèter patet ex Scoto pluribus in locis, sed præsertim in primo dist. 1. q. 2 sub lit. E. vbi respondens ad illud, quòd suprà de mente Henrici obiecerat, voluntatè videlicet non posse magis abstrahere suum obiectum, quàm intellectus ostendere, ait: Dico, quòd *intellectus potest ostendere aliquod obiectum primum voluntati, & in ipso primo obiecto ostendere potest aliquod per se obiectum, sed non primum; & vocatur hic obiectum primum*

*totum illud, ad quod terminatur actus, & obiectum per se, quod includitur per se unitiue in obiecto terminante primo. Vtraq; autem ratio ibi ostensa sufficit ad hoc, quòd voluntas habeat actum suum circa illud: non enim oportet, quòd voluntas velit totum primum ostensum; sed potest velle illud, quod ostenditur in illo ostenso, & etiam non velle. Exemplum ponitur tale: in Episcopatu ostenditur Sacerdotium, talis ostensio sufficit ad hoc, quòd voluntas habeat velle, vel nolle circa Sacerdotium; ita quòd ex tali ostensione possit habere circa Episcopatum, & non circa Sacerdotium: tamen non est nisi una ostensio, & ostensio unius obiecti primi, in quo tamen includitur aliquid ut per se obiectum.*

Et in eadè quæst. sub lit. G. determinato nò posse voluntatem ordinatè frui, natura Diuina nò fruendo personis,

sonis : aliam mouet ibidem difficultatē de absoluta potestate voluntatis; an videlicet sibi ipsi dimissa voluntas possit ex innata libertate sua frui essentia, non fruendo personis? Et statim motæ difficultati sic ipse respōdet: *Tamen ibi potest dici, quod non est in potestate voluntatis frui sic, & non frui sic; quia licet in potestate voluntatis sit aliquis actus, ut ponatur in esse, vel non ponatur: tamen non est in potestate eius, ut actus positus in esse habeat illam conditionem, vel non habeat, quæ naturaliter competit actui ex ratione obiecti*. Ex quibus verbis non obscurè colligitur, Scotum euidenter supponere, quod voluntas ita ex seipsa libera sit in actibus suis; ut ad libitum suū quocunque sibi præsente obiecto, etiam ultimo fine clarissimè viso, proprium actum suspendere possit, & solum

in dubium reuocare: An insuper sit ita ex seipsa libera creata voluntas, ut eliciendū actum ea libertate in obiectū fruibile dirigere valeat; quod ad sui beneplacitum restringat, limitet, & applicet illum ad hanc potius, & non ad aliam eiusdem obiecti rationem amabilem. Et licet negantem partem nitatur ostendere, tū ab exemplo de actu peccaminoso, cuius productio, non autem deordinatio, libero voluntatis imperio subditur: tū etiam per rationem probantem id tantum subesse Diuinæ voluntatis arbitrio, sicut Diuina voluntas dumtaxat potest separare ab eodem actu, posito in esse, accidens necessariò cōsequens illum; qualis est conditio, quam actus nactus est habere respectu obiecti, multipliciter appetibilis: His tamen nō obstantibus sic breuiter ibi hāc impu-

impugnat sententiam, inquiens: *Contrà, quidquid non necessario concomitatur actum, est in potentia voluntatis elicientis illum. Vel sic: Quæcunque non necessario simul respiciuntur ab actu voluntatis, nec etiam ab ipsa, ut elicit actum. Vel sic: Quæcunque separari possunt, ut terminant actum voluntatis, possunt etiã separari respectu potentie, ut elicit actum.*

Patet igitur de mēte Doctoris tantam esse libertatem volūtatis innatam, ut etiam ultimo fine clarè sibi presente, non tantum liberam facultatem eliciendi, vel non eliciendi volitionem respectu illius: sed liberum insuper habeat imperium ipsam elicitam ad hanc potius, quàm ad illam appetibilem rationem obiecti; ità ut in manibus suis sit frui essentia non fruendo personis, & hanc diligere aliam non aman-

do personam.

Immo verò tanta sibi pollicetur, & sic altè præsumit voluntatis creatæ libertas, ut etiam ex intrinsecis obiectorum conditionibus se omnino independentem ostēdat; siquidem sic eas interdum in obiectis ad libitum variat, atq; commutat, ut eam (quæ propria est huic obiecto) comunicet, ac applicet alteri: quod tamē ex natura rei respuit illam, quemadmodum liquidò patet in voluntate inordinata, quæ sibi creaturam pro ultimo fine præstituit; talis namq; voluntas irreferibiliter amat creatum obiectum, cuius est intrinseca conditio, ut semper respectuè tendat in ipsum: Et eccontrà referibiliter amat increatum obiectum, cui convenit ab intrinseco; ut irreferibiliter primò diligat ipsum, & hinc veritatem habet vulgatū illud Augustini  
pro-

pronunciatum in lib. 83. qq. q. 30. quòd *Summa peruersitas est uti fruendis, & frui utendis.*

Hanc voluntatis libertatē euidenter insinuat Scotus in primo dist. 2. q. 1. sub lit. D. vbi præmissio, quòd obiectū fruitionis in communi sit finis vltimus, vel verus, vel apparens, vel præstitutus : *Quem scilicet voluntas ex libertate sua vult tanquàm finem, ultimò; vt ipse inquit ibidem, & dimissia primi & secundi probatione, solummodò tertiū membrum sic probat: Quia sicut in potestate est velle & non velle, ità in potestate eius est modus volendi, scilicet referre, & non referre, quia in potestate cuiuscunq; agentis est agere, & modus agendi; ergo in potestate sua est aliquod bonum velle propter se, non referendo ad aliud bonum, & ità sibi præiudicando finem.* Confirmat

hoc ipsum in eodem primo dist. 1. q. 3. sub lit. A. vbi determinat: *Quòd sicut in intellectu sunt duo actus assentiendi alicui vero complexo, vnus quo assentit alicui vero complexo propter se, sicut principio; alius verò, quo assentitur alicui vero non propter se, sed propter aliud verum, sicut cōclusioni propter principium: ità in volūtate sunt duo actus assentiendi bono, vnus quo assentitur alicui bono propter se; alius quo assentitur bono propter aliud bonum, ad quod illud bonum refertur, sicut conclusioni assentitur propter principium: conclusio enim veritatē suam habet à principio.* Statim paucis interpositis, duplicem assignat differentiam inter intellectus & voluntatis assensus, dicens: *Est tamen hīc duplex differentia. Prima, quia illi duo assensus intellectus distinguuntur ex natura obiectorum; sunt enim alteri propter cui-*

*evidentiam alteram huius, vel illius veri, & ideo habet distincta obiecta sibi correspondentia, & ipsas causantia. Hic autem huiusmodi assensus non sunt distincti ex distinctione obiectorum, sed ex distincto actu potentiae liberae, sic vel sic acceptantis obiectum eius; quia sicut dictum est prius in potestate eius est sic, vel sic agere referendo, vel non referendo: & ideo non correspondent istis actibus propria obiecta distincta, sed quodcunque bonum volubile, potest voluntas habere obiectum secundum hunc actum, vel secundum illum.*

Ceterum & si creata voluntas ea libertate praeritim praedita sit, ut à nullo prorsus necessitetur obiecto quantum ad exercitium actus; hoc autem non obstante, determinatur interdum ab aliquo obiecto quantum ad specificationem illius, omni tamen necessitate seclusa. Ità

contingit, si voluntati nocivum vel conueniens praesentetur obiectum, quoniam tunc quantumvis per actus utriusque suspensionem se ipsam possit cohibere, nè prosequatur hoc, & respuat illud; si tamen in huius vel illius actum prorumpere debeat, determinatè prosequetur odio primum, & amore secundum. Ità subtilissimè hanc exagitans ibi difficultatem concludit Scotus in 4. dist. 49. quaest. 9. sub lit. E. ubi sic ait: *Respondeo, quòd nec necessario volo beatitudinē, nec necessario nolo miseriam; igitur nolo eam, siue nolo esse miserum. Nec sequitur, non possum velle esse miserum; quia nolle est actus positivus nolentis, sicut & velle: & ità liberum unum, sicut aliud, quia neutrum elicio necessario circa quòdcunque obiectum; & ideo possum non elicere nolle circa malum, sicut velle circa bonū.*

V ta

tamen sicut circa malum ostensum non possum elicere actum voluntatis, nisi nolle; sic circa bonum oblatum non possum elicere actum voluntatis, nisi velle, & ideò debet sic argui. Non possum velle esse miserum, ergo nō possum odire beatitudinem: sed ex hoc non sequitur, ergo necessario volo beatitudinem, quia nullum velle necessario elicitur à voluntate. Et sub litera F. concludendo subiungit ibidem. Dico ergo, quòd voluntas sic determinatur ad volendum beatitudinem, & ad nolendum miseriam; quòd si eliciat aliquem actum circa ista obiecta, necessario & determinatum elicit actum volendi respectu beatitudinis, & nolendi respectu serie: non tamen absolutè determinatur ad unum actum eliciendum, vel alium. Id ipsum etiam asserit in primo dist. 1. quæst. 4. §. Ad argumenta pro opinione &c. & in

16. q. Quod. sub lit. E.

Patet igitur de mente Doctoris, quòd licet voluntas libera sit, & indifferens ad actus productionem & non productionem; determinatur tamen supposito, quòd elicere debeat actum ad disconuenientis nolitionem, & ad cōuenientis obiecti volitionē: Sed an hæc determinatio, vel quātū ad velle, aut quātū ad nolle sit respectu cuiuscunq; conuenientis, vel cuiuslibet disconuenientis. obiecti valdè dubiū est in via Doctoris alibi sustinentis, & maximè in 2. dist. 43. q. 2. per totum, & in 3. dist. 36. quæst. vnic. sub lit. E. §. Contra hoc arguitur &c. & sub lit. G. §. Quantum ad istum articulum &c. posse creatam volūtatē appetere malum sub ratione malitiæ; similiter ergo poterit etiam bonum quatenus bonum odire, maximè cum in 1. dist. 1. q. 4. §.

Ad



*Ad argumenta pro opinione &c. in fine articuli asserat ipse: Quòd non est probatum, quin voluntas possit bonū nolle, in quo nulla inuenitur ratio mali, vel defectus boni; sicut non est probatum, quin possit velle illud, in quo non conuenitur aliqua ratio boni &c. Cæterum qua ratione dissoluendus sit modus iste, Gordianus aliàs videbitur.*

Interim dicamus voluntatem creatam alia demum, vt ad propositum spectat, libertate gaudere ad propriū si comparetur obiectum; ipsa siquidē quantūmuis odifse disconueniens, & obiectum debeat amare conueniens: itā tamen dominatur sibi producturę & actualiter producenti amorem, vel odium, vt ad libitum vtrumquē remissē, vel intensē producere, ac vtrumquē productum intendere vel remittere valeat; quod

nulla ratione nisi ex aliquo impedimento in agente naturali contingit. Itā colligitur ex Scot. in 1. d. 1. q. 1. parū super lit. H. in responsione ad quartum principale, vbi dicit: *Quòd intellectus assentit unicuiquē vero secūdum euidētiā ipsius rei, quam natum est de se facere in intellectu; & ideo non est in potestate illius intellectus firmitus vel minus firmiter assentire vero: sed tantum secundum proportionem ipsius veri, mouentis intellectum; in potestate autem voluntatis est intensius assentire bono, vel non assentire, licet imperfectius viso.* Colligitur etiam ex eodem 1. dist. 1. quęst. 3. sub. lit. A. & quęst. 4. in respons. ad 1. & 3. pro opinione. Colligitur etiam ex 2. dist. 6. quęst. 2. sub. lit. H. & I. ex dist. 29. quęst. vnic. parū sup. lit. A. & dist. 34. sub lit. H. & alibi sæpē sed euidētius ex eodem 2. dist. 7.

quæst. vnic. sub lit. D. ubi contra Dæmonum obstinationis rationē ex perfectione libertatis assignatam ab Henrico, ita discurret. *Contra secundam viam arguitur specialiter, quia sicut agens naturaliter non dominatur actui, sic nec modo agendi; & per oppositum sicut agens liberum dominatur suæ actioni, sic & modo agendi, & per consequens in potestate eius est intensè, vel remissè agere &c.*

His tamen non obstantibus posset fieri dubium, an etiam respectu finis ultimi clarè visi, prædicta intentionis vel remissionis libertate congaudeat sibiipsi dimissa creata voluntas? Ad quam difficultatem breuiter respondemus affirmatiuè, tū quia deducitur euidenter ex iam citatis testimonijs; tū quia non apparet ratio, cur magis creata volūtas habeat in potestate sua substantiam

actus: ita ut ad libitum suum elicere, vel cohibere valeat ipsum, etiam clarissimè sibi præsentē ultimo fine, & non habeat sic in manu sua modum illius, ut ex beneplacito suo intra latitudinem eius intendere, vel eundem remittere nequeat actum. Tū demum quia quantumvis obiecti perfectio determinet volitiuam potentiam ad amorem dumtaxat, si produxerit illum, non habet tamen unde determinet eam ad tot gradus amoris: aliter etiā obiecti creati perfectio determinaret eā ut sic; quod constat esse falsum ex citatis locis, in quibus euidenter Scotus concludit oppositum ut patet intuenti textū illius; igitur sic bonitas obiecti creati non est tantæ virtutis & efficaciam, ut ad sibi correspondentem amorem voluntatem alliciat: sed ad libitum potest sic, vel sic in illam tendere

dere creata voluntas; ita similiter omnino dicendum est de finis vltimi bonitate, non enim erit facile disparitatis rationem asserre. Confirmatur etiam hoc ex eo, quod sicut potest plus diligere creatum obiectum, quam diligibile sit in se ipso, ut patet in fine præstituto; ita poterit econtra minus diligere vltimum finem, quam possit illum amare creata voluntas.

## PROPOSIT. XXII.

*Docens nonnulla Documenta  
ad abundantioorem intelligentiam  
determinationis  
voluntatis creatæ à Deo.*

**A**D abundantioorem intelligentiam determinationis voluntatis creatæ à Deo; accipe, quæ subsequuntur Documenta.

## DOCUMENTVM I.

**M**onemus duplicem esse causam, ut ad propositum spectat; physicam alteram, alteram verò moralem: physica causa est illa ad quam, cum sit propriè & completiue causa, statim sequitur effectus semper & necessariò; moralis verò illa est, ad quam non semper necessariò sequitur effectus. Ratio autem differentie, quæ inter eas inuenitur, est; quia cum causa physica sit propriè & completiue causa, habet in suo esse vim immutandi alteram causam, verè efficienter eam transferendo ab vno in aliud, efficiendo scilicet ut infallibiliter operetur: sed non nisi iuxta exigentiam naturæ causæ physicè motæ. Distributio hæc in causam moralem & physicam potest colligi ex Scoto

in

in 4. dist. 1. respondendo ad quartam quæst. in 2. dist. 11. quæst. vnica. responsione ad quæst. sed clariùs in 4. dist. 19. quæst. 1 sub lit. C. vt exempli gratia, Deus dicitur causa physica quancocumquẽ efficaciter immutat nostram voluntatem verè efficiendo, vt velimus: nam cum efficaci Dei motione non potest stare, quin quælibet causa operetur & agat. Et quòd dicimus de Deo, potest etiam dici de alia causa secunda, si quæ inueniatur habens in sua potestate vim physicè immutandi aliquam aliam secundam causam; sed vt opinor, nulla talis inuenitur, saltem quæ possit immutare sic nostram voluntatem: nam vt patet ex Scoto in 2. dist. 11. quæst. vnica, respondendo ad quæst. Si Angelus saltem pro statu isto, non habet vim immutandi immediate nostrum intellectum; quanto

magis voluntatem, quæ in operationibus suis libera est. Vndè non obscure sequitur, quòd si Angelus, qui est suprema creatura id non potest, eò magis quæcunque alia creatura id minimè poterit; quod etiam confirmatur ex Scoto in 2. dist. 14. quæst. 3. sub lit. H. & in quæst. quodlib. sub lit. O. vbi dicit stellas & planetas minimè habere actionem nisi indirectè supra intellectum & voluntatem nostram: quòd autem aliquæ causæ secundæ habeant actionem physicam super sensibilia & insensibilia, patet ex Scoto in tota præallegata quæst. Causa igitur physica illa est, quæ habet vim immutandi aliam causam à se; ita quòd ad actionem illius infallibiliter sequatur effectus in causa pramota, idest ita quòd stante tali immutatione physica causa mota infallibiliter operetur & agat:

agat : Causa verò moralis cum sit solum causa dispo-  
nens, consilians, suadens, al-  
liciens ac precipiens; non ha-  
bet vim physicè immutandi,  
& consequenter ad eius actio-  
nem non semper sequitur ef-  
fectus.

Secundò notandum est,  
quòd sicuti duplex est causa;  
scilicet physica & moralis, sic  
etiam duplex est causalitas;  
siuè duplex est motio ac ef-  
ficientia, physica altera; al-  
tera verò moralis, quæ pro-  
portionabiliter correspondet  
ipsis causis. Descriptio illa  
motionis physicae potest col-  
ligi ex Scoto in 4. dist. 44.  
quæst. 2. sub lit. N. ubi dicit :  
*Et sicut causa superior unifor-*  
*miter agit ad nolle, propter*  
*quod causa inferior non potest*  
*diffiniter agere ab ipsa; ita*  
*uniformiter agit ad intentio-*  
*nem huius nolle &c.* Motio  
physica, seu ut alij dicunt,  
prædeterminatio physica illa

est, qua aliquid physicè im-  
mutatur, qua immutatione  
posita sequitur effectus in re  
immutata; idest qua immu-  
tatione posita res, siuè causa  
immutata infallibiliter ope-  
ratur. Causalitas, siuè mo-  
tio vel prædeterminatio mo-  
ralis illa est, qua posita res .  
vel causa sic immutata non  
necessariò operatur; & hoc  
patet in Rethoribus, qui  
multis persuasionis rationi-  
bus demonstrando volunta-  
ti conuenientiam obiecti, di-  
cuntur moraliter præmoue-  
re voluntatem, & tali præ-  
motione positos non infalli-  
biliter sequitur effectus: quia  
ille, cui suadetur aliquid, po-  
test oppositum suasionis eli-  
gere quantumcunque per-  
suasiones sint apparentes &  
ostendant hoc, vel illud esse  
faciendum; habent tamen  
eiusmodi suasiones vim in-  
clinandi voluntatem, non  
autem vim immutandi illā.

Ter-

Tertiò notandú est, quòd quando loquimur de vtraque præmotione, præcipuè loquimur de illis in ordine ad nostram voluntatem : nã licèt etiam causæ naturales verè efficienter præmouentur à Deo ad suas operationes, illis tamen non potest aptari; nisi præmotio phisica, non autem moralis: talis enim præmotio vt patet, non potest aptari nisi rationabilibus animalibus, & forsan & absquè forsan irrationabilibus etiam; nam catulus signis allicitur, & minis iubetur facere aliquid. Bruta possunt aliquo pacto moraliter præmoueri, quia habent appetitum sensitium: qui etiã quodammodò potest dici voluntas, vt patet ex Scoto in 3. dist. 17. quæst. vnic. sub lit. B.

Quartò notandú est, quòd præmotio potest dici phisica, vel omnia ad Phisicam perti-

net eius consideratio; vel phisica, idest naturalis condistincta contra actionem liberam: vel phisica, idest condistincta contra actionem moralem; quando dicimus voluntatem phisicè præmoueri à Deo, talis præmotio dicitur phisica solùm tertio modo: Si enim præmotio Dei diceretur phisica prime, vel secundo modo, absque dubio Deus tali præmotione nostras præmouendo voluntates destrueret insimul nostram libertatem.

Quintò notandum est, quòd præmotio moralis duplex est; interna altera, altera verò externa: interna fit inspirationibus & omnibus ijs, quæ non cadunt sub sensu, sed immediatè à Deo proponuntur vel intellectui, vel voluntati, aut ambobus; illud scilicet illustrando, hanc verò excitando. Externa verò est, quæ fit persuationibus, con-

consilij, minis, vel præceptis & his similibus: phisica verò præmotio non potest esse nisi interna, cum sit quidam præuius influxus in ipsas causas, quò ad operandum mouentur & applicantur, sine quo influxu præuius nūquam causæ secundæ exirent in actū secundum. Vel dicas, quò duplex est determinatio voluntatis; altera quæ fit per causam phisicam, altera quæ fit per causam moralem: phisicè autem dicitur voluntatē determinari, quando per applicationem realem & phisicam voluntas mutatur ex non agente in agentem. Determinatio autem moralis fit vel per inspirationes, vel per exhortationes, vel per consilia; vocatur autem ista determinatio moralis, quia voluntas immutatur à seipsa, licet prærequirat ista & similia vel per modum præcepti, vel per modum consilij, &c.

Sextò notandū est, quòd phisica & moralis præmotio in eo potissimū differunt, quòd illa mediante effectus subsequens verè & realiter; seu per veram & realem efficientiam, in suo esse dependet à causa phisica siuè naturali seu libera, immò illa posita infallibiliter effectus ponitur in esse. Morali verò præmotione siuè interna, siuè externa effectus non dicitur realiter & infallibiliter dependere in suo esse à causa morali, ex eo quia tali præmotione causa moralis nihil realiter efficit; sed solum suasionibus proponendo conuenientiam obiecti suadet hoc, vel illud esse eligendum. Causa igitur phisica realiter immutat illud, quod præmouet: causa verò moralis minimè id efficit; vnde sequitur, quòd Deus præmouendo phisicè causas secundas realiter immutat il-

X

las

las transferendo de hoc in illud, idest vel efficiendo vt operentur & agant, vel econtrà.

Septimò notandum est, quòd Deus respectu voluntatis nostræ dicitur esse causa phisica & moralis, nam non solùm moraliter mouet nostram voluntatem, vt somniauit Pelagius; sed etiã verè & realiter immutat illã operando in nobis velle & perficere, vt patet ex tota sacra Scriptura, & præcipuè ex D. Paulo testante quòd in ipso viuimus, mouemur & sumus.

## DOCUMENTVM II.

**Q**Vomodò Deus, seu prima causa dicatur phisicè præmouere causas secundas, & præcipuè nostram voluntatem, de qua est maior difficultas; cùm videatur esse agens ex se potes

exire in actum secundũ. Primò notandum est, quòd inter primam & secundã causam est ordo essentialis; idest quòd causa secunda essentialiter dependet à prima, non solùm in essendo, sed etiam in causando operetur de facto, nisi prima operante, necessariò sequitur primã causam præmouere phisicè, idest verè efficienter, ac realiter causam secundam ad suam operationem. Sequela probatur, illud quod non mouet aliud nisi prius naturaliter ab alio motu, ab eodem habet, quod moueat & sit motum: sed causa secunda non mouet aliud, nisi prius naturaliter mota à prima causa; ergo causa secunda ab eadem causa prima habet, quod moueat ac moueatur, ergo causa secunda phisicè verè efficienter, & realiter præmouetur à prima ad suã operationem. Consequen-  
tia



tia subsumpta patet : nam si secunda causa habet à prima quod moueat , & moueatur ; certum est, quòd phisicè præmouetur ad suam operationem, cùm talis motio non sit moralis ; ergo de necessitate est phisica , quia non datur media motio inter moralem & phisicam. Maior vt iacet, est Scoti in 2. quæst. 10. parum supra lit. D. vbi probat , graue habere principium intrinsecum sui motus ; minor etiam vt iacet, est Scoti in pluribus locis, sed præcipuè in primo dist. 8. q. 5. sub lit. BB. & in primo dist. 39. supra lit. C. §. *Prætereà*. Illud primū assumptum , scilicet quòd causa secunda dependeat à prima non solū in essendo, sed etiam in operando patet ex in primo dist. 1. q. 2. sub lit. I. vti habet hæc formalia verba : *Prima differentia est, quòd in causis per se ordinatis causa secunda in quan-*

*tum causat, dependet à prima, &c.* & ideò potest elici ex toto illo articulo. In præcitato loco primo dist. 1. quæst. 5. sub duobus BB. in 3. dist. 4. quæst. vnica sub lit. D. Colligitur etiam ex 7. quæst. quodlib. sub lit. T. & ex 15. sub lit. R. in 2. dist. 3. quæst. 8. sub lit. E. in 4. dist. prim. quæst. 1. respondendo ad vltimum principale, & in eodè loco respondendo ad quæst. sub lit. DD. & in 2. dist. 42. sub lit. C. vbi habet hæc verba : *Causa prior non solū non habet esse à causa posteriori, sed nec ad actum suum presupponit actum posterioris, &c.*

Sed hìc posset esse dubiū ; scilicet quòd licet prædicta ratio concludat de causa secunda naturali : tamen non concludit de causa secunda libera , quia voluntas videtur , quòd habeat in sua potestate exire in actum, quan-

do sibi placuerit ex imperio suæ libertatis; ergo non omnis causa in operando dependet à causa prima.

Respondeo primò, quòd licèt causa libera addat aliquid aliud supra causam naturalem, nempe indifferentiam ad vtrumque oppositum contradictorium: tamè cum etiam ipsa sit causa secunda debet esse essentialiter ordinata, & dependere à prima non solum in essendo, sed etiam in operando; aliter voluntas vt sic subterfugeret rationem causæ secundæ, quod est falsum. Et hæc est intentio Scoti in primo dist. 39. supra lit. C. §. *Contra ista*, &c. vbi Scotus impugnans D. Thomam asserentem aliquid in ordine ad scientiam Dei esse simpliciter necessariam & in ordine ad causam proximam esse contingens assumit hanc propositionem; scilicet, *causa mouens in quan-*

*tum mota si necessario mouetur, necessario mouet, qualibet igitur causa secunda, &c.* Vbi dicendo, *qualibet causa secunda, &c.* includit etiam sub illo signo vniuersali causam secundam liberam mouere in quantum est mota à prima; & præter hoc etiam Scotus ibi loquitur de ipsa voluntate, vt patet intuenti literam eius, ergo etiam dependet in operando à causa prima. Respondeo secundò negando consequentiam, cuius negationis assignatur ratio; quia cum voluntas sit ex se indifferens ad vtrumque oppositum contradictorium non habet ex se ipsa, vt possit exire in hoc, vel in suum oppositum nisi à superiori agente prædeterminetur, ergo voluntas non solum in essendo: sed etiam in operando dependet à causa prima.

Sed aliquis posset dicere, quòd

quòd hæc secunda respōsio omninò aduersatur doctri-  
næ Scoti in pluribus locis, &  
præcipuè in 2. dist. 25. quæst.  
vnica respondendo ad vlti-  
mum principale, vbi asse-  
rit voluntatem esse po-  
tentiam determinatam, sed  
quia est potentia perfecta,  
potest exire in alterum op-  
positorum ex se ipsa, &  
ex innata libertate se deter-  
minando magis ad vnum,  
quàm ad aliud; dicit in super  
ibi de mente Aristotelis,  
quòd sciētia siuè intellectus  
est contrariorum, & quan-  
tùm est de se nisi aliudè de-  
terminetur ad alterū contra-  
riorū simul exiret in utrūq;  
quia est potētia imperfecta,  
ergo dictum est voluntatem  
ad hoc vt possit exire in de-  
terminatū actū debere deter-  
minari ab agente superiori.

Hæc difficultas maximè  
vrget in via Scoti, nam vt  
patet ex præcitato loco 2. &

in eodem dist. 2. in tota 10.  
quæst. vbi concedit intrinse-  
cum principium motus tùm  
Angelis, tùm etiā grauibus.  
& leuibus; & in eodem 2.  
dist. 3. quæst. 8. sub. lit. M. res-  
pondeo ad 4. principale. In  
primo dist. 3. quæst. 7. sub lit.  
T. nec non in 15. q. Quodl.  
respondendo ad primū prin-  
cipale, ipse concedit idem  
posse mouere seipsū & præ-  
cipuè voluntatem posse mo-  
uere seipsam; ergo illa se-  
cunda solutio argumenti  
apertè contradicit Doctri-  
næ Scoti, quid dicendum?  
Respōdeo negādo respōsio-  
nē illā contradicere doctri-  
næ Scoti, immò est multū cōfor-  
mis illi & veritati: nā vt pro-  
batum est supra etiā de men-  
te Scoti, omnis causa secun-  
da naturalis & libera non so-  
lùm in essendo, sed etiam  
in operando dependet à cau-  
sa prima; igitur ipsa voluntas  
vt causa secunda quantūm-

cun-

cunquē sit libera & sit actiua, non potest ex sua innata libertate exire in alterū oppositorum contradictoriorū, nisi prius ad aliud determinetur à prima causa, ad quod ipsamet prima causa independenter à quocunquē alio se ipsam non solum ab eterno determinauit, sed etiam (vt potest colligi ex Scoto in 3. dist. 4. quæst. vnica sub lit. D. vbi habet hæc verba: *Quia illa superior causa primò determinatur, & ipsa determinata &c.*) quodammodò antecederet ad operationem actualem voluntatis in aliqua differentia temporis determinat: causa enim secunda, quæ libera est, ex hoc quòd libera non addit supra causam secundā naturalem aliquam independentiam in operando; sed sicuti hæc, ita illa in operando à prima causa dependet. Sed addit supra causam naturālē

libertatem, quæ libertas, vt Scotus habet in primo dist. 1. quæst. 4. respondendo ad tertiam pro opinione in fine, consistit; quantum ad actus determinationem &c. & hanc determinationē actus addit propriè causa libera supra causam naturalem: & ex hoc indeterminationem ad opposita contradictoria, & etiam maiorem actiuitatem; quia ex Scoto in 2. dist. 37. parum supra lit. N. voluntas est suprema inter omnes causas actiuas, sed non vt dictum independētiam à causa prima in operando, quia sicuti naturalis causa prima non agente non agit, sic etiam & libera. Ad omnes auctoritates Scoti respōdeo, quòd si ipse concedit intrinsecum principium motus causis secundis, siuè naturales, siuè liberæ sint; iure optimo concedit, vt efficacissimè eius rationes probant in 2. dist.

2. dist. 2. quæst. 10. sub lit. B. C. D. sed cōcedēdo eis principium intrinsecum sui motus nihil aliud intendit, nisi quod ipsæ causæ secundæ ab intrinseca sunt in actu primo, siuè intrinsecè in seipsis habent actum primum sui motus; quo actu possunt exire in actum secundum: sed nō propter hoc affirmat Scotus secundas causas exire in actum secundum absque eo, quod præmoucantur à prima causa, siuè ante præmotionem primæ causæ; nam si hoc affirmaret, utiq; sibi ipsi cōtradiceret, & destrueret ordinem essentialē causarum.

Sed adhuc videtur stare difficultas, nam ipse in præcitato loco 2. dist. 25. quæst. vnica respondendo ad vltimum, dicit intellectu & voluntatem esse potētias indeterminatas: sed quia intellectus est potentia imperfecta

non potest ex se determinatè exire in alterum oppositorum, nisi aliundè determinetur, nempe ab ipsa voluntate, voluntas verò est potentia perfectā, potest ex seipsa exire in alterū oppositorum absque eo, quod aliundè determinetur; ergo nihil esset differentia assignata à Scoto inter intellectum & voluntatem, nisi ipsa voluntas ex se ipsa independenter à causa prima de facto posset exire in actum secundum.

Hanc difficultatem etiam faciliter excludimus ex ipso met Scoto in 4. dist. 49. q. 6. sub lit. K. vbi dicit hæc formalia verba: *Sed ex consequēti est contra naturam voluntatis determinari à causa inferiori, quia tunc ipsa non esset superior; non est autem contra naturam eius determinari à causa superiori &c.* Ex quibus verbis colligitur, quòd quan-

quando Scotus dicit voluntatem ex se ipsa determinatè indepèdenter à quocunque alio posse exire in actum secundum, non intelligit; quòd hoc habet indepèdenter nisi à quocunque alio creato, non autem indepèdenter à prima causa. Vnde hæc est differentia inter naturalem & liberam causam, scilicet quòd illa nullo pacto habet in potestate sua actionem suam; ità vt possit aliquo modo se determinare ad agendum, quasi verò ducat se, & non ducatur tantum: hæc autem habet in potestate sua actionē suā, ità quòd præsentato sibi obiecto ducit & determinat se, & non ducitur, nequē determinatur; & hoc ipsum vult dicere Scotus in 16. q. Quodl. parum supra lit. V. & quæst. 18. Quodl. sub. lit. M. vbi habet voluntatem esse sui determinatiuam ad alte-

rum oppositorum. Conueniunt tamen, tùm quia de facto non operantur, nisi à superiori causa præmoueantur, tùm quia vtraq; quantūcūq; præmoueantur ad actualem operationē, actiue se habent; quia vt dicit Scotus in 4. dist. 1. quæst. 1. respondendo ad vltimam, nihil agere in quocunque ordine agendi, nisi habeat formam actiuam & intrinsecam.

### *DOCUMENTVM III.*

**N**otandum est quamlibet causam secundam quomodocunque consideratam & quatumuis perfectam habere admissam in suo esse aliquam potentialitatem, quia vt patet ex Scoto in 1. dist. 8. q. 2. sub lit. A. & B. quæcunque creatura caret aliqua perfectione, quæ sibi vt ens est, nata est competere. Hinc est  
cau-

causam omnem creatam  
quātūmuis perfectam in ra-  
tione causæ carere aliqua  
perfectiōe, & dicere aliquā  
potentialitatem; sed vt pa-  
tet nulla causa secunda caret  
perfectiōe reiiciente actum  
primum, seu nulla causa se-  
cunda dicit potentialitatem  
in actu primo: quasi verò ad  
hoc vt possit agere causa se-  
cunda, necesse sit de nouo ac-  
cipere aliquid à causa pri-  
ma, quod constituat illam in  
actu primo, quo possit age-  
re; non (inquam) hoc verum  
est: nam omnes causæ secū-  
dæ à principio suæ produ-  
ctionis acceperunt comple-  
tum & sufficientem actum  
primum, quo possunt agere,  
vt colligitur ex Scoto in 4.  
dist. 1. quæst. in responsione  
ad vltimum, dicit enim ibi:  
*Omnem secundam causam ha-  
bere formā actiuam, idest actū  
primum in esse quieto antece-  
denter ad actualem operatio-*

*nem.* Carent solūm aliqua  
perfectiōe respiciēte actum  
secūdum, siuè solam dicunt  
potentialitatem in ratione  
actualis causationis, idest  
quòd nullo pacto causæ se-  
cūde possunt actualiter cau-  
sare, & exire in actum secun-  
dum, nisi prius aliquid reci-  
pianz à causa prima; quod  
nihil aliud est, nisi actualis  
applicatio causæ, siuè eius  
præmotio ad operandum:  
nam, vt dictum est supra,  
causa secunda, nunquā a-  
ctualiter operatur prima nō  
operante; igitur ad opera-  
tionem primæ causæ secun-  
da recipit aliquid, non reci-  
pit aliquid respiciens actum  
primum: sed solūm recipit  
actualem applicationem &  
præmotionem actus primi;  
vt exeat in actum secūdum.  
Et hæc est germana doctrina  
Scoti in 3. dist. 4. q. vnic. sub  
lit. D. vbi habet hæc forma-  
lia verba: *Sed potentia actiua*

Y *causæ*



*causa inferioris est remota, quando causa superior nō agit, itā quod nunquā est causa inferior in potentia propinqua ad effectum, nisi causa superiori agente; quia illa superior primò determinatur, & ipsa determinata inferior &c.* Quæ verba si singula expendātur, nihil aliud docere videntur, nisi prædictum totabile: per actiuam potentiam causę inferioris necessum est, vt intelligat actum primum eius, & per illam particulam (*remota*) nihil aliud docet nisi actum primum causę inferioris superiori non agente esse remotū, idest non actualiter præmotum & applicatum; vt exeat in actum secundum, quod etiam non obscurè docent verba sequētia, scilicet: Ita quod nunquā est causa inferior in potentia propinqua, idest actualiter applicata ad effectum, idest ad operandum;

nisi causa superiori agente, idest præmouente & applicante. Id ipsum etiam docet Scotus in 15. quæst. Quodl. sub lit. R. vbi habet hæc verba: *Quia quod oportet causas concurrere ad agendum, una earum, scilicet secunda, non est in potentia propinqua nisi alia, scilicet prima concurrente &c.* Et subdit exemplum ad huiusmodi explicationē, scilicet: *Ad hoc autem quod color agat in visum, requiritur alia causa concurrens ad agendum, scilicet lumen; ideo tunc solum est color visibilis in potentia propinqua, quando est actu illuminatus &c.* Et subdit idē esse dicendū de phantasmate nondū illustrato ab intellectu agente respectu productionis speciei intelligibilis, idest quod phantasma nō illustratum ab intellectu agente est in potentia remota respectu productionis speciei intelligibilis; est verò in poten-



potentia propinqua, quòd est actualiter illustratù. Hinc sequitur, quòd sicut color ad hoc vt agat in visum, recipit aliquid à lumine & non aliquid respiciens actum primum sed solùm præmotionem & applicationem actus primi ad actum secundum, & sicut etiam phantasma ad hoc vt actualiter operetur ad productionem speciei intelligibilis, aliquid recipit ab intellectu agente, & non aliquid tenens se ex parte actus primi (quia tam color, quàm phantasma habet còpletum & sufficientem actum primum, quo ille possit agere in visum, & hoc possit ad productionem speciei intelligibilis) sed solùm præmotionem & actualem applicationem actus primi ad actum secundum, sic etiam omnis secunda causa etiam libera in comparatione ad Deum, qui vniuersalissima & pri-

ma causa est, aliquid recipit ab illo, non autem aliquid quo constituatur in actu primo, & quo possit simpliciter agere; quia hoc falsum est, nam à principio sue productionis omnis secunda causa accepit à Deo còpletum & sufficientem actum primum, quo simpliciter potest agere: sed solùm recipit aliquid, quo actualiter operetur, & agat, quòd nihil aliud est nisi præmotionem, & actualem applicationem actus primi ad actum secundum.

Sed contra hoc est Scotus in 2. dist. 3. q. 8. sub lit. E. vbi habet hæc verba: *Licet ibi cause ordinate habeant aliam rationem causandi, & inferior non causet nisi in virtute superioris; ista tamen virtus, siue assistentia, siue influentia (quomodocunque nominatur) non est impressio alicuius formæ, vel alicuius inherens in causa*

*inferiori : sed tamen est ordo, siue actualis coniunctio talium causarum actiuarum, ex quibus sic coniunctis & suis proprijs actiuitatibus presuppositis coniunctioni, sequitur effectus communis ambarum causarum &c.* Et in 4. dist. q. 1. sub lit. S. scilicet respondendo ad vltimum principale, vbi habet hæc verba : *Et ex hoc patet, quod causæ primæ in secundam propriè dictam, quando simul agunt, non est influentia noua, quæ sit creatio alicuius inherens cause secundæ; sed influentia ibi est determinatus ordo istarum causarum in agendo effectum communem &c.* Igitur si causa secunda ad hoc, vt actualiter operetur non recipit aliquam influentiam, aut aliquod sibi inherens à causa prima : sed talis influentia nihil aliud est, nisi determinatur ordo in agendo, idest quod si prima agit, & secunda agit; ergo malè

dictum est supra causam secundam aliquid recipere à prima ad hoc &c.

Reuerà auctoritates prædictæ prima facie magnum negotium facessere, & omninò id, quod supra dictum est, eneruare videtur; tamen si benè & accuratè perpendantur, nihil est in Scoto, quod magis confirmet nostrum propositum, quàm ipsæ. Nos enim dicimus causas secundas eo pacto subordinari primæ causæ, quod ad hoc vt de facto operentur & agant, non est necessarium aliquid respiciens actum primum de nouo recipere ab illa : tamen necessum est aliquid recipere respiciens actum secundum, seu actuale earum operationem, hoc est necessum est eis recipere præmotionem & actuale applicationem ad actum secundum; & id ipsum excellentissimè docet Scotus in præcita-

citatis locis: nam si inspiciatur primus locus, vt expendatur illa particula; *Sed tantum est ordo, siue actualis coniunctio*, certum est, quòd nostrum confirmat propositum: nam talis ordo inter primam & secundam causam, & illa actualis coniunctio nil aliud est nisi præmotio, & actualis applicatio, qua secunda causa applicatur ad agendum ad operationem primæ; præsupposita tamen (vt ipse dicit) actiuitate, idest actu primo causæ secundæ ad talem actualem coniunctionem & applicationem. Libenter enim nos etiam concedimus influentiam illam non esse creationem alicuius formæ, vel alicuius alterius inherētis ipsi causæ secundæ; nam hoc absurdum est, scilicet quòd ad hoc vt causæ secundæ operentur & agant, sit necessarium ipsi Deo sēper de nouo creare aliquam for-

mam, seu inherētem qualitatem, qua creata secunda causa postea operaretur: vltra quòd etiā, vt dicit Scotus in 4. dist. 49. q. 6. sub lit. R. voluntas nostra non esset libera in actionibus suis, quia tunc ageret per formam determinatam excludētem indeterminationem de possibili: *Est enim* (dicit Scotus ibi) *contra naturam voluntatis determinari ab habitu, siue à natura inferiori*. Et infra: *Non est autem cōtra naturam eius determinari à causa superioris, quia cum hoc stat; quòd sit causa in suo ordine &c.* Si enim illa influentia esset aliqua qualitas inherēns voluntati, vltra quòd esset inferioris ordinis ipsa voluntate determinaret etiam illam ad agendum, ita quòd nō posset non operari: nam qualitas illa cū esset agens naturale & inferioris ordinis, naturaliter determinaret vo-  
lun-

libertatem ad agendum; Deus autem quantumcunque determinet voluntatem ad alteram partem contradictionis, quia tamen cum sit causa superior, & habeat hoc in sua potestate, determinat ac concurrat cum illa ad operationem iunctam illius exigentiae, id est iuxta eius liberam naturam & inclinationem non tollit eius libertatem, quod utique eueniret posita illa qualitate antecedenter ad operationem voluntatis. Idem etiam colligitur ex Scoto in 1. dist. 17. q. 2. supra lit. HH. ubi probans quod gratia in ordine ad actum non est prima causa, ait: *Et secundo, quia actio non esset libera; si gratia esset prima causa: voluntas enim naturaliter moueretur, quia gratia naturaliter moueret; & sicut voluntas non liberè mouetur, ita nec liberè ageret, cum ageret, nisi quia mota &c.* Id ipsum etiam colligitur ex præ-

citato loco supra lit. I f.

Et quod prædicto modo debeat Scotus intelligi in præcitato loco 2. non obscure colligitur ex verbis eius ibidem: distinguit enim ibi aliquid dupliciter posse dici mouens motum, vel quod mouens recipiat in causa superiori formam aliquam, qua moueat; id est actum primum, siue recipiens & se tenens ex parte actus primi, vel quod habita tali forma ut actu primo, recipiat ulteriorem formam, qua agat sicut actum secundum, id est quæ forma respiciat actum secundum, siue sit sicut actus secundus. De mouente motu primo modo non dat Scotus exemplum, sed hoc primo modo mouentia mota possunt dici elementa: nam ut communiter dicitur, Cælum est causa superior respectu elementorum, & elementa recipiunt formam ab ipso

ipso Cœlo & ab influentijs  
cœlestibus, qua forma ele-  
menta sunt in debita dispo-  
sitione ad actum secundum.  
Ad hoc igitur vt elementa  
de facto agant, recipiant ab  
ipso Cœlo aliquam formam  
qua completiue constituuntur  
in actu primo, quo pos-  
sunt agere; & recipiunt etiam  
aliquid, non quod est, sicut  
actus primus: quemadmo-  
dum est illa forma completi-  
ue constituens elementa in  
actu primo, sed quod est si-  
cut actus secundus, quod  
nihil aliud est nisi ordo a-  
gendi; nam ad actionem pri-  
mæ causæ secunda præmoue-  
tur, & applicatur ad actualē  
operationem, idest ad mo-  
tionem primæ causæ recipit  
secunda motionem quandā  
(quæ motio est ad modum  
actus secundi, sed non est  
qualitas inhærens causæ se-  
cundæ) & sic etiam ipsa ope-  
ratur, & agit. Ponit autem

ibi Scotus exemplū de mo-  
uente moto secundo modo,  
scilicet baculus mouens pi-  
lam; motus tamen à manu  
dicitur mouens motum se-  
cundo modo: manus enim  
non dat baculo aliquam for-  
mam completiue constituē-  
tem illum in actu primo, sci-  
licet duritiem; quæ est ratio  
formalis ipsi baculo expellē-  
di pilam (per duritiem enim  
corpus expellit aliud extra  
locum) sed præcisè dat bacu-  
lo motionem localem, qua  
scilicet motione ipse bacu-  
lus applicatur ad istā expul-  
sionem propter impossibili-  
tatem corporis duri ad aliud  
corpus, quod non cedit ei.  
Et subdit Scotus: *Hoc modo  
videtur esse in agentibus ad  
aliquem effectum productum  
per generationem, vel per alte-  
rationem &c.* Ex quibus ver-  
bis apertissime colligitur eo-  
dem modo se habere agētia  
ad aliquem effectum produ-  
ctum

Etum per generationem, quæ agentia sunt essentialiter ordinata, sicut Deus, Sol, & homo; sicut se habent manus & baculus ad expulsionem pilæ, idest quòd sicut baculus expellens pilam ab aliquo loco: motus tamen à manu non recipit aliquid se tenens ex parte actus primi, seu ad modum actus primi; sed solùm recipit aliquid ad modum, siuè simile actui secundo, scilicet motionem localem, mediante qua ipse baculus applicatur ad expulsionem pilæ; sic etiam causa secunda essentialiter subordinata causæ primæ non recipit ab illa, quando operatur aliquid se tenens ex parte actus primi, quod vel sit aliqua forma, vel aliquid aliud inhærens ipsi causæ secundæ: sed solùm recipit motionem, seu præmotionem, mediante qua (vt dicit Scotus in præallegato exemplo

de baculo) ipsa causa secunda applicatur ad actionem suam, siuè mediante qua præmotione actus primus causæ secundæ exit in actum secundum.

Hinc patet perperam intelligere Scotum interpretes illos, qui putant illam particulam prædicti textus, scilicet: *Hoc modo videtur esse in agentibus &c.* esse legendam cum negatione, scilicet: *Hoc modo non videtur esse &c.* Nā vltrà quòd illa negatiua dictio in nullo Scotico tēxtu quantumcunq; vetusto reperitur, potest etiam colligi ex eodem Scoto ibidem parum supra lit. F illam particulam non esse legendam cum negatione; nam ibi Scotus applicando perfectā distinctionem de duplici mouēte moto habet hæc verba: *Ad propositum igitur dico, quòd non solùm isti, scilicet intellectus & obiectum non sunt mouens motum*

*motum primo modo; sed nec secundo modo proprie, sicut se habet Sol & Pater in generatione: sed tantum sunt duæ causæ quasi ex æquo se habentes &c.* Ex quibus verbis nō obscure colligitur Scotum negare intellectum non solum non recipere ab obiecto, & econtrā actum primum, siuè aliquid se tenens ex parte actus primi: sed nec etiam ab inuicem recipere aliquid ad modum, seu simile actui secundo, idest præmotionem & applicationē ad agendum sicut, idest quā præmotionem & applicationem ad operandum recipit Pater à Sole; & affirmare solum esse causas ex æquo concurrentes, idest non adinuicem mouentes motas nec primo, nec secundo modo ad actionem suam.

Eodem etiam pacto respondeo ad aliam auctoritatem 4. & dicimus Scotum in

eo loco docere nostram sententiam, quæ talis est; scilicet causam secundā ad hoc vt de facto operatur, recipere à causa prima aliquā influentiam, quæ influentia nō est aliqua forma, vel aliquid aliud inhærens causæ secundæ, quod scilicet habeat rationem actus primi, sed eiusmodi influentia est determinatus ordo secundæ causæ ad primam, idest eiusmodi influentia est præmotio & applicatio causæ secundæ ad operandum, quæ præmotio & applicatio recipitur in causa secunda ad operationem primæ causæ. Idipsum etiam docet ibi Scotus: Nā si expendatur illa particula prædictæ auctoritatis, scilicet; *Sed influentia ibi est determinatus ordo istarum causarum in agendo effectum communē &c.* Non obscure indè colligitur nostra sententia; nam quid aliud sibi vult causam

Z                      secun-

secundam esse subordinatam primæ causæ in agendo, nisi ipsam moueri ad motionem primæ, & consequenter applicari ad operationem suam? ergo recipit aliquid nō aliquid habens rationem actus primi, ergo aliquid quod est simile actui secundo; præmotionem scilicet, & applicationem ad operandum.

Et quòd hæc sit germana sententia Scoti in eo loco, liquidò etiam patet ex differentia, quam ipse ponit ibi inter causam secundam & instrumentum: nam licet secunda causa & instrumentum conueniat in ratione instrumenti, ex eo quòd nec istud, nequè illa excludunt in agendo dependentiam, dico ad causam superiorem; quia sicut instrumentum, sic causa secunda includit in agendo dependentiam ad causam superiorem, vt dicit Sco-

tus in 4. dist. 1. quæst. 1. sub lit. DD. & in eodem 4. dist. 1. q. 5. sub lit. F. Tamen hoc non obstante maxima est differentia inter causam secundam & instrumentum: *Magis enim* (ait Scotus in præcitato loco 4. dist. 1. q. 1. in responsione ad vltimum) *dicitur instrumentum agere in virtute alterius, quàm causa secunda; quia plus dependet ab agente superiori illud, quod non habet formam actiuam in esse quieto: sed tantum recipit in actuali motione quàm illud quod habet formam actiuam in esse quieto.* Et subiungit: *Causam etiam secundam, idest quæ habet formam actiuam in esse quieto, agere in virtute alterius non est recipere tunc aliquid ab illo altero; sed tantum habere ordinem inferiorem ad illud alterum agens in suo ordine simul, sed instrumentum, idest recipiens formam actiuam in motione, agere*



*agere in virtute alterius, est tunc actualem accipere formam ab eo, per quam scilicet formam agit &c.* Differentia igitur ut patet ex verbis Scoti inter causam secundam & instrumentum in eo sita est, quia scilicet causa secunda cum in esse quieto; idest antecedenter ad actualem operationem habeat formam actiuam, idest sufficientem & completum actum primum, quo potest operari, nihil recipit à causa superiori, nisi præmotionē & applicationē ad operandum. Instrumentū verò quia ut instrumentum nō habet formam actiuam in esse quieto, idest antecedenter ad operationem, nec etiam habet in esse quieto; vndè ex actiua virtute intrinseca possit agere in suo ordine (vult enim Scotus in præcitatis locis 4. & præcipuè dist. 1. quæst. 5. sub lit. F. instrumentum, ut sic nullo

facto esse actiuū) ergo quando instrumentum motum à superiori agente operatur in suo ordine, non solum recipit actualem præmotionem, & applicationem ad operandum: sed etiam in actuali motione recipit formā actiuam, per quam agit, ut patet ex præallegatis verbis Scoti, quod etiam parum infra clariùs docet his verbis, scilicet: *Instrumentum autem quando agit, recipit influentiam propriè ab eo, cuius est instrumentum, quia motionem actualem, & in motione formam per quam agit in suo ordine &c.* Quid clariùs? Ex quibus verbis maximè animaduertendum est illud aduerbium, *propriè*: nam ex eo colligitur duplicem esse influentiam primæ causæ in secundam; altera, quæ dicitur propriè influentia, mediante qua inferior causa recipit à superiori præmotionem & appli-

cationem ad operandum & in præmotione aliquam formam actiuam, per quam agit, & ista influentia superius agens influit in instrumentum motum ab ipso ad operandum: altera verò, quæ dicitur improprie influentia, mediante qua causa inferior recipit à superiori solum præmotionem & applicationem; quæ cum nil aliud sint nisi respectus, nullam rationem actiuitatis retinent, & tali influentia influit causa prima in secundam.

Ex his omnibus ergo non obscure colligitur Scotum negare secundam causam recipere à prima aliquam formam actiuam, qua mediante quæ sufficiens & completa redderetur ad posse operari, quod etiam nos libentissime negamus cum illo; colligitur etiam minimè negare causam secundam recipere à

prima aliquid, quod tamen non est actiuum, sed potius est quasi actus secundus, qui est illa præmotio & applicatio ad operandum, quam applicationem & præmotionem necessariò necessitate inuitabilitatis causa secunda ex determinato ordine agendi debet recipere à prima causa ad hoc, non dico ut possit operari; nam cum omnis causa secunda in esse quiescit, seu (ut alij dicunt) permanentem habeat formam actiuam, habet sufficientem & completiue actum secundum, quo potest operari; sed ut de facto operetur, & exeat in actum secundum.

Quando implicat contradictionem, dicere causam secundam de facto operari non prius recepta à superiori causa præmotione & applicatione ad operandum, nam cum secunda causa de mente omnium Philosophorum & Theologo-

logorum dependeat à prima non solum in essendo ; sed etiam in operando implicat intelligere secundam causam de facto operari prima non operante, premouente, & applicante illam ad operandum .

Sed contra explicationes superius adhibitas auctoritatibus Scoti est ipsemet Scotus in 2. dist. 2. quæst. 10. subtil. G. ubi apertissimè docet non oportere causam secundam ad hoc ut oportet de facto, quod præmouetur à prima. Exponens enim ibi auctoritatem illā 7. Phil. tex. Com. p. scilicet : *Omne quod mouetur ab alio, mouetur &c.* (Auctoritas enim hæc videbatur destruere quod ipse determinauerat in illa q. scilicet : omne mobile, nempe graua & leuia habere principium intrinsecum sui motus) ut ostenderet auctoritatem Philosophorum nihil obesse suo principali inten-

to ; in illa quæst. dicit, quod duplex est potentia, altera prima seu essentialis respiciens actum primum : altera verò secunda, seu accidentalis respiciens actum secundum, qua distinctione præmissa dicit non oportere ; quod omne, quod mouetur ab alio, moueatur à potentia secunda ad actum secundum : sed satis est, quod moueatur à potentia prima ad actum primum, & subdit ; hoc secundum sufficere Philosopho ut probat, deueniendū esse ad aliud primum, quod nec vno nec alio motu moueatur ab alio : sed sit omninò mouens immobile ; ergo si nō oportet omne mobile moueri à suo mouente de potentia secunda ad actum secundum, ergo non est simpliciter necessarium, quod ad hoc ut causa secunda exeat in actum secundum præmoueatur à causa prima. Idem  
etiam

etiam apertè dicit in 4. dist. 13. quæst. 1. sub lit. CC. vbi habet hæc verba , scilicet : *Quia nō credo semper causam secundam, quæ vocatur quandoquē instrumentum, recipere motionem specialem à causa prima, sed tantum habere subordinationem aliquam formæ suæ actiue ad formam actiuā alterius &c. vide ibi .*

Sanè locus iste Scoti nisi castè exponatur, videtur destruere quidquid de mente sua superius diximus; & idèò respondemus negando vltimam consequentiam . Ad auctoritatem verò Scoti dicimus, quòd ipse dicit non oportere mobile moueri ab eo, quo mouetur de potentia secunda ad actum secundum, debet intelligi hoc pacto; scilicet quòd mobile nō debet moueri à suo mouente, seu à potentia secunda ad actum secundum recipiendo ab eo aliquid, quod sit

tanquàm actus primus, qualitas scilicet aliqua actiua, vel aliquid aliud sibi inhærens : sed non propter hoc vult negare causam secundam ad hoc vt operetur de facto debere recipere à prima præmotionem, & applicationem ad operandum; nā si hoc negaret, vtiquè contradiceret sibi ipsi in præcitatís locis 4. & destrueret dependentiam, qua secunda causa dependet à prima in operato, vt etiam ipse asserit in diuersis locis suæ doctrinæ.

Respondeo secundo, & magis ad propositum, quòd ibi Scotus facit competere rationem inter motionem, qua mobile mouetur à suo mouente à potentia prima ad actum primum, & inter motionem, qua mouetur à potentia secunda ad actum secundum, & dicit & quidem optimè; quòd non oportet illud,

illud, quod mouetur in omni motu moueri ab alio, id est non oportet quòd mobile eodè pacto moueatur à suo mouente de potentia secunda ad actum secundum, sicuti mouetur à potentia prima ad actum primum: nam si ità esset, quòd vniformiter moueretur à secunda potentia ad actum secundum, sicuti mouetur à potentia ad actum primum, tunc destruerentur actiuitates secundarum causarum, & esset sicuti instrumenta artis; quia tunc sicuti secundæ causæ nihil prorsus agunt, quando mouentur à potentia prima ad actum primum, cui cum ex Diuo Augustino nihil est, quòd gignat seipsam: sic etiam nihil prorsus agerent, quando mouerentur à potentia secunda ad actum secundum, & sic essent merè instrumenta artis, quod est falsum; nam causa secunda

quantumcùmquè sit naturalis, & præmoueatur, ac applicetur à prima ad operadū, semper sua propria intrinseca virtute actiue concurrat ad operationem. Et quòd hæc sit germana intentio Scoti, non obscurè colligitur ex verbis eius ibi, quando dicit sub lit. G. scilicet; *Sequitur ergo, quòd omne graue & leue, licet moueat se effectiue de potentia secunda ad actum secundum: tamen mobile est, vel mouetur ab aliquo alio extrinseco à potentia prima ad actum primum; non enim oportet, quòd si omne quod mouetur, ab alio mouetur, quòd in omni motu moueatur ab alio &c* Ex quibus verbis clarissimè colligitur expositio prædicta; nam quando Scotus loquitur de motione, qua mobile mouetur à potentia secunda ad actum secundum, loquitur in significatione actiua: quando vero

rò loquitur de motione, qua mouetur à potentia ad actū primum, loquitur in significatione passiuā, vt patet intuenti literam eius; ergo sequitur, quòd quando dicit non oportere mobile in omni motu moueri ab alio, vult dicere quòd non oportet, quòd semper vniformiter moueatur ab vtraquē potentia ad actus correspondentes.

Ad locum ex 4. respondeo primò, Scotum verum dicere causam secundam nō sēper recipere à prima motionem specialem, idest motionem specie distinctam à motionibus, quibus alię causę secundę mouentur ad operationem; quia non est necesse, quòd sit distincta specie, si sufficit quòd sit distincta numero, & hoc potest colligi ex Scoto, qui in 2. dist. 7. quæst. vnica sub lit. I. dubitans, si ad hoc vt

viator ex puris naturalibus possit habere motum attritionis præter influentiam generalem requiratur operatio, idest motio Dei, quę sit specialis. Respondet in 4. dist. 14. quæst. 2. sub lit. M. sufficere communem influentiam, idest illa Diuina influentia, qua peccatores habent motum attritionis, est communis; idest eiusdem speciei in omnibus peccatoribus: non enim oportet influxus, quibus peccatores præmouentur ad motum attritionis, differre specie; quia esset multiplicare entia absque necessitate, & hoc est quod dicit Scotus in duobus locis 4. præcitatis. Hinc colligitur Scotum non negare auxilia specialia, sed tantum docere specialia auxilia non differre specie.

Secundò respondeo, quòd ibi Scotus comparat secundam causam ad primā, sed

sed non ad primò primam ,  
& hoc verum est; & causam  
secundam non recipere mo-  
tionem specialem nisi à cau-  
sa primò primà : non enim  
est necesse Patrem, ad hoc vt  
agat , recipere motionem à  
Sole; oportet tamen vt reci-  
piat eam à causa primò pri-  
ma , quæ Deus est .

Tertiò respondeo Sco-  
tum ibi negare causam se-  
cundam in sua motione pas-  
sua recipere aliquid à prima  
inhærens sibi vt qualitas , &  
per modum actus primi :  
sed affirmare causam secun-  
dam dependere à prima in  
sua motione actiua ; quod  
colligitur ex his verbis , quæ  
habet ibi , scilicet : *sed quia  
in motione sua dependet ab al-  
lia prius naturaliter actu me-  
uente &c.*

*DOCUMENTVM IV.*

**D**Isputans quidnam sit  
illa præmotio , & ap-  
plicatio , mediante qua se-  
cunda causa præmota à pri-  
ma exit in actum secundum :  
Nos tamen breuitati studē-  
tes , quid illa sit iuxta com-  
muniolem sententiam , ex-  
plicabimus . Ad cuius intel-  
ligentiam est primò notan-  
dum , nos non loqui hîc de  
influxu , seu concursu simul-  
taneo primæ causæ , quæ Deus  
est ; quo simul cum causis  
secundis operatur : omnes  
enim conueniunt huiusmo-  
di concursum nihil aliud ef-  
se in causis secundis , nisi il-  
larum operationem vt effi-  
cienter procedentem à Deo ;  
creatio enim ( loquendo ta-  
mē de creatione passiuâ fun-  
damentali ) nihil aliud intrin-  
secum dicit in creatura , nisi  
ipsam substantiam creatam ,

A a vt

ut à Creatore procedit : sic etiam concursus Dei simultaneus cum causis secundis ad aliquem effectum nihil aliud intrinsecum ponit in ipso effectu causæ secundæ, nisi ipsam realitatem effectus, ut procedit à Deo ; sed loquimur de influxu motione prævia ad cōcursum causæ secundæ, quæ præmotio datur per modum auxilij, & immediatè recipitur in causa secunda prius prioritate rationis, vel causalitatis seu naturæ, quàm ipsa opere-  
tur.

Hoc prænotato dicunt aliqui, quòd illa præmotio Dei proprio vocabulo debet appellari actio virtuosa, mediante qua primum agens efficit ; ut causæ secundæ actualiter operentur vnaquæquè iuxta exigentiam propriæ naturæ, & scilicet hoc sit benè dictum, tamen non satis manifestè explicat pro-

positum : ideò nos iuxta ea, quæ de actione, & motu docet Scotus in 4. dist. 13. quæst. 1. in illo art. *Ad huius difficultatis &c.* & præcipuè sub lit. L. dicimus omnem actionem, quæ motus vel motio est (tractare nunc de actione secundum omnes suas acceptiones, & explicare illas, & quæ conditiones requirantur ad actionem propriè dictam, & an operationes immanentes sint in genere actionis, nimis superfluum esset ; videatur pro omnibus his Scotus in præcitato loco 4. & in 1. dist. 3. quæst. 6. sub lit. X. Y. Z. & in eodem primo, & dist. 3. qu. 9. in responsione ad 3. principale sub lit. N. & O. & in 13. quæst. Quodl. à lit. Y. vsquè ad lit. F. F. ) duplex est, altera actiua, passiuæ altera : & vtraquæ adhuc potest dupliciter accipi, vel fundamentaliter, aut formaliter ;

si



si motio actiue, & fundamentaliter sumitur, nihil aliud est nisi potentia motiua mouentis: si verò accipiatur actiue formaliter, nihil aliud est nisi relatio fundata in potentia motiua mouentis, & terminata ad potentiam passiuam mobilis; sed si motio passiuè, & fundamentaliter sumatur, nil aliud est nisi ipsa res mota, seu ad quā terminatur motio: si verò passiuè formaliter consideretur, nil aliud est nisi relatio mobilis ad mouens fundata in potentia passiuam mobilis, & terminata ad potentiam actiuam mouentis; sic etiam in proposito nostro præmotio qua secunda causa præmouetur, & applicatur ad operandum, vel se tenet ex parte Dei, & sic est actiua, vel se tenet ex parte causæ secundæ, & sic est passiuam. Et vtraque potest dupliciter considerari, vel fundamen-

taliter aut formaliter; præmotio actiua fundamentalis est voluntas Diuina, seu velle Diuinum: formalis verò est relatio rationis (nā Deus, vt subtiliter probat Scotus in primo dist. 30. quæst. 2. sub lit. M. non refertur ad creaturas relatione reali) vel qua Deus ab aeterno comparauit se ad causas secundas sub ratione præmouentis, & applicantis illas ad operandum; vel qua intellectus creatus in tempore, simili comparatione comparauit Deum ad causas secundas. Præmotio passiuam fundamentalis est ipsa causa secunda præmota, & applicata ad operandum; formalis verò est relatio realis, quæ dicitur relatio præmobilis ad præmouens fundata in causa secunda præmota; & terminata ad voluntatem Diuinam præmouentem.

Sed an eiusmodi relatio

A 2 2 præ-

præmotionis passiue sit intrinsecus adueniens, vel extrinsecus, & quid sit, & quæ utraquæ relatio; intrinsecus scilicet, & extrinsecus adueniens, non est præsentis speculationis, videatur de hoc Scotus in præcitato loco 4. dist. 13. sub lit. D. & in toto illo articulo.

Sed cōtra id, quod de tali præmotione de mente Scoti diximus, posset aliquis exurgere tali pacto: Scotus in præcitatis locis 4. p. & Quodlib. asserit actionem non dicere respectum, sed dicere entitatem absolutam; ergo eiusmodi præmotio Dei in causa præmota non solum dicit entitatem respectiuam, sed etiam entitatem absolutam, ergo Deus præmouendo causam secundā ad operandum semper creat aliquā qualitatem in ipsa, quod est cōtra Scotum & veritatem. **Ultima consequentia proba-**

tur à suffiçienti partium enumeratione, nam illud absolutum non est substantia, nequæ quantitas, neq; relatio, ut patet; ergo remanet ut sit qualitas, ergo malè determinatum est motionem illam non esse qualitatem.

Huic difficultati facillè respondetur ex eodem Scoto in præcitatis locis, & præcipuè in 4. dist. 13. q. 1. sub lit. H. ubi dicit actionem esse nomen equiuocum, & consequenter plura significare sub diuersa ratione; breuiter ut ad propositum attinet, duplex est actio, alia immanēs, & altera transiens: tunc dicimus Scotum in præcitatis locis loqui de actione immanente, quæ solum est aliquod absolutum; assimilatur tamen actioni de genere actionis in duabus conditionibus, non autem alteri conditionis, ut dicit Scotus in præcitatis locis: & sic actio imma-

immanens non est actio de genere actionis, vt patet vbi suprà; non autem loqui de actione transeunte, ad quam nō semper loquitur aliquod absolutum productū, vt patet in motu locali; motio enim localis actio est, & tamen per illam nihil absolutum producit; sed tamen per illam acquiritur circumscriptio passiuā, quæ respectus est extrinsecus adueniens: sicuti de mente Scoti in 2. dist. 3. quæst. 8. sub lit. F. obiectum præmouendo animam ad intellectionem nihil producit in anima in illo signo præmotionis; essentia Diuina etiam ex 14. quæst. Quod mouet intellectū Diuinum ad notitiam omnis intelligibilis, & tamen nihil in eo producit. Ad huiusmodi igitur præmotionem, cum sit actio transiens, non necessario sequitur aliqua qualitas, siue ens absolutum,

quod sit terminus talis actionis: sed terminus eius est ipsa causa secunda præmotā, & applicata ad agens agendum; vnde sicut Aristoteles ait in 3. phisic. text. com. p. quod actus mouentis in mobili est motus mobilis, sic etiā eiusmodi præmotio Diuina in causa secunda est motus causæ, idest terminatur ad ipsam causam motam: actio igitur Diuina, quæ præmotio dicitur terminatiue est in secunda causa præmotā: nam non ad aliud, quàm ad illam terminatur actiua Diuina præmotio, & subiectiue passiuā præmotio est in eadem causa; idest ipsa causa vt mota est terminus actiue præmotionis Diuine, & eadem causa est subiectū passiuæ præmotionis formaliter; vnde talis præmotio dicitur esse in causa præmotā, sicut motus in mobili.

Sed cōtra prædicta est dubium

bium, & est eiusmodi, scilicet si talis præmotionis Diuinæ aliquod absolutum nō est terminus: nam dictum est ad illam non sequi aliquod absolutum de nouo productum; ergo aliqua relatio erit terminus eius: Consequens est falsum; ergo & antecedens. Consequentia patet, nam inter absolutum & respectuum non datur medium; ergo si absolutum nō est terminus; ergo aliquod respectuum: falsitas consequentis probatur ex Aristot. in 5. phis. tex. com. 10. vbi dicit; quod in ad aliquid non est motus, neq; mutatio, id est nullum respectuum potest esse terminus motus & mutationis, consequenter nequē præmotionis.

Huic dubitationi posset faciliter responderi negādo totum argumentum, quia procedit ex falso supposito: supponit enim aliquid quod

nos nō diximus, scilicet respectuum esse terminū præmotionis Diuinæ; sed diximus ipsam causam secundā motam, quæ est ens absolutum, esse terminum præmotionis Diuinæ.

Sed aliter, & magis de mente Scoti respondeo concedendo consequentiam, & negando falsitatem consequentis: ad probationem ex Aristotele respondet Scot. in 3. dist. 1. q. 1. sub lit. R. vbi distinguens relationem intrinsecam aduenientem, & extrinsecū negat motum & mutationem esse ad relationem primi generis, & ratio est; quia eiusmodi relatio cū semper ponatur in esse consequenter & concomitanter alicuius positivæ entitatis absolutæ, nouæ & in vno, vel altero extremo non est necesse pro eius acquisitione motus vel mutatio. Et ad huiusmodi relationem Aristote-

stoteles ubi suprà negat esse motum & mutationem, sed affirmat ad relationem secundi generis; cum non necessario cōsequatur fūdamētum intrinsecum, & absquē nouitate alicuius absoluti in fundamento, vel in termino cōtingenter consequitur benē posse esse mutationem, idest affirmat relationem extrinsecū aduenientem, & subdit Scotus: *Et aliquæ tales relationes fortē pertinent ad illa sex principia, quæ dicuntur extrinsecū aduenientia; vndē & secundum eum in 5. phis. Motus est ad ubi, & tamen ubi nullam formam absolutam dicit: sed tantūm respectum in corpore circumscripto ad locum circumscribentem, & iste respectus pertinet ad modum prædictum.*

Sed in hac respōsione videtur, quòd Scotus sibi contradicat: hic enim in 3. negat ad relationem intrinse-

cū aduenientem esse motū, vel mutationem; in 2. verò dist. 1. q. 5. sub lit. G. habet hæc formalia verba, scilicet: *Ergo ex intentione Philos. non potest haberi, nisi quod in ad aliquid non sit motus, cum quo tamen stat, quòd tibi sit mutatio &c.* Contradictionē hanc solue, sicut vis.

Potest igitur colligi ex prædictis terminum præmotionis Diuinæ esse tūm causam ipsam, tūm etiam præmotionem passiua pro formali, sed fortē cum disparitate, quia causa præmota primò & per se; præmotio autem passiuā pro formali per se, sed non primò est terminus præmotionis Dei.

Vndē potest inferri aliquid esse terminum mutationis vel primò & per se sicuti forma absoluta, vel per se & non primò sicuti respectus extrinsecus adueniens, aut nec per se, nequē primò: sed

sed tamen per accidens, sicuti est relatio intrinsecus adueniens; & hac distinctione soluitur prædicta contradictio.

Notandum est etiam istā pramotionem Diuinā, mediante qua quotiescunque causæ secundæ siuè sint naturalis, siuè supernaturalis ordinis habent ratione formæ sibi inherrentis sufficientem virtutem actiuam, siuè actum primum proportionatum cum effectū, idest quo possunt exire in actum secundum: Deus applicat illas ad actualem operationem non esse qualitatem, tū quia talis qualitas non esset nisi habitus, & habitus perficit potentiam in ratione actus primi includentis potentialitatem in ordine ad actum secundum, & ratio est, quia habitus non determinat potentiam ad operandum; stat enim quod aliquis habeat

habitum in se, & actualiter non operetur, sed præmotio Diuina applicans causas secundas cuiuscunque ordinis sint, ad operandum non perficit potentiam, constituyendo illam in actu primo, sed potius reducit ipsum actum primum ad actum secundū. Tū quia habitus subiiciuntur libero arbitrio quantum ad vsum, habitibus enim vtimur, cum volumus: sed illa præuia motio Diuina nō subest libero arbitrio, quantum ad vsum; sed potius ipsa subiicit voluntatem humanam, & eam sibi obsequentem facit. Tū quia posito in potentia quocunque habitu & qualitate actiua in ratione actu primi semper potentia indiget illa pramotione Diuina ad hoc, vt actualiter operetur: sed posita in potentia pramotione Diuina non indiget aliquo alio, quo præmoueatur, & appli-

applicetur ad operandum; alias daretur processus in infinitum. Tūc etiam tandem quia si eiusmodi prēmōtio esset habitus vel qualitas cōstituens potentiam in ratione actus primi, tunc iustus non habens talem habitum seu motionem Diuinam; nō haberet reuera sufficiens principium, quo posset meritorie operari si vellet: nam deesset sibi eiusmodi habitus, vel qualitas actiua, qua per modum principij nō esset perfecte constitutus in actu primo, quod est contra D. Augustinum sæpissimè docentem primis Parētibus fuisse cōcessum adiutorium gratiæ, quo possent perseuerare si vellent; non tamen fuit illis cōcessum auxilium, seu prēmōtio, mediante qua de facto perseuerauissent.

Notandū prēmōtionem hanc non esse identificatam effectui causæ secundæ, im-

mò potius esse distinctam realiter ab alio, & probatur: nam ex Scoto in 2. dist. 1. quæst. 5. Illa distinguuntur realiter, quorum alterum absq; contradictione potest remanere sine altero; sed prēmōtio Diuina & causa secunda se habent huiusmodi, ergo distinguuntur realiter. Minor patet: nam cū talis prēmōtio prius natura intelligatur recipi in causa, quàm causa operetur, ergo potest esse sine operatione causæ; quia omne prius vt sic, potest esse sine suo posteriori. Sed prædicta ratio videtur, quòd magis cōcludat oppositum, quàm propositum: nā stāte illa maiori, quæ est Scoti, tunc potest subsumi alia minor scilicet; sed prēmōtio Diuina & causa prēmota nō possunt separare adinuicem, ità quòd sit prēmōtio Dei, & nihil sit prēmotum, vel quòd aliquid prēmoueatur

B b

absq;

absque Diuina præmotione, ergo non distinguuntur realiter. Minor patet ex terminis, quia implicat, quòd detur actio absq; termino, quia cū actio sit quoddā respectiū si circūscribatur terminus ad quem est, tunc esset & non esset; quia ratio entis respectiui est esse ad aliud, est etiā Scoti eiusmodi minor in Quodlib. quæst. 13. sub lit. BB.

Huic difficultati respondet Scot. in 2. dist. 1. q. 5. sub lit. N. negando minorem: nam sequitur aliqua causa, duo non possūt separari adinuicem; ergo sunt idem realiter, & assignat ibi rationē: nam relationes rationis factæ ab intellectu Diuino nō possunt esse sine illo, nec econtrā & motus de mente Philos. non potest esse sine Cœlo siuè separari ab illo; & econtrā non tamen sequitur hæc omnia esse adinuicē

identificata realiter. Idem etiam dicit Scotus in præcitato loco sub lit. R. scilicet respectum creaturæ, quem dicit ad non esse, vel immediatē, vel quomodocunque præcedens non esse realiter identificatum ipsi creaturæ quantumcunq; creatura nō possit esse, saltem de facto sine tali respectu; sed dicit, quòd omnis respectus dependentiæ ad aliquid, sine quo dependens non potest esse, idem est dependenti. Vndè de mente Scoti illa propriè distinguuntur realiter, quorum vnum potest esse sine alio absque contradictione; sed si postea de facto vnum possit esse sine alio propter aliquam rationē, hoc nihil obest distinctioni reali illorum: sic etiam scilicet absquē contradictione saltem pro eo tempore, quo est præmotio Diuina non possit intelligi dari & esse eiusmodi præmotionem & abs-



& absque eius termino; & econtra non tamen sequitur esse identificata realiter adinuicem: Si verò quærat, unde est, quod non possunt adinuicem separari? Respondetur hoc esse, & prouenire ex natura ipsius præmotionis, quæ cum sit ens respectuum necessario necessitate naturali requirit suum terminum. Hinc est, quod quantumcunque necessario relationum requirat ad sui esse suum correlatiuum; ita quod implicet esse abinuicem separata ut relatiua, non tamen sunt identificata realiter.

Patet etiam illam præmotionem esse realiter distinctam ab operatione causæ secundæ, quia causa secunda passiuè se habet ad illam præmotionem, cum sit omnino independentem ab illa: sed respectu suæ operationis actiuè se habet; ergo si essent idem aliqua causa, idest vo-

luntas merè passiuè se haberet respectu suæ operationis, quod est Lutheranium.

Notandum est, quod in hac Propositione nulla causa secunda potest operari, nisi præmoueat à Deo, vel illa dictio exclusiua cadit, & determinat verbum, potest; & sic est falsa, quia tunc esset sensus quod nulla causa secunda habet in se verum posse, & sufficientem actum primum operandi, quod falsum est: nam, ut supra vidimus, omnis causa secunda à principio suæ productionis recipit à Deo virtutem, seu actiuam formam permanentem, vel sufficientem actum primum, quo simpliciter potest operari, vel cadit & determinat verbum operari, & sic vera; quia tunc sensus est fieri non posse, causam secundam actualiter operari, & tamen non promoueri à Deo, quod satis

B b 2 abun-

abundè superiùs probatum est .

Nota quòd eiusmodi Diuina præmotio , quantumcunque non sit qualitas , tribuit causæ secundæ aliquam virtutem operandi , non tamen per modum actus primi, sed per modum complementi actus primi; idest faciendo quòd actus primus exeat in actum secundum, & transit cum ipso actu secundo, ad quem ordinatur: vndè ad talem præmotionem non sequitur nisi vnica numero operatio, sicut per oppositum ad qualitatem actiuam & habitum possunt sequi plures operationes; nam vt patet nulla qualitas & habitus determinat potentiam ad vnicā numero operationem, quemadmodum eiusmodi Diuina præmotio, quæ nihil aliud esse videtur nisi complementum quoddam virtutis actiuæ , quo Deus

verè , & efficienter facit , vt causa secunda de actu primo exeat in secundum , ad quod complementum, seu præmotionem ipsa causa secunda antecederet ad actualem operationem merè passiuè se habet, in secundo signo postea operatur simul cū Deo: vndè sequitur eiusmodi præmotionem formaliter non consistere in ipso exitu actus secundi , quasi verò Deus suo influxu iuuat causam secundam in eo signo, in quo incipit agere & operari; sed iuuat & præmouet illam ad operandum antecederet ad exceptionem operationis .

Notandum est eiusmodi præmotionem , siuè influxū Diuinum nullo pacto , vt aliqui affirmant, esse posse indifferens ; quasi verò Deus ita modo veluti indifferenti & generali applicet & offerat humanæ volūtati & alijs  
cau-

causis secundis suam virtutē ,  
ut paratus sit ad concurren-  
dum cum illis ad quidquid  
ipse determinauerint , & ef-  
fecerint : ita ut causę secun-  
dę determinent & modifi-  
cent Diuinum influxum tū  
ad speciem actus in esse na-  
turę , tū etiam ad boni-  
tatem vel malitiam , quam  
potest habere in genere  
moris ; ex eo quia cum  
Diuinus influxus non in  
causam secundam , sed in eius  
operationem tantū influat,  
non Diuinus concursus cau-  
sas secundas determinat : im-  
mò econtrā Diuina influen-  
tia à causa secunda , scilicet  
liberum arbitrium , cum tali  
influentia ad operandum con-  
currit , ex vario influxu liberi  
arbitrij prouenit , quod se-  
quatur potius volitio quàm  
nolitio , & volitio honesti po-  
tius quàm turpis obiecti ; &  
consequenter quod actiones  
voluntatis sint tales vel tales

in particulari , studiosè vel  
vitiosè , ab ipso met libero ar-  
bitrio prouenit . Non (inquā)  
Diuinum influxum eo pacto  
indifferens esse potest , tū  
quia ex aliquo indifferenti  
non potest sequi determina-  
ta actio , nisi ab aliquo alio  
inclinetur & determinetur  
ad vnum ; ergo si influxus  
Dei esset secundum se indif-  
ferens ad vtrumlibet , sequi-  
tur quod ab aliquo alio de-  
terminatur ad hūc effectum ,  
& sic habebit causam prio-  
rem , quod est absurdum :  
nam si prima causa secundū  
se indifferenter applicat suā  
voluntatem , & concursum  
ad eos actus producendos cū  
causis secundis , ad quos ipse  
causę secundę ex necessita-  
te naturę , vel per suam libe-  
ram voluntatem applicatur :  
ergo ipsa causa prima non  
se determinat ad hunc effe-  
ctum in particulari , ac per  
consequens determinatur ad  
illum

illum à causa secunda, & consequenter dependeret à causa secunda. Tùm quia eiusmodi modus cōcurrenti per voluntatem & influxum indifferentem ad istum vel illū effectū, vel ad eorum oppositum argueret in Deo maximam imperfectionem; quia in sua efficacia dependeret ex concursu & determinatione causæ secundæ, quæ dependentia & omnis creatura, & quodcunque aliud omninò explodenda est à Deo, vt probat Scotus in 1. dist. 30. quæst. 2. sub lit. M. & hoc etiam dicit in 2. dist. 1. quæst. 1. sub lit. C. & in 1. dist. 39. sub lit. X. respondēdo ad primum principale. Tùm quia videretur, quòd Deus esset Auctōr peccati, si eius concursus esset indifferens: nam esset indifferēs ad bonū, & malū, tùm etiā quia non vndequāquē perfectā ostenderetur eius

prouidētia, ad quā requiritur, quòd determinatè velit, & prædefiniat Deus omnia, quæ fiunt in tēpore, & ea ordinet in finē intētū ab ipso, & causas secūdas moueat, & applicet ad determinatos effectus in particulari præordinando prædefinita media; vt infallibiliter assequatur finis intentus à Deo, & vt sciat non solum quid causa secunda, & præcipuè quid voluntas potest facere, quid faciat in particulari secūdam omnes circumstantias, & rationes existentie: quod secus esset, si eius concursus esset indifferens: voluntas pro sua libertate posset, & non posset operari, & cōsequēter Deus nesciret, quid ipsa in particulari esset operatura; immò liberum arbitrium eximeretur, & subtraheretur à Diuina prouidentia: nam dato quòd esset indifferens Diuinus concursus, pro sua liberta-

bertate ; tunc liberum arbitrium vteretur illo magis operando nunc , quàm antea ; Deus per talem concursum non effecit verè efficienter, vt liberum arbitriū influat hìc, & nunc in talem operationē in indiuiduo, ergo &c.

Notandum est nullam posse argui in Deo imperfectionem ex eo , quòd eius concursus determinatus est ad vnum oppositorum ; id est quòd influendo in causas secundas ità determinet illas ad hunc actum , quòd non ad oppositum : nam vt dicit Scotus in primo dist. 39. subtil. Q. tunc in scientia Dei respectu futurorum contingentium poneretur imperfectio , si ità esset vnus partis ; quòd non posset esse alterius . Similiter etiam in voluntate Diuina si diceretur eam esse vnus obiecti, ità quòd non posset esse sui oppositi contradictorij : sed

quia Deus ab aeterno ità determinauit suo concursu immediatè influere in causas secundas, determinādo illas ità ad hunc actum , quòd potuit determinare ad oppositum ; igitur nulla sequitur imperfectio in Deo ex hoc , quòd dicitur eius cōcursum non esse indifferentem .

Notandum est , quòd ex hoc quod nos dicimus concursum , & influxum Dei in causas secundas non indifferentem , sed omninò determinatum ad vnum determinatione in esse , non autem determinatione de possibili : nō contradicimus SS. Patribus & illis locis sacre Scripturæ , nimirum Eccles. 15. & Genes. 4. in quibus dicitur ; *Deus ab initio constituit hominem, & reliquit eum in manu consilij sui &c. & sub te erit appetitus tuus , & tu dominaberis illis &c.* . Et his similia : nam indè nihil aliud

aliud colligitur, vt dicit Diuus Thomas 1. p. quæst. 22. art. 2. ad 4. *Nisi quòd non perficitur homini virtus operatiua determinata ad vnum sicuti rebus naturalibus, quæ aguntur tantum quasi ab altero directe in finem; non autem seipsa agunt quasi se dirigentia in finem, vt creature rationales per liberum arbitrium, quo consiliantur, & eligunt &c.* Immo multum probabile est Deum consulto, & de industria voluisse multoties exprimere in sacra Scriptura facultatem, & potestatem nostri liberi arbitrij; quia præuidebat nonnullos hæreticos (sicuti fuit Lutherus; & Calvinus) dicturos nostrum liberum arbitrium esse tanquam inanime quoddam, ita vt non tantum passiuè se habeat ad præuiam motionem, & influxum, sed etiam merè passiuè se habeat ad operatio-

nem ipsam, & consequenter dicturos etiam Deum esse vniformiter Auctorem & boni, & mali, quod est maxima blasphemia. Et ideo Deus exprimens in sacra Scriptura liberam facultatē, & potestatem nostri liberi arbitrij, videtur quòd nimis amplum imperium, & dominium voluntati concedat: sed hoc non obstante nihil aliud intendit Scriptura, SS. Patres, & Doctores scholastici, nisi quòd quantumcunque Deus prædeterminet voluntatem ad vnum, & præmoueat efficaciter ipsā ad illud vnū operandum; nihilominus remanet tam ex parte Dei, quàm ex parte voluntatis indeterminatio de possibili, & non merè passiuè se habet ad operationē suam, immò sua propria intrinseca virtute, & facultate libera effectiuè concurrat ad suam operationem per delibera-

berationem seipsam mouēdo, & determinando tantum proximum determinans, & mouens sua prædestinatione primi determinātis omnia. Et hoc est illud, quod dicit D. Augustinus, quod *nihil tam in potestate voluntatis, quam ipsa voluntas* &c. Et hoc etiā est illud quod probat, & dicit Scotus in primo dist. 1. in tota questione 4. scilicet voluntatem nostrā etiam eleuatam ab habitu charitatis nō necessariō frui obiecto sub quacunque ratione, & quomodocunque sibi præsentato: quod est intelligendū vel de necessitate naturali, quia si sic voluntas frueretur vltimo fine, tunc non haberet in sua potestate actionē suam, sed merē passivē se haberet ad illā; vel (& est magis ad mentē eius) de necessitate simpliciter, & absolute, qua necessitate Deus amat seipsum, & quod hoc

secūdo modo intelligat Scotus voluntatem nostram nō frui necessariō vltimo fine: potest colligi ex præcitato loco primo dist. 1. quæst. 4. respondendo ad vltimum principale, vbi dicit volitiones nostras nō præsupponere in voluntate aliquam volitionem immobilem, qua voluntas immobiliter adhæreat vltimo fini; nam vt etiam dicit ipse in primo dist. 1. quæst. 5. §. *Dico ergo* &c. & §. *Ad propositum applicādo* &c. *Sola voluntas Diuina immobiliter, & necessariō adheret primo & per se nature Diuine, quia non participatione alicuius alterius à se, non per habitum, non per actum differentem à se, & nequē in virtute alterius cause superioris perfectissimē amat illud summum bonum, & necessariō* &c. Et subdit; *Quod in secundo gradu est voluntas creata beata, idest non adheret vo-*

Cc lun-

luntas creata beata ultimo fini immobiliter, & necessariò immobilitate scilicet, & necessitate simpliciter & independēti; & licet per se adhæreat ultimo fini, quia per formam suā intrinsecam adhæret huic bono, tamen non primò adheret, sed participando à Deo &c. Vndè colligitur, vt patet ex Scoto in 4. dist. 49. quæst. 6. sub lit. D. & in 3. dist. 15. quæst. vnic. sub lit. D. voluntatem nostram non necessariò frui ultimo fine, loquendo scilicet de necessitate naturali, vel de necessitate simpliciter & absoluta: sed frui tamē necessariò necessitate secundum quid dependenti participata, & extrinseca, quia hoc habet extrinsecè ab ipsa voluntate Diuina; & hoc vult dicere Scotus in præcitato loco, quando dicit: *Adhæret firmiter huic bono, & hoc quia facta est quasi intrinseca voluntati primo quiescenti &c.*

Hoc idem etiā dicit Scotus in 4. dist. 49. q. 10. sub lit. F. vbi ait: *Dico ergo quòd voluntas sic determinatur ad volendum beatitudinem, & ad nolendum miseriam, quòd sic eliciat aliquem actum circa ista obiecta, necessariò & determinatum elicit actum volēdi respectu beatitudinis & nolendi respectu miseriam; non tamen absolutè determinatur ad unū actum eliciendum, vel alium &c.* Ex quibus verbis non obscurè colligitur voluntatē necessitari à beatitudine, ita vt respectu illius necessariū & determinatū eliciat actū; sed non necessitate naturali vel absoluta, vt patet ex Scoto in 4. dist. 49. quæst. 6. sub lit. D. vbi habet hæc verba: *Quòd licet intellectus naturali necessitate videat obiectum, tamen voluntas non naturali necessitate fruitur illo obiecto viso, neque etiam illa necessitas videndi est simpliciter necessitas,*



*cas; sed tantummodo necessitas, si obiectum præsens moueat, & istud est sic merè contingens, quia obiectum illud voluntariè & contingenter mouet quècunque intellectum creatum, sed etiam voluntas contingenter fruitur illo viso contingenter &c. Sicuti volùtas Diuina respectu essentiæ Diuinæ, sed solum necessitate quadam participata & extrinseca, nec etiam determinatur absolutè eliciendum hunc actum; sed solum vt ipse dicit in 16. quæst. Quodl. subtil. V. Determinatur necessariò ad hunc actum eliciendum necessaria determinatione, quò ad exclusionē indeterminationis ad utrūlibet &c. Et quòd voluntas nostra non necessitetur prædicto modo necessitate absoluta, clarè patet ex ipso in præcitato loco 4. vbi respondens ad illam propositionem; scilicet: *Illud in quo non est defectus boni, vel**

*ratio mali, est necessariò volitū, negat eam, & antequàm assignet rationem negationis dicit; quòd voluntas respectu cuiuscunque actus est libera, & nullo obiecto necessitetur &c. Et hoc non obstante subdit: Non tamen potest voluntas nolle, aut odisse beatitudinem, nec velle miseriam &c. Ex quo subiungit ipse: Quòd non debemus inferre, ergo voluntas necessariò vult beatitudinem; sed ex hoc antecedenti volùtas non potest nolle obiectum, in quo non est defectus &c. Dicit; Quòd non debet inferri, nisi; ergo voluntas non potest resilire ab obiecto, in quo nulla est miseria, nec defectus boni; ergo non potest voluntas odire & detestari beatitudinem, quod est verum: sed ex hoc non sequitur, quòd necessariò velit beatitudinem &c. Hoc idem etiam colligitur ex primo dist. 1. quæst. 4. in responsione ad tertium pro opinione,*

vbi in fine explicans in quo consistat libertas voluntatis, habet hæc verba: *Ideo dico, quòd libertas est sui respectu sui sic quantum ad actus determinationem* &c. Ex quibus verbis non obscurè colligi potest rationem formalem libertatis volūtatis consistere in determinatione actus, quod nullo pacto competere potest causæ naturali; ex quo infertur voluntatē nostram quantumcunque prædeterminetur à Deo ad hoc faciendum ex eo, quòd cū ipsa iuxta exigentiam suæ liberæ naturæ cōcurrit ad operandum, & ex eo quòd ipsa etiam se determinat ad operandum semper liberè operari. Et hinc est, quòd voluntas Diuina dicitur liberè amare essentiam Diuinam, quantumcunque necessitetur necessitate absoluta amare illā ità determinādo se ad hunc actum, vt omninò se-

cludatur ab ipsa voluntate indeterminatio de possibili respectu talis actus, vt patet ex Scoto in 4. quæst. Prolog. sub lit. R. Ex hoc (inquam) volūtas Diuina liberè amat essentiam suam; quia nihil aliud ab ipsa est sufficiens determinatiuum sui, quòd sit causa sufficienter actiue determinās illam ad actum: sed ex perfectione & rectitudine sua, & propter firmitatem libertatis suæ quantumcunque necessitetur etiam ex infinita bonitate obiecti, sibi ipsi necessitatem imponit in eliciendo actum & in perseuerando, suè figendo se in actum; ità vt illa necessitas intelligatur cadere sub voluntate, scilicet quòd concomitetur, non autem præueniat voluntatem, quia si voluntas præueniretur à tali necessitate tanquàm impellente in actum, & figente in actu voluntas ageretur, &

non

non ageret, nec stare in tali actu libertas. Hęc omnia collecta sunt ex Scoto in 4. quæst. Prolog. sub lit. Q. in primo dist. 10. quæst. vnica sub lit. N. & in 16. quæst. Quodl. sub lit. N.

Sed cōtra hoc posset quis arguere tali pacto, si voluntas non pręuenta à necessitate ducit se, & non ducitur; ergo pręuenta à necessitate ad eliciendum actum ducitur & non ducit se: sed voluntas Beati pręuenitur à voluntate Dei, vt semper continuet actum fruendi; ergo voluntas Beati respectu actus fruitionis ducitur & non ducit se, quod est contra Scotū in primo dist. 1. quæst. 4 & in quarto dist. 49. quæst. 6. 9. & 10. & alibi sæpè. Maior patet cum sua consequentia, minor est Scoti in 4. dist. 49. quæst. 6. sub lit. G. vbi habet hęc verba: *Sed per causam extrinsecam est impossibilis po-*

*tentia illa propinqua ad peccandum, videlicet per voluntatem Dei pręuenientem illam voluntatem: vt semper continuet actum fruendi &c.* Ex quibus verbis colligitur Scotum asserere Michaelē Angelum nunc beatum, ideò non posse peccare de potentia propinqua, quia eius voluntas pręuenitur à Deo, vt semper continuet actum fruitionis; si igitur pręuenitur à Diuino iussu, vt continuet actum, necessitatur ergo simpliciter ad continuandum actum. Confirmatur ex eodemmet Scoto in eodē loco, vbi ait: *Siquidem nunquam causa secunda pręuenita à causa superiori agente ad vnum oppositum, potest potentia propinqua exire in aliud oppositū &c.* Ex quibus verbis si expendatur illud, quod dicitur causa secunda, nunquam potest potētia propinqua exire in aliud oppositū, liqui-

liquidò constabit in Beatis omninò destrui libertatem ex hoc, quòd eorum voluntates præveniuntur à voluntate Diuina ad continuandum actum fruitionis; quia videtur, quòd Scotus neget in illis indeterminationem de possibili dicendo, nunquàm potest, quod non contigisset, si dixisset, causa secunda nunquàm exibat de facto in aliud oppositum.

Huic difficultati facilè respondeo ex eodemmet Scoto ibidem, qui postquàm sub lit. F. dixit, quòd causa perpetuitatis fruitionis non est forma beatitudinis, quasi per ipsam beatitudo formaliter sit necessaria, nec natura potentiarù illarum, quasi circa obiectum necessariò operentur, nec habitus in potentijs quasi necessariò determinans potentias ad operandum: sed est aliqua alia causa extrinseca, scilicet vo-

luntas Diuina, subdit sub lit. G. *Sic dico, quòd nulla est causa in voluntate Michaelis nunc Beati, per quam excludatur à potentia ad peccandum pro alijs in sensu diuisionis; nò est autem causa intrinseca, prohibens istam potentiam omninò reduci ad actum &c.* In quibus verbis non obscure confitetur in voluntate Beati remanere indeterminationem de possibili ad oppositum actum, quantumcunquè præueniatur, ac determinetur à voluntate Diuina ad continuandum actù fruitionis. Ad illud autem, quod adducitur ex 16. Quodl. sub lit. N. vbi dicitur voluntatem Dei non præueniri ab aliqua necessitate respectu actus eliciendi circa essentiam Diuinam, quia tunc duceretur. Respondeo, quòd hoc iure optimo Scotus affirmat: nam benè sequitur, voluntas Diuina necessi-

cessitate præuenitur, vt eliciat actum suum; ergo voluntas Diuina ducitur. Consequentia patet, nam talem necessitatem præuenientem illā, vel haberet ab obiecto, vel ab intellectu Diuino, vel à notitia obiecti; quæ omnia sunt agentia naturalia, & tunc voluntas ageretur, quia vt supra visum est, causa agens in quantum mota eo pacto agit, quo mouetur, id est si mouetur à causa naturali naturaliter agit, si mouetur à causa libera liberè agit. Hinc sequitur, quòd prædictus locus Scoti non contrariatur loco ex 4. quia quantumcunquè voluntas Beati præueniatur & determinetur à voluntate Diuina ad eliciendum & continuandum hunc actum, semper liberè elicit & continuat, & ratio est; quia præmouetur, & prædeterminatur à causa superiori & libera, & quò ma-

gis refert, præuenitur, prædeterminatur, & præmouetur ad eliciendum & continuandum actum fruitionis iuxta exigentiā suæ liberæ naturæ & facultatis: immò in tali præuentione, prædeterminatione ac præmotione voluntatis facultas Beati & non Beati præficitur in suo esse, & libertate, quod colligitur ex Scoto in præcitato loco 4. dist. 49. quæst. 6. sub lit. F. vbi habet hæc verba: *Sed ex sola voluntate Diuina, quæ sicut perficit naturam intentiue, ita conseruat eam in tali perfectione perpetuò &c.* Sed hoc excellentissimè cõfitetur in eodem 4. dist. 19. q. 1. parum supra lit. D. vbi habet hæc formalia verba: *Hoc etiam cõgruit perfectioni causarum secundarum in esse morali, sicut causarum in esse naturali; Deus enim vniuersaliter non negat creaturis causalitatem, quæ potest eis competere:*

tere: immò & illam communi-  
cat, & ad earum actionem cau-  
sis secundis assistit &c. Sentē-  
tia hæc Scoti parijs est damā-  
danda lapillis: non poterat  
enim excellētiori modo ex-  
primere quantam perfectio-  
nem recipiant causæ secun-  
dæ ex influxu causæ primæ  
in ipsis, & earum actioni-  
bus.

Ad confirmationem ref-  
pondetur, quòd est magis ad  
oppositum, quàm ad propo-  
situm: nam dicendo Scotus,  
nunquàm causa secūda præ-  
uenta à causa superiori agē-  
te ad vnum oppositum, po-  
test potentia propinqua exi-  
re in aliud oppositum, idem  
dicit, ac si dixisset, nunquàm  
causa secunda præuenta à  
causa superiori agente ad  
vnum oppositum exit, siuè  
exibit in aliud oppositum;  
quia idem est aliud potentia  
propinqua posse exire in a-  
ctum, ac de facto posse exire

in actum, quia vt patet ibidē  
in quadam actione sub lit.  
Itunc aliquid est in potentia  
propinqua ad operādū, quā-  
do cōueniētia adsunt, & im-  
pedimēta cessāt: si dixisset, nō  
potest potentia remota &c.  
vtiquē argumētum conclu-  
deret, sed peroptimè dixit;  
non potest potentia propin-  
qua &c. Nam non stat, im-  
mò implicat causam secun-  
dam præuenire, prædetermi-  
nari & præmoueri à prima  
ad eliciendum hunc actum,  
& quòd secunda causa de fa-  
cto possit exire in oppositū;  
de possibili tamen sibi id ne-  
cessariò competit, & maximè  
si causa secunda est causa li-  
bera.

Sed contra illud quod di-  
ctum est, scilicet ideò volun-  
tatem nostram non necessi-  
tari simpliciter ex præuētio-  
ne, prædeterminatione, &  
prēmotione ad actū elicien-  
dum & continuandum; quia  
hoc

hoc habet à causa superiori, posset argui, sicuti ibidē sub lit. H. arguit Scotus talī pacto : Si contra naturam voluntatis est, quòd habitus, vel aliqua alia causa inferior ad ipsam determinet eā; necessariò ergo etiam est cōtra eius naturā, immò multò magis si determinetur à causa superiori. Consequētia probatur, per causam inferiorem ad voluntatem tollitur eius indifferentia; ergo etiam immò multò magis per causam superiorem, ergo si determinatio actiua inferioris causę ad voluntatē est contra eius naturam, ergo etiam immò multò magis actiua determinatio superioris causę. Prima consequētia probatur, quia magis determinat causa superior inferiorem, quā è conuerso; ergo superior determinans magis tollit indifferentiam inferioris in agen-

do, quā si inferior determinaret. Cōfirmatur, quia supposita determinatione causę superioris, actio voluntatis non est in potestate eius; ergo tollitur eius indifferentia ad determinationem actiuā causę superioris. Consequētia patet, antecedens probatur : nam nullum inferius, & maximè quod est determinatū habet in potestate sua illud, ad quod determinatur ab agente superiori, quia agit sicuti est motum, seu mouetur à determinante; igitur actio voluntatis sic prædeterminatę non erit laudabilis, seu imputabilis, nec propriè voluntaria, vt colligitur ex Scoto in 3. dist. 13. sub lit. R. & parum infrā in responsione ad primum principale 4. quęst.

Pro responsione ad has difficultates, oportet diligēter animaduertere illam literam Scoti, in qua ipse ibidē

D d ref-

respondet eiusdemmet difficultatibus, quę litera sicut est difficillima, ita pretiosissima continet doctrinam; & nisi legatur sicuti correctā est in nostro Scoto, est omnino imperceptibilis, quia videtur eo pacto, quo iacet nullū facere sensū: sed si legatur sicuti correctā est à me iuxta intentionē Scoti & veritatem, procul dubio facilè percipietur, quę sit ibi intētio Scoti.

Est igitur primò animaduvertendum ex præcitata litera Scoti, quòd duo consequuntur necessariò liberam naturam volūtatis; ita quòd sunt sibi propria, & essentialia. Primum est, quòd voluntas in suo ordine causandi contingētē & liberè causet, & talis contingentia (vt patet ibidem) voluntatis in suo ordine concludit & infert contingentiam simpliciter, idest sufficientem, veram & propriam effectus;

quia cuiuscunq; causæ contingentia concludit contingentem effectum, vt per cōsequens simpliciter contingens est, quòd non peccet voluntas Beati: tamen nunquā eueniet, quia causa superior semper præferuat &c. Et quòd effectus dicatur cōtingens quantumcunq; causa naturalis concurrat ad illum potest probari ex eo, quòd ex præmissa necessaria & altera contingentia sequitur conclusio contingens. Secundum est, quòd ad hoc vt effectus, seu actus procedens ab alia sit omnimodè contingens; ita vt inter contingentiam eius, & contingentiam actus elicitī, sit omnimoda correspondentia, requiritur cōtingentia omniū aliorum concurrentiū ad effectū omnium aliorū, scilicet quę sūt inferiora ad ipsā voluntatem: vnde si est aliquid aliud à voluntate inferius ad ipsam



ipsam concurrere ad actum eius, sicuti est habitus existens à voluntate, & concurrat merè contingenter, sed aliquo pacto determinaret, aut necessitaret ipsum ad elicendum actum, tunc non esset omnimoda contingentia, nec ex parte voluntatis; quia contra eius liberam naturam est, quòd determinetur & necessitetur ab inferiori ad ipsam: nec ex parte effectus, quia stante quòd voluntas esset ab inferiori determinata, tunc necessario operaretur; & consequenter in eius operatione nulla propriè esset contingentia, & hoc est, quod dicit Scotus in præcitato loco, quando dicit: *Repugnat autem libertati eius, quòd contingentia, quæ necessario est ex parte ipsius, non ponat contingentiam simpliciter ibi, idest omnimodam quantum est ex parte omnium inferiorum* &c. Et immédia-

tè subdit, & assignat rationē, scilicet: *Quia tollit ipsam esse causam in ordine superiori* &c. idest si contingentia, quæ necessario consequitur, liberam naturam voluntatis non ponat etiam omnimodam contingentiam in quocumquè inferiori ad voluntatem cum ipsa concurrente ad actum; sed aliquo pacto ab aliquo inferiori determinaretur voluntas, utique tunc eijceretur volūtas ex suo superiori ordine liberè operandi & subiret, & constitueretur in inferiori ordine naturaliter operandi.

Secundò notandum est ex eodēmet loco immédiate inferiùs; quòd non repugnat voluntati, quòd contingentia eius nō ponat contingentiam ex parte effectus simpliciter; idest omnimodam quantum est ex parte causæ superioris, quia causa superior non determinatur ab ip-

fa &c. idest quòd licèt contingētia voluntatis nō ponat omnimodam contingētia in effectu concipiēdo illum in ordine ad causam superiorem (non enim potest ponere omnimodam cōtingentiam in effectu, vt talis effectus dicit ordinem ad volūtātē Diuinam, quia posita prēdeterminatione voluntatis Diuinæ respectu actus eliciendi à volūtate voluntas necessariò elicit : sed necessitas illa est necessitas consequentiæ, & secundum quid ; ergo vt effectus dicit ordinem ad primam causam contingētia voluntatis non ponit in eo omnimodā contingētia) non tamen sibi repugnat ; idest hoc non est contra contingētia absolutam eius & effectus , quia illa necessitas , quæ ad prēdeterminationem Diuinam consequitur in illa & in effectu, est necessitas secundum

quid , quæ composibilis est cum contingētia simpliciter & absoluta : sicuti etiam contingētia secundū quid composibilis est cum necessitate simpliciter, vt potest colligi hīc à Scoto, & in 16. quæst. Quodl. sub lit. M. breuiter ex prædictis omnibus potest colligi de mente Scoti primò , quòd est essētiāle ipsi voluntati , quòd contingenter agat ; secundò quòd ad hoc vt saluetur contingētia in voluntate & eius effectu voluntas , oportet vt ponat omnimodam contingētia in omnibus ad illam inferioribus cōcurrentibus ad effectum , aliter egrederetur à suo superiori ordine causandi ; tertio quòd oportet quòd volūtas ponat omnimodam cōtingentiam in effectu, vt talis effectus dicit ordinem ad superiorem causam , tūm quia non est in potestate sua ; nam causa

sa superior nullo pacto determinatur à causa inferiori, tum quia necessitas consequens in illa, & in eius effectu ad prædeterminationem & concursum causæ superioris composibilis est cum absoluta contingentia sua in operando.

*DOCVEMNTVM V.*

*Respondetur difficultatibus.*

**H**is prænotatis, nunc faciliter respondeo ad primam difficultatē, negando consequentiam; ad probationem respondeo etiam negando iterum cōsequētiā, & dicendo ad probationē verē esse volūtatē magis determinari à causa superiori loquendo de determinatione quò ad exclusionē indeterminationis, quàm à causa inferiori: nam vt aliàs visum est, omnis causa

secūda absoluto decreto Dei prædeterminata est ad hūc actum efficaciter in tempore, ab influxu Diuino præmouetur ita ad illum; quòd de facto & in sensu composito nō potest in oppositum: sed falsum est, quòd voluntas magis determinetur à Deo determinatione naturali opposita determinatione contingenti; Deus enim cū sit superior causa, ad voluntatem liberē operans ad extra, & omnia potens prædeterminat omnes causas iuxta exigentiam propriarum naturarum: si causa libera est, prædeterminatur & cōcurrit cū illa iuxta liberam suam naturam; si verò naturalis est, econtrā fit. Illud autem vt colligitur ex Scoto in 4. dist. 49. quæst. 10. sub lit. D. quod est inferius ad voluntatem, & quod cum illa concurrat ad eius operationem, cū quidquid sit, sit agens natu-

naturale: si determinaretur voluntas ab eo, utique destrueret suam indifferentiam & libertatem; quia cum nemo det, quod non habet, illud tale inferius ad voluntatem non posset determinare voluntatem iuxta exigentiam suæ liberæ naturæ, & consequenter determinando eā opposito modo, destrueret suam indifferentiā. Repugnat ergo voluntati, quod determinetur in suo ordine contingenter causandi, & nihil aliud sibi primum repugnat, quæ repugnātia nullo pacto prouenit sibi à causa superiori prædetermināte & promouente illā iuxta liberam suā naturā; quod utiq; accideret sibi, si à causā inferiori prædeterminarerur. Et hinc est, quòd Scot.in præcit. loco 4. sub lit.F. negat voluntatem Beati determinari ad continuandum actum fruitionis ab aliquo alio à voluntate

Diuina; quia illud aliud necessitaret voluntatem Beati.

Ad confirmationem respondendo distinguendo antecedens, scilicet supposita determinatione Diuina, actio voluntatis nostræ non est in potestate eius, quò ad determinationem oppositam, seu quò ad exclusionem illius, vel quò ad primò primā determinationem, & verum est antecedens: nam actio voluntatis nostræ supposita prædeterminatione Diuina non est in potestate nostra, ita ut voluntas nostra possit oppositū determinare de facto, aut elicere actū oppositū prædeterminationis Diuinæ; quia ut habet Scot.in 1. dist. 40. q. vn. sub lit. D. & in 1. dist. 17. q. 2. supra lit. H. H. dicit: *Quia causa secunda semper sequitur motionem causæ primæ, nec potest moueri ad oppositum illius, ad quod causa prima mouet* &c. Non potest stare ordinatio

natio Dei cū opposito eius, quod ordinauit, nec est in potestate nostra actio voluntatis nostrę quò ad exclusionem illius; quasi verò supposita prædeterminatione voluntatis Diuinę respectu volitionis nostrę possit voluntas creata excludere & impedire Diuinum propositum, vel infallibilem & immutabilem euentū & executionē illius: non (inquam) sic est in potestate nostra nec prædeterminatio Diuina, nec actio nostra iuxta illud Esther. 13. *Nec est, qui tuę possit resistere voluntati, si decreueris* &c. Nec est in potestate nostra actio nostra, quò ad primam determinationem & fundamentalem: nam vt supra visum est, Deus ab æterno prædeterminauit omnia futura contingentia; si verò intelligatur antecedens quòd supposita prædeterminatione Diuina actio volun-

tatis nostrę non esset in potestate eius: quasi verò merè passiuè se habeat ad actionem suam, ità quòd nullo pacto ipsa actiuè concurrat etiam seipsam determinādo ad operationem; falsum est antecedens, nam vt supra demonstratum est ex multis locis Scoti, & præcipuè in. 16. quæst. Quodl. parum supra lit. V. *Ipsamet voluntas est tale actiuum, quòd seipsam determinat in agendo* &c. Immo vt patet ex Scoto in 4. dist. 19. quæst. 1. sub lit. C. Deus non negat creaturis causalitatem, quæ potest eis competere, & creaturę in earum actionibus redduntur perfectiores ex influxu Diuino. Et hac distinctione antecedentis præmissa negatur tunc consequentia, antecedens probationis exponatur sicuti primum antecedens ad illud quod dicitur, quòd voluntas nostra mouet sicuti mota,

mota, & quòd mouetur à determinatione ipsa ad mouendum: respondeo hoc verum esse; sed hoc tamen fieri absquè præiudicio actiuitatis contingentiae, & libertatis eius. Ad illud quod ultimo infertur, scilicet actionem voluntatis non esse sibi imputabilē, respondet Scotus in 4. dist. 49. quæst. 6. sub lit. R. quòd sibi imputabilis est pro quanto ipsa voluntas in suo ordine contingenter se determinat, idest ita se determinat, quòd potest se determinare; quia vt dicit Scotus in primo dist. 2. quæst. 2. parùm supra lit. S. *Illud est contingens, cuius oppositum posset fieri, illud fit &c.*

Sed contra id quod supra dictum est, scilicet non fieri præiudiciū nostræ libertati ex hoc, quòd à Deo determinatur ad vñum, quia semper remanet indeterminatio de possibili tùm in

Deo, tùm etiam in voluntate nostra, est Scoti in 4. dist. 44. quæst. 2. præcipuè sub lit. L. vbi habet hæc verba: *Illam autem detentio in consideratione intentissima ignis impedit primam libertatē &c.* Ex quibus verbis, & etiam in tota illa quæstione Scotus vult fieri præiudiciū libertati Dæmonum ex hoc, quòd à Deo detinentur, & determinantur in consideratione ignis & apprehensione illius: & hæc est maxima pœna, quam patiuntur, quia ex tali consideratione impeditur in eis vsus liber eorum voluntatis, & tamen non obstante quòd determinantur ad hanc numero considerationem & apprehensionem, adhuc remanet tùm in Deo, tùm in illis indeterminatio de possibili, & tamen cùm hoc fit præiudiciū eorum libertati; ergo à simili fit etiam præiudiciū nostræ libertati, &

ti & etiam Beatorum ex hoc, quòd à Deò determinantur in consideratione & apprehensione volitiua illius obiecti infiniti, siuè ex hoc quòd nostræ voluntates prædeterminantur, & præmouentur ad vnum.

Huic difficultati respōdetur negando similitudinem, & ratio negationis est; quia Deus detinet & determinat Dæmones in consideratione & apprehensione ignis vt obiecti disconuenientis contra eorum naturalem inclinationem, secundum quam ipsi appetunt liberum vsum potentiae volitiuæ, vt dicit Scotus in præcitato loco 4. parum supra lit. D. scilicet: *Et ad istud nolle inclinat effectio commodi, secundum quam appetit liberum vsum potentiae* &c. idest quia Angelus malus habet nolle detineri perpetuò ab igne, & specialiter sub ista ratione ex sententia

Diuiua, vel voluntate Diuina illic effectiue detinente, & ad illud nolle inclinat ipsum sua effectio commodi, secundum quam effectiorem; idest iuxta & correspondenter ad quam affectionem habendi commodum, seu obiecta commoda, & conuenientia ipse appetit liberum vsum potentiae, idest quòd sicut ipse indifferens est ad quodcunque corpus & obiectum conueniens: sic ex innata sua libertate vellet se facere præsentem cuicunque corpori, & non tamen igni, & vellet habere obiecta sibi conuenientia, & non potest, quia prohibetur; vnde necessitatur simpliciter, quia ad talem considerationem & apprehensionem ignis vt obiecti disconuenientis ipse non concurrat actiue. Et hæc forsitan est intentio Scoti ibidem sub lit. N. vbi respondens ad quandam obiectionem, que

Ec vide-

videbatur inferre esse in potestate Dæmonum tritari, vel non tritari, habet hæc formalia verba: *Ad aliud nō est in potestate eorum illud nolle, vel non nolle sicut tangetur de continuatione mali actus in eis, cuius causa fortè est actio de cōtinuatione causæ superioris agētis ad aliquod uniforme in eis propter demeritū præcedēs, ad quod uniforme sequatur uniformiter afflictio eorū, & propter hoc nō potest aliquis remissius nolle, quāmodo nolit; quia sicut non est in potestate eius actus, ita nec modus actus: & sicut causa superior uniformiter agit ad nolle, propter quod causa inferior non potest difformiter agere ab ipsa; ita uniformiter agit ad intentionem huius nolle &c.* Ex quibus verbis videtur prima fronte posse colligi Dæmones non concurrere ad actiue considerationem & apprehensionem obie-

cti disconuenientis: sed reuerà non ita est, quod liquidò claret, si expendatur in fine prædicti loci illud verbum actiuum, agit, ex quo non obscure colligitur Scotū velle Dæmones actiue cōcurrere ad eorum afflictionem.

Sed quidquid sit de hoc præcipue vsus liber, seu ipsa libertas impeditur in Dæmonibus ex eo, quod determinantur & detinentur in consideratione & apprehensione ignis cōtra eorū naturalem inclinationem: Ex qua detentione in cōsideratione intentissima ignis, ut dicit Scotus ibidem sub lit. L. Ideò impeditur in eis prima libertas, quia per hoc impeditur intellectus eorum perfectè considerare alia considerabilia; sed detentio definitiua ab igne non impedit nisi secundam, scilicet liberum usum potentie motiue, ut non possit se fa-



*se facere presentem cuicumque corpori &c.* Non sic verò se habet Deus respectu voluntatis Beatorum & viatorum, quia quantumcunque illorum & istorum voluntates detineantur ad vnum; quia tamen detentio & prædeterminationis est, & fit iuxta eorum liberam naturam & exigentiam suæ naturalis inclinationis, ita ut ipsi etiam se determinent ad prædeterminationem Diuinam, & actiue concurrant ad actum. Hinc est, quòd nullum fit præiudicium eorum libertati, sicut fit libertati Dæmonum; qui licet actiue concurrant ad considerationem & apprehensionem ignis per voluntatem; quia hoc totum fit contra affectionem commodi, seu naturalem eorum inclinationem, dicuntur carere prima libertate. Hinc colligitur parum referre, ut saluetur libertas in aliquo,

quod remaneat in illo & in prædeterminate indeterminatione de possibili; quia ut patet in Dæmonibus detentis definitiue in igne, & in consideratione, & apprehensione illius remanet indeterminatione de possibili, & etiam in Deo detinente: & tamen hoc non obstante adhuc fit præiudicium eorum libertati, sed oportet ad hoc ut saluetur libertas alicuius prædeterminati ad vnum; quòd prædeterminatio sit iuxta eius naturalem inclinationem, ita ut non dicatur cogi.

*DOCUMENTVM VI.*

*Soluens vnā difficultatem.*

**S**ed incidenter hinc quaeritur, quid Scotus intelligat in præcitato loco per primam & secundam libertatem? Pro cuius explica-

Fe 2 tione

tionem notandum est, quòd voluntas est Regina potentiarum in Regno animæ & corporis insimul; vnde ipsa potest imperare potentijs omnibus exceptis vegetativis, & quibusdam alijs, vt potest colligi ex Scoto in 4. quæst. Prologi parùm supra lit. B. sed etiam potentiæ vegetatiuæ sunt quodamodò in potestate voluntatis quatenus scilicet potentiæ vegetatiuæ, vt patet ex Scoto in 2. dist. 42. sub lit. P. respondendo ad quæstionem tertiã, vbi tractat quomodò operationes aliarum potentiarum sunt in potestate voluntatis, dependent à potentia motiua, quæ vt patet ibidem, & præcipuè sub lit. N. est, in obiecta seruii respectu voluntatis; ex quo infertur omnes potentias humanas dependentes in suis actionibus à potentia motiua, cui volûtas dominatur dominio disposi-

to eodem dominio esse subditas voluntati. Ex eo igitur quòd voluntas est imperatrix omnium aliarum potentiarum etiam potentiæ intellectiuæ, vt patet ex Scoto in primo dist. 3. qu. 7. sub lit. X. in 2. dist. 25. quæst. vnica in responsione ad vltimum, & in eodem 2. dist. 42. sub lit. D. sed intellectus nõ subest voluntati, nisi quòd ad secundam intellectionem, vt patet ibidem in 2. dicitur esse libera quatenus ad libitum potest illis vti & imperare; & ex opposito nõ dicitur esse libera, si impeditur in illa liber vsus potentiarum: immò quòd potentia, respectu cuius in ipsa impeditur liber vsus, est nobilior; eò dicitur magis impediri eius libertas, & quia inter potentias subditas voluntati intellectus est potentia nobilior, vt patet, ergo si respectu potentiæ intellectiuæ impeditur in  
volun-

volūtate liber vsus, ita quod suo beneplacito non possit vti illa, & cōuertere ad quęcumquē intelligibilia, multo magis dicitur impediri libertas voluntatis, quam si eius liber vsus impediatur respectu cuiuscunque alterius potentie ab intellectu. Hinc est quod Scotus dixit, detentionem in consideratione intentissima ignis impedire in Dęmonibus primā libertatem, detentionem verò definitiuam ab igne impedire secundam; quia ex eo quod intellectus est prima inter potentias subditas voluntati, in illo ergo dicitur impediri prima libertas, qui non potest habere liberū vsū potentie intellectiue: ex eo verò quod alię potentie dicuntur secundę in cōparatione ad intellectum, in illo igitur dicitur impediri secunda libertas, qui nō potest habere liberum vsū se-

cundarum potentiarum; & hæc est germana intentio Scoti in præcitato loco 4. nō enim debet intelligi, quod ex priuatione liberi vsus potētię intellectiue in Dęmonibus destruatür prima libertas, idest indifferentia voluntatis: nam cū illa, vt patet ex Scoto in mille locis, sit de essentia voluntatis; non potest destrui, remanente voluntate,

### *D I F F I C. A L I A.*

**S**Ed contra hoc potest esse dubium; nam voluntas de mente omniū Theologorum non potest cogi, & assignatur ratio; quia violentari & cogi idem sunt, & violentari, vt patet ex Scoto in prima quæstione Prologi respōdendo ad quæstionem, est recipere aliquid contra naturalem inclinationē, ergo malè dictum est voluntatem

*Da.*

Dæmonum detineri à Deo in consideratione ignis contra eorum naturalem inclinationem; quia tunc violentaretur, quod est falsū, quia cū violentari & cogi idem sint, si voluntas non potest cogi, nec etiam potest violentari: immò probatur, quòd voluntas non potest violentari, & consequenter nec cogi, quia voluntas nihil potest recipere contra suā naturalem inclinationem; ergo non potest violentari, consequentia patet ex definitione violentari. Antecedens probatur, quia voluntas vel recipit velle, vel nolle, vel aliquem habitum ad quæ omnia habet naturalem inclinationem; ergo nullo pacto potest violentari.

Huic difficultati facilis est responsio, si aduertatur duplicem esse inclinationem naturalem in voluntate altera, quæ idem est, quòd po-

tentia passiva voluntatis & contra hanc naturalem inclinationem verū est, quòd voluntas nihil potest recipere, & consequenter nō violentari, & ratio est; quia voluntas habet naturalem inclinationem, idest potentiā passivā ad omne illud, quod potest recipere, quod nihil aliud est nisi actum, vel habitum: altera verò idem est, quòd affectio commodi secundum quam voluntas inclinatur ad recipiendum perfectiones; & contra hanc inclinationem potest recipere aliquid voluntas eliciendo aliquem actum, qui est contra illud, ad quod affectio commodi inclinatur & tendit, & hoc vult dicere Scotus in 4. dist. 44. quæst. 2. parum supra lit.D. quando dicit: *Et ad istud nolle inclinatur affectio commodi, secundum quam appetit liberum actum potentie* &c. & in præcitato loco sub lit.H.

lit.H.dicit : *Tertiò odit, & sicut priùs istud odium oritur ex affectione commodi, ex qua vult quodcunque obiectum pro vt sibi delectabile fuerit considerare hoc, & nunc illud &c.* Vel saltem voluntas dicitur violentari ex eo, quòd non potest vti potentijs sibi subditis ad exercendum operationes circa illa obiecta, atq; ipsa inclinatur ex affectione commodi.

Sed contra hanc distinctionem inclinationis naturalis est Scotus in 3.dist. 17. quæst.vnica in responsione ad vltimum, vbi habet hæc verba: *Vndè naturalis voluntas non tendit, sed est ipsa tendentia, qua voluntas absolute tendit, & hoc passiuè ad recipiendum; sed est alia tendentia in eadem potentia, vt liberè & actiuè agat, & tendat eliciendo actum, ità quòd in vna potentia est duplex tendentia actiua & passiua &c.*

Igitur si effectio commodi nihil aliud est, quàm tendentia & inclinatio passiuæ; ergo nulla est differentia inter affectionem commodi, & potentiam passiuam voluntatis, vt patet; igitur nihil ad propositum præfata distinctio.

Ad hoc respondeo negādo idē esse primam & secundam inclinationem naturalem, & concedendo id, quod dicit Scotus, scilicet affectionem commodi nihil aliud esse, nisi tendentiam passiuam: sed non idem debet inferri esse idem cū potentia passiuæ, & ratio est, quia vt colligitur ex Scoto in primo dist. 1. quæst. 1. in responsione ad vltimum; in materia prima sunt tot potentia passiuæ, quot sunt formæ, ad quas naturaliter inclinatur, vt peroptimè aduertit Lichetus: & tamen vna non alia formaliter, ergo etiam poten-

potentia passiva voluntatis non est eadem formaliter affectioni, siue appetitui commodi voluntatis; quia appetitus licet sit tendentia passiva, & non dicat actum elicatum, ut patet ex Scoto in pluribus locis, & præcipue in præcitato loco 3. & in eodem dist. 18. q. unica parum supra lit. M. tamen hoc non obstante addit aliquid aliud supra potentiam passivam, scilicet quendam motum naturalem. Prima enim inclinatio nihil dicit, nisi potentiam passivam; secunda vero dicit potetiam, passivam & motum quendam naturalem. Et hæc videtur esse intentio Scoti in præcitato loco 3. q. 18. parum supra lit. M. ubi loquens de eiusmodi affectione commodi, seu motu naturali, qui idem est; habet hæc verba: *Et ideo in Demonibus manet ille locus sic rectissimus, sicut & natura; quia non est*

*realiter aliud à voluntate, licet non sit idem sibi formaliter, unde ille motus non est, nisi habitus motus, idest naturæ in esse primo, ergo &c.*

## DOCUMENTVM VII.

**D**Ozens nostram voluntatem dependere à prima causa non solum in volendo simpliciter ita, quod non potest habere exercitiū actus secundi nisi præmoueat & applicetur à Deo, sed etiam in sic, & sic volendo: & hæc est expressa sententia Scoti in pluribus locis, & præcipue in 4. dist. 48. quæst. 1. sub lit. D. ubi explicans: *Quod iudicare principaliter in iudicio futuro non competit Christo, secundum quod homo aduertit, & dicit intellectum animæ Christi subordinatum esse Diuinæ veritati in dictando & maxime de illis, de quibus non potest esse certa dictatio,*

tio, nisi ex regulis determinatis à voluntate Diuina contingenter se habente ad eas cuiusmodi sunt omnia, quæ spectant ad beatitudinē indicatorum; voluntas etiam ipsius est subordinata voluntati Diuinae rectè volendo, & quantumcunque efficaciter velit aliquid illud imperando sic, quòd per suum imperium illud eueniat, subordinatur necessario voluntati Diuinae, quia illa voluntas animæ Christi non est omnipotens &c. Ex quibus verbis obscure colligitur intellectum nostrū nihil posse dictare, nisi dependenter à prima veritate & nihil posse voluntatem nostram efficaciter velle, nisi dependenter etiam à volūtate Diuina; sed hoc non obstante, quod voluntas creata in volendo dependeat à voluntate Diuina, adhuc ipsa etiam determinat se in suo ordine quantum est sibi possibile ad eliciendum

actum volitionis, & hoc expressit Scotus in præcitata quæstione parum suprā, & sub lit. F. vbi dicit: *Vt sic persona illa habeat imperium efficax, cuius voluntas creata determinat euentum alicuius in suo ordine quantum potest, hoc modo voluntas animæ Christi determinat subauthenticè siuè commissariè tali commissione; quòd licet illa voluntas non imperet principaliter, sicut nec principaliter dominabitur: tamen benè imperat sicut habens dominium respectu imperati &c.* Ex quibus verbis si expendatur illa, in quibus dicitur, cuius voluntas creata determinat euentum alicuius in suo ordine, quantum potest; absquē dubio comperietur Scotum docere voluntatem creatam etiam actiue determinare aliquid quantumcumq; prædeterminatum à voluntate Diuina, sed cum hac disparitate, scilicet

F f      licet

licet quia voluntas Diuina, independēter, & principaliter determinat; voluntas verò creata subauthēticè, & commissariè, idest dependenter & minùs principaliter determinat: nam cùm dicit Scotus ibidem sub lit.D. *Nihil dicitur principaliter agere aliquid, quod in agendo est causa subordinata alicui alteri principali &c.*

Sed aliquis posset hìc dicere quòd id, quod supradictum est, benè verificatur de Christo & de quocunque alio Beato, qui ex eo quòd Deus præuenit eorum volūtates necessariò informantur regulæ superiori, & consequenter in quacūquē actione dependet à Deo; sed non potest tamen verificari in nobis, quorum voluntates cùm non præueniantur à voluntate Diuina, possunt ex innata libertate velle quidquid sibi placuit, & quomo-

dò sibi placuerit.

Respondeo, quòd hoc nihil est: nam inter viatores & Beatos in hoc, quòd volēdo dependent à Deo nulla est differentia, & ratio est; quia dependentia adeò est essentialis ipsi creaturæ in quocunque esse, idest in essendo & operando, quo impossibile est & contradictionem inuoluit eiusmodi dependentiam posse tantillum variari per hunc vel alium statum. Beati supra viatores ex præuentione Diuina nihil aliud addunt, nisi potentiam propinquam deficiēdi; vt supra visum est; igitur id ipsum, quod affirmat Scotus de Christo iudicaturò viuos & mortuos, necessum est etiam de quocunque alio affirmare, siuè sit Beatus, siuè damnatus, siuè viator, siuè sit in Purgatorio.

Insuper quòd voluntas nostra depēdeat à voluntate

Dei



Dei in sic & sic, idest in remissè & intensè volèdo, patet ex Scoto in 4. dist. 44. quæst. 2. sub lit. N. ubi excludendo quandam instantiam, in qua inferebatur esse in potestate Dæmonis non cruciari, habet hæc verba: *Sicut in potestate eius non est actus, ita nec modus actus; & sicut causa uniformiter agit ad nolle, propter quod causa inferior non potest difformiter agere ab ipsa, ita uniformiter agit ad intentionem huius nolle &c.* Ex verbis liquidò patet creatam voluntatem dependere à volūtate Diuina in remissè & intensè volendo ex hoc, quòd actus non est in potestate voluntatis creatæ; quòd non est intelligendū, scilicet quòd idèò actus voluntatis nō sit in potestate eius, quòd ipsa effectiuè non concurrat ad illū, & etiam se nō determinando saltem secundariò: non (inquam) sic est intelli-

gendum, quia vt supra probatum est voluntas creata quantumcumquè prædet erminetur, & præmoueatur à Deo ad operandum semper actiuè concurrat ad actū seipsam etiam determinādo; sed non est in potestate eius, quia non est volūtas creata, quæ determinat actum & intentionem, vel remissionem actus: sed voluntas Diuina hoc primò efficit ab æterno, & in tempore postea præmouet, & applicat voluntatem ad operandum correspondēter ad prædeterminationem æternam; & voluntas creata quasi secundariò in tempore seipsam determinet, & mouet ad operādum correspondenter ad prædeterminationem, & præmotionem Diuinam: idest quòd volūtas creata ad illum tantum actum & intentionem, vel remissionem illius se determinat & mouet; ad quem a-

F f 2      ōtum

ctum & ad cuius intensi-  
onem, vel remissionem Deus  
predeterminauit illam ab  
æterno, & in tempore de-  
creuit præmouere, & appli-  
care.

Sed contra hoc potest ar-  
gui, nam Scotus in pluribus  
locis habet quemlibet actum  
posse esse intensiorem ex  
maiori conatu potentie eli-  
cientis illum; ergo actus vo-  
luntatis nostre non necessa-  
riò, ideò est sic intensus, quia  
voluntas Diuina predeter-  
minauit, & præordinauit il-  
lum ad tantam intensio-  
nem, ergo voluntas nostra  
non necessariò dependet à  
Deo, vt intensè vel remissè  
velit.

Ad hanc difficultatem,  
quæ iuxta doctrinam Scoti  
non est parui ponderis. Res-  
pondeo admittendo de mente  
eius actum voluntatis posse  
esse, immò de facto esse in-  
tensionem, si ex maiori actu

eliciatur: sed negatur con-  
sequentia, & ratio nega-  
tionis est; quia cum cona-  
tus voluntatis nil aliud sit  
nisi vis & virtus ipsius, quæ  
virtus est finita, & limita-  
ta, consequenter sicut de-  
pendet à Deo in simplici-  
ter operando, sic etiam de-  
pendet ab illo in sic & sic  
operando: nam naturali,  
consequentia sequitur, vo-  
luntas nostra dependet à  
Deo in operando simplici-  
ter; ergo voluntas nostra de-  
pendet à Deo in sic & sic o-  
perando, aliter ex opposito  
consequentis sequeretur op-  
positum antecedentis, quòd  
antecedens superius de mē-  
te Scoti, & iuxta veritatem  
fatis abundè probatum est  
esse verum; ita quòd oppo-  
situm sit impossibile, & im-  
plicet contradictionem. Ad  
Scotum verò dicimus, quòd  
quando ipse dicit actum vo-  
luntatis esse intentionem,  
si ex

si ex maiori connatu eliciatur, verum dicit; non tamen excludit prædeterminationē, & præordinationem Diuinam.

Probatur etiam hoc de mente Scoti, quia vt in alia (quod probatum est vsque ad nauseam) Deus non cognoscit futura contingentia nisi in prædeterminatione suę voluntatis: tunc sic sicut est merè contingens, quòd voluntas operetur, sic etiam est merè contingens, quòd sic vel sic operetur; ergo sicut Deus prædeterminauit voluntatem operari, sic etiā prædeterminauit eam sic & sic operari. Prima consequētia patet, quia aliter Deus non cognosceret omnia cōtingentia in prædeterminatione sua.

Potest etiam iterum probari de mente Scoti; ipse enim vult in pluribus locis, & præcipuè in 2. dist. 1. q. 6. sub

lit. H. in 4. dist. 22. q. 1. sub lit. G. H. & I. & in eodem 4. dist. 50. sub lit. A. & B. & in 2. dist. 6. qu. 2. parum supra lit. I. & sub lit. M. quòd Beatitudo datur correspondenter menti voluntatis creatę; itā quòd ex præcitato loco 4. cuiuscunque gradui meriti correspōdet proprius gradus glorię essentialis: sed omnia merita in ordine ad vitam æternam sunt præordinata à Deo; ergo etiā omnes gradus meritorum, ergo voluntas creata nihil aliud potest mereri, nisi illud quod est præordinatum à Deo, seu ergo voluntas creata nō plures gradus meriti, nisi illud quod est præordinatum à Deo, seu ergo volūtas creata non plures gradus meriti in ordine ad consequendam gloriam, quam præordinauit Deus; ergo voluntas creata non solum à Deo dependet in simpliciter volendo, sed etiam

etiam in sic & sic volendo. Prima consequentia patet, quia si simpliciter omnia merita sunt à Deo præordinata; ergo etiam omnes gradus meritorum, quia non est maior ratio de vno, quàm de alio. Secunda consequentia patet; quia si merita & gradus illorum sunt à Deo præordinati, sequitur quòd voluntas creata non potest habere plures gradus meritorum, quàm Deus præordinauit; quia vt patet ex Scoto in primo dist. 40. q. vnica sub lit. D. non potest stare ordinatio Diuina cum opposito eius, quod ordinauit. Vltima consequentia patet, probatur etiam illud, quod est subsumptum, scilicet: sed omnia merita &c. & probatio desumitur ex Scoto in primo dist. 41. q. vnica sub lit. A. vbi postquàm dixit Deum ex eo, quod est ordinatissimè volens priùs velle

creaturæ beatificabili finē, idest beatitudinem, quàm ea quæ sunt ad finem, idest merita ad consequendam beatitudinem, subiungit: *Et quasi posteriùs vult sibi alia, quæ sunt in ordine illorum, quæ pertinent ad illum finem; sed gratia, fides, merita & bonus vsus liberi arbitrij omnia ad istum finem sunt ordinata &c.* Et parùm supra lit. A. ibidem §. *Sed contra &c.* dicit: *Quia Deus non præuidet istum benè vsurum libero arbitrio, nisi qui vult, vel præordinat istum benè vsurum eo &c.* Ex quibus verbis non obscurè colligitur Deū præordinare omne meritum, & quidquid fecit ad consecutionem gloriæ; ergo &c. Idē etiam colligitur ex 4. dist. 50. q. 6. sub lit. N. vbi explicans inæqualitatem pœnæ damni damnatorum, habet hæc verba: *Sic autem potest dupliciter intelligi inæqualis; primò*

*primò quia esset carentia inæqualis , quia inæqualiter ordinati ad beatitudinem, quia ad alios & alios gradus beatitudinis &c.* Ex quibus verbis clarè patet de mente Scoti electos esse præordinatos ad alios & alios gradus gloriæ , & hoc iuxta præordinationē graduum meritorum .

Sed aliquis hìc posset dicere , quòd benè verum est Deum præordinare actum , & intentionem eius loquendo de actu meritorio ; sed minimè hoc verum est loquendo de actu non meritorio .

Respondeo, quod hoc nihil est: nam ratio quare Deus præordinat hunc actum & intentionem eius , non est quia meritorius est; sed quia omnis actus cōtingens quicūq; sit ille secundum omnes conditiones existentiae debet dependere ex decreto Diuino ad hoc vt Deus possit

habere creatam & infallibilem notitiam de illo. Igitur cūm omnis actus etiam nō meritorius sit merè contingens, necessariò præordinatur à Deo quò ad esse, & quò ad intentionem .

Probatur iterūm principale intētum de mente Scoti ; nam vt ipse dicit in pluribus locis , & præcipuè in 3. dist. 13. q. 2. sub. lit. M. & in 4. dist. 50. parū supra lit. A. appetitus naturalis est ad summam perfectionem possibilem in specie: & tamen hoc non obstante nullius appetitus , excepto illo animæ Christi, satiatur summa perfectione; quia cūm vt supra visum est, gloria non detur correspondenter appetitui naturali : sed correspondenter meritis, quia à Deo vnicuiquè præfigitur , vt nihil plus beatitudinis appetat , quàm Deus correspōdenter vnius cuiusquè meritis dis-

po-

posuit vnicuiquē dare; & hæc est sententia Scoti in præcitatæ locis & 4. sub lit. B. vbi habet in primo loco hæc verba : *Sed cum dicis, quod voluntas libera erit recta, si consonet voluntati; dico quod non semper, sed tantum quando cum hoc consonat voluntati superiori, scilicet voluntati Divine, quando vult illud, quod Deus vult eam velle* &c. Et in secundo loco habet : *Sed Beatus non vult habere maiorem beatitudinem, quam Deus vult eum habere* &c. Ex quibus locis non obscure colligitur Deum præfixisse vnicuiquē tantam volitionem beatitudinis, quanta sunt merita, quæ etiam vt supra visum est, sunt ab ipso præordinata & prædeterminata; ergo voluntas nostra dependet à Deo simpliciter in volendo hæc & illa obiecta, & in modo volendi quantumcunque appetitus naturalis

sit ad summam perfectionem.

Sed contra hoc potest argui, nam Scotus in 2. dist. 6. quæst. 2. parum supra lit. I. explicat multos modos, quibus mali Angeli potuerunt peccare sequendo naturalem inclinationem non conformando se regulæ superiori; ergo si Angeli mali vt patet ibidē & sub lit. M. non correspondenter meritis, sed correspondenter appetitui naturali appetuere beatitudinem : Igitur non est à Deo vnicuique præfixa tanta volitio beatitudinis, quanta sunt merita ab ipso prædeterminata & præordinata. Probatur etiā, quod sub lit. I. Scotus dicit : *In potestate voluntatis, vt libera est in eliciendo actum, est tantum inclinari, vel minus* &c. Si ergo est in potestate voluntatis tanta, vel tanta inclinatio ad beatitudinem; ergo non est sibi à Deo

à Deo præfixa correspondēter meritis .

Difficultas hæc prolixiorē & accuratiorē requirit discussionem , quia in ea inuoluitur ardua illa quæstio , in qua disputatur ; quomodo Deus concurrat ad materiale peccati , & quomodo dicatur prædeterminare illud , & ideò differatur vsquē ibi eius solutio ? Pro nunc dicitur solum , quod viator vt sic potest velle aliquid aliud , quàm sit sibi præfixum à Deo ; sed istud aliud non est aliquid positium , sed priuatiuū seu defectiuū . Impossibile est , vt suprà visū est , & implicat contradictionē , volūtātē creatā siuē in via siuē in patria verē aliquid aliud positū ab eo , quod est sibi à Deo præfixum : sed se sola potest velle priuatiuū , idest potest esse causa defectiua non tribuendo actus rectitudinem illam , quā de-

beret tribuere ; & hinc est , quod mali Angeli potuerūt appetere beatitudinem secundum naturalem appetitum , & hoc appetere seū deficere in illis ; & ideò Scotus dicit esse in potestate voluntatis tantum , vel minùs inclinari ; idest , est in potestate voluntatis non deficere à rectitudine . Et hoc est , quod dicit Scotus in præcitato loco 2 sub lit. L. vbi affirmans etiam in bonis Angelis fuisse inclinationem naturalem ad beatitudinem dicit : *Quòd boni in eliciendo actum non utebantur voluntate secundū eius rationem imperfectam , sed utebantur voluntate secundū perfectam eius rationem , quæ est libertas ; agendo scilicet secundum voluntatem eo modo , quo congruit agere liberè in quantum liberum agit : hoc autem erat secundum regulam superioris voluntatis determinantis & hoc iuste* . Hæc ille

G g      &c.

&c. Ex quibus verbis si expēdatur etiā illa particula, *determinantis*; vtiquē manifestum fiet Scotum voluisse, Angelos bonos id solūm appetiisse secundum merita, quōd solūm correspondenter illis fuit sibi à Deo determinatum, sicut etiam merita fuerunt eis à Deo determinata. Beati autem hoc addunt suprā viatores; quōd illi ex prēuētionē Diuina nūquā possunt potētia propinqua deficere: isti verō possūt potētia propinqua deficere, & hoc est, quod dicit Scotus in 2. dist. 5. quēst. 1. sub lit. B. scilicet; *Quōd voluntas viatorum mutabiliter, Beatorum verō fixē vult &c.*

### PROPOSIT. XXIII.

*Ostenditur à quo, & qualiter determinetur animata potentia.*

**R**eperitur vlteriùs quōrumdam aliorum en-

tium indeterminatio determinabilis per habitum ex actuum reiteratione productum in illis; & ista contra distinguuntur ab entibus, ita seipsis perfectē determinatis ad vnum, vt quantumuis & quomodocunquē suos exerceant & reiterent actus, nunquā in ipsis nē minimus quidem producitur habitus: quemadmodū experimēto cōstat in lapide, qui si violenter sursum, vel naturaliter deorsum milliēs projiciatur, neutiquā in ipso ex infinitē reiteratis actibus ad ascensum, vel descensum expeditior & prōptior redditur; quod vtiquē contingeret, si ex actuum frequentatione sibi tantillum habilitatis requireret. Ita Scotus indicat in 2. dist. 3. quēst. 11. sub lit. D. & in dist. 9. quēst. 2. sub lit. X. sed asserit euidenter in eodem. 2. dist. 3. q. 10. sub lit. K. vbi respōdēs ad 2.

Hen-



Henrici rationem , qua probat necessariò fuisse creatum Angelico intellectui scientialem habitum quendam ; aliter ex actuum exercitio posset illum acquirere, quod esset absurdum, sic ait: *Ad secundum dico, quòd Angelus non potest generare in se habitum ex actibus ; habitum dico, qui sit alia res à specie, quia habitus non generatur in naturaliter inclinatis suè in summè determinatis ad unum, sicut non generatur in graui per quotiescunq; descendere ratio descendens: nec generatur in uiolenter motis per quotiescunq; et aliter moueri aliqua ratio, vel habitus facilitans, vel habitus ad tale motum violentum; sicut patet de lapide moto sursum. Sed generatur in potentijs de se indeterminatis, ad actum per actum frequenter elicitum; non autem est imperfectionis, aliquem intellectum creatum esse summè habilitatum ad intellectum, quòd si aliquis est ta-*

*lis, erit Angelicus: Et ita in illo sicut in summè habilitato ad actum, non poterit generari habitus aliqua, quæ dicatur habitus illo modo.*

In 3. verò dist. 33. q. vnica sub lit. D. in vniuersum explicat, quæ sint ista summè determinata, dum inquit: *Nam à puris agentibus naturalibus omnes remouent habitus ; quia ex se sunt summè inclinata &c.* Cæterum ne sub nomine puri naturalis agētis cuncta simpliciter comprehenderentur agentia naturalia, quòd esset manifestè falsum; in eadem igitur questione sub lit. M. magis limitat, & specificat quæ sint illa, ex quibus excluditur habitus: ibi siquidem premisso, *Quòd etiam in parte corporis potest esse virtus & habitus, sicut patet in manu scriptoris & pictoris; manus enim mea inexercitata inhabilis in illa facultate, quæ est ad citandum: exercitata autem est*

*habilis, quod non est nisi habilitate inherente manui. Immediatè subiungit: Sed inmerè inanimatis non inuenitur; non enim ex consuetudine proijcitur facilius lapis sursum. Tu tamen intellige per merè inanimata ea, quæ nec intellectualem animam, nec sentièntem includunt, vt colligitur ex ipsa litera Scoti.*

Habitus igitur in quibuslibet cognitiuis, vel appetitiuis potentijs siuè spirituales, siuè corporales existant, ex reiteratione actuum acquisitus habet facultatem determinandi, & de facto determinat eas; illas siquidem promptiores & expeditiores redactas maxima cum ipsarum facilitate, & delectatione ad operandum inclinat, & ita inclinat vt moueat potentiam ad instar ponderis impellètis corpus deorsum, sicut inquit Scotus in primo dist. 17. q. 2. sub lit. R. vbi sustinens opinionem, quæ tri-

buit actiuitatem habitui premissio exemplo de corpore velociùs moto, si à grauitate vt ab intrinseco, & simul à proijciente vt ab extrinseco principio moueatur, sic ait: Ita in proposito habitus mouet potentiam quasi quoddam pondus, qui tamen ex se non sufficit ad eliciendum actiue ipsam operationem; sufficit autem sola virtus potentie actiue sine tali pondere &c. Et euidentiùs repetit idem in eadem quæst. sub lit. M. vbi probabiliter defendès aliam opinionem, quæ denegat actiuitatem habitui, ita decernit: Qui vellet tenere conclusionem istarum rationum posset negare ab habitu omnem rationem principij actiui, & dicere, quòd habitus tantum inclinat ad operationem quasi actus prior conueniens cū actu secundo, & determinans ad actum illum, sicut grauitas est actus prior determinans & inclinās ad determinatū vbi &c.

Nec

Nec te conturbet, quòd Scotus in hoc ultimo loco citato tribuat ponderosam determinandi rationem habitui, non coagenti ad productionem: sed solum ad actus receptionem habilitanti & disponenti potentiam; quoniam nihil ponderosæ inclinationis, seu inclinativæ ponderositatis in habitu minuit passivitas, vel auget activitas: accidit enim habitui adinstar ponderis inclinanti potetiam ad actum, quod passivi tantum, vel activi principij simul rationem inuoluat, ut patet, & ex citatis locis evidenter infertur. Id autem quod hic tantum contendimus, est habitum ad actum determinare potentiam; nihil igitur officit, nec nobis facit negotium, an cum hoc, quod determinat eam ad actum in eius productionem, simul cum illa influat

insuper.

Sed estò quòd prætensæ determinationi præiudicium inferat passivitas habitus, nobis tamen sufficiet, quòd Scotus etiam opinionem oppositam de habitus activitate sustineat, & ita defendat, ut probabiliorè iudicet istà; quemadmodum manifestè concludit in 1. dist. 17. q. 2. sub lit. G. g. §. *Sed dubium est* &c. inquit: *Oportet igitur dicere, quòd iste habitus præter hoc, quod est decor spiritualis, est etiam inclinans ad determinatos actus, & hoc siue non activè secundum quartam viam positam in solutione præcedentis questionis; siue quod magis videtur activè secundum tertiam viam* &c. Non est igitur cur hoc capite reuocemus in dubium prædictam habitus determinandi virtutem, quam sibi Scotus attribuit etiam in 3. dist. 33. quæ vnica sub lit. A. D. & H. quæ resti-

testimonia inferiùs expendentur.

Interim examinemus ad quod genus determinationis debeat reduci ponderosa inclinatio, quæ in potentiam dimanat ex habitu, idest videamus; an habitus efficienter, an verò formaliter tantum ad actum determinet, inclinetq; potentia? Ad quã difficultatem respondendum censemus correspondenter ad duplicem sententiam, quã de habitus passiuitate, vel actiuitate sustinet Scotus. Nam si priorem sententiam amplectemur, tunc dicendũ est habitum formaliter tantum determinare potentiam: sed non ita formaliter, sicuti forma actuando materiam determinat ipsam, vt supra explicuimus de phisica determinatione: at eo sensu formaliter dumtaxat, vt per nihil in ipsa productũ quodcunque sit illud; sed se ipso

formaliter adinstar entis formaliter ponderosi immediate determinet, inclinetq; potentiam ad solam actus receptionem.

Hæc conclusio patet, tũ quia ex eius opposito deduceretur euidenter actiuitas habitus, quod est contra hypothèsim, nisi dicere velimus, quòd quàmuis habitus vt comparatus ad actum futurum excludat; vt comparatus autem ad potetie motionem actiuitatem includit, quod non esset ad propositũ, cũ non posset assignari efficiens ratio: cur magis in potentiam, quàm in actum illius efficienter influere valeat? Tũ quia Scotus in 1. dist. 17. q. 2. sub lit. M. N. & X. vbi contendens saluare conditiones habitus, & si defendat non esse actiuũ præsertim sub lit. X. hæc habet formalia verba: *Ad illas conditiones quatuor diceretur, quòd*

quòd delectatio est ex cōueniē-  
tia operationis ad potentiam,  
& obiectum, circa quod est ope-  
ratio, quæ conuenientia est obie-  
cti ad potentiam in quantum  
recipit actionem, & non in  
quantum elicit eam; quia fa-  
ctio sola, ut factio, nunquam  
est delectabilis, & ideo propter  
delectationem nunquam opor-  
tet ponere rationem principij  
actiui. Similiter facilitatio,  
expeditio & promptitudo po-  
nuntur ratione passi; quia pas-  
sum potest difficulter recipere,  
quando non est dispositum &  
impeditè & tardè, vel non  
promptè: & ratione indispo-  
sitionis passi est ibi difficultas,  
tarditas & indispositio; ergo  
agens potest expeditè, promptè  
& faciliter agere propter dis-  
positionem passi, & habitus est  
talis dispositio in passo. Igitur  
cùm ex iam citatis testimo-  
nijs habitus sit ratio dispo-  
nendi potentiam ad recep-  
tionem actus producti; nihil

ergo producet in illa, forma  
quippe disponens se ipsa for-  
maliter, & non per aliquid  
productum præparat, dispo-  
nitquè subiectum, aliter da-  
retur processus in infinitum  
in formis disponentibus, ut  
patet.

Si tamen posteriori sen-  
tentia subscibamus, utique  
tunc omninò asserendum pu-  
tamus, habitum efficienter  
etiam inclinare potentiam,  
sed non sic efficienter exci-  
tat ipsam; quasi verò per a-  
liquid absolutum productū  
in ea impellat eandem, quo-  
niam sicut in declaratione  
ultimi modi explicandi sub-  
ordinationē videbimus mo-  
tus huiusmodi, & ad operan-  
dum impulsio irrationabili-  
ter ponitur fieri per qualita-  
tem impressam. Pro nunc  
igitur sufficiat nobis indi-  
stinctè decernere, quòd iux-  
ta posteriorem hanc senten-  
tiam efficienter animatam  
poten-

potentiam moueat habitus per aliquid productū in ea, quodcunq; sit illud.

Hæc assertio sic explicata patet euidenter ex Scoto in 1. dist. 17. q. 2. sub lit. R. vbi vt munus ipsius habitus explicet, si teneatur actiuus, similitudinem ducit à grauitate lapidis, qui partim à ponderositate, & partim ab extrinseco principio deorsū impellitur & applicans ad propositum, inquit: *Ità in proposito habitus mouet potentiam quasi quoddam pondus, qui tamen ex se non sufficit ad eliciendum actiue ipsam operationem; sufficit autem sola virtus potentie actiue sine tali pondere: sed quando ambe concurrunt, ità tamen quod non maior sit conatus ex parte potentie nunc, quàm prius perfectior operatio elicitur, quā posset elici ab ipsa potetia sola etc.* Hæc verba & ea, quæ immediatè superiùs habet ibidem

diligenter expensa manifestè nobis demonstrant ità coagentem habitum in ratione superpositi ponderis ad perfectiorem actum mouere potentiam; sicut grauitas in ratione innati & intimi ponderis ad velociorem descensum lapidem deorsū impellit: sed grauitas efficienter lapidem propellit in centrum; ergo similiter habitus actiue potentiam excitabit ad actum. Minor est Scoti in 2. dist. 2. qu. 10. per totum, sed præsertim sub lit. C. vbi ex intento cõtendens demonstrare, quòd graue efficienter impellat seipsum ad centrum, sic arguit: *Prætereà, illud quod non mouet aliud, nisi prius naturaliter ab alio motum, ab eodem habet quod moueat, & quod sit motum: sed graue cui alligatum est leue, cuius leuitas non excedit grauitatem eius, mouet illud leue trahendo illud secū ad*

ad centrum, & non moueat nisi quia motum; ergo prius naturaliter est motum quàm moueat, & ab eodē mouetur, à quo habet, quòd moueri debeat illud sibi alligatū: mouet autē illud non per aliud, quàm per gravitatem suam; igitur & seipsum. Et vt magis explicet efficientiam grauis in mouendo seipsum, hanc ibi cōfirmantem rationem immediatē subiungit, & ait: *Possēt confirmari ista ratio, quia quando aliquid habet potentiam actiuam respectu alicuius formæ, potest eam causare in quocunquē passo proportionato, & approximato; sed graue habet potentiam actiuā respectu ubi deorsum, sicut habet respectu illius quod trahit secum, ipsummet quando est extra illum locum, est receptiuum illius formæ carens ea, & proportionatum & approximatum sibi, ergo potest istam formam causare in se ipso.*

Quid clarius?

Sed inquires etiam iuxta posteriorem hanc de habitus actiuitate sententiā, habitus ipse quasi suppositum pondus, ad actum inclinatur mouetquē potentiam; illam igitur non vt efficiens, sed vt forma dumtaxat mouebit. Consequentia patet, quia non posset saluari ratio ponderis in habitu, si non seipso formaliter, sed perfectiūum influxum potentiam excitare ad actum. Et optimè conformatur ex eo, quòd seipso formaliter ponderosē potentiam excitat habitus, actiuitatem si respuat; id ipsū igitur asserendū est, quantumuis actiuitatem inuoluat.

Hæc instantia facilè soluitur, quia sicut optimè saluatur ratio ponderositatis in materiali grauitate lapidis, non obstante quòd efficienter deorsum moueat ipsum; ita similiter integra semper

H h      perfe-

perseuerabit in esse spiritua-  
lis ponderositas habitus, nō  
obstāte quòd in genere effe-  
ctricis causæ pendeat ab ipso  
ad actum excitanda poten-  
tia. Immo verò per hoc,  
quod vt efficientem causam  
habitum agnoscit ipsa potē-  
tia, optimè grauedinis ratio  
saluatur in habitu; quoniam  
id in vniuersum quasi super-  
positum pondus cōparatur  
ad aliud, quod habet faculta-  
tem inclinandi illud ad ali-  
quid, cūm ad pondus pro-  
priè inclinare pertineat: sem-  
per igitur ex eo quòd habet  
virtutem mouēdi potētiam,  
vt suppositum pondus ad eā  
comparabitur habitus, quo-  
modocūquē inclinet & mo-  
ueat ipsam. Confirmatio nō  
est ad propositum, quia  
suprà diximus quale inter-  
cedat dissidium inter incli-  
nantem ad pati, nec nō inter  
mouentem formam ad a-  
gere.

Efficienter igitur actiuus  
habitus potentiam excitat,  
& ita excitat eam; vt non  
quomodocūquē, sed ad age-  
re moueat ipsam. Hæc asser-  
tio adeò euidens est, vt illam  
probare dedeceat: in primis  
enim non obscure colligitur  
ex Scoto in 1. dist. 17. quæst.  
2. sub lit. M. & R. sed eui-  
dentiùs ex 3. dist. 33. quæst.  
vnica per totum, vbi centiès  
repetit prudentialem incli-  
nare intellectum ad rectè iu-  
dicandum, & electiuum vo-  
luntatis habitum ad rectas  
electiones illam impellere;  
& præsertim sub lit. A. hæc  
habet formalia verba: *Vo-*  
*luntas est indeterminata. non*  
*tantum ad opposita, sed etiam*  
*in modo agendi; scilicet re-*  
*ctè & non rectè: igitur indi-*  
*get aliquo inclinante determi-*  
*nante ad rectè agendum &c.*  
Et in præcitato loco prim,  
dist. 17. quæst. 2. ad proban-  
dum habitus actiuitatem  
hoc



hoc tertium argumentum principale proponit : *Præterea ad principale. Habitus inclinatur potentiam ad actum : duplex autem est inclinatio , scilicet potentiæ passivæ ad formam ; & potentiæ activæ ad agere : habitus non inclinatur primo modo , nam actus recipitur in potentia immediate ; alioquin actus perfectus & imperfectus non haberet idem susceptivum : ergo inclinatur secundo modo ut principium activum ad agere , quod est propositum .* Et licet sublit. X. nitatur illud explodere Scotus : hoc idem facit , quia probabiliter sustinet oppositam de habitus passivitate sententiam : in ea igitur opinione , quæ admittit activitatem in habitu , euidenter demonstrat relatus iam Scoti discursus .

Probatur item assertio ex illo communiter recepto axiomate : *Habitus semper inclinatur in consimili actus .* Et

demum si veram inter sese oppositionem debeant servare de habitus activitate , & passivitate sententiæ , tunc sicut in hac ad pati tribuitur , sic etiam contra ad agere potentiæ concedetur in illa .

#### PROPOSIT. XXIV.

*Species suum receptivum inclinatur ratione longè diversa , quam potentiam propriam determinet habitus .*

**E**X his merito nunc in controuersiam adduci potest censemus ; an species & maxime intelligibilis intellectricem potentiam determinet & inclinet ad actum eo pacto , quo proprium receptivum habitus activius inclinatur , atque determinatur ? Dubitandi siquidem ratio inde procedit ; quia ubique

Scotus affirmat obiectum, vel speciem, in qua relucet obiectum mouere potentiā. Et pluribus etiam in locis, & præsertim in primo dist. 17. quæst. 2. parum supra lit. Y. asserit: *Quòd scientia, per quam anima reducitur de potentia essentiali ad accidentalē, est species intellegibilis ipsius obiecti; & de illa concedo, quòd ipsa est principium actuum respectu considerationis: sed illa species non est habitus, de quo loquimur, qui est qualitas derelicta ex actibus frequenter elicitis; ista enim species præcedit naturaliter primum actum elicitum circa obiectum, circa quod est. Et licet ista species possit esse radicata in intellectu, & cum fuerit radicata posset dici habitus; non tamen est iste habitus, qui generatur ex actibus frequentibus, sicut dictum est. Et in eodem 1. dist. 3. quæst. 6. parum supra lit. O. hoc ipsum repetēs*

*inquit: Hæc species est illa, quæ reducit intellectum de potentia essentiali ad accidentalem secundum Aristotelem 8. Phisic. text. Comm. 3 2. & 2. de anim. text. comm. 25. & 55. non autem illa, quæ proprie dicitur scientia, quæ est habitus quædam derelicta ab actibus; nam ante istam ad primum actum considerandi requiritur quòd sit iam reductus intellectus de potētia essentiali ad accidentalē, alioquin non operaretur tūc magis quā prius: unde in cognitione species, in qua relucet quidditas, dicitur scientia, non tantum virtualiter, quia totam continet; sed formaliter potest dici habitus cognitiuus, quia est qualitas manifestua in intellectu disponens ipsum ad actum. In quo testimonio illud præcipuè notandum est insuper, quòd Scotus decernit intelligibilem speciem non tantum esse reductiuam intellectus de potentia-*

tentia essentiali ad accidentalem: sed cum sit qualitas permanens in ipso, inquit etiam esse dispositiuā, & per consequens inclinatuam illius ad actum.

Contrā tamen est, quia cum species non generetur in potentia ex actibus reiteratis ab ipsa; non habet igitur unde possit in consimiles actus disponere, & inclinare potentiam.

Facillimè propositā difficultatē dissoluemus, si Scotum consulerimus in ijs, quæ sparsim de speciei, habitusq; natura & causalitate concludit. Vult igitur Scotus, quod quantumuis habitus & species à se inuicem diuersificetur quantum ad originem, quantum ad naturam, quantum ad intendi & remitti, quantum ad operandi virtutem, & quantum demum ad nonnullas alias circumstantias: in sola ramen perma-

nendi ratione conueniunt; unde fit ut species intelligibilis non in ijs, quæ per se; sed solum in eo, quod per accidens conuenit habitui, qualis est permanentia, cum ipso communicet. Itā ex intento docet ipse, & subtiliter probat in 2. dist. 3. q. 10. sub lit. F. vbi præmissio: *Quod Angelus ad cognoscendum distinctas quidditates, habeat distinctas rationes cognoscendi &c.* Querens postea quæ sint illæ rationes cognoscendi, statim quæsito respondens; subiungit: *Dico, quod habet rationes cognoscendi alias ab essentijs cognitis representantes eas; quæ rationes propriè & verè dicuntur species intelligibiles, & si ab aliquibus dicantur habitus, per hoc exprimentur accidentaliter ut per accidens speciei & in vniuersali: nam ratio habitus accidit speciei, pro ut species est in intellectu, à quo non de facili delatur*

letur; & ideo habet rationem habitus, quia rationem formæ permanentis: sed hoc non dicitur in quid de hac qualitate, sicut habitus non dicitur in quid de specie; eadem enim essentia absoluta in genere qualitatis potest esse habitus, & dispositio &c. Et alia multa ad hoc propositum subnectit ibidem, quæ breuitati consulentes omittimus: id ipsum colligitur euidenter ex iam citatis locis 1. libri Sentent.

Ex testimonijs iam relatis patet nunc, qualiter habitus per se diuersificetur à specie, & qualiter hæc accidentariam habitui solam rationem permanendi cum ipso participet: quo fit vt species non habeat facultatem inclinandi & disponendi potentiam ad actum eo pacto, quo propriam habitus agens inclinat. Hęc assertio liquet iam ex vtriusq; diuersitate

prædicta, qua namq; ratione speciei, quæ per se essentialiter diuersificatur ab habitu, & in accidentarijs cum ipso communicat, principalior habitus ascribetur proprietas; potentiam eius videlicet inclinandi facultas? An fortè non omnibus elucescit, quòd ea, quæ in eadē per se proprietate nō discrepant, in eadem etiam quidditate conueniunt.

Relata igitur testimonia, quæ veritatem hanc labefactare videntur, faciliè nunc explicantur. Ad primū respondet Scotus in 1. dist. 3. q. 7. sub lit. M. vbi vt declarat quo sensu intellectus, & intelligibilis species ad notitiæ productionē conspirent, sub lit. L. de causis ad eundē effectum concurrentibus distinctione præmissa, sic illam ad propositum applicando concludit: *Concurrunt ergo ista duo vt habentia ordinem essen-*

*essentialem, non tamen primo modo; quia nec intellectus dat obiecto, vel speciei rationem suae causalitatis. Non enim obiectum natum est in se, vel in specie sui facere intellectiōnem per aliquid, quod recipit ab intellectu, sed ex natura sua: nec intellectus recipit suā causalitatē ab obiecto, vel specie obiecti; sicut probatum est cōtra quintam & sextam opinionem in ista questione. Sunt igitur causae essentialiter ordinatae ultimo modo, scilicet quòd una est simpliciter perfectior altera; ita tamen quòd utraq; in sua partiali causalitate est perfecta non depēdens ab alia. Ex quibus verbis illud tantum aduertere liceat, quod intellectiua potentia in productione notitiæ non ita subditur speciei; quasi verò moueatur ab ipsa vel de potentia prima ad actum primum per hoc; quòd operādi virtutem cōmunicat ipsi,*

*vel à potentia secunda ad actum secundum per hoc, quòd monitionem ad operandum configit eidem: sibi tamen subordinatur eo sensu, quo Matris inferior in prolis productione superiori Patris actiuitati subijcitur. Euidentiùs denegat Scotus obiecto omnem facultatem mouendi propriam potentiā in eodem 1. dist. 3. qu. 8. sub lit. E. vbi præmissio, quòd intellectus duplicē habeat ordinatam actionem: alteram, qua speciem efficit; alteram verò, qua notitiam gignit, sic explicat propositionem hanc: *Obiectum est mouens, non motum*, assumptam in primo argumento; quòd cōtra intellectus principalitatē in producendo notitiā obiecerat in capite questionis, dū inquit: *Dico quòd in utraque motione obiectum est mouens secundarium, licet non sit motum; idest aliquid recipiens in se**

se à principali, siue à priori mouente. Cum dicis, quod intellectus non mouet nisi motus: Dico, quod non mouet secunda motione nisi motus priori motione; hæc igitur est comparatio duarum motionum intellectus, non autem duarum causarum partialium concurrentium in una motione. Si autem compares causas partiales in utraque motione: Dico, quod intellectus utrobique mouet non motus à causa partiali concurrente in eadem motione.

Euidētissimè confirmat hoc idem in 2. dist. 3. qu. 8. sub lit. E. ubi respondens ad tertiam instātiā desumptā ex ordine, quem in producendo notitiā seruare debeant obiectum & intellectiua potētia, hæc habet formalia verba: *Ad tertium dico, quod mouens motum potest intelligi duobus modis; vel quod recipiat à mouente non moto formam aliquam, qua*

*moueat sicut actum primum. Vel quod ipsa forma habita sicut actus primus recipiat ab eo aliam formam ulteriorem sicut actum secundum, qua agat: Primo modo est in quibusdam causis ordinatis, quod prima dat virtutem secundæ; hoc modo non est in proposito, quia nec intellectus ut agens causalitate sua partiali, dat speciei obiecti istum actum, quo operatur ad intellectionem, nec multo magis è conuerso quia species nullam actiuitatem dat intellectui pertinentem ad causalitatem eius. Secundo modo videtur esse in quibusdam mouētibz localiter &c.*

Et paucis interiectis applicans ad propositum doctrinam hanc, quam præmisserat, negat apertè intellectū ab obiecto prima, vel secunda motione moueri, sic dicens: *Ad propositū dico, quod non solum ista non sunt mouens & motum primo modo; sed*

*sed nec secundo modo propriè, sicut se habet Sol, & Pater in generatione: sed tantum sunt due cause quasi ex æquo se habentes &c. Et nonnullis alijs interpositis, ita concludendo subiungit: Et ideò nullo modo est obiectum mouens motum respectu anime, ut operatur ad intellectiõnem; potest tamen esse mouens respectu eius, in quantum ipsa recipit speciem intelligibilem: sed tunc non mouet animam quantum ad causalitatem, quam habet anima per se, sed per accidens quantum ad istam formam, quam habet respectu cause partialis, in quantum operatur ad illam &c. Et demum ut exactius & manifestius suam in hoc aperiret sententiam, post aliqua verba subnectit hæc alia: Itaque quod in primo signo obiectum, siue phantasma mouet animam ad intellectiõnem, & non ad actum primum, qui sit anime, ut anima est; sed ad*

*illum, qui est reliqua causa partialis sibi præuia. In secundo autem signo obiectum omnino non mouet animam neque ad actum primum, neque ad aliquam aliam causam concurrentem: sed præcisè agit ad effectum communem, & tunc anima per suum actum (quem habuit) agit in suo ordine ad eundem effectum; itaque quod nulla est ibi motio anime ad agendum prior naturaliter effectui producto: ad effectum tamen mouetur anima non in quantum actiua, sed in quantum receptiua illius effectus; & licet sit mota, non tamen est mouens mota, quia non mouetur ad mouere actiue, sed ad recipere.*

*En quæso quàm manifestè concludat speciem, vel obiectum relucēs in ea, nullatenus intellectu ad agendum impellere eo sensu videlicet, quo habitus ex actuum reiteratione adinstar ponderis*

*Ii pro-*

propriam potētiam ad operandum inclinat. His tamen nō obstantibus, quia species & habitus sub eodem permanentiæ genere militant, indè fit; vt dixerit Scotus in 1. distinct. 3. quæst. 6. parùm sub lit. O. quemadmodùm suprà in ratione dubitandi retulimus speciem etiam intellectuam potentiam disponere, & ad actum inclinare quodammodò.

Sed inquires, contra hoc est; quia Scotus in 2. dist. 25. quæst. vnica in responsione ad primum principale sustinet: *Quòd obiectum mouet voluntatē effectiuè, non tamen vt totalis causa; sed vt aliquid ibi faciens &c.* Ergo à fortiori, proprium eius obiectum efficiēter etiam intellectum mouere debet. Consequētia patet, quia magis absoluitur, & independet ab obiecto (vt suprà deduximus) potentia liberè, quàm naturali-

ter agens.

Hæc instantia non est ad propositum; tùm quia Scotus ibi non assertiuè, sed leuiter indicat, & probabili-ter sustinet voluntatem efficiēter ab obiecto moueri: tùm quia volūtatis obiectū, quòd per vnā & eandem numero speciem præsens fit cognitiuæ & appetitiuæ potentiæ, vt concludit Scotus in 2. dist. 3. quæst. 10. sub lit. L. dato quòd moueat illam vt sic, non alia ratione tunc eam effectiuè mouere dicitur, quàm per hoc quòd cōstitit uto prius cum ipsa in ratione concausæ totali principio volēdi ad volitionis productionē efficiēter concurrat. Hęc expositio colligitur euidenter ex eodem Scotto ibidem, vbi concludit, quòd quātūmuis obiectum effectiuè moueat voluntatē; nunquàm tamen totaliter, sed partialiter tantum mouebit



uebit illam vt sic, quod idē est ac si dixisset: licet demus obiecto, quod efficienter influat in actum volendi, nunquam tamen subscribendum erit sententiæ Gotifredi fatentis, vt Scotus refert in eadem quæstione, ita totalitatem actum volendi ab obiecto produci, vt merè passiuè cōcurrat ad illum creata voluntas; & ideò Scotus examināde quæstionis, titulum sub hac forma proponit: *Vtrum aliquid aliud à voluntate causet effectiuè actum volendi in voluntate.*

Immò verò si demus voluntatem efficiēter ab obiecto moueri, non per exhibitionem concursus ad actum volendi, vt iam explicuimus: sed per tributionem antecedentis impulsus ad productionem eiusdem effectus, non propterea adinstar ponderis impelleret eam; cū genus illud mouendi poten-

tiam habitus tātum ex actuū reiteratione sibi vendicet, atque præscribat, aliter etiam ipsa voluntas: quæ sicut asserit Scotus, præsertim in præcitata quæstione sub lit. V. *Mouet effectiuè membra ad exequendum, vt acquiratur illud appetibile &c.* Ponderosè sibi subditas inclinaret, moueretque potētias. Quod quàm sit falsum, euidenter indè deducitur, insuper quod tunc etiam Deus inferiores causas excitaret, & moueret vt sic.

At inquires contrà, suprà decretum est efficienter grauitatem ad motum impellere lapidem, & similiter habitum ad actum prouocare potentiam; quid igitur habitus ponderosa præmotio effectiuo volūtatis superaddet impulsui.

Instantiā hanc facilè dissoluimus indè, quod habitus ex 2. Ethic. cap. 3. & indè ita

potentiam excitat, vt sibi delectationem, facilitationem, expeditionem & promptitudinem ad operandum exhibeat; quod nunquam eidem potentiæ præstabit aliud agens nisi fortè supremum, quod sicut eminenter continet perfectiones cuiuslibet entis creati, sic etiam eminenter continet quatuor enumeratas habitus conditiones, quæ perfectionem inuoluunt, cum formaliter actiuitatem includant: quemadmodum probat Scot. in 1. dist. 17. q. 2. dùm pro habitus actiuitate secundò principaliter arguit, & licèt sub lit. X. solutionem adhibeat illi, & nitatur ostendere conditiones illas ad patiendum dumtaxat exhiberi potentiæ; hoc ideò fit, quia probabiliter sustinet etiam, quòd habitus omnē actiuitatem excludat. Sed in opposita sententia, quam vt longè pro-

babiliorem amplectitur, omninò ad agendum propriæ potentiæ illas tribuat habitus. In ponderosa igitur præmotione implicantur delectatio, facilitatio, expeditio & promptitudo; ità videlicet vt ponderosè motiuum, qualis est habitus, quatuor enumeratas cōditiones communicet proprio mobili, dū illud ad operandum impellit; & hoc est, quod simplici effectiuo superaddit impulsui.

Conditiones illas ex eò formaliter obtinet habitus, quoniam actuum exercitio producitur, vnde fit vt infusus habitus, qui similem ex reiteratis actibus excludit originem, similem respuat etiam facultatem mouendi potentiam, quam informat, & afficit. Vtrumquè fatetur Scotus in primo dist. 17. q. 1. sub lit. Oo. vbi respondens ad argumenta pro opinione, quæ

que imponitur Magistro, inquit: *Ad primum dico, quod iste habitus simpliciter dat acceptabiliter operari, & etiam dat aliquam actiuitatem respectu actus sicut aliqua causa secunda respectu eius; sed non dat delectabiliter, neque facilliter, quae conueniunt habitui acquisito, in quantum distinguitur ab infuso per hoc, quod acquiritur ex frequenter agere.* Id ipsum habet in 4. dist. 6. quest. 8. sub lit. P. Et ex eodem capite acquisitus habitus dicitur tantum habilitas potentiae, & inclinare potentiam rigorose loquendo: alia siquidem mouentia, quantumuis proprijs mobilibus ad operandum praestent impulsus; nunquam tamen efficienter inclinatiue: quemadmodum habitus potentiam, quam informat, impellit; eadem illa mobilia prouocabit ad actum.

Cæterum quamuis ne-

queant immediate, mediate tamen id ipsum prestare valebunt, quod optimè colligitur ex Scoto in 3. dist. 33. q. vnica sub lit. H. vbi vult, quod creata voluntas: *Potest derelinquere ex imperijs rectis aliquem habitum in appetitu sensitivo inclinantem ad hoc, ut appetitus sensitivus delectabiliter moueatur ad sensibilia ex imperio voluntatis &c.* En igitur quod licet voluntas nequeat immediate seipsa, medio tamen habitu quem ex reiteratis imperijs producit in sibi subditis potentijs, eas ad operandum inclinatiue prouocare valebit.

Testimonium illud de reductiōe ab essentiali ad accidentalem potentiam, non est cur referri debuerat ad probandum, speciem intelligibilem efficiendam ad notitię intellectum impellere: illa siquidem reductio nil aliud

aliud importat formaliter in specie, nisi quod species ista constituens cum intellectrice potentia totale principium producendi notitiā, dicitur reducere intellectum seipso ineptum ad producendum notitiam ab essentiali ad accidentalem; idest à remota ad propinquam operandi potentiam.

Hanc eandem reductionem ex concursu concausæ patitur omnis alia causa, quæ se sola in proprium effectum nequit influere, & maximè verificatur de quacunque subdita causa, quæ nunquam independenter ab agente superiori in proprium erumpet effectum. Hæc explicatio non obscurè colligitur ex Scoto in 3. dist. 4. quæst. unica sub lit. D. ubi declarans qua ratione Spiritus Sanctus tribuerit fecunditatem Dei paræ Virgini, dicit: *Spiritus Sanctus dedit ei potētiam su-*

*sceptiuam, simul autem & generatiuam, non quod miraculosè dedit ei illam fecunditatem, secundum quam cooperabatur; sed illam habuit naturaliter, quia non fuit sterilis, & secundum eam potuisset naturaliter cooperari ad productionem Filij, si Pater naturalis genuisset: sed potētia actiua causæ inferioris est remota, quando causa superior non agit; ita quod nunquam est causa inferior in potentia propinqua ad effectum, nisi causa superiori agente, quia illa superior primò determinatur, & ipsa determinata inferior necessario cooperatur, si inferior sit causa naturalis. Secundum autem communem ordinē vis actiua Matris tota est subordinari vi actiue Patris; & ita à Patre nata est conferri Matri potentiam propinquā ad generandum &c. Fit clariùs; iste tamen locus ad aliud propositum referetur,*

&c

& seriò ponderabitur infra.

Hic demùm esset in controuerſiam reuocandum; an supernaturalis habitus, qui non producit ex actuum frequentia, potentiam quã informat, inclinet? Estò quòd inclinet, quòd esset omninò tenendum: cùm vbiqùe Scotus, & præſertim in primo dist. 17. qu. 1. sub lit. C c. §. *Hoc modo* &c. attribuat illis facultatem inclinãdi & determinãdi potentiã; nùm ità excitent & moueãt eam, sicut habitus naturaliter acquisitus inclinat & excitat illam: sed quia difficultas ista transcendit limites nostri instituti & propositi, quòd in hoc libro prætendimus de sola secundæ causæ à primo efficiente in operãdo naturali pendentia; & supernaturalis habitus non seipſo, sed à Deo habet immediatè, vt inclinet potentiam in actum, veluti col-

ligitur euidentè ex 17. quæſt. Quodl. sub lit. M. vbi sic de infusa fide concludit: *Sed per nullum istorum modorum est actus fidei infusa, quia est participatio quedam luminis Diuini, non potest inclinare intellectum, nisi in aliquod determinatè verum. Certitudo ergo illa in actu est ex quadã cõparatione ad quoddam extrinsecum infallibile, cui actus ille conformatur* &c. Meritò igitur aliàs dissoluendam dimittimus.

#### PROPOSIT. XXV.

*Difficultas proponitur, qua ratione videlicet possit habitus determinare potentiam, cū hac sit causa superior illo.*

**N**on parua, nec parui pendenda difficultas sese nobis offert ex ijs, quæ suprà decreuimus de munere, quo fungitur habitus in incli-

inclinando & determinando potentiam; ista siquidem inclinatiua & determinatiua facultas, qua guadet, in potentiam semper exercet, manifestam contradictionem videtur inuoluere: quod in primis inde liquido patet, quia penitus implicat aliqua duo à se inuicem in eodem genere causae pendere; quod utique contingeret, si demus habitum inclinare potentiam, quae simul econtra & simili modo eundem inclinat, & determinat habitum, ut patet: immò verò ut causa superior determinat illum, quemadmodum asserit Scotus in primo dist. 3. quaest. 7. parum supra lit. F. In eodem primo dist. 17. quaest. 2. sub lit. N. & quaest. 1. sub lit. Gg. §. *Sed tunc &c.* In 2. dist. 7. quaest. vnica sub lit. B. & parum supra lit. Q. In 3. dist. 33. quaest. vnica sub lit. O. Et in 4. dist. 2. quaest. 2. sub lit. F;

& dist. 49. quaest. 10. sub lit. D. ubi improbens opinionem, quae dicit perpetuitatem beatitudinis prouenire ab habitu, necessario determinate potentiam ad agendum, à lumine gloriæ videlicet intellectuam ad visionem, & à charitate volitiuam potentiam ad fruitionem necessitate, sic arguit: *Contra tertiā positionem argui potest, quod habitus non potest esse prior causa operationis, quam potentia; sed semper secunda, quia illud est potentia, quo simpliciter possumus: unde habitus non utitur potentia, sed potentia habitu sicut causa secunda & instrumento; causa autem prior non determinatur ad agendum, nec per consequens necessitatur per causam secundam, sed è conuerso.*

His tamen non obstantibus habitus etiam debet habere rationem causae superioris

perioris respectu potentia, cum etiam ipse ad operandum inclinet & determinet eam; quod est munus solius cause superioris, ut patet ex iam relato testimonio, & ex alijs supracitatis, sed præsertim ex illo primo dist. 3. quæst. 7. sub lit. F. ubi inquit: *In causis essentialiter ordinatis, inferior non inclinat superiorem, sed è conuerso &c.* Et ex illo 2. dist. 7. quæst. vnica parùm supra lit. Q. ubi id ipsum repetens ait: *Causa secunda nõ determinat modum agendi cause primæ, sed è conuerso &c.* Et ex illo 4. dist. 2. q. 2. sub lit. F. fatetur apertè, quòd: *Solus Deus determinat se ad effectum causandũ sibi propriũ; si enim posset ab alio determinari ad agendum, iam esset causa secunda respectu eius &c.* Ex quo testimonio sicut ex alijs euidenter colligitur, quòd quemadmodum ex passiuâ inferioris, ita ex

actiuâ determinatione ad opus quodlibet agens superioris causæ nomen, & rationem acquirit; habitus igitur cum ad opus inclinet, determinetque potetiam, ut suprà conclusimus, necessario respectu potentia superioris causæ sibi rationem ascribet, ergo respectu eiusdẽ potentia, sicut econtrà potentia respectu eiusdem habitus simul erit superius & inferius agens.

Sed super omnia difficultatem hanc Scotus adauget, ipse siquidem in primo dist. 17. q. 2. sub lit. H. quia suprà decreuerat iam habitum efficienter in actum influere; in controuersiam postea reuocat, qualem tunc ordinem inter sese in actus productione seruabunt potetia, & habitus sibi concausans: & statim difficultati respondens concludit, quòd habitus sit causa superior, cuius ratio-

K k            nem

nem assignat. *Quia causa prioris est determinare secundam, non è cōuerso; habitus autem determinat potentiā ad agendum & non è conuerso, & inclinatur eam: inclinare autē est superioris respectu inferioris, non è conuerso.* Cæterum hoc non obstante discursu partem oppositam amplectens potētiae primas tribuit partes: sed rationem in oppositum adductam, insolutam dimittit. Immo verò in eadem dist. quæst. 1. parum supra lit. Mm. sic iterum ipsā in explicatam omittit, ut eius solutionem alibi nobis exquirendam esse cōmittat, dum inquit: *Et si tunc arguatur sicut argutum fuit in precedenti solutione, quod habitus determinat & inclinat potentiam; ergo est causa prior.* Responsio queratur alibi. Et ratio cur iteratò recēseat eam ibidem est, quia per hoc, quod supra

concluserat sub lit. Gg. *Quod iste habitus præter hoc, quod est decor spiritualis, est etiam inclinans ad determinatos actus, & hoc siue non actiue secundum quartam viam positam in solutione precedentis questionis, siue quod magis videtur actiue secundum tertiam viam.* Quod probatur primò &c. Statim igitur hinc in dubium reuocare debuerat, sicut reuocat ordinem, quem in producendo meritorium actum inter sese feruent charitas & creata voluntas, inquit: *Sed tunc est ulterius dubium de isto habitu comparato ad potentiam operantem, quæ videlicet istarum debeat dici prima causa, & quæ secunda.* Et adductis utrinquē rationibus dubitandi, ut exactè proposito dubio satisfaceret, distinctionem præmittit huiusmodi: *Hic potest dici*



dici, quòd in actu meritorio, de quo est sermo, duo considerare oportet; videlicet illud quòd præcedit rationem meritorij, & in hoc gradu includitur & intentio actus, & substantia actus, & rectitudo moralis. Vltra hoc considero & ipsam rationem meritorij, quod est sic esse acceptum à Diuina voluntate in ordinem ad præmium &c.

Et nonnullis interpositis respondet demùm sub lit. L. I. quòd per comparationē ad substantiam actus: *Habitus est causa secunda, & potentia causa prima, sicut dictum est in solutione præcedenti de habitu communiter & potentia ponendo habitum actiuum &c.* Et idem repetit infrà: Sed quia maximum sibi faceſcebat negotiū ratio, quam pro habitu communiter sumpto contra superioritatem potentię superiorius obiecerat; ideò iterum

hìc contra voluntatis superioritatem, qua vt ad actus substantiam comparata potitur, adducit: cæterum quia non alia de causa, quā ex manifesta contradictione difficillimam reperijt eam; hinc nouiter inextricabili nexu deuietus, sic illam inextricatam reliquit, vt alijs explicandam commiserit eam.

Vrget sanè difficultas proposita, nec facilis est ad illam responsio: nihilominus tamen asserimus, quòd quantumuis se inuicem determinent, & ad actus productionem sese simul inclinet potentia & habitus sibi concausans; perperam autem indè deducitur, quòd hæc tanquā ea (quæ contradictionem inuoluūt) sibi cohærere non possint, vel quòd Scotus Theologorū omnium Antesignanus, veluti difficultatis angustia.

KK 2 pref-

pressus, de industria dissoluendam alijs omiserit eam.

Nos igitur pro viribus illā enodare tenemus: Cæterum vt explicatio clariùs emicet, priùs aduertamus si placet totam efficaciam rationis ex præcitis testimonijs reductæ in eo consistere; quòd implicat aliqua duo à se inuicem in eodem genere causæ pendere, & per consequens implicat habitum & potentiam eodem motionis genere ad operandum inclinare se inuicem. Hoc breui iam præmissio discursu, sic illi respondendum putamus; vt negemus primò inclinationes, & determinationes, quibus habitus, potentia & motio sese ad operandum impellunt, eiusdem esse rationis, vel generis: habitus enim excitat, inclinatquè potentiam quodam impulsu longè diuerso ab eo, quo ea-

dem potentia ad operandum habitum; ille siquidem nec propriè physicè, nec propriè moraliter, sed mixto quodam modo potentiam: hæc verò tantummodò physicè rigorosè loquendo ad actionem prouocathabitū. Secundū patet, quoniā potentia per hoc, quòd vtitur habitu tanquā adminiculo, necessitat ipsum ad opus; vt statim fusiùs explicabimus infra. Primum non obscure colligitur ex Scoto in primo dist. 17. quæst. 1. sub lit. M. vbi vult, quòd habitus charitatis: *Sicut & quilibet alius habitus moralis habet inclinare determinatè ad obiectū, suè ad finem ex virtute obiecti, quam aliquo modo participat; nam sicut habitus intellectualis habet aliquo modo in se obiectum præsens, tanquā sub ratione obiecti intelligibilis, ita habitus moralis habet quodammodò obiectum in se sub*

*sub ratione boni diligibilis: & ita sicut ille habet virtute obiecti quodammodo agere ad presentiam obiecti, ita iste virtute obiecti suo modo contenti, habet inclinare in obiectum.* Ex quibus verbis ad propositi manifestationem ita discurrimus: Obiectum appetitui præsens moraliter seipsum inclinat, trahitque potentiā; ergo etiam habitus ad prosecutionem eiusdem obiecti moraliter prouocat illam. Antecedens nulli dubiū est: Consequentia patet manifesta, quandoquidem habitus potentiā inclinans in virtute obiecti, quod imbibit, non debet obiecto precellere in ratione & facultate mouendi potentiā; quod utique contingeret, si phisicè & non moraliter impelleret eam: phisica quidem ratio, quæ infallibilitatem effectus inuoluit, longè præstat morali, qua posita non

semper executioni mandatur effectus.

Cæterum huic respōsioni non est multum innitendum, quia & si fateatur Scotus habitum mouere potentiam ad prosecutionem illius obiecti, quod implicat, in eiusdem obiecti virtute: nihilominus tamen omnino necessum est, vt alio insuper motionis genere determinet eam, quod liquidò patet; tūm quia seipso formaliter habitus, quatenus actuum exercitio gignitur, facultatem habet habilitandi potentiā: tūm quia de mente Scoti in 3. dist. 33. quæst. vnica sub lit. M. etiam in manu scribentis, & cytharizantis ex actuum reiteratione producitur habitus in cōsimiles actus inclinans; & tamen constat vel habitum illum nullum habere obiectum, vel quantumuis habeat, quod probabilius cen-

se.

semus. cùm necessariò motiuam saltem habilitare potentiam, cui proprium respondeat obiectum oportet; nullatenùs tamen moraliter excitat eam: quis enim ità desipit, vt potentia loco motiua à proprio suaderi, & allici contemnat obiecto? Datur igitur aliquis habitus, qui propriam habilitat, inclinaturque potentiam in cōsimiles actus, illam autem non excitat in obiecti sui virtute; ergo seipso formaliter habitus independenter à quolibet extrinseco facultatem habet prouocādi potentiam in cōsimiles actus, quam ex sufficienti partium enumeratione phisicam esse censendum est: concurrunt tamen interdum in ipso vtraque mouendi facultas, tunc videlicet quando persuasibilem, & apprehensiuā obiecti potentiam actuat.

Sed contra hoc est, quia

Scotus in 1. dist. 17. q. 1. parum supra lit. Mm. decernit, quòd non tantum habitus infusus, vt suprà retulimus: sed etiam, *Quilibet alius habitus moralis habet determinatè inclinare in obiectum, siue ad finem in virtute obiecti, quā aliquo modo participat &c.* Et in 3. dist. 33. quæst. vnica sub lit. M. apertè concludit, quòd habitus acquisitus in manibus cytharizantis, *Conceditur esse quedam virtus, quia quedam qualitas habilitans ad opus virtutis, moralis &c.* Cùm igitur in vniuersum habitus quicunque moralis in virtute obiecti potentiam inclinet in idem obiectum, & habitui determinanti potentiam loco motiuam, quæ nec persuasibilis est, nec apprehendit obiectum, nō denegetur rationalis virtutis; cur ergo denegabitur illi vis moraliter mouendi potentiam in proprii obiecti

Et sui virtute, falsū est igitur habitum tūc solum phisicæ motioni superaddere moralem, quādo persuasibilem & perceptiuam obiecti determinat, afficitquē potētiam.

Discussionē nimis sanē prolixam exigeret isthæc instantia modò proposita. Ceterū nē semitæ nostræ videamur transcēdere limites, breuiter ergo sic illam dissoluendam censemus, vt dicamus sicut ingenuē fatemur, non posse rectē deduci ex testimonio relato, Scotū in vniuersum concessisse cuilibet habitui morali primariā facultatem inclinandi potētiam in finem honestum in virtutē obiecti, quod respicit: eam siquidem potestātē solus sibi vendicat habitus rigorosē moralis, qualem agnoscimus dūtaxat illum, qui rationalem afficit appetitum; vt Scotus in 3. dist.

33. quæst. vnica sub lit. H. itā concludens decernit: *Igitur in illo priori potest voluntas, cū sit indeterminata & determinabilis sicut intellectus, generalē in se ipsam ex rectis electionibus habitum inclinātem ad rectē eligendum, & hic habitus propriissimē erit virtus; quia propriissimē habitus electiuus inclinās ad rectē eligendum, sicut ex rectis electionibus generatur.*

Habitus autem sentientē appetitum perficiens, non nisi per extrinsecam denominationem, & materialiter habet, vt moralitatem includat; quemadmodū etiam in nūc citato loco Scotus euidenter expressit, dum dixit: *Potest tamen concedi, quod si voluntas volens potest imperare appetitui sensitui, vel moderando passionem eius, vel imperando prosecutionem, vel fugam; si sit actus appetitus sensitui, potest derelinque-*

*quere ex imperijs rectis aliquē habitum in appetitu sensitivo inclinantem ad hoc, ut appetitus sensitivus delectabiliter moveatur ad sensibilia ex imperio voluntatis: qui habitus derelictus licet non sit propriè virtus, quia non habitus electivus, nec inclinans ad electiones; potest tamen concedi aliquo modo esse virtus, quia inclinat ad illa, quæ sunt consona rationi rectæ.*

Et id ipsum non obscure colligitur ex secūdo dist. 42. §. *Ad questiones &c.* parū supra lit. B. vbi conclusio ex Augustino actionem solius potentiæ liberæ posse vel ad vituperium imputari, statim explicans quo sensu possit esse peccatum in actibus potentiarum libertatis expertium, sic ait: *Ex quo sequitur, quod in cogitatione, sermone & opere nō est peccatum formaliter, & primò; sed hoc est in solo actu voluntatis &c.*

Sensitivum igitur appetitū perficiens habitus, & si moralitatem inuoluat; eam aliundè, & per extrinsecam denominationem includit, quod verificatur, ut liquet ex primo testimonio relato etiam de habitu generato in ipso, ex solis reiteratis imperijs rectis potentiæ liberæ: & tamen iste ut totaliter ab ea liberrimè imperante productus in eodem appetitu, imperia terminante dumtaxat, procul dubio excellentiorem deberet amplecti moralis habitus rationem, ut patet ex habilitate illa, quæ gignitur exercitio actuū eiusdem sentientis appetitus. Undè est, quod euidenter ita discurrat: si quilibet actus sensitivum appetitum inclinās, etiam ille qui ex liberè imperante potentia generatur in ipso, ita deficit à vera moralis habitus ratione; ut nullatenus for-

formaliter intrinsecè : sed aliudè, & ab extrinseco tantùm, nescio quam moralitatis participat umbram; quãtò magis igitur à vera & rigorosa moralitate deficiet quilibet habitus in frequenter scribete manu productus, & ille præsertim, qui totaliter à libera potètia nō trahit originem.

Prætereà obiectum illud, in cuius virtute inclinatur habitus, & utriquè debet esse commune, & per se primò in ipsum idem obiectum ferri debet utrumq;: at nec cytharizantis facultas, nec consequenter habitus, qui perficit eam, sub illo militant obiecto, quod per se primò respicitur à potentia propriè finem intendente virtutis, quandoquidem superioris obiectum omnino excedit inferioris potentiae limites; nequit igitur cytharizantis habitus, nec in

virtute proprii, nec multò minùs à virtute impropor- tionati, & sublimioris obiecti ad finem honestum altioris rem inclinare potentiam.

Vndè concludamus tandem, & dicamus qualitatem exercitio cytharizandi productam in manu; cum ex dictis non sit habitus rigorosè moralis non tantùm sibi arrogare, ut in cuiusvis obiecti virtute in studiosum finem liberam præsumat inclinare potentiam. Mouet tamen, & inclinatur eo modo (quo potest) ad consimiles actus in virtute obiecti, quod respicit affectum ab ipso cytharizandi potentiam.

Responsionem hanc veluti nihil, aut parùm satisficientem proposito dubio dimittamus, & aliam in medium adducamus: sed antequàm proferamus eam, priùs ex relata Scoti doctrina aduertendum duximus illud,

L I vt

vt etiam speciei siuè sensibilibus, siuè intelligibilis sit; concedamus facultatem inclinandi potentiam in eius obiecti virtute, si verum est quòd habitus eodem vel simili fungatur officio: tùm quia nunquàm sufficiens adducetur disparitas; tùm quia cùm species, & non habitus sit impressa similitudo obiecti; procul igitur dubio maior inter istud & illam, quàm inter habitum & proprium eius obiectum intercedat affinitas, ergo in specie magis quàm in habitu claudetur, & imbibetur obiectum, ergo non tantùm similem: sed etiam maiore quàm habitus ex obiecto virtutem inclinandi potentiam species assequetur impressa; & forsan à fortiori hoc ipsum munus exercet species expressa, quoniam ipsa magis ad viuũ obiecti, repræsentat obiectum.

His præmissis respondemus secundò, iteratò negantes potentiam, & perficientem habitum eius ad operandum prouocare sese eiusdè rationis impulsu: cuius verò diuersitatem aliundè, quàm ex superiori Propositione colligemus, & indè præsertim quia potètia mouet; habitus autem inclinatur: illa mouendo necessitat; hic verò inclinando habilitat, & illa idè ad operandum necessitat habitũ, quia vt instrumèto vtitur ipso: iste verò idè potètiã inclinãdo habilitat, quoniam ipsam suauis quodam stimulo ad consimiles actus semper prouocare contèdit; quam tamen si de facto prouocari contingeret, statim prouocata promptior, & expeditior ab eiusdè stimulantis habitus adiuuamine redditur. Antecedenter igitur, & concomitanter ad operationem inclinatur potentiam hab-



habitus, ratione tamen diuerſa: nam antecedenter excitando, & præciſè prouocando ſic illam ad operandū impellit; vt nunquā ex vi talis impulſus immediatè, vel proximè ad produktionē actus applicet eam. Concomitanter autem eidem iam laceſſitè & in actum erumpenti potētīe expeditionem, promptitudinem, facilitationem, delectationemquē communicans quaſi equo currenti calcaria adhibet. En igitur quā diuerſa ratione potētiam habitus, habitumquē potentia moueat.

Hanc motionis diuerſitatem ſeriò Scotus decreuit in 4. diſt. 49. quæſt. 6. ſub lit. D. vbi reſpuens illorum ſententiam, qui ſuſtinent creatum intellectū ad viſionem beatificam ex luminis gloria; voluntatem autem ex charitatis habitu neceſſariò determinari, ſic arguit: Con-

*trā tertiam poſitionem argui poteſt, quòd habitus non poteſt eſſe prior cauſa operationis, quā potentia, ſed ſemper ſecunda; quia illud eſt potentia, quo ſimpliciter poſſimus, vñd è habitus non vtitur potentia: ſed potentia habitu ſicut cauſa ſcunda & inſtrumento, cauſa autem prior non determinatur ad agendum; nec per conſequens neceſſitatur per cauſam ſecundam, ſed è conuerſo. In quo teſtimonio licèt nō explicuerit euidenter habilitatem tantum, & in efficacem impulſum cōpetentem habitui, ſicut conceptis verbis expreſſit neceſſitatem, & efficacem motum conuenientem, peculiaremquē potentix: ex eo tamen quòd aſſerit ſibi ſemper habitum, vt ad potentiam comparatum, eſſe ſecundam & inſtrumentariam cauſam; ideſt eſſentialiter, & rigoroſè in operando ſubordinatā eidem:*

L1 2 opti-

optimè deducitur habitum quatenus implicat facultatē potentiae stimulatuiam, & promotuiam ad opus alterius rationis impulsu, quàm necessitando mouere potentiam; nisi velimus sic essentialiter subordinatam habitui fateri potentiam, sicut sibi subditum asserimus habitum.

Ad hanc eandē designandam subordinationem, & per consequens mouēdi vulgatum illud axioma sepè sepius repetit Scotus, *Potentiam* esse, qua simpliciter possumus; vt hinc distingueret illam ab habitu, quo sic & aliquo aliter possumus, vt praesertim in 4. dist. 44. q. 2. parum supra lit. A. §. *Aliter dicitur* &c. vbi reiiciens opinionem Henrici sustinentis, propter demeritū exhiberi damnato spiritui supernaturalē quendam habitū, per quem corporali subijcia.

tur agenti, sic impugnans discurrit: *Præterea habitus non est, quo simpliciter possumus, sed quo aliquo aliter possumus; ergo in quo non est potentia simpliciter ad agere, vel pati, in eo non est potentia ad sic agere vel pati: sed in natura illa non est sufficienter potentia ad pati, nec ille habitus potest dare posse; quia non est potentia* &c. Patet ergo quàm dissimili ratione sese moueant, & omninò difformiter ad operandum impellat potentiam habitus, habitūq; potentia; non est igitur cur in ipsis contradictionem, quā in Propositionis huius initio proposuimus, atq; deduximus, suspicari possumus. Patet etiam iam fuisse repertam responsionem illam, quam propter dissolutionem bis obiectæ rationi, alibi nobis exquirendam commisit, præcepitquē Scotus, vt superius ex ipso retulimus.

Quan-

Quantumvis enim concedamus habitum inclinare potentiam; indè tamen nunquam sibi per comparationem ad illam rigorosè superioris agentis, vel rationem, aut nomen arrogare valebit: vera siquidem, propriaque causa superior non ea est, quæ leuiter stimulat, sed illa quæ sic efficaciter prouocat sibi subditum agens, vt determinet & necessitet illud ad opus; quemadmodum contingit in ipsa potentia, si perfectiorem moueat & rapiat habitum.

## PROPOSIT. XXVI.

*In qua contra præcedentis Propositionis veritatem adducuntur nonnulla dubia, & soluantur.*

**E**neruabunt, & funditus euellent præcedentis Propositionis doctrinam,

secunda ad principale dubiũ responsione comprehensam, quæ possent obijci subsequenti dubia; nisi dum proposita fuerint, accuratè nitamur illis. Primum igitur dubium illinc emergit, quia dictum est impulsus ab habitu potentia præstitum diuersificari, & esse alterius rationis ab ea motione, quæ potentia determinat habitum: huius tamen oppositum indè liquefcit apertè, quoniam cum habitus non moraliter vt patet, sed phisicè potentiam inclinet ad opus; nisi medium inter moralem & phisicum effingas impulsus, erit igitur habitus motio omninò eiusdem rationis cum ea, quæ potentia eundè prouocat habitum: tum quia nec ipsa potentia moraliter, sed phisicè tantum excitat habitum, tum quia per hoc quod efficienter ipsa mouetur ab habitu, oportet vt sic illam

illam impellens determinet, & necessitet eam ad opus; quemadmodum elucescit ex motionis phisicæ definitione tradita & admissa cōmuniter, ergo sicut ex facultate determinandi, & necessitate mouēdi proprium habitum superioris causæ rationem potētiae tribuimus: sic etiam ex eodem capite non denegamus idipsum habitui; ergo firma & in suo robore perseuerat adhuc contradictio, quam in superiori Propositione proposuimus.

Primum dubiū istud nullius ponderis, vel parui momenti nonnullis fortassè videbitur. Cæterum si subtiliùs expendatur, non erit facile difficultatem eius recidere: motio siquidem, qua potentiam excitat habitus, nec concidit cum phisico; cū ad ipsam non sequatur effectus infallibiliter, nec cōcidit cum impulsu morali;

cū non excitet trahatquē potentiam per propositionē obiecti. Ex alio capite tamen vtramquē motionem participare videtur, quia quatenus ex solius habitus entitate quouis obiecto secluso dimanat, non recedit ab impetu phisico: sed quatenus non producit effectum infallibiliter ad moralem impulsu accedit. Quid igitur dicemus adhuc? vel quæ semita in hoc biuio positis eligēda nobis occurret.

Possit quis respondere, fortassè non satis certò constare phisicā motionem dūtaxat infallibilem effectus euentum inuoluere; cū sicut nunc infrā dicemus, etiā moralis impulsus infallibilitatem præferat eandem. Inepta igitur erit illatio, si dicatur habitus phisicē potentiam applicat; ergo necessitat eam ad opus: esset vtiquē necessaria deductio, si  
phis-

phificū agens quatenus phificè mouens necessariò moueret ; sed quia , vt ostendemus inferiùs , aliundè quàm ex eo, quòd phificè moueat, mouēdo ,mouēdo necessitat quādo necessitat : quātūvis igitur habitus phificè stimulet impellatquē potentiam, semper illinc inferretur ineptè ; ergo determinat , & necessitat eam ad actū. Concurrit ergo contradictio, quā superiùs ex vtriusquē vni-formi ratione mouendi deduximus .

Priorem propositionem assumptam, non est cur inficiantur etiam illi, qui de mente D. Thomæ phificum tuetur influxum ; apertè siquidē D. Thomas defendit obiectum voluntati propositum, efficaciter interdum appetentem mouere potentiam . Itā de increato obiecto sustinet ipse pluribus in locis, sed præcipuè in 1. q. 82. art. 1. in

corp. & in resp. ad 3. ibidem etiam art. 2. in resp. ad 2. q. 105. art. 4. in corp. & q. 106. art. 2. in corp. idipsū insinuat in 1. 2. q. 9. art. 6. in corp. & q. 10. art. 1. in corp. sed euidentiùs art. 2. in corp. & in resp. ad 1. & 2. In his omnibus citatis locis assertiuè concludit finem vltimum creatæ voluntati clarè propositum, sic efficaciter illam allicere, vt omninò ad amoris productionem necessitet eam .

Sed respondebis non posse colligi propositum ex iam citatis testimonijs , mota siquidem difficultas & questio, solū restringitur ad elicitedum volūtatis amorem ; an videlicet increatum obiectum voluntati creatæ patenter oblatum tantę sit virtutis & efficacix, vt ad sui productionem amoris rapiat eam ? Sanctus autem Doctor vbi suprā contendit finem vltimum

mū, vt sic apprehensum necessitare voluntatem non ad productum amorem; sed ad naturalem appetitum duntaxat.

Huic D. Thomæ testimoniorum explicationi facile subscribet is, qui D. Thomæ contextum non viderit: at qui semel ipsum aspexerit statim deprehendet datam explicationem nulla ratione posse coherere cum intentione, & litera S. Doctoris, vt præ alijs in eius doctrina solertior aduertit, & exponit Caietanus, præsertim in p. 1. quæst. 82. ar. 1. vbi dilucidās in quo conueniāt & discrepent D. Thomas & Scotus in exprimendo, qua ratione videlicet creata voluntas necessario feratur in beatitudinem indistinctè conceptam, hæc habet ibi formalia verba: *Vndè nos appellamus naturalem appetitum, non solum inclinationem voluntatis in ob-*

*iectum; sed illum actum elicitum determinatum, quò ad specificationem &c.* Et paucis interiectis subiungit: *Sed in secundo cōclusionis sēsu scilicet quòd voluntati non repugnat habere aliquem actum elicitū, qui sit ei omninò naturalis; scilicet quò ad specificationem & exercitium, differimus non solum verbis, sed reipsa &c.* Ex quibus verbis apparet euidenter vltimum finem clarè visum necessitare creatam voluntatem, non solum ad specificationem: sed etiam ad exercitium amoris elicitum. Non habet igitur vndè præfata responsio subsistere valeat.

Cæterum respōderi posset acutiùs ex eodem Caietano, præsertim in 1. 2. quæst. 11. art. 2. vbi contra conclusionem, qua D. Thomas decernit ibidem creatam voluntatem videlicet à nullo prorsus obiecto

ex necessitate moueri quantum ad exercitium actus obijciens illud, quod moueatur, vt sic à clarè viso fine supremo; vt tandem obiectioni satisfaciatur, asserit voluntatem non moueri necessariò ad exercitiũ actus in patria ex clarè apprehensi obiecti virtute, vel efficacia: sed ex eo, quod ibi est in certa quadam dispositione, ad quam necessariò & naturaliter sequitur volitio. *Vnde* (concludit) *quandocunque voluntas necessariò mouetur ad exercitium, necessitas illa nunquam est ab obiecto; sed à natura, & à nature Datore &c.* Ex Caietano igitur vbi supra, & alibi euidenter habetur ex vltimi finis intuitiua notitia nullatenus exercitij; benè verò specificationis necessitatem inferri. Et licet in patria cum ista simul illa concurrat, non ambę tamen asserit ex eodem capite, tra-

hunt originem: exercitij nãquẽ necessitas ex supernaturali volutatis dispositione deducitur; specificationis verò necessitas ex omnimoda perfectione apprehensi obiecti colligitur. Accidit enim obiecto ex propria bonitate voluntatis actum necessariò specificanti, quòd cum eiusdem actus necessitate specificationis concurrat exercitij necessitas: obiectum siquidem vndequãquẽ perfectum quatenus volutati clarè propositum, illud tãtũ ex proprio cõceptu formaliter implicat, vt simpliciter necessariò eiusdem voluntatis actui specificationem elargiatur amoris; & quemadmodũ fusè declarat p. 1. quæst. 80. art. 2. appetibilis obiecti facultas, & virtus quatenus mouens immota spectata illuc vsquẽ pertingit, & eo peculiariiori munere fu igitur, vt appetitum de potentia ad

M m spe-

specificatum duntaxat reuocet actum; eò vel maxime quia voluntas similiter non alium quàm specificatum, & quatenus specificatum ab eodem obiecto recipere potest, & recipit actum.

Cæterum hæc quæ posset ex Caietano deduci, & afferri responsio, non adinuit ultimo fini de mente Sæcti Doctoris tributam sibi virtutem, qua voluntatem ad proprium eius amorem alliciat efficaciter: nam & si gratis concedamus, sicut libentissimè Caietano concedimus, non ità viribus valere apprehensum obiectum vt phisicam habeat facultatem mouendi ad exercitium actus creatam voluntatem in quouis statu, & quomodocunque spectatam; nullatenus tamen sue sententiæ subscribemus, si vires eiusdem obiecti sic infirmare, & enervare conten-

dat vt moralem etiam efficaciam, qua voluntatem eadem ad actus exercitium infallibiliter prouocet, sibi denegare præsumat: illud siquidem si docere tentaret, vt apertè docere videtur præsertim in 1.2. quæst. 10. ar. 2. nec D. Thomæ mentem attingeret, nec sibi satis constans appareret; & funditus tandè ex appetibili apprehenso obiecto finalè causalitatè euelleret. Liquet primum etiam ei, qui S. Thomæ limina tantum attigerit, vt satis euidèter clarescit ex omnibus suprà citatis eius testimonijs, in quibus dum apertè fatetur bonum in vniuersali conceptum, vltimumque finem distinctè clarèque prospectum ea pollere virtute, vt necessariò & efficaciter appetitum immutet, & ad proprium eius trahat amorem, expressiùs confitetur vltèriùs virtuosam efficacemque



quæ causalitatem, quam ad volutatem infallibiliter blādiendam & eliciendam exercet; aliter esset penitus intelligibile, qua ratione videlicet necessariò & efficaciter amantem potentiam immutare & pellicere dicatur.

At inquit Caietanus, vt sæpè sæpiùs explicat repetitquæ multis in locis, & præcipuè in 1.2. quæst. 10. art. 2. obiectiuam vltimi finis efficaciam & monitionem in eo tantum consilire, & ad illud dumtaxat extendit, vt solam specificationem largiatur & exhibeat actui. *Ita enim* (inquit) *necessariò specificat, quod est obiectiuè mone-re, quod impossibile est aliter se habere; quoniam non potest non specificari actus voluntatis ab eo &c.* Ad actus autem exercitium omninò propriā eius attēdendō naturam infirmum ineptumquæ fatetur obiectum, quantumcunquæ

videatur apertè, imperfectiones omnes excludat, & perfectiones cunctas includat; quemadmodum plusquam euidenter patet ibidem.

Cū igitur ex Caietano in vltimi finis intuitu non alia respectu voluntatis cōtingat agnoscī causalitas & efficacia, quàm obiectiua quædam facultas & virtus ad solius actus specificationem restricta; non est ergo curex citatis Diui Thomæ testimonijs, quantumuis appareat quòd decernat in illis bonum in cōmuni, vel particulare supremum patenter inspectum, efficaciter amantem immutare potentiam, ad exercitium actus colligi possit impulsus. Sed miramur Caietanum Thomistarum omnium facilè Principem itā hīc defecisse, vt etiā de mente S. Doctoris clarè visi finis vltimi vires ad solā actus specificationem limi-

tare præsumpserit : cùm S. Doctor illud præcipuè cõtendit, vt finis sit is, qui ex vi concipientis & apprehendentis intellectus appetitui præfens antecederet ad omnem actus non solùm specificationem ; sed etiam productionem simpliciter per propriam eius bonitatem, perfectionemquè intrinsecā appetentē potentiam, velut cõsopitā aliciēdo exsuscitat, exsuscitatā pungit & stimulat, stimulatam inclināt & applicat ad trahentis finis amorem: quemadmodū Sole clariùs relata testimonia demonstrant, & præsertim id quod desumptū est ex p. 1. q. 105. art. 4. in corp. vbi concludit nihil posse sufficenter & efficaciter aliquod mobile mouere ; *Nisi virtus actiua mouentis excedat, vel saltē adæquet virtutem passiuam mobilis: virtus autem passiuæ voluntatis se extendit ad bonū*

*in vniuersali, est enim eius obiectum bonū vniuersale &c.* Et paucis interiectis subiungit : *Solus autem Deus est bonum vniuersale, vnde ipse solus implet voluntatem, & sufficenter eam mouet vt obiectum &c.*

In quibus verbis illud diligenter aduertendum est, Deum videlicet in ratione obiecti, & vniuersalis boni passiuitatem mouendæ voluntatis ea lege attingere, vt illam adæquet, & impleat ; & itā simpliciter adæquare, vt indè sufficenter & efficaciter moueat ipsā. Sed eiusmodi motio non habet vndè in actus specificationem influere valeat, necessariò superest igitur vt appetenti potentiae, cuius capacitatem adæquat & implet exercitiū actus, velut intimans ad productionem actus exsuscitet & prouocet ipsam. Consequentia patet à sufficienti par-

partium enumeratione: Minor subsúpta probatur, quia cum specificatio ad actus substantiam comparata, sit ipsa posterior, & qualitas specificas eam (vt Caietani verbis vtamur in p. 1. quæst. 80. artic. 2.) solam eiusdem actus substantiam, quatenus specificandam vel modificandam, respicere igitur obiecti specificatiua facultas & motio, quæ modificationem actui tribuit, ad solius actus specificationem restringitur; ergo nullatenus ad voluntatis passiuitatem implendam extenditur, ergo sub alio conceptu, quàm sub ratione specificantis passiuitatē eius adæquat, & efficaciter indē mouet, & prouocat illam: atqui sub ea ratione ad specificatiui conceptū diuersa, non mouet ad actus specificationem, vt patet; ergo necessario ad eiusdē actus exercitium appetitiuū incitabit,

mouebitque potentiam.

Breuitér ergo dicamus, quod actus vtī specificabilis obiecto vtī specificatiuo respondet, sicut Caietanus etiam fatetur in p. 1. q. 80. ar. 2. vbi sic asserit: *Constat autē quod specificatio actus est posterior, quàm sit substantia actus specificari, & quod specificatio respōdet obiecto, & substantia actus appetitui &c.* Volūtas verò quatenus passiva, vel mobilis quod idem posset, omninò eidem quatenus motiuo correspondet obiecto: & quod quatenus possibilis, vel mobilis est obiecto, vt motiuo respondeat atque subdatur; Sole clariùs patet ex D. Thoma in p. 1. quæst. 82. artic. 2. in respō. ad 2. vbi hæc habet formalia verba: *Ad secundum dicendum mouens tunc ex necessitate causat motum in mobili, quando potestas mouentis excedit mobile; ita quod tota eius*

*eius possibilitas mouenti subdatur &c.*

At diceret Caietanus, quòd quàmuis obiecti specificatiua virtus & motio, vt specificabilem respiciat actû: illum tamen non attingit specificandû extra, sed intra voluntatem, quæ specificatum recipit actum productû, quo fit vt obiecti specificatiua facultas eo ipso, quòd specificat actum, simul etiam appetitum attingat; vt concludit Caietanus in p. 1. q. 80. art. 2. dicens; *Et sic appetitus est potentia verè passiva ab obiecto, quia reducitur ab eo de potentia ad actum specificationis, recipitq; ab eo actû specificatû in quantû specificationem &c.* Falsò deduximus igitur attribuentes obiecto, quatenûs specificatiua virtutem, qua specificet actum & non efficaciam, qua potentiam ad eundem vt specificatum moueat actum; tûm

quemadmodûm ex verbis Caietani liquescit, necessariò sibi etiam vt specificatiuum est, vtrumquè conueniat.

Sed facili potest negotio præcludi Caietanicum istud effugium, tûm primò quia specificatio per ipsum Caietanum sit qualitas subsequens actus substantiam, necessariò sibi correspondere debet eiusdem actus substantia pro immediato recipiente subiecto; eo vel maximè quoniâ actus substantia & non appetitus à specificatione velut à superueniente forma expostulat affici, ergo vel actus specificatio nò recipitur immediatè in appetitiua potètia, & per consequens non appetitus: sed actus substantia erit illa dûtaxat, quæ ad specificationis receptionem transmutabitur, & de potentia ad actum à specificante obiecto ducetur, vel si postquàm fuerit recepta in actus substantiam-

stantia, tanquàm immediata-  
tiori subiecto recipietur vl-  
teriùs in appetente potentia  
(quod putamus impossibile  
ex adæquatione subiecti) tunc  
per accidens competeret sibi  
specificatio intra potentiam:  
quia ex ratione sui proprij  
per se primò subiecti actus  
substantiæ, videlicet quæ cum  
sit exercitium potentiæ vita-  
lis, excidit; vt intra limites  
eiusdē potentiæ producat. Ca-  
terum si per possibile, vel  
impossibile produceretur  
subsistentē extra subiectū, vt  
in Diuinis spiratus amor pro-  
duci contingit, adhuc eadē  
actus substantia vt sic in esse  
producta, optimè tunc in ra-  
tione passi proportionati ab  
influxu specificantis obiecti  
ad specificationem transmu-  
taretur, & in ratione adæqua-  
ti subiecti reciperet eam.

Tum secundò quia in  
præcitato loco p. 1. quæst. 80.  
art. 2. loquitur Caietanus de

appetitus potentia ad actum  
reductione, quæ duplex est,  
& fit per hoc, quòd in eodē  
appetitu secundum ipsum  
producitur actus secundum  
substantiam, & secundum  
specificationem à proprijs  
vtriusquē principijs; vt non  
obscurè colligitur ex eius  
verbis ibidem, vbi decernit  
actus substantiam appetitui,  
& eiusdem actus specifica-  
tionem respondere specifi-  
canti obiecto in ratione pro-  
ducti effectus. Audiamus  
eius verba, si placet: *Dicen-  
dum est* (inquit) *quòd appeti-  
bile & appetitus possunt du-  
pliciter comparari, scilicet in  
ordine ad actum appetitionis  
communem vtriusq; effectum,  
& inter se; si comparantur ad  
communem effectum, sic ap-  
petitus inuenitur causa prior  
propter dictam rationem: sem-  
per enim quod est prius in ef-  
fectu, respondet priori causæ;  
& quod est posterius, posteriori;  
constat*

constat autem quòd specificatio actus est posterior, quàm sit substantia actus specificati, & specificatio respondet obiecto, & substantia actus appetitui: igitur appetitus prior inuenitur causa efficiens in ordine ad actum; si autè comparerentur inter se, sic appetibile inuenitur causa prior, quia appetibile reducit appetitum de potentia ad actum specificationis, & non è conuerso &c. En quàm apertè contendat exprimere nobis eas vitalis principij reductiones, quibus per operationem secundum substantiam, & secundum specificationem à proprijs vtriusquè correspondentibus principijs productam in ipso de potentia reuocatur ad actum; ea tamen lege vel sèssu, vt huiusmodi reuocatio simultaneum & operationè concomitans dicat exercitium, vel potiùs operationem exercitam & in fieri pē-

dentem à proprio producēte principio, dumtaxat importet.

At nos non loquimur nunc de transmutatiua vel effectiua vitalis principij reductione de potentia ad actum, sed propriè disputamus de applicatiua & infirmatiua eiusdem principij reuocatione de potentia ad actum; quæ videlicet reuocatio dicat excitationē, & prouocationem quandam ad operationis productionē exercendam à vitali principio in signo subsequēti ad eius applicationē: ita vt isthæc applicatio, vel reuocatiua præmotio sit exercitium & vsus principij tantum, quod ex vi eiusdem vsus, & exercitij prioris mox in posterius exercitium actus erumpere debeat. Nostra igitur controuersia, & proposita difficultas in eo propriè consistit, vt quæramus, & indagare

co-

conemur; an videlicet dato quòd supremum appetibile, vel vltimus finis euidenter apprehensus, nò reducat appetitum de potentia ad actum per cooperatiuū influxum, in operationem ipsum saltē reducat, vt sic per antecedentem impulsū actum volūtatis primæuum, qui prouocet & applicet ad operationis exercitium infallibiliter ex præcedenti voluntatis exercitio, vel vsu futurum? Eo pacto videlicet quo etiā ipsemet Caietanus in p.2.q.90.art.1.concludit impulsari & applicari ad proprias eorum operationes ex imperio voluntatis omnes illas potētias, quibus vtimur, cū volumus. Et explicans ibidem quid intelligat S.Doctor per *reduci potentiam ad exercitium actus*; itā demūm decernit: *Constat enim quòd per exercitium actus hic nil aliud intelligitur, nisi applicatio po-*

*tentia ad suam operationem.* Ad cuius corroborationem citat D.Thomam in eadem p.2.quæst.16.art.1.itā dicentem in corpore: *Dicendum quòd vsus rei importat applicationem rei illius ad aliquam operationem &c.* Sed euidentius repetit hoc ipsum quæst.17.art.3. in corp.dicens: *Imperium autem non est in actu eius, cui imperatur; sed naturaliter prius est imperium, quā imperio obediatur &c.* Per imperium enim intelligit actiuam imperantis motionem, qua subditam excitat & applicat causam ad opus: & per obedientiam, quā imperanti præstat inferius agens intelligit illius egressū & prurptionem in exercitium actus, vt euidenter colligitur ex eodem q.16.artic.1. in corpore, vbi S.Doctor itā cōcludit. *Vndè relinquitur, quòd imperare sit actus rationis præsupposito a-*

N n etu

*Estu voluntatis, in cuius virtute ratio mouet per imperium ad exercitium actus.* En igitur quàm manifestè distinguat S. Doctor inter exercitium potentiae, & exercitium actus.

Tùm deniq; tertio, quoniam estò quòd loquatur ibi de applicatiua reductione potentiae ad exercitiũ actus; ità videlicet vt nũquàm obiectum specificet actum, nisi ex vi proprię specificatiuę virtutis prius naturaliter moueat, applicetquẽ potentiam ad exercitium actus in subsequenti signo futuri: tunc manifestè conueniret nobiscum, nostramquẽ sustineret sententiam; quando quidem nos illud tãtum ad intentionem D. Thomę aduersus ipsum contendimus, vt apprehensũ appetibile saltem supremum ea virtute & efficacia polleat, vt appetentem potentiam ad exercitium a-

ctus applicare possit, & valeat.

Sed fortè Caietanus vltimam hanc derideret instantiam, siquidem diceret propriam eius opinionem longius esse diuersam à nostra sententia. Nos enim asserimus apprehensum obiectũ eo sensu in appetitũ influere, vt reuocet ipsum ad exercitium actus simpliciter. Ipse verò fatetur appetentem potentiam ab obiecto specificatẽ reduci de potetia ad exercitium actus specificati dũtaxat, vt ex illius verbis liquescit. Commisimus igitur fallaciã arguendo à secundo quid ad simpliciter, dum ex appetitus reductione de potetia ad exercitium actus specificati, & quatenus talis eiusdem appetitus reuocationem intulimus de potentia ad exercitium actus simpliciter.

Sed non est, cur Caietanus



nus instātiā derideat, cū  
nec derisionis vlla sibi prę-  
stetur occasio, nec ex addu-  
cta respōsione ad nostr de-  
clinandam, effugiendamquē  
sententiam, quid sibi pro-  
mittere possit, apparet; opti-  
ma siquidē est, vt statim ex-  
plicabimus, isthęc illatio. Ab  
appetibili, & conuenienti  
obiecto reducitur appetitus  
de potētia ad exercitiū actus  
specificati; ergo idem appe-  
titus ab eodem reuocatur  
obiecto de potentia ad exer-  
citiū actus simpliciter. Cō-  
sequentię bonitas, & euiden-  
tia Sole limpidiūs indē lu-  
cescit, quoniam actus speci-  
ficatio, nec posterior, nec est  
reipsā sciuncta ab eiusdem  
actus substantia; cū adeo  
sibi sit intima, vt propriam  
eius ingrediatur essentiam,  
illamquē constituat: ergo dū  
appetibile appetentē po-  
tentiam impulsat & appli-  
cat ad exercitiū actus, si de

potentia re ducit illam ad ex-  
ercitiū actus specificati;  
oportet omninō vt simul e-  
tiam in eodem prorsū indi-  
uisibili signo, reuocet eam  
de potentia ad exercitiū a-  
ctus simpliciter. Consequē-  
tia luce merediana clariūs e-  
micat: antecedens conceptis  
verbis est ipsius Caietani in  
p. 1. quęst. 77. art. 3. vbi ex-  
plicans mentem S. Doctoris  
proponētis ibidem difficul-  
tatem; ex quo capite scilicet  
potentiarum & actuum de-  
beat desumi distinctio, con-  
cludit eo sensu potentias per  
transcendentalem ordinem  
ad proprios actus, & actus  
per simile ordinem ad eo-  
rum obiecta, à priori speci-  
ficationem fortiri: *Quod*  
*(subiungit) non per aliquid*  
*superadditum, sed per suas*  
*essentias essentialiter ordinem*  
*habent ad actus &c.* Et vt cæ-  
tera complecteretur, & ex-  
primeret eiusdem furfuris

entia, paucis interiectis hæc verba subnectit: *Vndè non oportet asserre aliter obiectiones aliorum, nec aliter examinare; omnia enim ex hoc uno pendent, quòd potentia, actio, & passio, & huiusmodi entia essentialiter specificantur esse, & unitatem & diuersitatem habent ex intrinseca quidem differentia, sed non abstrahente ab extrinseco obiecto agente, fine, vel actu &c.* Quid clarius?

Ex hoc eodem testimonio manifestè deducitur insuper Caietanum non satis ubi constituisse, quando quidem hic apertè fatetur actus specificationem, quæ per ipsum nil aliud est formaliter, nisi eiusdem actus ad proprium eius obiectum quidam transcendentalis ordo in ipsius essentia, vel substantia ità imbibitus; ut nè ratio quidem independentè ab ordine tali concipere valeat

illam. In questione verò 80. art. 2. quali dictorum oblitus istorum actus specificationem, nunc qualitatem appellat, nunc quid posterius actus substantia nominat: Sed quæ ratione quæso sibi inuicem ista cohærebunt asserta, ut ex vna parte decernat specificationem esse formaliter ordinem, & per consequens entitatè ad aliud; & ex alio capite asserat esse qualitatem & consequenter ens absolutum? an fortè absolutum & respectiuum in vnum formaliter coire posse censebit.

Præterea quo sensu sese compatiuntur hæc alia, ut hinc fateatur specificationem in actus essentia claudì formaliter; & indè concludat veluti quid posterius & accidentarium eiusdem actus superaddi substantia? vel si superaddita, & posterior est; cur igitur intellectus actus substantiam præscindere nequi-

quibit ab ea ? vel si econtrà tanquàm specifica differentia in actus essentia clauditur ; qua igitur ratione obiectum in substantiam tunc simul non influet dum actus specificationem attingit .

Aliam demùm inconstantiam Caietani in hac ipsa materiaprehendimus ; obiectum siquidem vt nunc suprà deduximus ; etià quatenùs specificans est vitale principiù , de potentia reducit ad exercitium actus simpliciter , & saltem ex ore ipsius Caietani in p. 1. quæst. 80. artic. 2. *Appetitus est potentia verè passiva ab obiecto , quia reducitur ab eo de potentia ad actum specificationis , recipitque ab eo actum specificatum in quantum specificatum &c.* Et hoc vt asserit ibi efficienter ab ipso , quatenùs apprehenso ; in p. 2. tamen quæst. 10. artic. 2. sic ad exercitium quomodocunq ; mo-

tiuã obiecti facultatem extinguit , vt nè umbrã quidẽ similis motiuæ virtutis relinquat , vel agnoscat in illo . Audiamus , si placet , quid recolligendo sarcinulas concludat ibidem : *Et si horum* (inquit) *ultimam resolutionẽ cupis , recolito supradictorũ , scilicet quòd voluntas quò ad exercitium tres tantum habet motus , scilicet seipsam , suam naturam & Deum , vt agentem , non vt obiectum . Ex quo enim patet , quòd modus exercitij aliunde est , unde siue liberè , siue necessariò voluntas exerceat suum actũ , nunquàm ex parte obiecti causa requirẽda est ; sed agentis ( vt dictum est ) triplicis , & in hoc quiescat intellectus tuus &c.* Quiescant , qui velint ; quia nos , immanifestè pugnantibus , non solùm nullam tràquil-  
litatem ; sed maximam intellectus inquietẽ experimur .

PRO-

## PROPOSIT. XXVII.

*Nota itur nonnulla.*

**N**Otandum est etiam Deum semper antecedenter se habere ad quamcunque nostram actionem, idest Deum nunquam expectare nostram voluntatem agentem, vt consequenter ad illam agat ipse ; quasi verò prius volùtas determinet, & moueat se ad agendum, & posteriùs Deus siuè simultaneè cooperetur ipsi voluntati, tribuendo sibi auxilia cōuenientia, & hoc satis abudè probatum est suprà, sed adhuc ostenditur hanc fuisse veram & propriam intentionem Scoti. Ipse enim in primo dist. 17. quæst. 2. sub lit. Qq. respōdendo ad secundū secundæ viæ, habet hæc verba: *Dico ergo, quòd Spiritus Sanctus cooperatur voluntati habenti charitatem, ità quòd*

*Charitas eius sit causa prior mouens Spiritum Sanctum ad cooperandum ; sed quia Spiritus Sanctus omni cause secundæ generaliter cooperatur ad illum actum, ad quem secundum formam suam ordinatur, quomodò est diligere in voluntate habituata &c.* Quæ verba ex se ipsis Sole lucidiorè ostendunt nostram sententiam: nam ex ipsis colligitur Deum non solum non expectare voluntatem nostram, vt moueat se quando non est habituata, sed nec etiam quādo est habituata; nō enim (ait ipse) Spiritus Sanctus cooperatur voluntati habituatæ, quia habituata: quasi verò charitas eius sit causa prior mouens Spiritum Sanctum ad cooperandum, non (inquam) hæc ratio formalis; quia tunc Deus dependeret ex creaturis in suis actionibus: sed ratio formalis est, quia Spiritus Sanctus

ge-

generaliter omni causæ secundæ cooperatur ad illum actum, ad quem secundum formam suā ordinatur, idest ad quem actus ipsa causa secunda præordinatur, & præmouetur à Deo secundum formam suam, idest iuxta inclinationem illius formæ seu habitus, qui informat causam secundam: scilicet quod si voluntas (exempli gratia) est informata charitate, Deus cooperatur ipsi voluntati ad illum actum, ad quē ex præordinatione Divina inclinat ipsa charitas, scilicet ad actum dilectionis & fruitionis Dei; aut secundum formam suam, idest iuxta propriam naturam, seu iuxta exigentiam vel necessariā, vel liberæ naturæ causæ secundæ, quia de mente D. Augustini: *Deus res, quas condidit, sic administrat; ut proprios motus agere sinat* &c. Dicit etiam Scotus, quod

Charitas non est causa prior mouens Spiritum Sanctum; ergo Spiritus Sanctus est causa prior mouens voluntatē ad eliciendum actum. Consequentia probatur, quia Spiritus Sanctus & voluntas non sunt causę mouentes ex æquo; quia in essentialiter ordinatis, sicut est Spiritus Sanctus & voluntas: ille ut prima, hæc verò ut causa secunda, illud quod est posterius in suo mouere dependet à priori; ita quod posterius nunquā mouet, nisi moueatur, non est causa prior mouēs ut patet ex Scotto, ergo remanet quod voluntas ad hoc, ut moueat, debet prius Spiritus Sanctus esse causa mouens illam.

Et hinc est, quod Scotus in præcitata quæst. prima supra lit. H h. dicit: *Quod causa secunda semper sequitur motionem causæ primæ, nec potest moueri ad oppositum illius,*

lius, ad quod causa prima mouet &c. Quæ verba sunt maxime animaduertenda: primo enim notanda est illa particula, *semper*, ex quo fit esse de mente Scoti omnem causam secundam semper, idest in omni actione, quæcunque sit illa sequi motionem causæ primæ; idest causam secundam nūquam exire de facto in actum secundum, nisi præmouetur à Deo. Secundò notandum est illud, quod dicit; scilicet quòd stante tali præmotione primæ causæ causa secunda non potest moueri ad oppositum illius, ad quod causa prima mouet: quibus verbis nō poterat Scotus excellentioribus exprimere præmotionem phisicam; præmotio enim phisica illa est, ad cuius positionem necessariò necessitate infallibilitatis ponitur effectus, idest quòd posita Diuina præmotione in cau-

sa secunda, causa secunda non potest non operari illud, ad quod præmouetur, nec potest fingi præmotionem primæ causæ in ordine ad secundam esse præmotionem moralem. Nā hic Scotus loquitur de generali influentia, qua omnes causæ secundæ siuè liberæ, siuè naturales præmouentur ad actionem; & si illa præmotio, qua causæ naturales præmouentur, est phisica: quia ut patet, naturalis causa non potest præmoueri præmotione morali; ergo etiam præmotio, qua causæ liberæ præmouentur, erit phisica, aliter vel causæ liberæ non æquali dependentia dependerent à causa prima, sicuti causæ secundæ, vel talis præmotio non esset eiusdem rationis in omnibus causis, quod est cōtra Scotū: nā quādo ipse in 4. dist. 13. q. 1. sub lit. Cc. & in eodē 4. dist. 14. quæst.

quæst. 2. sub. lit. M. videtur negare præmotionem specialem, quam præmotionem alij vocant auxilium speciale, nihil aliud intendit; nisi dicere præmotione Diuina, qua causæ secundæ præmouentur ad suas actiones esse omninò eiusdem rationis, & ordinis in omnibus causis præmotis, quantumcùmque actiones aliquæ (ad quas præmouentur causæ liberæ) sint supernaturales, seu potius elicite ex habitibus supernaturalibus: eadē enim, idest eiusdē rationis, & ordinis præmotione præmouetur voluntas ad operandū, quādo est sine charitate; qua præmotione præmouetur ad operandum, quando est cum charitate.

Non enim est imaginabile, nisi à proteruo, & maledico, Scotum negasse auxilia seu gratiam præuenientē, cū illa confiteatur in pluri-

bus locis suæ doctrinæ; quæ loca hic recēdere esset nimis superfluum, & quod hæc sit germana intentio Scoti, Sole limpidius colligitur ex Scoto in præcitato loco 1. quæst. 2. dist. 17. sub lit. Qq. vbi habet hæc verba: *Ad secundum dico, quod Spiritum Sanctum cooperari igni ad calefaciendum non est miraculū, cooperari autem aquæ frigide ad calefaciendum (si tamen sine contradictione possit sibi competere aliqua causalitas respectu calefactionis) hoc esset miraculum; ita dico in proposito, quod Spiritum Sanctum cooperari voluntati habituatae ad actum eliciendum secundum illum habitum, hoc est de communi lege, qua Deus assistit causæ secundæ ad suum actum: sed ipsum cooperari voluntati non habituatae, esset miraculum; si tamen voluntas ipsa posset operari &c.* Ex quibus verbis colligitur Deum præmo-

O o      tio-

rali influere ad actum meritorium: immò intentio Scoti est, quòd non tantum præmotio illa virtuosa, qua præmouentur omnes causæ secundæ ad suas operationes, & ad quam præmotionem merè passiuè se habent, esse eiusdem rationis & ordinis in omnibus causis secundis præmotis ad quascunquè operationes, etiam meritorias; sed quòd insuper influxus ille Diuinus, quo simul cum causa secunda cooperatur ad actus meritorios, est eiusdem rationis & ordinis cum influxu, quo Deus cooperatur causæ secundæ naturali, scilicet igni. Et hæc est sententia Scoti in omnibus præcitatis locis, in quibus de influenza generali loquitur; sed præcipuè in primo dist. 17. quæst. 2. sub lit. Qq. vbi dicit: *Ita dico in proposito, quòd Spiritum Sanctum cooperari voluntati habiuitate*

*ad actum eliciendum secundum illum habitum, hoc est de communi lege, qua Deus assistit causæ secundæ ad suum actum &c.* Ex quibus verbis si expendatur illa particula, *cooperari*, certum esset; quòd Scotus per illam intelligit cooperationem & influxum simultaneum, quòd Deus cooperatur causæ secundæ, seu voluntati habituatae, idest informatae charitate ad actum eliciendum, qui actus elicitus ex charitate meritorius est: & tamen hoc non obstante dicit, quòd *hoc est de communi lege*; idest talis cooperatio non est alterius rationis & ordinis ab ea cooperatione ex illa influentiâ, qua Deus assistit causæ ad actum suum: idest qua Deus cooperatur causæ secundæ, seu simul cum causa secunda ad actum suum; idest ad operationem causæ secundæ.

<sup>1.</sup> Et clariùs id ipsum parum



infra ibidem replicat Scotus dicens: *Sed quia Spiritus Sanctus omni causæ secundæ generaliter cooperatur ad illum actum, ad quem secundum formam suam ordinatur &c.* Quæ verba sic debent expédi: *Sed quia Spiritus Sanctus omni causæ secundæ*; idest tam naturali,quàm liberæ(& notanter dixit Scotus vniuersaliter omni causæ secundæ, nam parum suprâ dixerat indefinitè; qua Deus assistit omni causæ secundæ) *generaliter*, idest influxu communi, & eiusdem rationis & ordinis cooperatur: idest simul concurrat ad illum actum cum causâ secundâ, ad quem actum ipsa causa secunda secundum formam suam; idest secundum propriam naturam, seu secundum habitum informantem illam ordinatur, scilicet à Deo præmouente &c. En igitur quomodo Scotus assermet non

solum præmotionem, sed etiam cooperationem Diuinam cum causis secundis esse eiusdem rationis, & ordinis in omnibus causis.

Sed contra hoc posset argui, si cooperatio Diuina sit eiusdem rationis & ordinis in omnibus causis secundis; ergo omnes actiones omnium causarum secundarum sunt eiusdem rationis & ordinis. Consequens est falsum; ergo &c. Consequentia probatur: nam cooperatio Diuina seu influxus simultaneus, quo Deus vnâ cum causa secunda operatur, nihil aliud est, nisi operatio ipsa secundarum causarum, vt efficienter procedit à Deo; ergo si cooperatio Diuina est eiusdem rationis & ordinis in omnibus causis secundis, igitur etiam omnes actiones omnium causarum secundarum erunt eiusdem rationis & ordinis, quod est falsum. Pri-

mò,

mò, quia actiones causarum secundarum differunt specie; ergo non sunt eiusdem rationis. Secundò, quia actus meritorij sunt ordinis supernaturalis, actus verò nò meritorij sunt ordinis naturalis; ergo non omnes actiones omnium causarum secundarum sunt eiusdem rationis & ordinis.

Ista difficultas saluatur iuxta ea, quæ habet Scotus in prima questione Prologi sub lit. L. ubi loquitur, quomodò aliquid potest dici supernaturale; & adhibeantur etiam ea, quæ habet Scotus in 2. dist. 3. quest. 9. sub lit. D. & declara (si potes) quomodò, & quotupliciter aliquid dicatur esse supernaturale de mente Scoti. Pro nunc respondetur negando consequentiam, ad probationem dicimus: quòd datur duplex cooperatio, seu cooperatio Diuina potest

dupliciter considerari vno modo actiue, & vt sic dicimus esse eiusdem rationis & ordinis in omnibus causis secundis; quia talis cooperatio actiua non est nisi volitio Diuina, qua vult ponere aliquid in esse, & hæc cum sit vna & omninò indistincta, vtique etiam est eiusdem rationis & ordinis in omnibus causis premotis ad operandum: alio modo passiuè (& vt sic) dicimus esse alterius, & alterius rationis & ordinis; nam cum cooperatio vt sic passiuè considerata nihil aliud sit, nisi ipsa operatio creaturæ, sicut creatio passiuua nihil aliud est nisi ipsa creatura: sequitur, quòd diuersificatur in ratione, & ordine ad diuersitatem causarum secundarum &c.

Nota etiam ex Scoto in primo dist. 17. quest. 1. supra lit. F f, quòd Spiritus Sactus non mouet voluntatem nostram

stram ad actum meritorium specialiter, idest motione speciali; sed generali & communi, seu motione non alterius rationis, & ordinis ab ea, qua mouet causas secundas ad actus non meritorios, accipiendo tamē ly non negatiuē, non autem contrariē: nam hoc esset hereticum asserere Deum præmouere ad actus non meritorios contrariē; quia eiusmodi actus sunt peccaminosi.

Notandum est insuper, quod implicat contradictionem voluntatem nostram, posse habere exercitium suæ libertatis circumscripta præmotione, & applicatione Diuina: nam vt suprà visum est, causa secunda non potest exire in actum secundum, nisi præmouetur à Deo; ergo nec etiam voluntas poterit exercere suā libertatem, nisi prius præmouetur à Deo ad tale exercitium.

Et hoc potest colligi ex Scotto in primo dist. 17. quæst. 2. sub lit. R. r. vbi habet hæc verba: *Ad primum dico, quod actus, qui est meritum, est in potestate mea supposita influentia generali* &c. Ex quibus verbis non obscure colligitur, Scotum velle actum meritorium esse in potestate nostra; supposita tamen influentia, idest præmotione generali: vnde circumscripta influentia generali actus non esset in potestate nostra, igitur implicat voluntatem posse habere exercitium libertatis absq; præmotione Diuina, nam habere exercitium libertatis, nihil aliud est, nisi voluntatem actualiter velle; si ergo voluntas nostra circumscripta influentia generali non habet in potestate sua, loquendo de potestate propinqua, actum meritorium, igitur nec poterit habere exercitium libertatis circum-

scri-

scripta influentia generali .

Id ipsum etiam colligitur ex Scoto in quæst. 18. quodl. sub lit. E. & parum supra lit. V. ubi dicit : *Quod Deus est uniuersalis Rector, & Motor totius nature.* Et idem etiam potest colligi ex quæst. 21. Quodl. sub lit. D. Q & S. vide ibi &c.

Notandum est etiam, quod non solum implicat voluntatem nostram posse habere exercitium libertatis, id est posse exire in actum secundum; sed etiam implicat voluntatem nostram posse ex maiori conatu dare intentionem actui, seu voluntate non posse habere motum intensum in ordine, & actum circumscripta præmotione Diuina. Et hoc potest colligi ex Scoto in 2. dist. 5. quæst. 1. sub lit. G. ubi loquens de Angelis bonis, quomodo habuerunt maximum meritum, dicit: *Et in eis fuit motus me-*

*riti valde intensus pro ista morula, qua merebantur; in tantum forte quod nullus homo secundum communem legem posset habere ita intensum actum meriti, sicut ipsi habuerunt &c.* Ex quibus verbis colligitur nullum hominem secundum legem communem, id est stante ordine Diuina, posse habere actum meriti intensum ex motu intenso, sicuti habuerunt Angeli boni; ita quod si aliquis homo potens esset, seu reddi deberet potens habere simile actum intensum ex motu intenso: oporteret, quod Deus potentia absoluta constitueret aliam legem, qua determinaret dare eundem motum intensum, sicuti habuerunt Angeli pro illa morula; igitur voluntas nostra de mente Scoti non solum dependet à Deo quod ad exercitium libertatis, sed etiam quod ad quemcumque alium motum, quem

quem potest habere.

Hinc ex prædictis omnibus non obscurè colligitur voluntatem nostram in omni sua actione, in omni motu, & conatu dependere à Deo; ità quòd semper Deus antecedenter se habet, & nisi Deus antecedenter se haberet, utiquè implicaret voluntatem nostram posse habere de facto actionem aliquam, aliquem motum, siuè conatum. Hinc fit, quòd causales istæ, quia Deus vult nos velle, voluntas nostra vult; & quia Deus cooperatur, liberum arbitrium cooperatur, veræ sunt, & oppositæ falsæ: quare siuè vnde fit, quòd voluntas nostra operatur, rectè respondetur; quia vult operari ad hoc, ut ostendatur libera facultas voluntatis. Sed iterum quærat, quare voluntas nostra vult operari? Hoc nõ debet refundi, nisi in volun-

tatem Diuinam ut in primam radicem cuiuscunque determinationis, refunditur etiam in voluntatem ipsam, ut in causam proximam determinantem seipsam.

Sed notandum est hinc, quòd iustificatio peccatoris fit in instanti temporis, in quo instanti intelliguntur multa ordinata secundum ordinem naturæ. In primo enim signo Deus præmouet peccatorem illuminando, & illustrando eius intellectum, proponendo illi conueniens obiectum; in secundo signo excitat eius stupentem voluntatem ostendendo sibi idem conueniens obiectum, quo voluntas suadetur, allicitur, inuitatur & quodammodò attrahitur: in tertio signo Deus infudit gratiã adiuuantem, qua liberum arbitrium adiuuatur, ut consentiat vocationi & gratiæ excitati. In quarto signo Deus sua gratia

tia operatur, & liberum arbitrium adiutum cooperatur gratiæ Dei, & tunc quasi in quinto signo liberum arbitrium elicit actum meritorium vitæ æternæ; & dicitur tunc peccator iustificatus, hæc omnia fiunt in eodem instanti temporis. Et hinc patet, quomodo Deus semper antecedenter se habet ad liberum arbitrium nostrum: & hæc est expressa sententia Scoti in pluribus locis, sed præcipuè in primo dist. 8. quæst. 5. sub lit. B. vbi hæc habet verba inter alia, scilicet: *Similiter nulla causa secunda causat, nisi prima causa causante causatum eius, & hoc prius naturaliter quam ipsa causa proxima causet &c.* Ex quibus verbis clarissimè colligitur, causam primam semper antecedere causam secundam non solum in hoc; quòd secunda non potest agere, nisi mo-

ueatur à prima; sed etiam antecedere illam in ordine ad causatum: idest quòd etiam prima causa antecedit causam secundam in ipsa actuali actione, quæ præcedentia non debet sic intelligi; quasi verò in vno instanti naturæ causet prima causa operationem causæ secundæ, & in alio instanti naturæ causet causa secunda; quia tunc sequerentur omnia illa inconuenientia, quæ affert Scotus in 2. dist. 37. sub lit. M. sed debet intelligi eo pacto, quo Scotus declarat illam in primo dist. 17. quæst. 2. sub lit. Qq. vbi habet hæc verba: *Cum igitur dicis, quòd prius operatur Spiritus Sanctus, quam voluntas habeat charitatem, falsum est, nisi intelligatur de prioritate eminentiæ, sicut causa superior: simul quippè cooperatur Spiritus Sanctus voluntati habenti charitatem, & ipsa operatur*

*Gr.* Quibus verbis docet Spiritum Sanctum non operari in vno instanti, & voluntatem in alio, sed prorsus simul in eodem signo: sed hoc non obstante, adhuc Spiritus Sanctus operatur prius quàm voluntas, loquendo de prioritare eminentiæ, seu independentiæ; quia Spiritus Sanctus à se, voluntas verò ab alio dependenter operatur: sicuti Pater à se, Filius verò ab alio præexigitiuè spirat Spiritum Sanctum.

Hinc est, quòd dicunt instantia alia esse in quo, alia verò à quo; vnde falsum est dicere, quòd datur aliquod instans, in quo operetur Deus & non operetur voluntas; sed verum est dicere dari instans à quo, seu verum est dicere Deum prius operari quàm voluntas; sed *ly* prius non denotat nisi instans à quo, idest

independentiam primæ causæ in operando, & dependentiam secundæ in operando à prima. Quem ordinem alij vocant ordinem causalitatis, idest quòd ideò causa secunda operatur; quia causa prima operatur, & non econtrà: & hoc est, quòd dicit Scotus in omnibus locis præcitatis, in quibus affirmat causam secundam etiam in quantum causat, dependere à prima.

Et quòd consensus, quo liberum arbitrium consentit gratiæ excitanti, dependet etiam à Deo, idest quòd etià Deus antecederet se habeat ad liberum consensum nostrum vocationi; ita quòd de facto nunquàm liberum arbitrium consentiret vocationi, nisi præmoueretur & iuuaretur à Deo, potest colligi ex Scoto in primo dist. 41. q. vnica parum supra lit. *A. S. Sed contra Gr.* vbi ver-

ba

ba hæc habet: *Quia Deus non praevidet istum bonè usum libero arbitrio, nisi quia vult, vel præordinat istum bonè usum eo &c.* Et in eodem loco parùm supra lit. A ubi dicit: *Deus volens huic aliquid istius ordinis, primò vult, huic creaturæ beatificabili finē; & quasi posterius vult sibi alia, quæ sunt in ordine illorū, quæ pertinent ad illum: sed gratia, fides, merita, & bonus usus liberi arbitrij, omnia ad istum finem sunt ordinata etc.* In quibus locis non obscurè docet bonū usum liberi arbitrij esse præordinatum, & volitū à Deo ab æterno; ergo etiam talis usus, qui nihil aliud est principaliter, nisi liber consensus vocationi, in tēpore præmouetur à Deo. Consequentia patet ex superius dictis, quibus abundè probatum est nullam causā secundam posse de facto exire in actum secundum; nisi

Deo prius præmouente, & applicante.

Hinc necessariò colligitur Deum physicè mouere nostram voluntatem ad operandum, & non solum moraliter; quia ex eo quòd prædeterminati, & prædefiniti sunt omnes actus nostræ voluntatis à Deo ab æterno, necesse est ut physicè, id est realiter & variè efficiēter volūtas nostra in tēpore præmouetur à Deo ad exercitiū illorum actuum, aliter de facto posset stare oppositum illius, quod ipse proposuit, quod est falsum. Probatur etiam, quia si causa secunda idèd causat, quia mouetur à Deo; ergo physicè mouetur. Consequentia probatur ex opposito consequentis, id est eo quòd physicè moueretur, ergo non causaret in quantum mota: Consequentia patet, quia cū motione non physica potest stare

P p 2 quòd



quòd causa secunda nō moueat.

## PROPOS. XXVIII.

### *De Subordinatione causarum.*

**N**otandum est, quòd causarū subordinationum in essendo, & in operando; alia est prima, & alia est secunda, & vtraque potest cōsiderari dupliciter: vno modo fundamentaliter, alio modo formaliter. Causa prima loquendo de causa, ergo prima fundamentaliter sumpta nihil aliud est, nisi voluntas Diuina, qua tanquā principio formali quod tres personę producunt omnia ad extrā: causa prima formaliter sumpta dicit duplicem respectum & habitudinem; ex eo enim quòd est prima, dicit respectum & ordinem ad causam secūdā,

quam mouet & applicat ad operandum; ex eo autem quòd est causa, dicit respectum & habitudinem ad effectum, seu operationem, quam producit simul cum causa secunda. Causa autem secunda fundamētaliter sumpta nihil aliud est, nisi principium formale & vis causatiua eius, mediante qua potens est producere operationem suam: Causa secunda formaliter sumpta dicit etiā duplicem respectum & habitudinem, ex eo enim quòd est secunda, dicit respectum & ordinem ad causam primam, à qua mouetur, & applicatur ad operandum; ex eo autem quòd est causa, dicit respectum & habitudinē, & effectum seu operationē, quam à Deo mota & adiuta producit simul cum Deo.

Sed notandum est, quòd in causa prima prius intelligitur esse habitudo motionis

nis actiue ad causam secundam, quam habitudo causationis actiue ad effectum producendum cum causa secunda; & ratio euidens est, quia cum causa secunda non potest cooperari causæ primæ ad effectum communem, nisi prius præmouetur, & reddatur potens proximè operari. Igitur necessum est, quod prius in causa prima præintelligatur esse habitudo motionis actiue ad causam secundam, quam causationis actiue ad effectum communem: confirmatur etiam, quia causa prima de lege comuni non cooperatur ad effectum causæ secundæ causa secunda non cooperante, & causa secunda non potest cooperari nisi à prima præmota sit ad influendum; ergo necessariò habitudo motionis actiue debet prius intelligi esse in causa prima ad causam secundam quam ha-

bitudo eiusdem primæ causæ ad effectum producendum simul cum causa secunda. Similiter etiam ex consequenti prius intelligitur esse in causa secunda habitudo motionis passiue ad causam primam, quā habitudo causationis actiue ad effectum producendum simul cū Deo, & ratio est iam assignata, quia causa secunda non potest cooperari ipsi Deo ad effectum communem vtrique; nisi præmouetur à Deo.

Ex hoc inferitur, quod si causa prima, & causa secunda considerantur secundum habitudines motionis actiue & passiue, quas dicunt adinuicem: tunc verum est dicere, quod causa prima prius inchoat effectum communem vtrique; quia causa secunda ad hoc ut actualiter opponetur debet prius naturaliter præmoueri ad operandum à causa prima; ergo ex eo quod

prima

prima causa prius naturaliter mouet secundam ad operandum, quam ipsa causa secunda actualiter operetur ad effectum communem utriusque; dicitur prius inchoare effectum communem utriusque: Si verò causa prima & causa secunda considerentur secundum habitudinem causationum actiuarum, quas dicunt ad effectum communem utriusque, tunc falsum est dicere, quod causa prima prius inchoat effectum communem, quam causa secunda; quia licet diuersis causationibus, quia aliud & aliud principium formale habent, & totalibus causent effectum: tamen simul & semel in eodem prorsus signo causant, aliter si Deus adhuc prius causaret, seu influeret in effectum quam causa secunda, tunc consideremus cum opinione Lutheri, qui dicebat Deum prius naturaliter

influere in libero arbitrio, & operationem liberi arbitrij; quaecumque esset illa siue bona, siue mala, & consequenter dicebat liberum arbitrium merè passiuè se habere non solum in ordine ad prae-motionem Diuinam, sed etiam ad influxum liberi arbitrij in suam operationem: & sic dicebat liberum arbitrium esse tamquam inanime quoddam, & consequenter inferebat Deum esse Auctorem boni & mali, quod est blasphemia.

Possset tamen dici considerando causam primam, & secundam etiam in ordine ad effectum communem, quod causa prima prius inchoet effectum communem, quam causa secunda: sed non alia prioritate, nisi prioritate independentiæ & eminentiæ, idest ex eo quod causa prima ex se cooperatur, & influit in effectum communem

nem, causa verò secunda dependet à causa prima; vnde fit, quòd causalis ista vera sit, quia Deus influit in effectù, causa secunda influit, & opposita falsa: ideò causa prima dicitur priùs inchoare effectum communem, quã causa secunda, & ex eo quòd causa prima eminèntiori modo influit in effectum, quàm causa secunda; quod effectù dicat essentialiorem ordinẽ ad primam causam, quàm ad secundam, vide Scotum in 2. dist. 2. q. 4. sub lit. E. ex quo fit, quòd effectus dicat essentialiorem ordinem ad primam causam, quàm ad secundam: ideò etiam potest dici, quòd causa prima priùs inchoet effectum communem, quàm causa secunda; sed cum hoc stat, quòd simul & semel, & in eodem prorsùs signo influat prima, & influat secunda in effectum communem.

## PROPOS. XXIX.

*Respondetur ad argumenta.*

**H**Is omnibus prænotatis, respondetur nunc ad omnes obiectiones, quæ possent occurrere cõtra omnia prædicta notabilia; & primò respondetur ad illa argumenta, quæ Scotus affert in 2. dist. 37. supra & sub lit. M. ad probandum voluntatem creatam esse totalem, & immediatã causam sui velle, quæ argumenta ipse nõ soluit.

Et primò ad illud, quod dicit, quòd nulla potentia habet perfectè in potestate sua effectum suum, qui non potest ab ea causari immediatè, nec ab aliqua causa; cuius causatio non est in potestate illius potentiæ. Respon-

pōdetur primò negādo simpliciter id, quod supponit ista propositio, scilicet voluntatem non causare immediatè suum velle; quia vt suprà dictum est, quantumcunquē Deus totaliter causet nostram volitionem independenter & eminentiūs, tamen hoc non obstante voluntas nostra etiam est totalis causa suæ volitionis, & eam causat immediatè in eo signo, in quo causat Deus: vndè formaliter respondeo si per hoc, quòd Deus causat nostram volitionem intelligi voluntatem nostram non causare immediatè; idest in eo signo in quo causat Deus volitionem nostrā. Negatur id, quòd supponit: si autem intelligit non causare immediatè, idest independenter, & sic conceditur; quia vt suprà diximus, omnis causa secunda non solūm in essendo, sed etiam

in operando depēdet à Deo; ità quòd implicat aliquam causam secundam actualiter operari Deo prius non prēmouente illam ad operandum.

Hinc est, quòd si fieret hoc argumentum: voluntas creata non potest immediatè causare suum velle, si non est causa totalis illius; ergo voluntas non habet perfectè in potestate sua suum velle. Potest distingui cōsequens: voluntas non habet perfectè in potestate sua suum velle, quasi verò merè passiuè se habet respectu illius; & negatur consequētia, quia quantumcumquē causa superior prēmoueat phisicè voluntatem ad operandum, & sic etiam totalis causa suæ volitionis: adhuc etiam illa se ex suo intrinseco & libero principio determinat ad operandum, & cooperatur actiuè influendo in suā voli-

volitionem; voluntas autem non habet perfectè in sua potestate suum velle, ex eo quia dependenter à prima causa se determinat, operatur, & cooperatur ad suum velle, & nimis principaliter. Conceditur consequentia, quia vt dicit Scotus in primo dist. 39. sub lit. Z. *Omne positivum, quod est in effectu principaliter, est à causa priore &c.*

Ad illud, quod dicit; quòd omne quod determinatur ad aliquid ab alio, non habet perfectè in sua potestate illud: sed voluntas nostra est huiusmodi; ergo &c. Respòdeo distinguèdo maiorem, scilicet nō habet perfectè in sua potestate illud, ad quod ab alio determinatur, si non iuxta conditionē & inexistētiā suæ naturæ determinatur, & vera est maior; secus autem si iuxta conditionem & exigentiā

suę proprię naturæ determinetur, sicuti à Deo determinantur omnes causę secundæ, & præcipuè causę libere, ergo &c.

Ad illud, quod dicit nostrum velle non esse contingens, ex eo quòd voluntas nostra necessariò sequitur determinationem causæ superioris; respondeo, quòd est contingens, quia semper remanet tūm ex parte causę, tūm ex parte effectus indeterminatio de possibili, quæ indeterminatio saluat rationem formalem contingētīæ, & licet voluntas necessariò sequatur determinationem causę superioris, talis necessitas non est, nisi necessitas infallibilitatis & immutabilitatis, cum qua stat potentia ad oppositum: non autem est necessitas inmutabilitatis, quæ excludit actum & potentiam successionis oppositi.

Qq

Ad

Ad illud ; quod dicit ; quòd si Deus esset causa immediata volitionis, ergo esset causa prior nostra volùtate; ergo priùs naturaliter influeret in effectum, quàm nostra voluntas, & consequenter volùtas nostra merè passivè se haberet respectu volitionis, & sic non posset mereri, nec demereri. Respondeo distinguendo primum consequens, esset causa prior, idest mouens non mota independens & principalior; & vera est consequentia, esset causa prior: quasi verò Deus priùs naturaliter influeret in effectum, quàm nostra voluntas, & falsa est consequentia: nam quantumcùnquè voluntas nostra sit causa mouēs mota dependens & minùs principalis; tamen non obstante influit in effectum in eo, puto in quo influit Deus: & cum hoc stat, quòd Deus

influat à se, voluntas verò ab alio; vndè causalis hæc vera est, & opposita falsa; quia Deus influit, ideò voluntas influit. Hac distinctione data primo consequenti, tunc negantur omnes alie consequentiæ. Hæc responsio colligitur ex Scoto in 2. dist. 37. sub lit. V. & in primo dist. 17. q. 2. sub lit. Q q.

Ad illud, quod dicit; quòd si Deus esset causa volitionis tunc erit causa totalis, ergo voluntas nihil causaret, quia cum totali causa alicuius nihil aliud potest causare, cū illa totali causa in eodem genere causæ respectu eiusdem effectus. Respondeo concedendo Deum esse totalem causam nostræ volitionis, & negando consequentiam, ad probationem dicitur; quòd licet Deus & voluntas creata respectu volitionis dicantur esse duæ

cau-

causæ totales in eodē genere suæ causæ : tamen implicat volūtatē nostram respectu suę volitionis esse causam totalem , quantumcunque volitio totaliter etiam producat a Deo in eodem genere , & ratio est ; quia circumscripta voluntate nostra volitio non haberet, nec posset habere esse à Deo: nā cum volitio sit actus vitalis, dependet à nostra voluntate non solum in genere causæ efficientis, sed etiam in genere causæ formalis, & consequenter ipsa volitio nullo pacto potest produci à Deo sine voluntate ; nec etiam circumscripto influxu Diuino volitio nostra haberet, & posset habere esse à voluntate nostra ; quia vt supra dictum est, cum voluntas & omnis causa secunda dependeat à prima in operando, nullo pacto potest operari circumscripto influxu , seu

præmotione Diuina : sequitur ergo, quod non implicat, immò est necessarium, quod voluntas etiam influat in volitionem suam quantumcunque in illam influat Deus ; implicaret tamen si volitio sufficienter posset habere esse circumscripta vel voluntate, vel influxu Diuino : & hoc est, quod probat Scotus in pluribus locis, sed præcipuè in primo dist. 2. quæst. 3. sub lit. B. & in 3. dist. 1. quæst. 2. sub lit. A.

Ad illud, quod dicit, quod voluntati non repugnat esse totalem causam suæ volitionis, ergo potest esse causa totalis suæ volitionis, sicuti etiam si esset subiectum, & per impossibile circumscriberetur omne aliud, quod non est ipsum, adhuc causaret suam propriam passionem, & hoc totaliter, ergo sic etiam voluntas. Respōdeo distinguendo antecede-

Qq 2 dens,



dens, non repugnat voluntati esse causam totalem respectu suę volitionis; idest independentem à quocunque alio, quod non est ipsa: & falsum est antecedens, nam probatum est omnem causam secundam essendo, & operando dependere à prima, non repugnat voluntati esse causam totalem in genere suo, seu in ordine suo causandi; cum hoc tamen dependenter ab alio, & verum est antecedens. Consequens transeat eadem distinctione, ad casum positum respondetur; quod casus est impossibilis, etiā dato quod esset subiectum, circumscriberetur ab eo omne aliud, quod non est ipsum, adhuc non posset causare suam propriam passionem, nisi simul cum ipso influeret Deus ad causandum illam.

Auctoritates sacrę Scripturę, & SS. Patrum, quas ibi affert Scotus, superius di-

ctum est, quomodo sint intelligendę.

Ad illud, quod dicitur præmotionem actualē Dei, & influxum in causas secundas superfluere: nam cum præsupponatur in illis quidquid ad agendum est necessarium ex parte actus primi, non est cur indigeant illo præuio influxu, quod ad agendum iuuentur, inclinentur, & confortentur. Respondetur negando præuium Diuinum influxum in causas secundas superfluere; immo dicimus eò esse simpliciter necessariū, vt implicet causas secundas de facto imperari circumscripto Diuino influxu: ad probationem dicimus, quod verum est omnes causas secundas sufficientissime constitutas esse à Deo in actu primo, quo possunt simpliciter operari; sed tamen hoc non obstante causę secundę non habent, vnde  
de

de facto exeant in actum secundum, nisi dependenter ab influxu Diuino, quia non solum in essendo, sed etiam in operando dependet à prima causa: recipiunt ergo causæ secundæ à causa prima præuium Diuinum influxum, qui non est aliquid actus primi illarum; sed est quasi complementum actus primi earum, quo reducuntur ad operandum de potentia remota ad potentiā proximam, idest quo influxu fit, vt causæ secundæ premotæ applicentur ad actualiter operandum. Vnde circumscripto præuio Dei influxu nunquā, quia implicat; causæ secundæ possunt se actualiter applicari ad operandum, quantumcunque sint sufficientissime constitutæ in actu primo per formam permanentem illarum, & consequenter concursus Dei simultaneus non sufficit.

Ad illud, quod dicitur solum instrumenta artis indigere, vt præuia motione moueantur, & applicentur à superiori agente ad operandum; quia instrumentum de se, & virtute propriæ formæ non habet vim ad producendum effectum principalis agentis: non autem causas secundas; quia ipsæ in virtute propriæ formæ habent vim producendi effectum. Respondetur, quod vt patet ex Scoto in 4. dist. 1. q. 1. sub lit. Dd. & in eodem 4. dist. 1. q. 5. sub lit. F. Omnis causa secunda considerata in ordine ad primā causam dicitur instrumentū; & consequenter ad hoc vt actualiter operetur, indiget præmotione superioris causæ, quod satis apertè dicit Scotus in primo præcitato loco 4. vbi habet: *Alio modo potest intelligi agere principaliter, idest per formam propriā & intrinsecam agenti; licet*

in

*in agendo per eam sit ordinata causæ superiori agenti, si contra causam principalem primo modo dictam distinguatur instrumentum, sic omnis causa secunda potest dici instrumentalis &c.* Ex quibus verbis duo colliguntur: primum, quòd omnis causa secunda in ordine ad primam dicitur instrumentum; & secundum quòd omnis causa secunda quantumcunq; habeat propriam, intrinsecam & permanentem formam operandi, hoc tamen non obstante adhuc in agendo, idest in actuali operatione subordinatur eo pacto superiori agentis; quòd nunquam actualiter operaretur, nisi præmoueretur ad operandum ab illo. De mente autem Scoti, ut potest colligi ex præcitatis locis, est quòd instrumentum non solum recipit à superiori agente actualem motionem, sed etiam formam acti-

uam, qua redditur potens simpliciter operari: causa autem secunda solum recipit præmotionem ad operandum; quia formam actiuam, idest actum primum sufficientissimè recepit à Deo in principio suæ productionis.

Ad illud, quod dicitur causas naturales esse determinatas ad vnum; ergo saltem illæ non indigent præuia Dei motione ad operandum. Respondetur verum esse naturales causas esse determinatas ad vnum in ratione actus primi, quo possunt simpliciter operari; non autem esse determinatas ad vnum, ita ut operentur de facto circumscripta præmotione Diuina, ergo etiam illæ indigent, ut operentur de facto, præmotione Diuina.

Ad illud, quod dicitur non esse imputandum ad culpam voluntati, si non operetur meritoriè; ex eo quòd quando

do voluntas actu non operatur, non habet præuium illum Dei influxum, qui & simpliciter necessarius ad operationem. Respondetur voluntatem nostram antecedenter ad præuium Diuinum influxum habere formam, & sufficientem actum primum, quo potest operari; vnde non indiget præuiio influxu, vt possit operari: sed indiget, vt operetur de facto, quando dicitur non esse imputandum &c. Negatur, ad probationem conceditur influxum illum non esse in potestate voluntatis: cum talis influxus præuius sit solum à Deo effectiue, sed tamen supposita illa motione terminus illius motionis est in nostra libera facultate; videlicet operatio libera, ad quam datur illa præmotio, ita quod est in facultate nostræ voluntatis seipsam impedire, nè operetur confor-

miter ad illam præmotionem, & hoc sufficit, vt imputetur voluntati ad culpam, si non meritorie operetur. Hæc responsio colligitur ex Scotto in 2. dist. 28. quæst. vnica sub lit. B. vbi habet: *Ita quod non potest esse semper omissio actus huius præcepti sine peccato mortali, quādocūq; autem voluntas actū huius præcepti exequitur, licet in formis, & disponit se de congruo ad gratiam gratificantem, cui oblata vel resistet, & peccabit mortaliter; vel consentiet, & iustificabitur &c.* Et parum infra respondendo ad secundum principale, dicit: *Ad minorem, potest dici; quod iste, cui offertur gratia, potest cauere, nè resistat gratiæ &c.* Ex quibus verbis non obscure colligitur voluntatem nostram posse respuere gratiam gratificantem oblatam, & consequenter peccare.

Sed contra hoc est dubium non

non parui momenti, quod eiusmodi est; scilicet si voluntas potest resistere gratiæ gratificantis oblatae, & non agere conformiter ad præmotionem Diuinam; ergo gratia non est efficax antecederet ad consensum liberi arbitrij, quod est contra prædeterminatam: secundò sequitur, quòd voluntas poterit moueri ad aliud, ad quod non præmouetur à Deo; nã si Deus præmoueat voluntatem ad consentiendum vocationi, & ipsa dissentiat, nonnè mouebitur ad aliud ab illo, ad quod præmouetur à Deo.

Huic difficultati respondetur, saluo tamen meliori iudicio, negãdo consequentiam; & ratio negationis est, quòd licet gratia sit efficax antecederet ad consensum liberi arbitrij: tamen gratia nunquàm dicitur fortiri effectum suæ efficacis absque

consensu liberi arbitrij, unde licet efficacia gratiæ sit independens ab omni alio ab ipso Deo; tamen quòd ad effectum suæ efficacis, seu quòd ad executionem suæ efficacis dicitur quodammodo dependere à consensu liberi arbitrij. Negatur etiam illud, quòd secundò infertur: ad probationem respondeo, quòd volutatem moueri ad aliquid, ad quod non est à Deo præmota, potest considerari dupliciter vel efficiendo, vel deficiendo; primo modo est impossibile, quòd voluntas moueatur ad aliquid, ad quod præmouetur à Deo: & ratio est (vt dictum est supra) quia omne positium, quod est in effectu, principalius est à causa priore; ergo voluntas in efficiendo dependet à causa superiori, & consequenter est impossibile, quòd positum efficiendo moueatur ad ali-

aliquid, ad quod non præmouetur à Deo. Sed secundo modo possibile est, & de facto accidit (utinam nunquam accideret) quòd volùtas mouetur ad aliquid, ad quod mouetur à Deo, & ratio est, vt dicit Scotus in 2. dist. 37. sub lit. T. *Quòd cum ad velle voluntatis creatæ concurrant due voluntates, scilicet voluntas creata et Diuina, potest esse defectus in ipso velle ex defectu alterius causæ, & hoc quia ista causa posset rectitudinem dare actui, quam tenetur dare, & tamen non dicitur &c.* Hinc potest colligi voluntatem nostram in efficiendo esse subordinatam causæ superiori, in deficiendo verò esse causã supremã, & nulli subordinatam, nisi suæ liberæ facultati.

Sed quis posset dicere, quòd non tantum voluntas mouetur ad aliquid, ad quod non præmouetur à Deo ne-

gatiuè, idest deficiendo ab illo, quod præmouetur à Deo: sed etiam contrariè, sicuti accidit in peccatis commissionis; ergo voluntas potest etiam efficere aliquid, ad quod non præmouetur à Deo.

Respódeo, quòd volùtas vel omittet operari id, quòd tenetur operari; & sic peccat peccato omissionis deficiendo non solum à reãtitudine debita inesse actui, sed etiam deficiendo ab ipsomet actu: vel operatur aliquid adhibendo actui circumstantias indebitas, sic peccat peccato commissionis operando aliquid; cui tamen non adhibet propriã reãtitudinem, & sic deficit ab alio, quod tenetur: ex quo patet, quòd voluntas mouendo se ad aliquid, ad quod non præmouetur à Deo, nunquam se mouet efficiendo, sed semper deficiendo vel negatiuè,

R r            vel

vel contrariè.

Ad illud, quod dicitur; quòd ex tali præuio influxu in voluntatem tollitur libertas eius, ex eo quòd posito eiusmodi influxu voluntas non potest non operari actū illum, ad quem præmouetur. Respondeo, quòd (vt suprà visum est) per efficaciam præoperantis gratiæ non destruitur, immò potius roboratur & perficitur nostri arbitrij libertas; ex eo quòd voluntas præmouetur ad operandum iuxta conditionē & exigentiam suæ libere naturæ, vndè voluntas remanet libera in actu primo, quia quantumcunque prædeterminetur à Deo ad vnū: tamē ita operatur illud vnū, quòd potest operari eius oppositum, si velit; remanet etiam libera in actu secundo seu in exercitio à Deo ad alterum extremum, etiam ipsa vt causa proxima se deter-

minat, & præmouet ad operandum. Respondeo nunc ad formam negando quòd ex præuio influxu tollatur libertas, & quādo dicitur, quòd stante tali influxu, voluntas non potest non operari: verum est in sensu composito, sed falsum in sensu diuiso, quantumcunque enim voluntas prædeterminetur ad vnum; ita quòd ex tali prædeterminatione infallibiliter operetur illud, ad quod prædeterminatur, semper tamen in sua libera facultate vt possit non operari &c.

Ad illud, quod dicitur præuium illum influxum debere esse indifferentem ex eo, quòd eiusmodi modus influendi possibilis est primæ causæ, cum in illo nulla possit excogitari repugnantia, quod confirmatur; quia Sol etiam eodem indifferenti modo concurrit cum causis secundis, quæ ab alio depen-

pendet. Respondeo modum illum operandi & concurrēdi concursu, qui secundum se sit indifferens, non esse Deo possibilem; quia (vt supra dictum est) videtur valdè repugnare perfectioni suæ prouidentię & causalitatis: ad confirmationem de Sole respondeo, quòd Sol cum sit finitus & limitatus & consequenter in essendo & in operando includēs aliquid potentialitatis, potest per concursum alterius causæ determinari ad producendum talem, vel talem effectum in indiuiduo; Deus autem est causa infinitè perfecta & purus actus in essendo, & operando nullam admittens potentialitatem, ergo eius voluntas vel concursus, in quo concursu est intentio voluntatis & virtutis Diuinæ, non potest determinari ad operādum ex concursu causæ secundæ.

Ad omnes auctoritates sacre Scripturę, Sacrorum Conciliorum, SS. Patrum ac Scholasticorum, quibus probari videtur Deum suo æterno & absoluto decreto non prædeterminasse omnes causas secundas tam liberas, quàm naturales ad suas operationes; exponatur Deum non ità prædeterminasse præsertim causas liberas, quòd ex necessitate naturali & absoluta sint ad vnum prædeterminatæ, sed solùm necessitate infallibilitatis & immutabilitatis, cum qua compossibilis est libera facultas voluntatis nostræ, & licet eiusmodi Diuinum decretum in intentione antecedit nos sine nobis, seu actum liberum nostrę voluntatis; tamen in executione non antecedit actum liberum nostrę voluntatis sine nobis liberè cooperantibus, & cōproducentibus illum.

R r 2 Ad



Ad illud, quod dicitur Lutherum & Calvinum affirmasse voluntatem nostram phisicè operari: sed cum hoc dixerunt, quòd voluntas nostra phisica quadam efficacitate prædeterminatur à Deo, ut velit, & hoc per efficacissimā suam voluntatem præuenientem nostram; ergo nos affirmando voluntatem nostram phisicè prædeterminari à Deo, coincidimus cū opinione Lutheri & Calvini. Respondeo Lutherum & Calvinum non errasse, ex eo quòd affirmarunt voluntatem nostram phisicè prædeterminari à Deo per efficacissimam eius voluntatem præuenientem liberum arbitrium nostrum: sed errasse solum, quia ex cuiusmodi principio Catholico; scilicet datur voluntas, seu gratia Dei efficax præueniens nostram voluntatem, & præmouens illam ad operandū, non

intelligentes qualiter cum efficaci voluntate & gratia Dei staret simul nostri arbitrij libertas: intulère hoc hæreticum consequens, scilicet ergo voluntas nostra non esset libera in suis operationibus, ad quas dixerunt insuper voluntatem nostram merè passiuè se habere; & consequenter fecère Deum nō minùs Auctorem proditiōis Iudæ, quàm vocationis Pauli: nam asserebant liberum nostrum arbitrium esse figmentum & rem de solo titulo, immò titulum sine re; arguebant enim, sed falsissimè, tali pacto est in Deo voluntas efficax & gratia præueniens nostram voluntatem, qua facit ut faciamus, & operatur ut operemur, ergo nō est in nobis liberū arbitriū. Pelagius autē ex opposito diametraliter nimis extollendo liberum arbitrium negauit omnem efficaciam

ficaciam voluntatis & gratiæ Dei, vndè sic arguebat: est in nobis vera arbitrij libertas; ergo non est in Deo voluntas efficax, & gratia præueniens nostras voluntates, qua facit vt faciamus, & operatur vt operemur. Nos autem extremas & impias hæreses Pelagianorum ac Lutheranorum detestantes media via rectè incedentes fatemur contra Pelegianos Deum æterno, absoluto atq; efficaci decreto suæ voluntatis, ac sua præoperante gratia nostras præuenire voluntates, easq; ad modû causæ phisicæ ad omne opus bonum dirigere; salua tamen illa libertate, asserimus etiam contra Caluinum & Lutherum, quòd nihil impediens efficaciam voluntatis & motionis Diuinæ manet in homine intégrâ libertas arbitrij, videlicet facultas & potestas, qua possit

(si velit) non sequi motionem Diuinam. Ad formam argumenti nunc respondeo, quòd licet nos in antecedente Catholico conueniamus cū hæreticis, immò cum veritate; hoc tamen non obstante discordamus ab illis in consequente hæretico, quod ex mala & deprauata intelligentia malè inferebāt ex antecedente Catholico.

Ad illud, quod dicitur, quòd si ad hoc vt voluntas operetur de facto, oportet vt præmoueatur à Deo; ergo non liberè omittuntur à nobis actus illi, qui sunt in præcepto, quia non potest volūtas operari nisi illud, ad quod est prædeterminata, & præmouetur à Deo. Respondeo, quòd verum est esse impossibile (vt dictum est supra) posse nostram voluntatem operari aliquid, ad quod non sit à Deo prædeterminata ab æterno & in-

tem-

tempore prænota; ergo illi actus, ad quos voluntas non est prædeterminata, & non præmouetur à Deo, non dicuntur omitti à nobis nec liberè, nequè necessariò: tamen potest voluntas deficiendo omittere actus illos, ad quos præmouetur à Deo, ut dictum est suprà; & licet omittat actus illos ex eo, quòd non efficaciter præmouetur à Deo, tamen quia ex sua libera facultate, & ex sufficienti auxilio habet, ut possit non omittere. Hinc est, quòd liberè dicitur omittere, & còsequèter omis-  
sio imputatur sibi ad peccatum; quantumcunquè omis-  
sio infallibiliter sequatur ex eo, quòd voluntas non effi-  
caciter præmouetur à Deo: tamen quia volùtas habens  
auxilium sufficiens, quo constituitur in actu primo  
potens operari ex sua libera  
facultate omittit actus il-

los, ad quos saltem voluntate antecedenti præmouetur à Deo; ideò omis-  
sio imputatur sibi ad peccatù mortale: si verò quæ-  
ratur, unde est, quòd Deus efficaciter  
præmouit Paulum, & non efficaciter Iudam? Respon-  
deo, quòd non præmouere,  
seù non præordinatio ad glo-  
rià & gratiam in ordine ad  
Iudam, est causa quare in  
tempore Iudas non præmo-  
uetur efficaciter ad operan-  
dum actus illos, quos Deus  
vult voluntate signi, ut ab  
omnibus exerceantur: Si ve-  
rò iterum quæ-  
ratur, quare  
Deus non præordinauit Iu-  
dam ad gloriam & gratiam?  
Respondeo, nullam esse as-  
signandam nec posse assi-  
gnari, nisi ita Pater; quia  
sic placitum fuit antece-  
denter, recurrendum est igitur ad voluntatem Diui-  
nam.

Hic tamè est notandum;  
quòd

quòd præmotio in tempore sit proportionabiliter prædeterminationi & decreto æterno, ex quo fit; quòd voluntas ad illos tantùm actus præmouetur in tempore, ad quos est prædeterminata ab æterno: vndè non dicitur omittere actus illos, ad quos non præmouetur in tempore; quia nec ab æterno est prædeterminata ad illos, nec actus illi cognoscuntur à Deo, nisi vt possibiles antecedenter ad decretum Diuinum.

Ad illud, quod dicitur; quòd voluntas nostra potest facere aliquid, ad quod non præmouetur à Deo, ergo non est in potestate nostra facere aliquid. Respondeo, quòd antecedens verum est in sensu composito, non autem in sensu diuiso: nam licèt sit impossibile, quòd nostra voluntas operetur de facto circumscripta præmotio-

ne Diuina, tamen semper voluntas remanet potens operari etiam circumscripta præmotioe Diuina; eadem distinctione expendatur consequens: vel respondetur & redit in idem, quòd in hac propositione voluntas nostra nihil potest operari sine præmotioe Diuina, aut nihil negat à nobis actum, & potentiam ad operandum; & sic falsa est propositio, aut negat solùm actum, & sic est vera.

Ad illud, quod dicitur; quòd ex præmotioe Diuina tollitur indifferentia nostri liberi arbitrij, quæ est de eius essentia ex eo, quòd ex prædeterminatione, & præmotioe ad vnum tollitur à libero arbitrio potentia: ad oppositum respondeo, quòd duplex est indifferentia voluntatis, altera passiuæ in ordine ad Deum, secundum quam recipit præuiam Dei præ-

præmotionē, qua Deus ipse efficit; vt liberum arbitrium se determinet ad volendum hoc, vel illud. Altera verò est indifferentia actiua in ordine ad istum, vel illum actū liberum: Prima indifferentia tollitur efficienter à solo Deo per decretum efficax suæ voluntatis, quo producit motionem præuiam, quæ recipitur in voluntate; sed per eiusmodi præmotionem Diuinam tollitur solum indifferentia, seu indeterminatio de inesse, non autem indifferentia de possibili: Secunda verò indifferentia tollitur efficienter ab ipsa voluntate mota à Deo ad eliciendum actum liberum, in quem Deus principalius influit; ex eo enim quòd voluntas ex præmotione Diuina se determinat ad hunc vel illum actū eliciendum, efficienter tollit à se indifferentiam, seu determina-

tionem actiuam: sed nō aliā, nisi indifferentiā de inesse; nō autē indifferentiā de possibili. Ad formā respondeo concedendo ex præmotione Diuina auferri à nobis indifferentiam passiuam de inesse, non autem de possibili, quæ est de essentia liberi arbitrij; & iterum conceditur ex eo, quòd liberum arbitrium ex præmotione Diuina se determinat ad hoc, vel illud auferri à nobis indifferentiam actiuam de inesse, non autem de possibili, quæ de eius essentia &c.

Ad illud, quod dicitur; quòd præmotio Diuina in ordine ad voluntatē est ipsa operatio voluntatis, ergo si Deus determinat & præmouet voluntatem antecedenter ad eius concursus, actus voluntatis erit à solo Deo, & sic voluntas merè passiuè se habebit. Respondeo determinationem Diuinam

nam posse considerari dupliciter vno modo in ordine ad actum primum voluntatis, & sic non est eius operatio, sed est vltimum actus primi complementum, quo de potentia remota fit in potentia propinqua ad operandum, alio modo in ordine ad actum secundum; & sic est formaliter operatio, vt alij tenent, licet ergo aliud senserim in hoc, & hac non sit à solo Deo, sed à Deo & libero arbitrio moto ab ipso Deo.

Ad illud, quod dicitur, quod stante prædeterminatione Diuina in ordine ad nostram voluntatem, voluntas nō se determinaret, quia quod est iam determinatum non ampliùs se determinat: cūm omnis prædeterminatio præsupponat in potentia indeterminationem, & hoc est contra rationem agentis liberi, cuius operatio ad hoc, vt sit libera, debet pro-

cedere à principio intrinseco liberè se mouente, & determinante. Respondeo, quod Deus est simpliciter primum determinans, & voluntas nostra est secundariū; quando ergo dicitur, quod stante determinatione Diuina voluntas non se determinat, verum est vt primum determinans, non autem vt secundarium & proximum determinans: & quando dicitur, quod omnis determinatio præsupponit indeterminationem, concedimus, & dicimus; quod determinatio volūtatis præsupponit indeterminationem, quam voluntas dicit in ordine ad actum suum eliciendo: voluntas enim duplicem dicit indeterminationem (vt dictum est suprā) alteram passiuā, & huic correspōdet prædeterminatio Diuina; alteram verò actiuam in ordine ad suum liberum actum eli-

S f      cien.

ciendum, & huic correspondet sua determinatio, qua ex suo intrinseco & libero principio se determinat ad eliciendum hunc, vel illum actum.

Ad illud, quod dicitur voluntatem etiā necessitari simpliciter quantumcunque ex suppositione necessitetur; quia non est in potestate eius tollere suppositionē: voluntas enim supposita prædeterminatione Divina necessario operatur, sed quia non est in eius potestate removere & tollere eiusdemmodi suppositionem; ideo dicitur simpliciter necessitari in sua operatione. Respondeo, quod falsum est voluntatem operantē ex suppositione, cuius remotio non est in eius potestate, simpliciter necessitari; & instantia seu ratio negationis est manifesta in negatione Petri, quæ negatio simpliciter & absolutē fuit

libera, & tamen non fuit in potestate Petri ponere, vel tollere dictum Christi, scilicet: *Antequam gallus cantet, ter me negabis &c.* Ex cuius dicto Domini Nostri necessario cōsequebatur negatio Petri, necessitate tamen infallibilitatis: aliās enim Christus Dominus dixisset mendacium; & ideo responderetur, quod vel suppositio antecedens se tenet ex parte primæ & omnipotentis causæ, vel se tenet ex parte alicuius causæ creatæ: si primo modo sit suppositio, id est quod voluntas nostra operetur ex suppositione actionis superioris agentis, si voluntas nullo pacto necessitatur simpliciter in sua operatione, sed solum necessitate infallibilitatis, & ratio est; quia solus Deus propter suam infinitatem & omnipotētiā, & quia est Auctor voluntatis creatæ, potest illum

lum immutare conformiter ad suam naturam, & mouere efficaciter atque applicare ad producendum actum in particulari, non solum secundum substantiam, sed etiam secundum modum libertatis: Si verò secundo modo sit suppositio, quasi verò voluntas nostra opere- tur ex suppositione actionis agentis creati, potest dici quòd necessitaretur simpli- citer; quia cum omne agens creatum sit finitum, & infe- rius ad voluntatem non po- test immutare illam iuxta eius naturæ liberæ conditio- nem & exigentiam.

Ad illud, quod dicitur nos præuenire Dei gra- tiam, ex eo quod Deus in vocatione peccatoris aliquid exigit à peccatore, & aliquid ipse proponit peccatori: sed prius exigit à peccatore, & postea proponit, vt patet ex Diuo Paulo ad Roman. 10.

*Si crederis, saluus eris; Et* x Marc. 16. *Qui crediderit, & baptizatus fuerit, saluus erit.* Et ad Rom. 8. *Si Spiritu fa- cta carnis mortificaueritis, vi- uetis &c.* Ex quibus locis non obscure colligitur, Deū prius exigere à peccatore consensum, seu id quod est in sua potestate, & deinde proponere præmium; scili- cet salutem, & vitam æternā. Confirmatur etiam in Psal- mista, quando dicit: *Mane oratio mea praueniet te, & prauenerunt oculi mei ad te di- luculo; & praueni in maturi- tatem &c.* ergo si nos præ- uenimus gratiam Dei, non est necessarium auxiliū Dei præmouens nos ad benè o- perandum. Respondeo ve- rum esse, quod Deus aliquid nobis exigit, & aliquid no- bis proponit, quando nos vocat: sed dicimus, quod vtrumquē est in potestate Dei, & quod à nobis exigit,



& quod nobis offert: & hæc est intentio Augustini exponēdo illud Apost. Si *spiritu facta carnis* &c. vbi dicit solum, id quod nobis offertur, nempe vita æterna, est in potestate Dei: sed etiā mortificatio factorum carnis est in sua potestate in hoc sēsu, scilicet quod nos ideò mortificamus facta carnis; quia ipse speciali auxilio præuenientis gratiæ nos adiuuat, & præmouet ad id exequēdū, & nos vt causa proxima id exequimur: sed non nisi ex præuenientis gratiæ speciali auxilio, quod est radix, fundamentum & basis cuiuscunque boni.

Confirmatur etiam hæc, seu prædicta respōsio ex Cœlestino Papa dicente: *Tanta est erga nos Benignitas Dei, vt nostra velit esse merita, quæ sunt ipsius bona* &c. Ex quibus verbis colligitur, quod licet bona opera sint in pote-

state nostra, & sint ex nobis tanquā à causis proximis liberè elicientibus; adhuc tamen sunt in potestate Dei piæ nostræ operationes tanquā in donante auxilium, & tanquā in primo incipiente & præmouente nos ad credendum, sperandum & amandū. Et insuper quomodò potest Deus proponere & offerre nobis præmium, & quomodò potest à nobis aliquid exigere in ordine ad præmium consequendum, nisi illuminando prius intellectum & excitādo voluntatem; ergo nunquā nos præuenimus gratiā Dei, sed semper ipso auxilio suæ gratiæ nos præuenit, comitatur & sequitur. Sed si quis dicat, quare ergo Deus prius exigit à nobis aliquid, quā offerat præmium? Videtur saltem hinc sequi, quod postquā Deus sua gratia præuenienti excitauit nos; quod

ex-

expectet nostrum liberum consensum, vt tribuat nobis iustificantem gratiam.

Respondeo, quòd hoc nihil est: nam semper quod est prius in intétione, est posterius in executione; & e-còtrà Deus enim prius vult finem, & postea media ad finem in intétione: sed in executione antequàm consequatur finis, prius sunt exequenda determinata media; & ideò Deus prius exigit mortificationem carnis, quàm proponat præmium.

Respondeo ad confirmationem, quòd nostra oratio potest dici præueniens & subsequens; dicitur subsquès considerata in ordine ad primam vocationem, & gratiã primò præuenientem: dicitur verò præueniens, considerata in ordine ad vltiorem effectum gratiæ præuenientis; & hoc secundo modo intelligitur illud: *Et ora-*

*tio mea præueniet te;* aut dicitur & melius, quòd oratio mea præueniet te tanquã medium ad consequendum finem, quod medium habet esse dependenter à præordinatione Diuina, quemadmodum ipse finis.

Notandum est, quòd sola innata libertas, etiam eleuata auxilio sufficienti, non est proxima dispositio ad iustificationem; dicitur tamen, & est dispositio remota: sed ad hoc vt libertas innata sit proxima dispositio ad iustificationem, debet esse eleuata & mota per auxilium efficax præuenientis gratiæ.

### PROPOSIT. XXX.

*Deus ab aeterno aliqua decreuit sic præcisè in se, quòd non sub omni particulari circumstantia.*

**C**onclusio, & responsio est affirmatiua: *decla-*

claratur tamen antequàm probetur, non intelligo sic, quòd ab æterno Deus aliquid decreuit in communi, & in tempore aliquid declarat in particulari: nec intelligo, quòd aliquid decreuerit ab æterno indeterminatè, & postea in tempore exequatur determinatè decretum indeterminatum; verbi gratia quòd decreuerit instituire duodecim Apostolos non discernendo personas, in tempore verò explicitè elegerit, & nominauerit personas: sed intelligo quòd in eodem nunc æternitatis considerata sunt iuxta numerum maximum intelligendi aliqua instantia naturæ, in quorum vno Deus intelligitur decernere aliquid in genere, vel in specie, aut in indiuiduo; in alio intelligitur decernere illudmet magis in particulari, descendendo ad perticularissimas condi-

tiones, quæ rē in actuali existentia consequuntur. Hæ conditiones communi nomine dicuntur morales, vt quòd ego legam, vel scribam hìc, nunc, coram vobis sic, vel sic; omnes tamen conditiones existentium creaturarū comprehenduntur sub his duabus verbis, hìc, nunc.

*Consensus Scoti in hac  
Conclusionē.*

**S**COTUS in primo dist. 4. 1. quæst. vnica §. *Potest aliter &c.* supradictæ conclusioni & rationi assentitur, dū inquit: *Volens ordinatè finē & ea, quæ sunt ad finem, prius vult finem quàm aliquod entium ad finem, quia propter finem alia vult; ergo in toto processu, quo creatura beatificabilis perducitur ad perfectū finem, finis ultimus sit beatitudo perfectæ: Deus volens huic*

*huic aliquid istius ordinis, primò vult huic creature beatificabili finem, & quasi posteriùs vult sibi alia, quæ sunt in ordine illorum, quæ pertinent ad illius finem &c. Infero ego ex his verbis, ergo Deus decreuit dare huic gloriam in se non secundum rationem modi specialis, nempè in tanto gradu, vel tanta latitudine; quam tamen sic aliquando præcepit, quia pro mensura meritorum datur & accipitur maior vel minor merces. Hoc ipsum habet in 2. dist. 20. quæst. 2. §. Dico, quòd soli &c. vbi probat, quòd soli nunc electi fuissent in statu innocentiae nati, & ponit hunc ordinē, quòd Deus: Primò vult se ipsum, vel bonitatem suam tãquàm finem; secundò vult bonum creature rationalis vltimatum, quod est communicatio creature, seu communicatio beatifica bonitatis*

*creature tali: & postea vult gratiam, quæ ordinatur ad beatitudinē, vel ad fruitionem eius &c. Id ipsum repetit in 3. dist. 19. quæst. vnica §. In ista quæstione: vult enim, Quòd primò Deus intellexit se sub ratione summi boni, in secundo signo intellexit omnes creaturas; in tertio prædestinavit hos ad gloriam & gratiam, & circa alias habuit actum negativum non prædestinando: in quarto prævidit illas casuras in Adam, in quinto præordinavit, siuè prævidit de remedio, quomodo redimerentur per Passionem Filij sui; ita quòd Christus in carne sicut omnes electi priùs prævidebatur, & priùs prædestinabatur ad gratiam & gloriam, quàm prævideretur Passio Christi ut medicina contra lapsum &c. Et iterùm ibi: Trinitas priùs præordinavit prædestinatos & electos ad gratiam & gloriam finalem, quàm ad efficaciam, quàm*

*Quā prauiderit Christi Passionē tanquā medicinam &c.*

Ex his omnibus habeo, quòd Deus aliquos saluare decreuerit volendo eis gloriam; prius quàm decreuerit eosdem saluare hac vel illa via: huiusmodi decretū non terminatur ad gloriam in genere, vel secundum se prius quàm terminetur ad eandem in indiuiduo, & secundum rationem specialem; communiter tamen statuitur eadem conclusio aliquibus rationibus, & secundum cōmuniter accepta à Theologis.

*Probatur decretum Dei  
respectu rerum  
in se.*

**T**heologi omnes vnāmi consensu in Deo concedunt voluntatem antecedentem & subsequenter signi & beneplaciti:

quod est velle omnibus vitam æternam voluntate antecedenti, nisi velle ipsam æternā vitam omnibus non in particulari, sed tantummodò secundum se; quid velle voluntatem signi, nisi proposuisse dare decreto quodam secundum se non in particulari, seu sub hac vel illa ratione? Qui concedunt Deum velle aliqua ineffaciter, alia verò efficaciter in eo quòd admittunt decretum ad aliqua; nondum tamen sub ratione particulari. Ajunt quidam Deum cognoscere creata omnia per idæas, ipsas autem idæas dicunt in representādo abstrahere ab hīc, & nunc; si Diuinum decretum sequitur notitiam Dei iudicatiuam seu practicam, consequenter non habent fateri ipsum decretum posse terminari ad rem in communi, vel in se asquè hoc, quòd terminetur ad

ad ipsum sub ratione particulari : si verò dicant, quòd decretum Dei sit prius notitia, quam habet de ipso; adhuc non habetur intentù, eo modo nò cognoscitur decretù, quo ipsum est, si in idea cernitur absq; conditionibus moralibus hìc & nunc, non fuit decretum absquè his conditionibus. Pro hac eadem conclusione facit illud: *Diligis omnia, & nihil odisti eorum, que fecisti &c.* Sap. 10. verificatur enim de dilectione Dei in generali, vel in se; dilectio verò ad extrà non sequitur æternum decretum. Itè Ecclesia nò orat, Deus qui salvas omnes, & hominem vis perire: quot pereunt, quomodò saluat omnes, si aliqui pereunt? Item ratione sic, non est necesse Diuinum decretù transire super actum, & super quemcunque modum actus; ergo possibile ipsum transi-

re super aliquid in genere, & si non in tempore in se, non sub ratione speciali. Consequentia probò, quia modus rei specificat rem: antecedens probò, humanum decretum pendet à Diuino, multa nostra decreta habent pro termino aliquid in genere, non in indiuiduo; ergo &c. Confirmationem probò, hæ leges prohibentes hoc, vel illud sub pœna suspèdij; nunquid decernunt hunc præcisè esse suspendendum, vel illum.

Item Diuina decreta nò distinguuntur nisi penes suos terminos, nihil prohibet quòd sit aliquid còmune, & si non in particulari sit volitum a Deo; ergo nihil prohibet quòd aliquod decretù Dei sit de re in communi, vel saltem in se, quàmuis non in singulari & sub singulari ratione specificata.

Item ad quid diceretur;

T t Mul-

*Multi sunt vocati, pauci vero electi? nisi decretum aliquod ipsius Dei terminaretur ad communem vocationem, aliud ad specialem. Innuitur huiusmodi decretum in actis Apostolorum cap. 4. dum legitur: Conuenerunt aduersus puerum tuum Sanctū Iesum Herodes & Pilatus facere, quæ manus tua & consilium tuum decreuerunt fieri &c. Ac si diceretur, actus virtutum Christi decreto Diuino præfiniti quidē fuerunt: sed non peccatum crucifigentium, vel non hac limitatione, seu specificatione; vt Christus illos exerceret, mediante peccato crucifigentium. Hanc meam glossam nō abhorrent Chrysostomus, & Oecumenicus hoc loco, nec D. Leo serm. 16. de Passione Domini.*

*Innuitur etiam in illud Math. 25. Discedite a me maledicti in ignem æternum, qui*

*paratus est Diabolo & Angelis eius: non est perinde ac si deceretur, gehenna parata est propter malos Angelos, ac propterea non hominibus peruersis; & alio decreto sancitum est, vt sit nobis & illis pœna communis, quorum communis est ratio dationis.*

*Arguitur contra decretum in se.*

**S**I sic esset, quòd Deus aliqua determinaret in se non in particulari, secundum omnes ipsorum circumstantias dici posset: quòd Deus decreuisset peccatū in se, & si non decreuisset hoc vel illud peccatum idololatriæ, blasphemix, homicidij &c. Consequens est falsum, quia nullius culpæ Deus est Auctor; peccatum verò, vt peccatum etiam abstrahendo ab omni specie mali, est malum.

lum ineuitabiliter & deformiter : Consequentia probatur, quia peccatum in se potest esse terminus actus voluntatis Dei ; ergo potest esse terminus decreti Diuini .

Respondeo negando consequentiam , ad probationē concedo ; quòd possit esse terminus actus alicuius voluntatis , sed nego, quòd sit terminus actus voluntatis Diuinæ perfinientis, vel decernentis: ratio est, quia decretum Diuinum se extendit ad positiua tantum ; peccatum verò, vt peccatum, includit essentialiter priuationem connotando rectitudinem : dicit enim carentiam rectitudinis , quæ deberet inesse; potest tamen esse terminus permissionis, permissio autem nil aliud est nisi velle non prohibere, & sic decretum Diuinum ( si terminatur ad aliquid respectu

peccati) terminatur tantummodò ad negationem prohibitionis . Quis autem diceret benè argumentando, Diuinum decretum potest determinare ad aliquod posituum in genere ; ergo & ad priuatiuum .

Item Deus cognoscit infallibiliter; & secundum omnes circumstantias omnia possibilia ; ergo decreuit ea non modò in se , sed etiam secundum eorum circumstantias omnes & singulas. Consequentia probatur, quia cognitio infallibilis contingētium non causatur à Diuino decreto ; ergo vt intelliguntur , ita decreta sunt .

Respondeo negata consequentia, dico ad probationem ; quòd cognitio Diuina semper est distincta & sēper infallibilis pro eodem nunc æternitatis , ac similiter pro eodem nunc vel signo naturæ cæteris paribus,

T t 2 hoc



hoc est in primo signo naturæ res est cognita à Deo eo modo, quo sibi comperit cognosci pro illo signo: at non est cognita, immò nec cognoscibilis in illo primo signo eo modo, quo est apta nata cognosci pro secundo & tertio signo, vel alio signo. In proposito futura, vel possibilia sūt apta nata cognosci in se, antequàm sint cognoscibilia secundum eorum omnes circumstantias; atquè ita ut exemplariter dicam, Passio Christi fuit cognoscibilis ut futura tali die, tali loco, & etiam à tali ac tali ministro, antequàm esset cognoscibilis illata ista vel illa intentione. En quomodò stat infallibilitas Diuinæ scientiæ cū decreto Diuino.

Tertiò arguitur, quod est in aliquo genere, necessariò est in aliqua specie, & necessariò est aliquod indiuiduū illius speciei; ergo Deus ni-

hil decernit, nisi in indiuiduo: propria autem ratio cuiuscunque indiuidui probabiliter sequitur ipsum; ergo Deus nihil decernit indiuidualiter, nisi sub propria ratione illius indiuidui.

Respondeo; differunt valdè terminus Diuini decreti, & effectus eiusdem: effectus Diuini decreti est aliquod indiuiduum, & sub propria sua ratione; & terminus Diuini decreti ad plura se extendit, quàm effectus & Diuina voluntas decernēs sua præfinitione abstrahit in specie, & indiuiduo. Nego igitur consequentiā: voluntas enim Diuina in decernendo est magis abstractiua, quàm in exequendo; executio necessariò terminatur ad res existentes in se, & ut in re existentes, non ita præfinitio. Aliter possunt dici negando vltimam consequentiā; quia ex propositione  
ne

ne indefinita nō infertur syllogificè propositio vniuersalis vniuersaliter admittendo, tamen potest distingui de propria ratione indiuidui: alia enim est propria ratio substantialiter, quæ à Scotistis hæceitas dicitur; alia accidentāliter: prima necessario sequitur indiuiduū, secunda nō; hīc est in proposito Diuini decretū, si terminatur: **verbi gratia**, Incarnationē Verbi terminatur ad aliquid in indiuiduo, idest ad hanc vnionem, qua hæc humanitas assumitur ab hoc supposito Diuino in vnitāte personæ; ista pertinent ad propriam rationem indiuidualem & substantialem. Non refert autem, quod Incarnatio Verbi terminetur ad hanc vnionem in carne passibili vel impassibili; quia istæ rationes scilicet passibilitas, vel impassibilitas sunt accidentales, nec variant ratio-

nem substantialem & propriam huius indiuidui, & huius vnionis. Qui nō recipiunt hāc doctrinam, habent fateri de necessitate, quod nunc nolit in Cœlis idem Christus numero, qui pepēdit in Cruce: quod non sit realiter & substantialiter idē Christus secundum esse naturale in Cœlo, & secundū esse Sacramentale in Eucharistia; quod nec resurgeret in Iudicio, idem homo numero cuius esse fuit interruptum.

Quartò arguitur, non sunt multiplicāda entia absquē necessitate, non est autem necesse alio & alio decreto ad gloriam in se, & ad gloriam mediantibus meritis his, vel illis; quia in hoc vltimo decreto includitur primum, ergo &c.

Respondeo, necesse est Dei decreta multiplicari, sicut est necessaria distinctio

in

in obiectis Diuini decreti vel in terminis; & sic quàmuis in vltimo Decreto includatur primum, non tamen è conuerso, terminus autem primi decreti potest esse quidquid volibile ad extrà. In huiusmodi multiplicatione est multiplicatio tantùmmodò respectuum rationis ex parte Dei, in qua multiplicatione quomodòcunquè numerentur, nullum incòueniens inuoluitur.

Quintò arguitur, Diuina decreta proueniunt ex Diuina prouidentia: hæc autem non respicit res in se, sed in particulari pro vt consideratur sub suis rationibus substantiâlibus & accidentalibus; ergo & decreta Dei respiciunt res tantùm in particulari. Probo minorem, nō ponitur Iudas, quia Iudas: sed quia sic, & sic peccauit; ergo nec decretũ Dei ex eius prouidentia respexit Iudam

puniendum, nisi quia sic, vel sic peccauit.

Respondeo negando minorem quò ad primam partem, ad probationem dico; quòd prouidentia Dei & respexit in se, & res sub rationibus euidentibus: nam quòd Iudas creatus fuerit, prouenit ex Diuina prouidentia, quòd assumptus ad Apostolatũ ex Dei prouidentia; quòd iustificatus ex Dei prouidentia: multi enim sũt indices, in quibus relucet Dei prouidentia, penes quos dico; quòd Iudas non damnatur, quia Iudas, sed penes alium ordinẽ: sed quia pœnitentia est ordinatiua peccati, idcirco damnatur pœcisè; quia peccauit: peccatum opponitur prouidentia Dei in ordine gratiæ, sed Iudas in se pertinet ad prouidentiam Dei in ordine substantiali & naturæ; & sicuti distincti sunt ordines prouidentie-

dentia , ita etiam distincta sunt decreta .

### PROPOSIT. XXXI.

*Aliquod decretum potest terminari ad rem futuram, seu possibilem tantum ex suppositione.*

**D**Ecreta cōditionata rei possibilis tantum & si non futuræ, libentissimè admittit Scotus & sustinet in 3. dist. 9. quæst. 2. quòd si Adam non peccasset, Verbū assumpsisset naturam humanam, venissetq; Christus; vt glorificaretur, nec sustinuisset patibulum . Hoc possibile nullus negat apud Theologos : an non coguntur omnes fateri decretum conditionatum, seu decretū de re possibili tantum ex suppositione, vt si Deus reuocaret Iudam ad statum vię , illiquè gratiam efficacissimè vocationis con-

cederet, quemadmodū Saulo concessit : si ipse Iudas assentiretur, diceretur consequenter ; quòd Iudas posset fateri peccata sua, & veniam obtinere . Hinc D. Bonauentura in primo dist. 40. art. 3. in solutione argumentorum principalium subtili ac longo discursu pertractat, quomodò præscitus possit prædestinari & saluari ; adeò quòd ex hac conditionata possibili si Iudas prædestinaretur, sequitur hoc possibile, Iudas saluaretur : & ex alia conditionata possibili & priore; videlicet si Iudas præintelligeretur prædestinari ; sequeretur hæc absoluta possibilis, Iudas prædestinatur . Idem Seraphicus Doctor & si explicitè non nominat decretum cōditionale, nominat tamen voluntatem conditionalem in primo distinct. 40. art. 3. quæst. 2. in corpore quæstionis

nis dicens: *Voluntas Diuina aut simpliciter vult, aut conditionaliter, sicut infra patebit &c.* Et iterum inferius: *Possset etiam considerari Diuina voluntas, ut antecedens conditionalis &c.* Et dist. 46. art. 1. fateatur voluntatem Dei conditionatam fuisse in confesso apud Magistros.

*Probatur conclusio affirmatiua & conditionale decretum.*

**S**ponsio Diuina non est falsa; ergo aliquod decretum Diuinum seruatur ad non futurum & possibile tantum ex suppositione. Probatur consequentia in pio, dum est in via; dicitur Ezechil. 33. *Nolo mortem impij; sede ut conuertatur, & uiuat &c.* Esetne infallibiliter vera ista promissio, nisi præcederet aliquod Diuinum decretum? Non præcessit au-

tem Diuinum decretum absolutum; ergo conditionatum: si enim absoluto decreto Deus nollet mortem impij, nullus impius periret; vult ergo impium non perire quidem, sed hac seruata conditione si se conuerterit. Cónfirmanatur prædicta ibidem: *Etiam si dixero iusto; quòd vita uiuat, & confusus in iustitia sua fecerit iniquitatem, omnes iustitie eius obliuioni tradentur &c.* Si autem dixero impio morte morieris, & egerit pænitentiam &c. *vita uiuet & non morietur &c.* Vita & mors homini designata non sunt ex decreto Dei, quorsum proponerentur sub conditione futura, nisi essent sub conditione decrera; nunquid omnes secundum præsentem iustitiam Sancti, secundum finalem iustitiam ex hac vita Sancti decedunt?

Item Deus decreuit absolute.

solutè coagere causis secundis communiter ad suos eorum motus & effectus iuxta illud Augustini de Ciuitate Dei cap. 30. *Deus res , quas condidit ità administrat , ut eas motus suos agere sinat &c.* ergo aliqua decreuit conditionatè . Probo consequentiam per verba Christi, quando videns Ciuitatem Hierusalem fleuit dicens : *Si cognouisses & tu &c.* Lucæ 29. hoc est, si tu cognouisses tempus visitationis tuæ, & tu mecū fletes; ergo Deus decreuerat ad fletum ciuitatis concurrere, si illa cognouisset, & quia cognouisset ipsa suum futurum excidium: non cognouit , non fleuit cum Christo; nec Deus cooperatus est ad fletū illius. Plura extant in sacris literis verba , & exēpla indicātia decretū cōditionatū, ad quæ recurrat qui cupit, præsertim ad præfatum caput

Genescos, ad 20. Numer. ad 24. Iosue, ad 24. 2. Reg. ad 3. lib. 3. Regum, ad primum Isaia, ad 23. Danielis, ad 21. Ecclesiast. ad 29. Math. ad 5. Lucæ, & alibi. Insignis tamen locus est 1. Regum 23. cū Dauid sciscitatus fuisset Deum : *Si tradent me viri Ceilæ &c. Et si descēdēt , sicut audinit seruus tuus &c.* Sequitur in contextu: *Et ait Dominus , descendent ; dixit- quē iterū Dauid , si tradent me viri Ceilæ , & viros qui sunt mecum in manu Saul , & dixit Dominus , tradent &c.* Hoc non erat absolutè futurum, quia reuerà non euenit ; ergo fuit possibile conditionatum, & futurum ex suppositione tantū, nihil autem est quomodocūquē futurum absolutè absoluto, ergo nec cōditionabitur absquē decreto conditionato .

*Arguitur contra decretum  
conditionatum.*

**R**erum euentus non accidunt causaliter, sed conformiter ad decretum Diuinum; quæ autem eueniunt, non eueniunt absolute. Quid quæso venit conditionaliter.

Respondeo, quòd hoc argumento probatur decretum absolutum, quòd à nobis minimè negatur: at præter decretum absolutum dicimus esse aliqua possibilia cōtingētia præsertim libera, quæ nō eueniūt, nec absolute connumerantur inter decreta absoluta: sed tantummodo inter conditionata.

Item decernere Dei est suum velle, velle autem Dei nō terminatur ad possibilia non futura; ergo nec decretum Dei. Minor probatur per glossam super illud: *Iu-*

*stus Dominus in omnibus vijs suis &c.* Psalm. 14. dicens Deo, hoc est velle quod facere, non facit autem omnia possibilia; ergo non vult omnia possibilia, sed sola futura.

Respondeo, velle efficax in Deo est facere secundum glossam, sed præter hoc datur simplex velle, & iuxta hæc datur duplex decretum; simplex nempe, & efficax. Glossa supradicta probatur potius, quòd potentia executiua in Deo non distinguitur à voluntate efficaci, & facit pro notitia Scoti.

Item quidquid Deus vult plenè vult; ergo nihil conditionaliter decreuit. Consequentia probatur, decretum conditionale est volitio Dei conditionata: hæc autem est semiplena tantum; ergo & decretum erit semiplenum tantum. Antecedens probatur, velle & facere in Deo sunt

sunt eiusdem perfectionis :  
Deus nihil semiplenè facit ;  
ergo nec quidpiam semiple-  
nè vult .

Respondeo , antecedens  
posset negari ; transeat ta-  
men , sed cæteris paribus :  
si vult absolutè , plenè vult  
absoluta volitione ; si verò  
conditionaliter vult , plenè  
etiam vult , sed infra ordinē  
conditionalem volitionum .  
Et tūc consequentia nega-  
tur , nec probatio aliquid  
concludit , quia velle condi-  
tionaliter & facere , non sunt  
eiusdem ordinis , sunt ta-  
men eiusdem perfectionis  
vnum quodquè in suo or-  
dine . Aliter dico , quòd vo-  
litio Dei potest considerari  
penes suam substantiam , vel  
penes terminos : primo mo-  
do plena est , nec quidpiam  
Deus semiplenè vult , in or-  
dine verò ad terminos sic va-  
riatur secundum quod vali-  
tum est aliquid in esse reali ,

quod est esse plenum ; vel  
in esse obiectiuo tantum ,  
quod est esse semiplenum .  
Ex hoc patet responsio ad il-  
lud , & velle & facere sunt  
eiusdem perfectionis ; verū  
est quòd ad substantiam , non  
quòd ad terminum .

Item hoc decretum con-  
ditionale aut est actus vo-  
luntatis beneplaciti , aut vo-  
luntatis signi , hoc secundo  
modo non est dicendum ;  
quia de conditionalibus nō  
datur præceptum , nec con-  
siliū , nec monitio , nequè  
similia : si primo modo con-  
trà , voluntas beneplaciti Dei  
semper impletur , decretum  
conditionale non impletur ;  
ergo non est actus volunta-  
tis beneplaciti .

Respondeo , est actus vo-  
luntatis signi , & nego quòd  
de conditionalibus non de-  
tur præceptum , vel consi-  
liū , vel aliquid huiusmo-  
di ; vt patet Genes. 3. in



persona Cain: *Nonne si bene egeris, recipies &c.* Aliter dico, quòd voluntas beneplaciti non est aliud nisi ipsa met complacentia Dei, quæ impletur per hoc, quòd complacet Deus sibi, & tunc posset dici ad rationem; quòd decretum conditionale est actus voluntatis beneplaciti, quo Deus complacet sibi de illo possibili conditionato: nec tamèn volitum conditionaliter suscipit aliquid à Deo, sed tātum terminat illius complacentiam, qualiscunq; sit.

Itē voluntas Dei antecedēs est irrefragabiliter, decretum conditionale est opus voluntatis antecedentis, idē si conuertar, & si conuerti volueris; ergo huiusmodi decretum est irrefragabile.

Respondeo, hæc ratio est eadem cum præcedenti, & eadem responsione hîc applicata soluitur; adhuc ta-

men dico pro utroquè argumento, quòd decretum Dei antecedens est irrefragabile & semper impletur, quia per illud decretū Deus vult conferre media sufficientia ad consecutionem finis, & ad nihil aliud se extendit: ac propterea quòd Deus conditionaliter statuit, impletur & est irrefragabile. Quis dicet defuisse Iudæ aliquod medium ex parte Dei, per quod non posse se disponere ad consequendam veniam? Deus (fateor) non est cooperatus conuersioni Iudæ; sed cur? non quia Iudas noluit cooperari Deo vocanti, & excitanti.

Dices, ergo multum damnatio damnatis ipsis imputanda non est; patet, quia si Deus contulisset eis media conditionaliter requisita, non periissent Tyrij & Sydonij, si vidissent signa, non neglexissent suam salutem.

Ref-

Respondeo pro nunc, quia ad hunc eundem lapidem redeundum erit; quod in omni peccatore sua est imputanda damnatio, quia media conditionaliter requisita quibusdam iustè denegantur: de Tyrijs, & Sydonijs est specialis responsio: Deus enim negavit ea signa, quibus aliquam poenitentiam egisset, sed illa aliqua presentia non fuisset integra, vel talis ut per eam consequerentur indulgentiam. Hec glossa non est violenta, de ipsis enim ait Christus: *Tyro & Sydoni remissus erit in die iudicij. Math. II.*

Item si decreto condonato Deus vellet saluare Iudam, infallibiliter saluaretur. Consequens est falsum, probatur consequentia: Iudas cum minimo gradu gratie, stante suo proprio decreto absoluto, non saluaretur infallibiliter; quare non po-

test saluari stante decreto conditionato Dei ex vi infinite, vel saltem maximæ gratiæ Dei.

Respondeo, Iudas de potentia Dei absoluta, & ex gratia absoluta potest indubitanter saluari; quia talis est conditio decreti absoluti potentiæ absolutæ, & gratiæ absolutæ collatæ: at stante decreto conditionato, & gratia conditionaliter inferenda implicat contradictionem Iudam saluari; quia talis est conditio, vel materia decreti conditionati: & sicut implicat contradictionem decretum efficax esse inefficax, & decretum absolutum esse conditionatum, & è conuerso; ita implicat contradictionem aliquè saluari per decretum inefficax & conditionatum: quia igitur Deus decreuit saluare Iudam, si tamē ipse velit. poenitentiam agere, & deest hæc conditio

ex

ex parte Iudæ; infœlix ille saluari non potest ex gratia, & solo decreto conditionato.

## PROPOSIT. XXXII.

*Datur decretum indifferens.*

**S**ensus Propositionis est huiusmodi, ex eo quòd ad aliquem finem consequendum possunt aliquando inferuire duo media æqualia, sed distincta: quæritur, an possit dici quòd Deus decreuerit executionem illius finis mediante altero illorum mediorum non specificato aliquo signanter? Nec intelligo pro indifferentia indeterminationem, qualis erat illa, quam proposuit Hebræis Iosue dicens: *Optio vobis datur eligēdi hodiè quod placet, cui seruire potissimū debeatis; utrum Dñs quibus seruiērūt Patres vestri in Me-*

*sopotamia, vel Dñs Amorrhœorum &c.* Iosue 24. quia Deus non decreuerit Iudæos seruire Idolis, nisi permissiue: sed intelligo indifferentiam, vbi vtrumquè extremum est æqualiter eligibile; exemplum est 2. Regum 24. quando per Nathan Prophetam datū est Dauidi in pœnam numerati Populi: *Trium data est tibi optio, elige vnum quodcunque volueris &c. Aut septē annis veniet tibi fames in terra tuā; aut tribus mensibus fugies aduersarios tuos, & illi te persequentur: aut certē tribus diebus erit pestilentia in terra tua &c.* In quo casu dixit Dauid: *Coarctor nimis, & quid eligam ignoro; sed melius est mihi incidere in manus Domini &c.* Decreuerat ergo Deus infallibiliter punire peccatum Dauidis, sed hoc decretum in particulari punitione optionem & electionē Dauidis tibi videtur fuisse

fuisse indifferens; nùm puniret fame, nùm bello, nùm peste? Hic potest esse vera electio, quia quælibet pars licet, & David iustè ex debitoquè necessariò tenebatur eligere ultionem aliquã pro suo peccato: velle autem vicisci malum tam in alio, quã in se bonum est, quia pœna est ordinatiua culpæ. Fuit nè igitur decretum Dei pro aliquo signo indifferens, circa illa tria superius nominata?

Respondeo per has conclusiones. Prima, decretum Dei potest esse indifferens pro aliquo signo naturæ in nunc æternitatis. Secunda, nullum decretum Dei indifferens fit determinatum per solam electionem creaturæ. Tertia, decretum Dei absolutum & efficax nunquàm est indifferens, sed semper determinatum.

Prima conclusio proba-

tur sic: decretum Dei se extendit ad quodcūquè ens positivum, quod non est impossibile, nonnulla contingentis possibilitia & pro aliquo signo naturæ sunt ex se indifferentia; ergo & decretum est indifferens. Minor probatur: aliqua actualiter existentia ex se sunt indifferentia; ergo multò magis aliqua in esse possibili, & obiectivo possunt esse ex se indifferentia.

Item decreta Dei determinantur à volitis: at aliqua volita ex se (pro aliquo signo saltem) sunt indifferentia, ut duo media equalia ad eundem finem comparandi ordinata; ergo decretum Dei ab illis denominabile est indifferens.

Item quidquid est in rerum natura positivum, & actuale, Diuino decreto volitum est: aliqua in rerum natura sunt à nobis indiffe-

ren-

renter volita, & ex se indifferenter bona, vt constat ex illo 2.Reg. 24. Diuino decreto volita sunt.

Secunda conclusio, nempe quòd nullum decretum Dei indifferens specificetur, vel fiat determinatum per solam electionem creaturæ, hæc(inquam) conclusio indiget altiori perscrutatione; supponendo tamen quòd Deus sit prima causa cuiuscunque actus positiui primitate perfectionis, & quòd omnia contingentia pendent à Diuino decreto cōtingenter determinante. Conclusio esset manifesta: nam ab illo est determinatio Diuini decreti, à quo est applicatio volitionis Diuinæ, hæc non est à sola creatura (etiā sustinēdo vnā sententiam, cui nec propendo) sed ab ipsa voluntate Dei, & magis quā ab ista; quia determinatio, quæ est à creatura, est

solummodò extrinseca (& hoc indubitanter credo) & per modum terminantis ipsum decretum, à voluntate autem Diuina efficienter & per modum principij, & causæ Deo extrinsecæ, & sic dato quòd voluntas creata requireretur ad decretū determinatum Dei, hæc tamē nō definiret decretum indifferens ex se sola absque voluntate Diuina applicante.

Item solus Deus potest ordinare duo media penitus æqualia, ergo & solus ipse potest determinare decretū indifferens, vt cadat super vnum illorum signanter. Antecedens probatur, quia creatura saltem rationalis quantumcunq; perfectionis non discernit rerum differentias indiuiduales, & sicut species speciem gradu essentiali superat; ita indiuiduum est indiuiduo perfectius in gradu diuiduali. Apud Philo-

losophos est sententia, quòd si capillus à duobus iumentis virtutis òninò equalis per vtras extremitates ad oppositos terminos traheretur, rumpi minimè posset propter æqualitatem virtutis in ipsis iumentis : facile verò abrumperetur dato minimo excessu virtutis in altero mouentium iumentorum ; quis hominum non potest cognoscere similem æqualitatem ? ex consequenti, quis posset decernere media indifferentia.

Dices immò quia media sunt æqualia, non est opus decreto vel electione alterius ipsorum : sed sufficit casualiter specificare vnum, & tunc medium indifferens fit determinatum . Hoc nihil est, quia Deus nihil casualiter agit, sed eligit pro suo libito vnum ex illis medijs altero relicto .

Arguitur hoc, Chrysostomus

Homelia quadam super cap. 12. Epist. ad Hebr. loquens de concursu voluntatis nostræ & Dei inquit : *Oportet enim nos prius eligere bona, & tunc ille sua inducit* &c. Electio non est absquè decreto, vel saltem decretum non sine electione, si nos prius eligimus ; ergo Deus nihil determinatè decernit, nisi post nostram electionem & à nostra electione.

Respondeo, Chrysostomus non loquitur ibi (vt ad præsens attinet) de actibus signatis, sed de exercitiis. Huius sententia est, quòd in actibus oportet nos prius, eligere bona ; hoc est actu elicitò signatis oportet nos prius velle, postea operari. Velle (exempli gratia) pauperi elargiri, postea elargiri si voluerimus actu signato, suppeditabitur nobis à Deo efficacia ad subueniendum pauperi actu exercitò. Nec

loquitur Chrysostomus de ordine electionis nostræ, quæ habet ad electionem Diuinā, quasi voluntas nostra prius decernat exequi, quod elegit; & postea voluntas Diuina decernat, quod nos elegerimus: stat enim quod voluntas Diuina determinet primò, deindè nostra voluntas decernat concorditer ad Diuinum decretum: & tertio, quod in exercitio actus imperati voluntas nostra adiuuetur ad exequendum iam decreta.

Tertia conclusio, nempe quod decretum Dei absolutum & efficax semper sit determinatum & non indifferens, non indiget examine: cõstat enim quod Diuinum decretum absolutum tunc est efficax, quando coniungitur ipsi intètus effectus, modò impossibile est nos exequi *finem per* duo media indifferentia simul applicata;

nisi alterum illorum determinatè sit omninò inutile, vt constat in causis per accidens.

### PROPOSIT. XXXIII.

*Deus ab eterno antecedenter ad præscientiam operationis arbitrij determinauit omnes actus peccaminosos quantum ad positiuam entitatè illorum, & in tempore præuia motione verè efficienter, seu phisicè præmouet illud ad exercitium æternum substratorum peccatis.*

**P**RO huiusmodi quæstionis intelligentia notandum est primò, quod cum omnia peccata sint futura contingentia, necessum est; vt in eorum esse determinato dependeant à decreto voluntatis Diuinæ, vt probatū est, & quia peccatum duo di-

dicat, scilicet aliquod positivum, & omne positivum creatum est ens per participationem: ergo debet reduci ad ens per essentiam, ergo etiam omnis entitas positiva, quæ reperitur in peccatis, cum sit ens per participationem, debet reduci ad ens per essentiam; ergo hinc certum est, quod Deus ab æterno antecedenter ad præsentiam operationis arbitrij prædeterminavit omnes actus peccaminosos, quantum ad positivam entitatem illorum.

Nota, quod cum ex alia Propositione habeatur pro certo, Deum absoluto decreto voluntatis suæ ab æterno prædeterminasse omnia futura contingentia, & consequenter (ut ex iam prædictis patet) prædeterminasse etiam actus peccaminosos quantum ad positivam entitatem illorum, queritur nunc & præcipue hic; an Deus in tempore

prævia motione verè efficienter & phisicè præmoueat nostrum arbitrium ad exercitium actuum, qui substernuntur peccatis?

Considera, quod præmotio nostri arbitrij in tempore correspondet æternæ prædeterminationi, hoc est quod nostrum obiectum ad eos duntaxat actus à Deo in tempore præmouetur, quos ipsemet Deus ab æterno prædefiniuit exerceri in tempore à libero arbitrio; & quia impossibile est de lege communi Diuinum beneplacitum & decretum non adimpleri, ergo si Deus ab æterno prædefiniuit liberum arbitrium in tempore exercere tot actus peccaminosos quantum ad positivam entitatem illorum, ergo etiam in tempore Deus phisicè præmouet nostrum arbitrium ad exercitium illorum actuum. Cōsequentia probatur, quia ve



fatis abundè probatum est in alia Propositione; causa secunda in essendo & in operando dependet à prima; ergo nunquàm de facto potest operari, nisi præmouetur à prima, ergo liberum arbitrium nunquàm exhibit in actuale exercitium illorum actuum, qui ab æterno fuere à Deo præderminati, absquè eo quòd præmouetur ab ipsomet Deo tanquàm prima causa: immò ex duplici capite necessariò debet præmoueri ad exercitium illorum, tum quia si ab æterno sunt prædefiniti; ergo necessariò debèt habere esse in tempore, tum quia liberum arbitrium non potest actualiter operari absq; præuia Dei motione. Hinc colligitur liberum arbitrium, & etiam quamlibet aliam causam creatà extrinseca prædeterminatione ab æterno prædeterminari à Deo ad deter-

minatos actus, & in tempore intrinseca præmotione inherente ipsi arbitrio præmoueri ad exercitium actuum ab æterno prædefinitorum.

Aduerte, quòd vt patet ex Scoto in 2. dist. 37. parū supra lit. Q. in peccato mortali concurrunt duo actus, scilicet positivus vt materiale, & priuatio iustitię debitæ vt formale; & in eodē loco parum supra lit. C. exponēdo quādam auctoritatem Diui Augustini dicit: *Iste actus positivus volendi creaturam; non est formaliter peccatum; sed carentia debiti ordinis in actu illo, à quo ordine deficit voluntas creata quiescens in bono creato, iste defectus est formaliter peccatum* &c. Ex quibus verbis non obscure colligitur, quòd ratio formalis peccati consistit in defectu & in priuatione; quod ipse probat in præcitato loco in principio solutionis

nis illarum quæstionum, vbi habet hæc verba: *Tamen quòd peccatum sit formaliter priuatio boni ostenditur per auctoritates adductas in oppositum, & per rationem talem; quia agens inferius tenetur in agendo conformare se agenti superiori, quia si in potestate eius sit, se conformare illi et non cõformare, nõ cõformari illi est peccatum. Ideò loquendo de peccato siue cõtra legem Diuinam, siue cõtra legem humanam aliquid dicitur peccatum, quia peccans potuit concordari legi superioris agentis, & discordauit: iste igitur actus qui est in potestate discordantis, & per hoc voluntarium est formaliter peccatum, quia si ille esset concors regulæ superioris, non esset peccatum; ergo in illo actu præcisa ratio peccati est priuatio illius concordie &c. Et infra sub lit. B. dicit: *Quòd peccatum est corruptio rectitudinis in actu secundo &c. Et**

parum infra subiungit: *Voluntas enim libera debitor est, ut omnem actum suum eliciat conformiter regulæ superiori, scilicet secundum Diuinum præceptum; & ideò quando agit discorditer ab illa, caret iustitia actuali debita, hæc est iniustitia quæ deberet inesse actui, & non inest: Et hæc carentia in quantum est actus voluntatis deficientis, sicuti dicitur in alia solutione; est formaliter peccatum actuale &c. Et paulò inferiùs sub lit. G. dicit: *Cum istis auctoritatibus consonat ratio, quia omne peccatum est iniustitia formaliter, & tale peccatũ talis iustitia, & per consequens priuatio iustitiæ; ergo peccatum actuale est formaliter iustitia actualis, ergo & priuatio iustitiæ actualis, scilicet iustitiæ quæ deberet esse in actu &c. Ex quibus omnibus Sole clariùs patet rationem formalem peccati consistere in priuatione, in**

ca-

carentia, in discordia & cætera id genus, vt potest colligi ex mille alijs locis in doctrina Scoti.

Nota, quòd vt videre est ex Scoto in 2. dist. 42. sub lit. A. malitia primò & formaliter non est nisi in aliquo actu voluntatis; secundariò autem & materialiter potest esse in actibus aliarum potentialiarum, vt ipse per extensum probat ibi. Igitur nunc videndum est, quomodò primo & formaliter malitia, seu carentia rectitudinis sit in actu voluntatis; quomodò autem eiusmodi carentia sit in actibus aliarum potentialiarum non est iurandum, quia omne peccatum originatiuè primò & formaliter est ab ipsa voluntate deficiente. Pro quo notandum est, vt patet ex Scoto in 2. dist. 37. sub lit. T. quòd ad velle voluntatis creatæ concurrunt duæ voluntates, scilicet voluntas

creata & Diuina, & potest esse defectus in ipso velle voluntatis creatæ & defectu alterius causæ, scilicet ex defectu eiusdem voluntatis creatæ, ex eo quòd voluntas creatæ non dat rectitudinem actui, quam tenetur dare.

Monendum est etià, quòd Deus tribuendo homini voluntatem liberam voluit voluntate antecedenti omnes actus, qui sunt in potestate voluntatis esse moraliter bonos, & id ipsum etiam vellet voluntate consequenti, nisi adesset impedimentum ex parte voluntatis creatæ: *Vniuersaliter enim Deus quidquid dat voluntate antecedenti, daret etiam consequenter, nisi impedimentum adesset; voluntas ergo creatæ eliciendo actum suum non conformiter regulæ superiori, idest voluntati Dei antecedenti, deficit à conformitate, à concordia, & ab ordine sibi præfixo, & sic defici-*  
cien-

ciendo non dat rectitudinem actui, quam tenetur dare, & quæ ex ordinatione Diuina deberet inesse actui, & consequenter peccat. Est igitur defectus in effectu duarum causarum non propter defectum cause superioris, sed inferioris; non quia causa superior causet rectitudinem in effectum, & inferior obliquitatem: sed quia causa inferior (quatum est de se) causaret, si causa inferior secundam quam causalitatem causaret, & ideo rectitudinem non causari est propter hoc; quia causa secunda, quantum ad se pertinet non causat &c. Hæc Scotus ibidem, & parum infra: Sed quod effectus non rectus causetur, hoc non est tunc propter causam priorem, quæ quantum est ex se, recte causaret, si secunda causaret; sed propter defectum cause secundæ, quæ in potestate sua habet concausare causæ primæ vel non concausare: & si non concausat

illi, ut tenetur, non est rectitudo in effectu communi ambarum &c.

Hinc colligitur, quod voluntas in deficiendo est totalis & prima ratio, & si dicatur; quod ex eo quod Deus non dat rectitudinem actui, quia voluntas non dat, dicatur quod etiam ipse deficiat. Respōdeo, quod Deus (quatum est ex parte sui) nunquam deficit, quia Deus antecedenter voluit, & dedit omnia opera bona, nisi adesset impedimentum; & vniuersaliter quidquid Deus vult antecedenter, vult etiam consequenter, & licet ex hoc quod voluntas creata non dat rectitudinem actui, nec ipse dat: non tamen propterea ipse dicitur deficere, primo quia nulla lege tenetur dare talem rectitudinem; secundò quia Deus non dando rectitudinem actui non propriè dicitur causa defecti-

ua,

ua, sed potius dicitur causa negatiuè se habens, idest non tribuens reëtitudinem actui: & hoc non primo, sed quasi secundario; ex eo quòd volùtas creata deficit ab eo, quod tenebatur efficere.

### DIFFICULTAS

**V** Ndè sit verò, quòd voluntas deficiat, non satis videtur constare inter Doctores: alij enim dicunt, quòd causa talis defectus sit negatio auxilij efficacis; alij autem dicunt, quòd sit ipsa voluutas ex sua intrinseca ratione, & hæc videtur esse opinio Scoti in 2. dist. 37. sub lit. Q. vbi dicit: *Quòd voluntas potest considerari dupliciter, uno modo ut voluntas absolute & in communi, & sic voluntas est perfectio simpliciter, & ponitur formaliter in Deo et voluntas sub ista ratione non est proxima causa*

*respectu peccati; quia tunc quodlibet inferius sub ipsa haberet talem rationem causalitatis, et ita etiam voluntas Divina, quod est falsum. Alio modo sumitur cōtrariè per differentiam aliquam ad voluntatem creatam, quam differentiam circumloquimur per hoc, quod est limitatum vel defectibile, vel ex nihilo, et voluntas ut sic est proxima causa defectiua.* Vndè prima causa deficiendi in voluntate creata videtur esse de mente Scoti, hoc scilicet quòd voluntas creata est limitata, est ex nihilo, & consequenter reducit causam deficiendi ad aliquid intrinsecum ipsi voluntati; non autem ad aliquid extrinsecum ipsi, nempe ad negationem auxilij efficacis, seu doni perseueratiæ.

Quod autem hæc sit intentio Scoti, confirmatur ex eo, quòd ipse habet in præcitato loco sub lit. V. vbi querens

rens, quare Deus non possit esse ratio deficiendi, respondet: *Quòd ex eo Deus non potest esse ratio deficiendi, quia non potest mutari, & consequenter nec formaliter nec virtualiter auerti à se; in qua auersione consistit præcipua, & formalis ratio defectus, & peccati.* Si igitur ideò Deus non potest deficere, quia non potest mutari; ergo ideò voluntas creata potest deficere, quia potest mutari; & si quaeratur quare voluntas creata potest mutari, respondeo quia est eius limitatū, & est ex nihilo; ergo intentio Scoti est, quòd causa præcisa, quare voluntas creata deficiat, est reducenda ad aliquod sibi intrinsicum, non autem ad aliquod extrinsecum, scilicet ad negationem auxiliij efficacis, & doni perseverantiæ. Nota quòd voluntas nostra ex eo quòd est limitata, & ex nihilo dicitur po-

tens deficere, & ex negatione efficacis auxiliij dicitur actualiter deficere; & hæc est intentio Scoti.

Sed oppositum huius videtur docere Scotus ipse in primo dist. 41. quæst. vnica sub lit. B. vbi assignans rationem, quare Iudas offertur voluntati Diuiuæ, finaliter peccatum dicit; quòd est ex duabus negationibus positis, scilicet quòd non vult sibi dare gratiam neque gloriā, ergo de mente Scoti negatio gratiæ & gloriæ est præcisa causa, quare homo deficiat, & sic finaliter impœnitens; ergo de mente Scoti causa defectus reducenda est ad aliquod extrinsecum, scilicet ad negationem gratiæ & gloriæ, non autem ad aliquod extrinsecum, nempe ad limitationem naturæ.

Notandum est, quòd voluntas ex libertate sua absque passione in appetitu sensitivo,

Y y uo,

uo, cui nata est condelectari; & absquē errore in ratione peccare, & tunc sic peccādo in ea est plenissima ratio peccati, quia nihil aliud est a voluntate afficiens eam ad malum; sed ex pura libertate sine alia occasione extrinseca eligit sibi malum velle; & hoc est quod dicit Augustinus lib. 2. de peccatorū meritis & remissione, ubi habet hæc verba, scilicet: *Quò circà quòd à Deo nos auertimus, nostrum est; quòd verò ad Deum nos conuertimus nisi ipso excitante, atque adiuuante non possumus &c.* Et in lib. de gestis Pelagij cap. 3. id clariùs asserit: *Manifestum est, quòd si ad ignem manum mittit, & malum ac mors ei placet, id voluntas hominis operatur; si autem bonū & si vitam diligit, non solum voluntas id agit, sed diuinitus adiuuatur: sufficit enim sibi oculus ad non videndum, hoc*

*est ad tenebras; ad videndum verò lumine suo non sibi sufficit, nisi illi extrinsecus adiutorium clari luminis praferatur &c.* Id etiā confirmat S. Prosper in epistola ad Augustinū, scilicet: *De sua habens mobilitate, si deficit de gratie opitulatione, si proficit &c.* Et Cōcilium Araus. cap. 13. apertè docet hoc ipsum, dicendo: *Suam voluntatem homines faciunt, non Dei; quando id agunt, quod Deo displicet &c.* Ex quibus omnibus nō obscure colligitur malum vsum liberi arbitrij debere referri & refundi in ipsum, vt in causam totalem; & bonum vsum eiusdem arbitrij in Deum tanquā in primū Auctorem, & motorem debere referri. Potest etiā hinc colligi, quòd voluntas creata adeò libera est in deficiento & adeò habet in sua potestate; vt deficiat ex eo, quòd sola & prima causa est in deficient-

ficiendo, quòd nili præuenta sit ab auxilio efficacis gratiæ, seu à dono perseuerantiæ, poterit de facto (quando sibi placuerit) deficere à conformitate ad regulam superiorem.

Considera ex Scoto in 2. dist. 44. quæst. vltima sub lit. A. quòd potentia peccandi vel dicit immediatum ordinem ad actum peccandi, vel dicit ipsum fundamentum huius ordinis, ratione cuius habens illud dicitur potens peccare, si primo modo; vel potentia dicit ordinem immediatum ad actum subtractum deformitati, aut ad illam deformitatem, quæ est in actu. Potentia primo modo considerata, scilicet vt dicit immediatum ordinem ad actum subtractum deformitati, est à Deo, sicuti & vterquè extremum; idest sicuti fundamentum illius ordinis & terminus eiusdem, nimirum

potentia ipsa & actus, ad quæ potentia dicit ordinem, sunt ab ipso Deo, cum omne positium sit ab ipso Deo tanquam à causa principaliori, sic etiã ordo ipse est ab ipso Deo. Si secundo modo accipiatur potentia, vt dicit ordinem ad deformitatem, quæ est in actu, tunc talis potentia non est à Deo: quia cum terminus, ad quæ est talis ordo, sit ens priuatiuum, & consequenter nihil sit pro formali, etiã ipsemet ordo nihil, & consequenter non potest esse à Deo: si autem potentia sumatur pro fundamento ordinis utroque modo sumpti, tunc potentia est aliquod positium, & hoc modo potentia peccandi est à Deo, hoc est illa natura, qua habens est potens peccare; potens quidem non efficiendo, sed deficiendo, cuius tamen deficeret istud positium, est proxima ra-

Y y 2 tio,



tio, est à Deo: sicut enim in potentijs passivis seu receptivis, idem est proximum subiectum habitus & privationis; ita potentia activa libera defectibilis est agendo, & deficiendo immediatum subiectum oppositorum, agendo quidem rectitudinis: deficiendo autem peccati & istud absolutum est propria potentia respectu utriusque eo modo, quo potentia potest esse respectu eorum scilicet effectivè, & defectivè,

Aduerte, quòd actus peccaminosi sunt in duplici differentia, quidam sunt boni ex obiecto seu ex genere, vel saltem ut sic, non sunt moraliter mali; habent tamen malitiam & deformitatem adiunctam ex aliqua circumstantia mala, & si quis det eleemosynam propter vanam gloriam, eiusmodi actus licet ex obiecto & ex genere sit bonus, quia dare eleemo-

synam pauperi est actus bonus ex obiecto, quia transit super obiectum conueniens: fit tamen malus ex circumstantia mala adhibita, nempe ex vana gloria. Quidam verò sunt intrinsecè mali ex obiecto, ut à creata voluntate fieri non possint absque peccato, si liberè producantur; huiusmodi sunt actus blasphemix, odij Dei, mendacium & alij consimiles actus, qui habent intrinsecè annexam malitiam morale. Sed hic notandum est, quòd quando dicimus aliquem actum peccaminosum habere intrinsecè annexam morale malitiam, non ita debet intelligi: quasi verò malitia moralis conueniat eiusmodi actui peccaminoso in primo vel secundo modo dicendi per se; quia si sic esset, nullo pacto posset saluari, Deum non esse Auctorem peccati: sed debet intelligi, quòd mali-

malitia moralis sic est alicui actui peccaminoso intrinsecè annexa, quòd nullo pacto fieri potest, quin ipsum naturaliter consequatur malitia moralis, sicuti quantitas à Deo est intrinsecè annexa corpori; vt nullo pacto communiter loquendo fieri possit, corpus non esse quātum: & tamen hoc non obstante ipsa quantitas non conuenit corpori in primo, vel secundo modo dicendi per se, & consequēter distinguitur realiter ab ipso corpore, sic etiam dicatur de malitia intrinseca actus. Ex hoc potest peroptimè saluari, Deū non esse Auctorem peccati; quia licet Deus præmoueat volūtatem ad actum substratum peccato; tamen quia peccatum pro formali, seu deformitas illa intrinsecè annexa actui, potest ipse actus esse à Deo simul & à voluntate, deformitas autem solum à

voluntate. Nec ex eo quòd præmouet nostram voluntatem ad materiale peccati. Deus dicitur Auctor peccati: quia Deus non sub ea ratione præmouet volūtatem ad materiale peccati, quasi impellendo voluntatē ad peccandum: sed solum præmouet sub ea ratione, qua ab æterno ex charitate omnia præordinauit ad seipsum tāquàm ad vltimum finem.

Monendum est, quòd si ex eo quòd Deus physicè præmouet voluntatem creatam ad actū peccaminosum, cui est intrinsecè annexa malitia moralis, dicitur esse Auctor peccati; ergo etiam dicitur esse Auctor peccati: immò multò magis ex eo quòd auxilio simultaneo cōcurrit effectiuè ad entitatem peccati, vt actus est. Consequentia probatur, nam malitia moralis, & deformitas peccati non est minùs anne-

xa actui odij Dei in exercitio, idest non est minus annexa actui ex eo, quod voluntas exercet talem actum, quàm ex eo quod voluntas applicatur ad talem actum; ergo si Deus simul cum voluntate immediatè producit effectiue actum odij Dei, in quantum actus est, absquè eo quod concurrat ad eius deformitatem, etiam poterit prædeterminare & præmouere voluntatē phisicè & efficienter ad eundem actum, in quantum actus est, absquè eo quod illam prædeterminet & præmoueat ad peccatū, vel cōcurrat ad malitiam moralem, quæ consequenter talē actū producit, vt est à volūtate deficiente. Probatur iterum consequentia, quod ex eo quod Deus concursu simultaneo effectiue producit cum voluntate actum, cui annexa est deformitas, magis sequatur Deum esse Aucto-

rē peccati, quàm ex eo quod præmoueat voluntatem ad materiale peccati; quia concursu simultaneo immediatius Deus attingit materiale peccati, quàm per motionē præuiam: ergo si ex opposita sententia Deus non est Auctor peccati, ex eo quod influxu simultaneo effectiue producit simul cum voluntate materiale peccati, non attingendo deformitatem actus peccaminosi; ergo multò magis nō erit Auctor peccati, ex eo quod præmouet volūtātē ad in materiale peccati, quia ex hac præmotione minùs attingit deformitatem actus peccaminosi. Nec valet dicere, quia influxus Diuinus in causas secundas sit indifferens, & consequenter volūtas ad libitum suum poterit, vel benè vti illo vel abuti: nam in alia Propositione ostensum est eiusmodi influxum non posse

se esse indifferentem .

Nota etiam ex Scoto in 2. dist. 5. quæst. 2. per totum, quòd Angelus in primo instanti suæ creationis potuit esse miser nō solūm miseria prænæ, sed etiam miseria culpæ; idest potuit liberè peccare in primo instanti suę creationis, quia in eo instāti habuit potentiam voluntatiā perfectā naturaliter præcedentem actum secundum, & tamen hoc non obstante peccatum nullo pacto refunditur in Deum, vt patet ex Augustino 11. de Ciuit. Dei cap. 13. vbi dicit: *Qui sētiūt malū Angelū peccasse à principio, hoc est quòd semper fuerit sub peccato; non ex hoc cum Manichæis sentiūt ponētibz vnum Deum malū, & itā non esset Deus Auctōr illius mali &c.* Si igitur Deus nō est Auctōr peccati illius, qui peccaret in primo instāti suæ creationis; ergo etiam

Deus nō est Auctōr peccati ex eo, quòd præmouet voluntatem ad materiale peccati. Consequentia patet, quia magis videtur; quòd Deus sit Auctōr effectus coęui causæ, quàm effectus nō coęui: non enim peccatum ad cuius materiale præmouetur voluntas à Deo, & sic necessariò præmotioni, sicuti esset coęuum peccatum mali Angeli ipsi Angelo, si peccasset à principio suæ creationis.

Aduerte, quòd omnes auctoritates sacrę Scripturæ, quibus affirmari videtur Deum non esse Auctōrem peccati, nihil aliud probant; nisi quòd Deus non prædeterminat, & præmouet voluntatem creatam ad peccatum pro formali, seu ad peccatum vt est deformitas & carentia rectitudinis debitæ inesse actui: & probant etiā, quòd Deus non necessitat

no-

nostram voluntatem impellendo eam ad peccatum, sicut dicebant hæretici; non tamen probant, quòd Deus non prædeterminet & præmoueat volútatem creatam ad entitatē positiuam actus peccati, seu ad materiale & ad actum substratum peccato: qui actus substratus cum sit quædam entitas & perfectio positiua, de necessitate debet reduci in Deum, tanquã in primum Auctorem cuiuscunque entitatis & perfectionis. Nec est simile de Deo, & de Diabolo: Deus enim solú cõcursu generali præmouet voluntatē ad materiale peccati tantum; Diabolus verò hominem tentando moraliter inclinât illú ad formale peccati, suadendo scilicet ipsum peccatum: suadet enim actum, vt est contra Deum, & vt habet rationem culpæ; quia quidquid operatur Diabolus vel

formaliter, vel virtualiter refert in malú finem: sed Deus generali concursu mouet solum verè efficienter ad actú, positiuum peccati. Hinc est, quòd Deus non necessitat eius voluntatem, nec præmouet illam ad malum, seu ad formale peccati.

Considera, quòd Deus dispari ratione dicitur trahere hominem ad Christum, & præmouere eius volútatē ad materiale peccati: nam trahendo hominem ad Christum non solum concursu generali præmouet eius voluntatem; sed etiam speciali quadam ratione dicitur trahere illum ad Christum auxilio supernaturali operando in ipso velle, & perficere actus supernaturales: & hoc non solum verè efficienter ex parte potētiae phisicè præmouendo illam; sed etiam moraliter ex parte obiecti illuminando & illustrando intel-

telleſtum & excitando voluntatem proponendo ſibi vel præmium vitę æternę, vel timorem gehennę: ſed præmouendo voluntatem ad actum peccati, ſolùm generali influxu mouet illam ad materiale, & ad actum ſubſtratum peccato. Propterea per ſpeciale auxilium efficaci Deus non ſolùm influit voluntati ipſum agere, ſed etiam benè agere, & ſupernaturaliter agere; per cõcurſum autem generalẽ influit voluntati agere actum peccati, non autem tribuit ei malè agere, ſeu deficienter agere.

Monendum eſt, quòd quando homo in graui tentatione libidinis conſtitutus conſentit peccato, licèt ad eiufmodi conſenſum, vt actus eſt, præmoueaturn à Deo; tamen nullo modo poteſt excuſari, aut de Deo iuſtè cõqueri, & ratio eſt quia in co

inſtanti, in quo à Deo præmouetur eiꝯ volũtas ad materiale peccati, poteſt abſolutè & in ſenſu diuiſo loquendo non conſentire, & conſentiendo liberè conſentit: Ex quo ſibi, & non Deo debet imputare peccatum, ſeu malitiam moralem, quæ ad illum actum conſequitur ex voluntate creata deficiente, & non tribuente reſtitutionẽ, quam teneretur tribuere actui.

Notandum eſt etiã, quòd illud Oſeę; ſcilicet: *Perditiõ tua ex te Iſrael, in me tantũ auxilium tuum &c.* Nõ debet intelligi, quòd in Deo ſit auxilium noſtrum ſolùm in ordine ad operationes moraliter bonas: ſed debet intelligi, quòd eſt in Deo auxilium noſtrum in ordine ad operationes etiam moraliter malas; ſed in ordine ad illas pro materiali tantũ, non autem pro formali.

Ad locum ex cap. 9. ad Rom. respondeo, quòd de reprobis, seu de vasis iræ solùm dicit Apostolus, quòd Deus sustinuerit, non autem quòd præparauerit ea; quoniã non præparauit, nec prædeterminauit ad malum, siuè ad formale peccati: cùm hoc tamen stat, quòd prædeterminauerit ea ad materiale peccati.

Confidera, quòd quando Concilia dicunt Deum non operari peccata, sed ea operari esse refundendum solū in voluntatem creatam deficientem, debet intelligi; quòd Concilia loquuntur de actibus malis formaliter, seu de peccatis pro formali, non autem pro materiali: peccata enim pro formali, quia dicunt carentiam rectitudinis, & conformitatis ad regulam superiorem, sunt quæ Deo displicent, non autem in quantum essentia

sunt; quia vt sic dicunt perfectionem, saltem entitatiuā, nam omne ens in quantum ens bonum est, & consequenter sub hac ratione Deo displicere non potest, aut odio haberi. Vndè in qualibet actione, vt actio est, qui primò inchoat mouèdo potentiam, est Deus; aliter autem voluntas creata esset simpliciter prima causæ suæ actionis, si eius causalitas non reduceretur in aliud agens superius: & consequenter saltem in operando essent duo prima principia; quod est hæresis Manichæorum: Si verò loquemur de ipso peccato pro formali, referendum est in solam voluntatem creatā, quæ ex natura sua defectibilis est; quia ex nihilo est.

Aduerte, quòd differentia, quam Concilium Tridentinum constituit inter opera bona, & mala respectu operationis Diuinæ, idest  
in

in quantum vtraque suo modo sunt ab ipso Deo, in eo consistit; scilicet quod Deus in nobis atque nobiscum operatur, ut operemur bona opera, non solum in quantum actus & entia sunt, & etiam in quantum bona. Mala autem opera operatur Deus in nobis atque nobiscum, solum in quantum actus & entia sunt; non autem in quantum mala sunt. Et hæc expositio clarissime colligitur ex eodem Concilio sess. 6. can. 6. vbi anathematizat eos, qui asserunt Deum operari mala; ita ut bona &c. ergo intentio Concilij est docere Deum operari mala, ita ut idest non eodem modo, quo bona: bona enim (ut dictum est) operatur in nobis, atque nobiscum, & ut etiam sunt, & ut bona sunt; mala autem operatur in nobis atque nobiscum, solum ut etiam sunt, & ita

etiam operatur mala, ut etiam non operetur ea in ordine ad malum.

Monendum est, quod licet hæretici nostri temporis, contra quos loquitur Conciliū in præcitato loco nunquam dixerunt Deum esse Auctorem ad causam peccati, ut peccatum est pro formali: sed potius expressis verbis retulerunt illud sub tali ratione solum in voluntate creatā; tamen id quod ore confitebatur, corde negabant, & verbis ambiguis suam malitiam obtegebant: nam reuera sētierunt Deum esse Auctorem peccati pro formali, sic etiam Pelagius, ut habetur ex Diuo Augustino, verbis quidē negabat; quod gratia daretur secundum nostra merita: & tamē in rei veritate id sēper tenuit, & sensit; sic etiam Lutherani verbis asserbant peccata pro formali non referri in Deum, sed in volun-



tatem creatam, vt offensio-  
nem verbi euitarent: sed in  
rei veritate sentiebant Deū  
esse Auctore peccati & cau-  
sam , quare homo pecca-  
ret .

Et quòd hæc erat eorum  
germana sententia patet ex  
eo, quòd ipsi asseriebant sci-  
licet Deum producere in  
nobis opera mala , sicut &  
bona voluntate creata merè  
passiue se habente ; ità Lu-  
therus. Caluinus autè & eius  
seguaces dixerūt hominem  
necessitari à Deo ad peccā-  
dum, vel à Diuina proui-  
dentia seu prædeterminatione  
 , quàmuis dicerent ho-  
minem spontaneè peccare :  
eo quòd voluntate sua con-  
currebat actiue ad peccatū,  
non tamen liberè. Asserebāt  
etiam Deum nō solūm esse  
veram causam efficientem,  
sed etiā moralē peccati , seu  
quòd homo , vel Angelus  
eccaret : si igitur hæretici

illi, contra quos Concilium  
definit, asseriebant Deum esse  
eodem pacto Auctorem ma-  
lorum sicuti bonorum ope-  
rum, & quòd voluntas no-  
stra merè passiue se habet  
in ordine ad illa ; & asse-  
rebant Deum necessitare ho-  
minem ad peccandum , &  
esse non solūm verā efficiē-  
tem, sed etiam causam mo-  
ralem, quare homo vel An-  
gelus peccat : quomodò po-  
test saluari eos non facere  
Deū Auctore malorū operū  
etiam pro formali ? Parūm  
igitur interest, quòd ex vno  
capite dicebant mala opera  
pro formali non esse refun-  
denda in Deum , sed in vo-  
luntatem creatam ; si ex a-  
lio capite pessimè confitebā-  
tur prædictas blasphemias,  
& pestilentias. Non ergo sa-  
crum Tridentinum Conci-  
lium nihil contra eos con-  
cludit, quia (vt patet) sā-  
tis efficaciter contra eos cō-  
clu-

cludit ; vtinam nunquàm  
necessum fuisset aliquid cõ  
tra eos concludere .

Nota, quòd licet malum  
sub ratione mali non possit  
appeti à nostra voluntate ;  
tamen vel appetitur sub  
ratione boni apparentis ,  
vel appetitur in ordine ad  
consequendum aliquod bo-  
num . Posset etiam ne-  
gari voluntatem non pos-  
se appetere malum sub ra-  
tione mali , vt patet ex Sco-  
to pluribus in locis ; sed præ-  
cipuè in 2. dist. 43. quest. 2.  
licèt problematicè id teneat  
ibi, sed magis declinat ad  
partem affirmatiuam.

Considera , quòd omnes  
auctoritates SS. Patrum, quæ  
negant Deum esse Auctore  
peccati, debèt intelligi ; quòd  
loquuntur de peccato, vt de-  
formitas & carentia est re-  
ctitudinis .

Aduertendum est, quòd  
voluntas nostra non mouet

se in ordine ad bonum vni-  
uersale, & hoc de mente D.  
Thomæ : sed mouetur à  
Deo, in ordine autem ad bo-  
num particulare, & mouetur  
à Deo, & se mouet ; sed si bo-  
num particulare est bonum  
apparens, tunc voluntas mo-  
uetur à Deo influenza ge-  
nerali solùm ad actum pro  
mateteriali : si autem bonũ  
particulare fuerit supernatu-  
rale, tunc voluntas mouetur  
à Deo speciali influxu Diui-  
næ gratiæ .

Moneo, quòd nullum se-  
quitur inconueniens ex eo ,  
quòd Deus præmouet no-  
stram voluntatem ad mate-  
riale peccati : nam deforma-  
tas seu formale peccati inse-  
quitur ad actionem pro ma-  
teriali vt sic, sed sequitur ad  
illam actionem ex eo , quòd  
dicit beatitudinem ad causã  
deficientem .

Notandum est, quòd licèt  
Deus sit prima radix, & cau-  
sa

sa, quare homo hîc & nunc cum tali aduertētia rationis habeat volitionē circa obiectum cōtrarium rectē ratio-  
ni, in quantum volitio talis est actio pro materiali; non tamen est causa, quòd homo deficienter velit illud obiectum, sed eiusmodi deficientia solùm referēda est in voluntatem creatam; homo enim non peccat, quia præcisè vult illud obiectum, sed peccat, quia deficienter vult; Deus autem est causa volūtatis, vt agat, sed non vt efficienter agat, quia Deus nec formaliter, nec virtualiter potest seipso auerti: & hinc est, quòd Deus nunquā præuoluit aut præordinauit, vt Iudas venderet Christum absolutè loquendo, sed solū cum addito; considerando videlicet illam actionem sub ratione entitatis positivæ, quam habuit, & ideò Iudas voluit illam sub eadem ra-

tione, quia Deus voluit illā; nec tamen propter hoc efficitur Deus Auctor peccati, quia malitia moralis non sequitur ad illam actionem, vt ens est positivum; sed sequitur ad causam deficientem.

Considera; quòd licet Deus permittat peccatū pro formali, seū malitiam moralem; actus tamen ad hoc vt infallibiliter sciat omnes actus peccaminosos, & secundum omnes eorum circumstantias oportet, vt intueatur decretum positivum suæ voluntatis, quo prædeterminauit creatam voluntatem ad materiale peccati, & ad omnes eius circumstantias, secundum quòd tales circumstantiæ habent rationem entis, non autem secundum quod habent adiunctā malitiam moralem. Vnde ad hoc, quòd Deus certò & infallibiliter sciat omnes actus

ctus peccaminosos, necessū est, & quòd prædeterminet positivas entitates illorum, & permittat malitias morales eorum.

Moneo, quòd ille ( qui mentitur ) habet aliquod actuale auxilium Dei, quod non habet alius, qui non mentitur: nam ad hoc ut aliquis mentiatur de facto, necessum est, ut præmoueat-ur à Deo ad actum substratum mendacio, ut dicit carentiam rectitudinis; nec ex hoc sequitur aliquod inconueniens, si concedatur quòd producat actum mentiendi (in quātum actus est) discernatur à Deo per auxilium actuale à non producente talem actum in quātum actus est: nam in quātum peccatum est sua culpa, vel malitia, se discernit peccans ab eo, qui non peccat.

Aduerte, quòd Deus voluntate antecedente, quæ so-

lūm est voluntas signi ab æterno, quòd nullus peccaret: cum hac tamen voluntate stat simul in Deo voluntas efficax, quia prædeterminauit, ut aliqui producerent actum peccati, in quātum est ens positium; etenim istæ duæ voluntates non sunt repugnantes, sed potiùs consonant inter se, sicut hæ duo non repugnant, quòd scilicet Iudex velit hominem viuere, in quātum homo est, & eum occidere, in quātum malefactor est.

Nota, quòd licet motio phisica semper præsupponat motionem moralem, ex qua fit obiectum præcognitum voluntati; tamen non oportet, quòd motio moralis sit ab eodem agente, à quo est motio phisica; & hinc est, quòd Deus potest phisicè mouere nostram volūtatem ad materiale peccati, & tamē Diabolus mouet moraliter illam

illū ad formale peccati, suadendo & consulendo illū actum: sed nō potest mouere illum efficienter; vndē nō oportet, quōd Deus ex hoc, quōd phisicē mouet nostram voluntatē ad materiale peccati, mouet etiā ad deformitatem, quā ex voluntate deficientē consequitur actum.

Aduerte, quōd prædeterminare & præmouere voluntatem hominis ad materiale peccati, pertinet ad misericordiam Dei, quatenus per illam motionem reducit potentiam de actu primo ad actum secundum, & eam liberat à quodam defectu, qui est carere actu secundo, & esse in potentia ad illū: omne enim quod est in potētia vt sic, importat quandā imperfectionem, vt per hoc recedat à perfectione Dei, qui est primus actus, & similiter prædeterminatio ac præmotio voluntatis ad ma-

teriale peccati pertinet ad iustitiam Dei, quatenus Deus ex tali præmotione operatur secundum modum conuenientem sapientiæ suæ, & secundum modum & exigentiam creaturæ rationalis, qui modus consistit in libertate: & hoc si præmotio Diuina voluntatis nostræ sit ad materiale primi peccati; si autē sit ad materiale sequentium peccatorū, iā patet, quōd talis præmotio principaliter reducit ad iustitiā, ex eo quōd volūtas nostra præmouetur ad materiale peccati in poenā præcedentis peccati.

Moneo, quōd licet Deus possit præbere nobis auxiliū actuale ad materiale peccati, non tamen potest tribuere nobis habitum vitiosum; quia habitus vitiosus inclinat ad malè operandū. Hinc est, quōd non valet consequentia: Deus non potest tribuere nobis habitum vi-

tio-

tiosum; ergo nec auxilium actuale ad materiale peccati.

Confidera, quòd Deus multipliciter dicitur indurare & excæcare peccatores; primò negatiuè, scilicet non emollièdo cor peccatorum, nec illuminando eorum intellectum: secundò positiuè, sed indirectè, quia videlicet tanquàm Iudex iustus vtitur ministerio Diaboli ad punièdum ipsos reprobos pœna excæcationis & indurationis. Tertiò positiuè occasionaliter, quatenùs scilicet Deus proponit ipsis peccatoribus aliqua, quæ secundū se sunt inductiua ad bonum; tamen ipsi sua malitia in malum proprium ea conuertunt.

Notandum est, quòd sicut peccatum originale non sequitur ad generationem hominis secundum suam naturam, vt generatio hominis est; sed sequitur ( vt dicit )

ordinem ad primum Parentem, qui voluntariè peccauit. Etenim si perseuerasset Adam in statu innocentiae, tunc fuisset vera generatio hominis, absq; eo quòd consequeretur eam peccatū originale, & ita peccatum originale non est à Deo cōcurrente ad generationem hominis promouente ad illam: sed à primo Parente, qui totam naturam humanam sua inobedientia maculauit. Proportionaliter potest dici de peccato actuali, quòd deformitas peccati, seu malitia moralis non sequitur intrinsecè, & ex natura rei ad actū blasphemiae, vel ad actū odij Dei, vt actus est & ens in genere naturæ, etiam in indiuiduo: sed vt procedit à voluntate creata deficiente, vnde in voluntatem deficientē, & non in Deum debet refundi malitia moralis, & defectus peccati.

A a a

Ad-

Aduerte, quòd Deus non solum directè, sed neq; etiam indirectè est, aut esse potest causa, quòd homo peccet. Conclusio hæc est de fide, vt patet in mille locis sacræ Scripturæ, Conciliorum & SS. Patrum; potest etiã probari rationibus, primò quia omne peccatum est per recessum ab ordine, qui est in Deum sicut in finem; sed Deus non potest esse causa, quòd aliquis recedat ab huiusmodi ordine, cùm omnia inclinet & conuertat in seipsum sicut in vltimum finē: ergo impossibile est Deum esse directè causam quare aliquis peccet.

Secundò probatur, quia si Deus directè esset causa, quare homo peccaret; ergo etiam Deus peccaret. Consequens est falsum, ergo & antecedens: consequentia probatur, quia qui causam damni dat, damnum dedisse

videtur; falsitas consequentis de fide tenenda est; sed probatur etiam ratione: nam vt patet ex Scoto in 2. dist. 37. sub lit. D. ratio formalis peccati consistit in auersione ab vltimo fine, & hoc vel formaliter, vel virtualiter & formaliter, vel positiuè, vel negatiuè; sed Deus nullo modo potest auerti à seipso; ergo Deus nullo modo potest peccare. Minor probatur, quia auerti formaliter contrariè ab vltimo fine nihil aliud est, nisi nolle illum finem; quod nolle est ordinare illum finem; sed Deus summa necessitate diligit se ipsum summè ordinatè, & cum omnibus circumstatijs requisitis; aliter esset mutabiliter cōtrariè à seipso. Probatur minor quòd ad secundā partem, quia auerti ab vltimo fine formaliter negatiuè, nihil aliud est nisi non velle illum finem, quòd non velle illum

illum finem est omissio Diuinæ volitionis illius finis : sed Deus ita necessariò necessitate immutabilitatis & ineuitabilitatis amat seipsū, vt nullo pacto omittit, nec omittere potest volitionem suiipsum ; ergo Deus non potest formaliter negatiuè auerti à seipso. Probatur minor quò ad tertiam partem, quia auerti virtualiter ab ultimo fine nihil aliud est, quàm auerti ab aliquo, quod esset necessarium ad consequendum vltimum finem, seu ad volendum vltimum finem : sed nihil à Deo est sibi necessarium ad consequendū, & volendum seipsum ; ergo Deus non potest auerti virtualiter ab ultimo fine, ergo Deus nullo pacto potest peccare, ergo Deus nullo pacto potest esse directè causa, quare aliquis peccet .

Probatur tertio, quòd etiā indirectè Deus non potest

esse causa peccati, quia tunc aliquis est indirectè causa peccati alterius, quando potest & tenetur retrahere illū à peccato, & non retrahit ; sicut nauta tunc est indirectè causa submersionis nauis, quando potest & tenetur eam gubernare, & non gubernat : sed Deus quàmuis possit homines retrahere à peccato conferendo illis auxilium efficax ad vitanda peccata, quòd si præberet, vtique non peccarent ; tamen non tenetur conferre huiusmodi auxilium, aut eos à peccato retrahere, quia secundum ordinem rectū suæ Diuinæ prouidentię quibusdam confert huiusmodi auxilium, quibusdam non : eo quòd ad perfectionem eiusdem prouidentię pertinet permittere, quòd causæ defectibiles aliquādò deficient ; ergo Deus nec etiā indirectè est causa peccati .

A a a 2 Con-



Considera, quòd sicut Diuinum auxilium est causa efficax gratiæ & conuersionis in Deum, ita negatio auxilij efficacis est causa non conuersionis in Deum accipiendò non conuersionem, vt est pura negatio entis, ex qua negatione statim sequitur necessitate consequentiæ, quòd aliquis non conuertatur; & hoc modo dicitur Deus excæcare, & indurare peccatores, negando scilicet illius auxiliũ efficax ad conuersionem. Sed maximè aduertendum est, quòd quando dicimus Diuinum auxilium esse causam efficacem conuersionis in Deum, sicut negationem eiusdem auxilij esse causam non conuersionis in Deum, illa particula (sicut) non dicit omnimodã similitudinem, ac si diceretur Deum æquè Auctorem esse conuersionis & non cõuersionis: hic enim sensus

falsus est, quia Concilium Tridétinum anathematizat eos, qui dixerint mala opera, ita vt bona Deum operari; sed per illam particulam (sicut) solũ significatur negationem auxilij efficacis esse causam nõ conuersionis, si consideretur præcisè, vt est pura & simplex negatio actus non conuersionis, non quidem secundum causam essendi: quasi verò negatio auxilij efficacis sit causa non conuersionis Petri, seu quòd non conuersio Petri sequatur ad negationem auxilij efficacis sicut ad causam per se efficientem non conuersionem Petri; sed solũ secundum causam inferendi, seu consequentiæ: hæc enim consequentia illatiuè solũ est optima, Petrus non habet auxilium efficax; ergo Petrus non conuertetur, & notanter dixi illatiuè solũ, seu in inferendo eiusmodi.

Con-

Consequentia valet, nam in essendo tenet ex alio capite, quàm ex negatione auxiliij efficacis: tenet enim vt sic in essendo ex voluntate Petri efficiente à regula superiori, nam benè valet in essendo & in inferendo hæc consequentia, Petrus deficit à regula superiori; ergo Petrus non conuertitur, quia deficiendo à regula superiori peccat.

Pro cuius clariori intelligentia notare libet, quòd (vt visum est suprà) Deus est primus Auctor ètitatis substratæ peccato; & permittit malitiam, seu deformitatem moralem eiusdem ètitatis: & tamen hoc non obstante hæc consequentia non valet in essendo, Deus est primus Auctor ètitatis substratæ peccato, & permittit deformitatem illius; ergo Deus est Auctor peccati, seu ergo ad concursum ad materiale

peccati, & ad permissionem deformitatis peccati sequitur deformitas peccati. Consequentia probatur, quia (vt suprà visum est) malitia moralis actus non consequitur ad actum, vt actus est: sed consequenter ad actum ex eo, quòd dicit habitudinem ad voluntatem deficientem, vt etiam patet de peccato originali, quod non consequitur generationem humanam vt sic; sed ex eo quòd dicit habitudinem ad voluntatem primi Parentis, nec malitia moralis actus peccati consequitur ad actum ex permissione Diuina eiusdè deformitatis: nam Conciliū Tridètinum confitetur Deū permittere malitias morales peccatorum; & tamen negat Deum esse Auctorem illarum. Potest tamen hæc consequentia valere in inferendo tantum, Deus influit in materiale peccati, & permittit

mittit formale eiusdem peccati; ergo infallibiliter Petrus peccabit: causa tamen in essendo peccati ipsius Petri non est reuocanda ad influxum Diuinum in materiale peccati ipsius Petri, nec in Diuinam permissionem malitiæ moralis eiusdē peccati; sed omnino & adæquate reuocanda est in Petri voluntatem deficientem à superiori agente in operando.

Sic etiam negatio conuersionis in Deum ipsius Petri in essendo, non sequitur ex negatione auxiliij efficacis; quasi verò hæc consequentia sit bona in essendo, Deus negat auxilium efficax Petro, ergo Petrus non conuertitur: eiusmodi tamen consequentia est bona in inferendo, Deus negat Petro auxilium efficax ad conuersionem; ergo Petrus non conuertitur. Hinc ergo est, quòd ratio formalis & causa

adæquata non conuersionis Petri in Deum omnino reuocanda est ad voluntatem deficientem ipsius Petri: vndè hæc consequentia peroptima est in essendo & in inferendo; Petrus in operando deficit à regula superiori, ergo Petrus non cōuertitur.

Ex prædictis potest facilliter exponi illud, quòd habet Scotus in primo dist. 41. quæst. vnica sub lit. B. vbi habet hæc formalia verba: *Sed ex isto actu est istud verum, Iudas erit finaliter peccator positus illis negationibus; scilicet quòd non vult dari sibi gratiam, nec gloriam &c.* Non igitur debet inferri de mēte Scoti, quòd impœnitentia Iudæ ita sequatur ex primo actu positiuo, quem Deus habet circa Iudam positus negationibus præcedentibus; quasi verò ille primus actus positiuus cum negationibus sit ratio formalis, & causa fina-

finalis impœnitentiæ ipsius Iudæ; sed solum debet inferri de mente Scoti, quod hæc consequentia est bona in inferendo solum, Deus permisit præcedentibus negationibus gratiæ, & gloriæ Iudam esse filium perditionis, ergo Iudas infallibiliter fuit finaliter impœnitens: formalis autem ratio, & adæquata causa in essendo finalis impœnitentiæ ipsius Iudæ omninò reuocanda est ad voluntatem Iudæ; quia in operando deficit à regula superioris agentis.

Sed aliquis posset probare, quod negatio auxilij efficaciæ est causa in essendo non conuersionis, seu finalis impœnitentiæ Petri, tali pacto: collatio auxilij efficaciæ est causa in essendo, quia Petrus conuertatur; ergo negatio eiusdem auxilij est etiam causa in essendo, quare Petrus non conuerta-

tur. Antecedens est de fide, consequentia probatur ex illa regula topica: si affirmatio est causa affirmationis, & negatio est causa negationis.

Respondeo negando consequentiam, ad probationem dicitur; quod illa regula valet in causis præcisiss, modò quod Petrus conuertatur: causa præcisa est collatio auxilij efficaciæ, saltem collatio auxilij præoperantis gratiæ, nam voluntas nostra respectu illius auxilij merè passiuè se habet; sed negatio auxilij efficaciæ, nec est præcisa, nec partialis causa non conuersionis Petri loquendo de causa in essendo: nam causa in essendo non conuersionis Petri præcisè, & adæquatè est ipsemet Petrus deficiens ab ordine sibi præfixo à superiori agente; potest tamen dici negatio au-

xilij efficacis causa in inferendo non conuersionis Petri.

Nota quòd nō est neceſſe; quòd ſi effectus aliquis eſt à tali cauſa, quòd etiam defectus eiufdem effectus ſit ab eadem cauſa, quia etiam iuxta oppoſitam ſententiam Deus eſt cauſa moralis noſtræ conuerſionis: & tamen Deus non eſt cauſa moralis noſtræ non conuerſionis, ſed non conuerſio noſtra ſolùm refunditur in noſtram voluntatē deficientem; ergo quòd alij conſiſtetur de cauſa morali, nos. verò conſitemur de cauſa philiſica.

Aduerte; quòd quando dicimus Petrum eſſe cauſam in eſſendo ſuæ non conuerſionis in Deum, tunc non conuerſio non ſolùm accipitur negatiuè, ſed etiam priuatiuè & contrariè, ideſt vt non conuerſio dicit carentiã

& priuationem conuerſionis, ſeu potiùs reſtitutionis debitæ in eſſe. Ex quo ſequitur, quòd duplex eſt differentia inter Deum, & Petrũ in ordine ad non conuerſionem: prima quòd Deus ſolùm in inferendo dicitur cauſa non conuerſionis Petri, accipiendo tamen illã negatiuè; ſecunda quia Petrus eſt cauſa & in eſſendo, & in inferendo ſuæ non conuerſionis accipiendo illam negatiuè, & priuatiuè ſeu contrariè. Vndè in hac cauſali, ideò Petrus non conuertitur, quia non adiuuatur à Deo, quia vel dicit cauſam in eſſendo nō conuerſionis Petri; & ſic eſt falſa, vel dicit cauſam in inferendo non cōuerſionis Petri: accipiendo tamen illam negatiuè non autem contrariè; & ſic eſt vera.

Hinc ſequitur, quòd omnes loci ſacræ Scripturæ, Cō-

ci-

ciliorum & Sanctorum Patrum, in quibus dicitur Deū excæcare & indurare peccatores, sunt exponendi tali pacto; scilicet quòd tradere in reprobum sensum, excæcare & indurare nihil est, quā Deum permittere vt homo peccator seipsum tradat in reprobum sensum, cæcus efficiatur, & induretur.

Ad auctoritatem Ioann. 10. quæ dicit. *Vos non creditis, quia non estis de ouibus meis &c.* Respondeo, quòd illa vox (quia) non importat veram causalitatem, sed infallibilem concomitantiam illationis, ac si diceretur: si non est datum à Deo alicui, vt credat, non credet; quia omne datum optimum &c.

Moneo, quòd inordinatio peccati non sequitur intrinsecè & formaliter ad actum peccati odij Dei, vt odium Dei est entitas positiua: sed solum sequitur ad

actum peccati, vt talis actus prouenit à causa deficiente; vnde actus peccati vt sic est ab ipso Deo, & à voluntate creata: sed actus peccati vt inordinatus & non cõformis regulæ superiori est solum à voluntate deficiente. Sic etiam formaliter ad negationem auxilij efficacis non sequitur intrinsecè, & formaliter seu in essendo & in inferendo non conuersio Petri, accipiendo non conuersionem priuatiuè; idest vt dicit priuationem conuersionis, seu rectitudinis debitæ inesse actui conuersionis: sed non conuersio Petri accipiendo illam priuatiuè & pro formali, solum sequitur ad voluntatem Petri deficientis, qui voluntariè non conuertitur, quando poterat & tenebatur ad Deū conuerti.

Ad negationem autem auxilij efficacis, vt ad præci-

fam, & adæquatam causam, sequitur nōn conuersio Petri, simplex est & pura negatio.

Hoc pōtēst applicari melius tali pacto: nam quōd Petrus conuertatur de facto, seu actualis cōuersionis Petri causa præcisa, & adæquata est auxilij efficacis collatio; sic econtrā negatio auxilij efficacis est præcisa, & adæquata non conuersionis Petri.

Sed notandum est, quōd collatio auxilij efficacis potest accipi dupliciter; vno modo pro auxilio gratiæ præoperantis, quō Deus facit vt faciamus & operemur: alio modo pro auxilio gratiæ coöperantis, si collatio auxilij efficacis accipiebatur primo modo, tunc voluntas creata in ordine ad illā merè passiuè se habet; si autem accipiatur secundo modo, tunc voluntas creata nō me-

rè passiuè se habet in ordine ad illam. Hinc potest dici proportionabiliter, quōd sicut voluntas sic merè passiuè se habet in ordine ad collationem auxilij efficacis primo modo sumptam, vt eiusmodi collatio auxilij efficacis dicatur præcisa & adæquata causa conuersionis Petri; ita etiam voluntas creata sic merè passiuè se habet in ordine ad negationē auxilij efficacis, vt eiusmodi negatio auxilij efficacis, dicatur præcisa, & adæquata causa non conuersionis Petri., vti non conuersio dicit simplicem & puram negationem conuersionis, seu vt dicit ipsammet negationem auxilij efficacis.

Si queratur, quare Deus aliquibus non confert auxiliū efficacē; respōdeo, quōd non collatio auxilij efficacis, vel dicit simplicem negationem, vel dicit priuationem;

si non collatio auxiliij efficacis accipiat<sup>r</sup> primo modo, tunc non est querenda ratio: quare Deus non confert aliquibus auxiliū efficax, sed pro ratione debet assignari beneplacitum Diuinum; si verò secundo modo accipiat<sup>r</sup>, pro ratione potest assignari peccatum præcedens: nam Deus in pœnam præcedentis peccati, negat aliquibus auxilium efficax.

Not<sup>a</sup>, quòd auxilium efficax dicitur causa, seu aliquid prohibens peccatum futurum; si quis ergo remoueret eiusmodi prohibens, quādo poterat & tenebatur remouere illud, si aliquod damnum seu peccatum subsequatur ad talem remotiōnem prohibentis illud, eiusmodi damnum est, & peccatū indirectè imputamur ei, qui remouet prohibēs: Deus autem licet possit, tamē nullo pacto tenetur non remo-

uere prohibens, idest auxiliij efficacia, quæ impedirent peccata futura; & ideo non dicitur Auctor peccati, nec etiam indirectè.

Ad illud Osee cap. 13. respondeo, quòd perditio Israel non consistit in negatione conuersionis, vt negatio, seu vt dicit simplicem negationem auxiliij efficacis: nam negatio conuersionis, seu negatio auxiliij efficacis formaliter non est culpa, vel peccatum; sed consistit in deordinatione & priuatione rectitudinis, vel conuersionis, vel alterius actus debiti in esse: & quia huiusmodi deordinatio, vel priuatio nō in Deum, sed in solam creaturam voluntatem deficientem reducitur; ideo non potest rectè dici, perditio tua ex me Israel, sed perditio tua ex te Israel.

Ad locum Ecclesiast. 15. dicentis: *Nè dicas, per Deum abest*



*abest* &c. Respondeo, quòd  
verum est, quòd non stat;  
neq; per Deum abest, quòd  
homo non conuertatur, sed  
per ipsum hominem: nam  
Deus voluntate antecedenti,  
& quantũ est de se paratus  
dare gratiam omnibus iuxta

illud; *vult omnes homines  
saluos fieri*, & quidquid  
Deus vult antecedenter, vel-  
let consequenter, nisi adef-  
set impedimentum, quod  
impedimentum homo ipse  
propter suam culpam præ-  
stat gratiæ.

F I N I S :



397.844







